




Меметов А.М., Акъмллаев Э., Алиева Л.А. Къырымтатар тили 9

2017



Меметов А.М., Акъмллаев Э., Алиева Л.А.

Къырымтатар тили

9

Право для безоплатного розміщення підручника в мережі Інтернет мас

Міністерство освіти і науки України <http://mon.gov.ua/> та Інститут модернізації змісту освіти <https://imzo.gov.ua>

Меметов А.М., Акъмоллаев Э., Алиева Л.А.

КЪЫРЫМТАТАР ТИЛИ

9

сыныф

*Окъутув къырымтатар тилинде алып барылгъан
умумтасиль окъув юртлары ичюн*

*Украина тасиль ве илим назирлиги
тарафындан төвсие этильди*

«Букрек» нешприят эви
2017

УДК 811.512.19(075.3)
M49

*Рекомендовано Міністерством освіти і науки України
(наказ від 20.03.2017 № 417)*

**Видано за рахунок державних коштів.
Продаж заборонено**

*Експерти, які здійснили експертизу даного підручника під час проведення конкурсного відбору
проектів підручників для 9 класу загальноосвітніх навчальних закладів
і зробили висновок про доцільність надання підручнику грифа
«Рекомендовано Міністерством освіти і науки України»:*

Люманова С. Ф. – вчитель Новоолексіївської ЗОШ № 1 Генічеського району Херсонської області;

Сарібілялова З. М. – вчитель Новоолексіївської загальноосвітньої школи І–ІІІ ступенів № 1;

Тищенко-Монастирська О. О. – молодший науковий співробітник Інституту мовознавства ім. О. О. Потебні НАН України, кандидат філологічних наук;

Годлевська І. В. – експерт з антидискримінаційних питань.

Меметов А. М., Акмаллаєв Е., Алієва Л.А.

M49 Кримськотатарська мова: підручник для 9 класу загальноосвітніх навчальних закладів з навчанням кримськотатарською мовою / Меметов А. М., Акмаллаєв Е., Алієва Л.А. – Чернівці: Видавничий дім «Букрек», 2017. – 208 с. : іл. – Кримськотатарською мовою.

ISBN 978-966-399-861-9

УДК 812.512.19(075.3)

Меметов А. М., Акъмоллаев Э., Алиева Л.А.

M49 Кырымтатар тили: 9-ынджы сыныф ичюн дерслик, окъутув кырымтатар тилинде алып барылгъан умумтасиль окъув юртлары ичюн / Меметов А. М., Акъмоллаев Э., Алиева Л. А. – Черновцы: «Букрек» нешрият эви, 2017. – 208 с. : ресимли. – Кырымтатар тилинде.

ISBN 978-966-399-861-9

УДК 812.512.19(075.3)

ISBN 978-966-399-861-9

© Меметов А. М., Акмаллаєв Е., Алієва Л. А., 2017

© Видавничий дім «Букрея», 2017


Урьметли талебелер!

Сизлерни янъы окъув йылынен хайырлаймыз ве кене де ана тили алемине давет этемиз. 8-инджи сыныфта биз сизлернен къырымтатар тилининъ синтаксисинен багълы назарий къайделернен ве нутукъ инкишафына айт меракълы меселелернен та-ныштыкъ.

Бу окъув йылында да, муреккеп джумле, кочюрильме ве къыя лаф киби, бир сыра синтактик бирлемелер акъкъында малюмат менимсейджексинъиз. Бундан гъайры, сыныфдашларынъынен берабер субетлешип, метинлер тизип, агъзаний ве язма нутукъларынъызын инишаф этеджексинъиз.

9-ынджа сыныф дерслиги ашагъыдаки тертилде тизильген: кечкен мевзууларны текрарлав дерслеринден сонъ, муреккеп джумле, кочюрильме ве къыя лафкъа багъышлангъан дерслер бериле. Багълы нутукъкъа айт дерслерде нутукъ чешитлери, шекиллери услюплери акъкъында бильгилеринъиз текрарлана ве янъы малюмат изалана.

Эр бир дерсте, назарий малюматны текрарламакъ ве пекитмек ичюн, чешит тюрлю мешгъулиетлер (ишлер) бериле. Сиз беджереджек вазифелер ашагъыдаки ренкли бельгилернен къайд этильген:



- Къаиделерни эзберле!
- Къаидени текрарла!
- Къаидени къуллан!
- Суаллерге джевап бер!
- Эв вазифеси.

Урьметли балалар, деделеримизден къалма икметли сёзлерни унутманъыз:

Китап — бильги анахтары.

Китап язмакъ — иненен къую къазмакъ.

Дерсликнен къулланыр экенсиз, сизден сонъ ана тилини огрендежек къардашларынъыз акъкъында къайгъырынъыз: олар ичюн де бу китап бильги анахтары, менбасы олсун. Олар да темиз, бюльбер китаптан тувгъан тилимизнинъ гузеллиги, аэнклиги, назариеси акъкъында бильги алсынлар.

Бильги къазанмакъ къыйындыр, бунъа бакъмадан, тиль алемине меракълы сеяткъа оғъурлы ёллар олсун!

ЭДЕБИЙ ТИЛЬ ВЕ ШИВЕЛЕР

1-инди иш. Берильген метинни дикъкъатнен окъунъыз ве услюбини бельгиленъиз.

Инсан джемиетинде эсас алякъа вастасы фактъат агъзавий нутукъ шеклинде олгъян. Биринджи девирлерде язы олмагъан. Джемиет инкишафтынынъ невбеттеки басамакъларында осип баргъян икътисадий ве медений талаплар ихтияджы нетиджесинде, язы мейдангъа келе.

Язынынъ пейда олуwy эдебий тильнинъ мейдангъа кельмесине себеп ола. Тильнинъ малюм нормаларгъа кирсетильген, малюм къаиделерге бойсундырылгъан шеклине эдебий тиль дейлер.

Эдебий тиль яваш-яваш шекиллене, теракъкъият эти. Эдебий тильнинъ адамлар арасында даркъалмасында мектеп, радио, газета, журнал, бедий эдебият ве тележынлар хызмет этелер. Эдебий тильнинъ вазифеси халкънынъ милlet олып шекилленген девринде юкселе, къуветлене; чонки миллий эдебий тиль ана шу милlet кишилерининъ бутон иш фаалиетини къаплап алгъян алда акс эттире.

Миллий эдебий тильнинъ эки шекли бар:

- 1) язма шекли;
- 2) агъзавий шекли.

Миллий тиль тюшюнджеسي, эдебий тиль тюшюнджесине коре, бағызы кенъ: миллий тиль маалле шивелерини де озь ичине ала, эдебий тиль исе бир я да бир къач эсас шивелер эсасында пейда ола. Башкъа шивелерден эдебий тильге тек айры характерли лексик ве морфологик элементлер сайланып алына.

Меселя, къырымтатар тилинде бир къач шиве бар:

- 1) шималь (къыпчакъ) шивеси;
- 2) дженюп (огъуз) шивеси;
- 3) орта ёлакъ (къарышыкъ огъуз-къыпчакъ) шивеси.

Бу шивелернинъ эр биринде озюне айт фонетик, лексик, грамматик хусусиетлер мевджут. Къырымтатар эдебий тили юкъарыда косятерильген учь шиведен бирине — орта ёлакъ шивесине эсаслана, чонки бу шиведе лакъырды эткенлерни эм шималь, эм дженюп шивелеринде лаф эткенлер яхшы анъайлар ве орта ёлакъ шивесининъ фонетик, лексик ве грамматик имкяnlары, къалгъан эки шивеге коре, зиядедже, зенгинджедир.

Шуны къайд этмек керек ки, къырымтатар эдебий тилининъ шекилленювинде шималь ве дженюп шивелерининъ вазифеси гъает буютири.

(А. Меметов)

Метиннинъ кенъ ве тар мевзуларыны бельгилеп, планыны тизинъиз.

2-ндже иш. Ашагъыдаки аталар сёзлерини окъуп, ифаделеген маналарыны изаланъыз.

Тилини унукътан илини унутыр.

Тили татлы чокъ яшар.

Тиль — акъыл теразеси.

Тильге итибар — ильге итибар.

Тильден эм бал тамар, эм зеэр.

Тиль — къылыштан кескин.

Тиль таш ярап, янъылса, баш ярап.

Татлы тиль, зеэрли тиль ибарелерини насыл анълайсынъыз.

3-юндже иш. Юкъарыдаки метин ве аталар сёзлерине, ашагъыдаки икметли сёзлерге эсасланып, «Эдебий тиль ве шивелер» мевзусында икяе метинини язынъыз.

Эдебият бу — ойле лакъырды ки, онынъ давушы узакъларгъа кете, о, ойле бир тиль ки, онынъ давушы бинъ йылдан сонъ да эшитиле биле. Эдебият акъыл ве ахлякъ хазинесидир. Эр бир халкъ бу хазиненинъ саibi олмакъ керек.

(И. Гаспринский)

8-инджи СЫНЫФТА КЕЧИЛЬГЕНЛЕРНИ ТЕКРАРЛАВ

2-нәджи дерс

4-юнджи иш. Ашагъыдаки суаллерге джевап беринъиз.

1. Грамматика фени насыл болюклерден ibaret?
2. Синтаксис нени огрене?
3. Сөз бирикмеси деп, насыл бирлешмеге айталар?
4. Сөз бирикмелери насыл чешитлерге болюнелер?
5. Тизимине коре, насыл сөз бирикмелерини билесинъиз?
6. Баш сөзинъ ифаделенмесине коре, сөз бирикмелери насыл чешитлерде олалар?
7. Сербест сөз бирикмелери, тургъун сөз бирикмелери ве муреккеп сөзлөр арасында насыл умумий ве фаркълайыджы хусусиетлер бар?
8. Сербест сөз бирикмелеринде сөзлөр озыара насыл багъ усуулларынен багъланалар?

5-инджи иш. Берильген метинни окъунъыз. Сөз бирикмелерини сечип, ашагъыдаки тертипте талиль этинъиз.

Сөз бирикмелерининъ талиль тертиби:

1. Сөз бирикмесининъ чешити:
 - а) тизимине коре;
 - б) баш сөзинъ ифаделенмесине коре.
2. Сөз бирикменинъ багъ усулы.

Джемиль, аягъыны къутарып, къолайсыз кевдесине бакъмадан, оны “янбашкъа” алыш, ерден баягъы котерип, дераль аркъасы устюне шыпыргъан. Куреш мейданында, халкъ бир шей анъланап оламагъанындан, буюк гурюльти чыкъкъан. Бир такъымлары: «Акъсыз, акъсыз!» — деп багъыргъанлар. Ерли пельван, еринден турып, халкъкъа элини котерип: «Бу — пельван дегиль, арсландыр!» — деген сонъ, халкъ тынчлангъан. Джемильдинъ янында экинджи пельван пейда олгъан. Кене къушакъларны тешкергенлер. Экиси де, санки бир къыяфетте, затен, бири-бирине ошап келе, атта отургъан ерлерinden турып, ерге текrar отуралмай, чешит юрек алышды сөзлөр иле озь ватандашларыны рухландыра экенлер. Джемиль базы бир дақъикъаларда атта шубеге къала башлагъан.

(С. Эреджепова)

6-нұджы иш. Берильген сёз бирикмелерини учъке болип язынъыз:
а) сербест сёз бирикмелери; б) тургъун сёз бирикмелери; в) муреккеп сёйлер.

Ачыкъ сары, сары тюс, сары тюс антер, козъден чыкъмакъ, козюне чёп тюшмек, козь бебегидай сакъламакъ, козъ-къулакъ олмакъ, сёз бермек, сёз язмакъ, сёз алмакъ, тура язмакъ, мектюп язмакъ, баш язысы, дефтердеки язы, къол къоймакъ, къалемни къоймакъ, имза чекмек, аман бермек, тыныш алмакъ, китап алмакъ, кете бермек, бахшыш бермек, баш айландырмакъ, чапып кетмек.

7-нұджи иш. Ашагъыда берильген схемаларға эсасланып, исми сёз бирикмелерини асыл этип, бир къач данесини уйдурғын джумлелер ичинде къулланынъыз.

сыфат
замир
сайы
сыфатфииль

гуль

замир
зарф
сыфат
сайы

дюльбер

сайы
сыфат
замир

дёрт

исим
замир

эписи

3-юнджи дерс

8-нұджи иш. Ашагъыдаки шиирни окъунъыз. Сёз бирикмелерини сечип, ашагъыдаки джедвельге ерлештиринъиз.

Исми сёз бирикмелери	Фииль сёз бирикмелери

Нидже йыллар ягъмурларнен ташкъан гурь озен,
копюрни де алыш кеткен базан еринден.
Бир чокъ инсан бу ерлерде белягъа къалгъан,
копюорсиз кой вахший сельни лянетнен анъгъан.

Бир ялыдан дигерине чыкъам дегенлер,
кямилъ уста тапып, мында алыш кельгенлер,
сонъ бирлешип, бу дереге копюр тиккенлер;
къыр, чёллөргө эмек тёккен, сачкъан, эккенлер...
Кичик эдим, бир къыш куню шу копюрден мен
ильки дефа кечип кеттим гъамлы бабамнен.
Эм анъладым: эр бир халкънынъ юрту, ёлу бар,
онъа садыкъ олмакъ керек йигит олгъанлар!..
Ильки дефа шу копюрде далдым хаялгъа:
чабдырылды ашагъыда октемли далгъа,
онынъ эпкин окъталувы, шувултысындан,
афатлардан кучълю экен Эмек ве Инсан!

(Р. Мурад)

9-ынджы иш. Ашагъыдаки суаллерге джевап беринъиз.

1. Нутукъынъ насыл бир къысмына джумле дерлер?
2. Джумлелер насыл аляметлерге коре тасніф этилелер?
3. Тизимине коре, джумлелер насыл чешитлерге болюнелер?
4. Макъсадына коре, джумле чешитлерини изаланьыз.
5. Бир теркипли джумлелер насыл чешитлерге болюнелер?

10-унджы иш. Ашагъыда берильген метинни окъунъыз. Джумлелерни ашагъыдаки тертипте талиль этинъиз:

- а) тизимине коре, чешити;
- б) макъсадына коре, чешити;
- в) баш азаларнынъ иштирагине коре, чешити;
- г) экиндже дередже азаларынынъ иштирагине коре, чешити.

Амет уянгъанда, анасы Насибе:

— Саба шерифинъиз хайырлы олсун! Буюрынъыз! — деп, сабалыкъ къаве бермекте эди.

— Саба шерифинъиз хайырлы олсун! — деди Амет де, софагъа чыкъып, анасынынъ-бабасынынъ къаве ичип-отургъанларыны корыген сонъ.

— Эвалла, огълум! Балабан акъай ол! Санъа да сабалар хайыр олсун! — ана ве баба, софадан кечип, азбаргъа чыкъаяткъан Аметтинъ артындан ифтихарнен бакътылар.

Амет эвден чыкъында, мектепке даа эрте эди. О, Юкъары парк тарафкъа кете. Даа эрте олса да, кунеш къыздыра. Эр вакъыт япрачыкъларны къыбырдаткъан серин ель де эсмей. Биш адамлар сабадан денъизге, салкъын сувгъа ашыкъалар.

Кокте булут ёкъ. О да, денъиз киби, мас-мавы. Узакъта денъизнинъ уфугъы биле белли олмай. Денъизнен кок, бирге къошуулгъан киби, пек буюк. Дюнья къадар! Озю де дайма арекетте. Денъиз — гузель. О да кокке бенъзей. Уджсуз-бужакъсыз, муджизели кокни анъдыра...

(Р. Фазыл, Л. Софу)

11-нджи иш. Аталар сёзлерини окъунъыз. Джумлелерни юкъарыда берильген тертипте талиль этинъиз.

1. Яз ели ярдай атны йыкъар.
2. Яз куню атнынъ учь аягъы сувда, бир аягъы унда олур.
3. Язнынъ куню къыш беслер.
4. Язнынъ чёплюги — къышнынъ аши.
5. Яз джарлынынъ, къыш барлынынъ.
6. Язықълар олсун кечкен кунюме, шукюрлер олсун бугуньки кунюме!
7. Яз ягъмуры тез кечер.

4-юнджи дерс

12-нджи иш. Суаллерге джевап беринъиз.

1. Сойдаш ве айырылма азалар языда насыл токътав ишаретлеринен къайд олуналар?
2. Грамматикаджа джумле азаларынен багълы олмагъан сёзлер акъкъында малюмат беринъиз.
3. Там олмагъан ве азаларгъа болюнмеген джумлелернинъ хусусиетлерини изаланъыз. Джевапларынъызды мисаллернен тасдыкъланъыз.

13-юнджи иш. Метинни окъунъыз. Кириш сёзлер ве айырылма азаларнен кельген джумлелерни сечип, дефтеринъизге язынъыз. Токътав ишаретлерининъ къоюловыны изаланъыз.

Белли олгъаны киби, арбий хызметке чагъырылгъан яшлар ичюн арбий къанунларгъа бойсунув бирараз зор келе. Чюнки анда тертип-низам бам-башкъа. Аскерликке чагъырылгъанлар,

эвлеринде олгъаны киби, истеген вакъытларында ятып, истеген вакъытларында турып оламайлар. Анда базылар шарайтке тез алышалар, базылар исе баягъы вакъыткъа къадар къыйнала.

Хусусан, дайма сафта юрьмесине алышмакъ пек къыйын ола. Кимерде ялынъыз башынъа къалып ойланмакъ, раатланмакъ озы-озюнъинъ гонъюлинъи алмакъ истейсинъ...

Лякин эписи бир инсан эр шейге алыша, белли бир вакъыт кечкен сонъ, атта шу раатсыз омюрден биле, кет-кете лезет алыш башлай. Насыл олса да, сонъундан Ордуда хызметлерини битирип кельген яшлар, энди кечирген вакъытларыны истекнен хатырлайлар, эм арбий хызмет яшлар ичюн эрлик мектеби олгъаныны пек яхши анълайлар.

(Р. Мурад)

14-юнджи иш. Ашагъыдаки метинни окъунъыз. Бир теркипли джумлелерни кочюрип, синтактик талиль этинъиз.

Эбет, дюньямыз денъише. «Козълеримде денъишмеген тек бир сен къалдынъ», — дегениме бакъма, анам, мен де денъишмейим. Денъишталмам. Билесинъми, аначыгъым, мен бу ерде бир къафес ичинде яшайым. Меним бу къафес аятым шимди дегиль, йыллар эвельси башланды. Яхши хатырлайдырыснынъ, айырылыгъымыз аскерге алынгъан кунюм башлангъан эди. Бираzdан дженк чыкъты. Джэнклештим. Эсир олдым. Сонъра мустакъиллигиме къавуштым. Амма сенсиз бу мустакъиллик сакъат ве эксик эди. Санъа къайтаджакъ кунюмни йыллар девамында бекледим. Къайтмадым. Къайталмадым. Санъа къайталмайджатыма къанаат кетиргенимнен, мени аякъта тута биледжегинъе, аятыма керчек дегер ве анъlam бере биледжегинъе инандыгъым эр шейимни акъылымда топлап, бу къафесинъ ичине толдурдым. Ах, шу аньде, яткъан еринъден башынъны котерип, меним бу къафесиме бакъа бильсенъ! Нелер ёкъ меним бу къафесимде! Мавы козълеринъинъ мавысындан Гурзуф денъизи, Аюдагъ, Келинкъая, Топкъая ве Адалар; Сары Чёmezинъ тарласы, азбардаки сылавлы фурун ве Пилибашы; эр баарь акъларнынъ энъ акъы иле чечек ачкъан алма тереклери; Къыдырлезде мезарлыкъ къорасы астында чечек фиделерини отурткъан къызлар; Дервиза куньлеринде байракъ туткъан деликъанлылар ве торгъайлар, сакъсагъанлар, къаратавукълар; къасымда яйлягъа ягъгъан ильк къар... ве мен.

(Дж. Дағъджы)

15-инджи иш. «Алиме Абденнанова — халкъымызының къараманы» серлевалы инша язынтыз. Язджакъ метиннинъ услюбини бельгилеп, план тизинъиз. Джумлелеринъизде хитап, айырылма ве сойдаш азаларны къулланынтыз.

5-инджи дерс

16-нджы иш. Шиирни окъунтыз. Хитапнен кельген джумлени сечип, дефтерге кочюринъиз, синтактик талиль этинъиз.

Буюк бир къабристан олып корюне
Кечкен отузынджы-къыркъынджы йыллар...
Нидже халкъ ве миллет онъа сюрюне,
Акъсыз олюлерге толды бу ёллар...

Акълымда, огютлер берирди анам:
«Эвлядым, шейтке къульвалла окъу!»
Бугунь миллионларны яныкънен анъам,
Тениме санчыла акъсызлыкъ окъу.

(Ш. Селим)

17-нджи иш. Метинни окъунтыз. Хитапнен кельген джумлелерни сечип, дефтеринъизге язынтыз ве синтактик талиль этинъиз.

Олар, энишликлер ичинден, чёллер ортасында котерилип турған тёпе ве къурғанлар артындан гизленип кеткенлерinden, ёлда ич бир дубарагъя огърамадылар. Къонакъбайның ёллукъ берген чантасындаки отымек ве къакъча оларгъя эки куньге — Ор къапусына баргъандже, етти. Ялынъыз сувдан замет чектiler. Ёлларында расткельген гольчиклердеки сув тузлу эди.

— Сагълыкълашмакъ вакъты кельди, достум, — деди Алим Сиваш ялысындаки тараачыкъ ёлның әндегинде аттан тюшип. — Янты урбанъ, хусусан къаракуль къалпагъынъ, санъа пек яраша. Оны омюорбилля сагълыкъ-селяметликтө ташы.

Олар экиси де аз бир вакъыт Сиваш ялысында сусып отурдылар.
— Миша, манъа мектюп язарсынъмы?
— Джан-къурбан, Алим агъя, лякин къайдаларгъя язайым?..
Эм, акъикъатен, ери-дурагъы олмагъян адамгъя мектюп язылырмы?

(Ю. Болат)

18-инджи иш. Метинни окъунъыз. Кириш сөзлернен кельген джумлелерни сечип, дефтеринъизге языныз ве синтактик талиль этинъиз.

Адetti узьре, Джемиль, курешнинъ башламасы иле битмеси арасында чокъыт вакъыт кечсе, курешчилер болдургъаныны ве рухтан тюшкенлерини халкъ биле сезгенини билип, курешни даима биринджи дақъялаларда екюнлер экен. Лякин бу сефер къаршысындаки адам, бир тамла сув киби, Джемильге ошай экен... Ниает, Джемиль, курешчинен бир козъ-козъге бакъялан дақъяасында, онынъ зияде терлегинини ве артыкъ зияде созулса, эллerinинъ таяджагъыны ве курешчининъ эльден сыптырыладжагъыны тюшюнген ве бирден, оны ыргъакъта алмай котерип, бир сагъгъа, бир солгъа саллап, аркъасы устюне шыптырып, коксю устюне элинен баскъан...

Он йыл ичинде ильки кере ерде, бала киби, аджив яткъан курешчини корыген халкъ пек айретте къалып, бир чокълары куреш мейданына чапып тюшкенлер. Халкъны токътатмақъ ичюн, куреш башына чокъ керелер:

— Тынчланынтыз, эфендилер! Бу ерде къувет укюми бар, куреш догърудыр! — деп бағъырмакъ керек олгъан. Ниает, халкъ тынчлангъан.

(С. Эреджепова)

19-ынджи иш. Метинни окъунъыз. Айырылма азаларнен кельген джумлелерни сечип, дефтеринъизге языныз ве синтактик талиль этинъиз.

Ай-Петри тюбюнде ерлешкен, къуш ювасына бенъзер, кичик эвнинъ азбарында недендиp раатсызлангъан ири, къара козълю дюльбер къадын тура. Узун сачакълы юнь шалы омузлары устюнден ашагъы саркъялан. Тюшюнджели козълерини мавы денъизнинъ кениш уфугъына тикип, ойгъа далгъан. Дженк фелякетинден безген-усангъан яш къадын денъизге, андаки ят гемилерге, биревлернинъ улькесини талайыджы айдутларгъа бақъаракъ, санки кимгедир суаль бермекте: «Инглизлер, я да франсызлар... сизлер кимлерсинъиз? Сизинъ озъ топрагъынъиз ёкъмы? Сиз бизлерни не вакъыт тынч быракъаджакъысынъиз?!»

Эбет, ильки эвлядыны-тонгъучыны эеджанлы алда беклеген эр бир ана киби, шу яш къадын да шимди озю ичюн айдын, къуванчлы, тынч шарайт истей.

(Р. Фазыл, Л. Софу)

БАГЪЛЫ НУТУКЪ

Китапнен чалышув

20-нұджи иш. Ашагъыда берильген китап, әдебият акъкъындағы кириллицаға аталарап сөзлериниң оқынушылығы. Иккяе этинъиз: бизим омрюомизде китап насыл вазифени беджере? Китапны насыл оқуымалы?

Инсан китаплардан әр шейни тапар. Олар адамны әм кульдюрир, әм ағълатыр. Китап саифелеринде биз къышның энъ зеэрли сувукъларында, омюрнинъ энъ аджды дақъқъаларында юреклерине кирер, къан дамарларында долашыр, тюшонджелерини, дүйгүларыны корер, әшитмеген шейлери-мизни әшитир, бизге де бильдирилдер.

Китаплар күзьги кибидирлер. Оларда бутюн омюримиз джанланыр. Юреклеримиздеки энъ чиркин, энъ пис дүйгүларымызынъ янындаки энъ гузель ве энъ темиз дүйгүларымызында коремиз. Олар бирер ибret мейданыдыр. Виджданларымыз оларның къатында майышыр, ағълар, ишлеримиз дөгърулыр, юреклеримиз темизленир.

(А. Одабаш)

1. Китап — бильги анахтары.
2. Китап язмакъ — иненен къую къазмакъ.
3. Бильгенинъни сёйле, бильмегенинъни — динъле.
4. Бильги саibi бильгиге тоймаз.

Окъугъан вакъытта, къыскъа языларны алыш бармалы: энъ эвеля, муэллифнинъ адыны, окъугъан менбаның адыны, серлевасыны (китап, журнал, макъале олсун); не вакъыт, не ерде ве насыл нешприятта дердже олунгъаныны; къач саифеден ибарат олгъаныны; әгер макъале олса, басылгъан журналның дердже олунгъан йылды ве нусхасыны къайд этмели.

Языларны тезис я да конспект шеклинде язмакъ мумкун.

Тезис — къыскъа шекильде тизильген эсас малюмат, китапның (макъале, лекцияның) фикирлери.

Тезистеки язылар малюматның эсас фикрини, гъасини изченликнен ифаделейлер.

Конспект — китап, макъале, джевап, марузаның күйсікъартып язылған шекли. Конспектке эсас фикир, факт, мүэллифнинъ сөзлери, сан ве сайылар, мисаллер языла.

Окъулған метинни мүэллифнинъ сөзлери иле къайд этмек мумкун. Бундан гъайры, мүэллифнинъ фикирлерини озъ сөзлеринъизнен конспектлештиремек мумкун.

Тезис я да конспект тизов, маруза я да чыкъышқа азырланғанда, пек муим вазифени беджере.

21-ндже иш. Берильген метинни окъуп, мундериджесини тезислер шеклинде язынъыз.

Отузынджы сенелердеки къырымтатар бала эдебиятының шекилленmesи ve осьмесине иссе къошкъян мүэллифлернинъ хызмети гъает буюктir. Оларның эсерлеринде акс олунгъан миллий тасвирий васталар мүэллифлернинъ бу саада япкъан юксек хызметлерини исбатлайлар.

Яш несильни тербиелев меселеси бу мүэллифлернинъ нокътаи-назарындан ич бир вакъытта четте къалмагъаны да эдебият ичюн буюк къазанчтыр. Несильден-несильге етип кельген миллий вариетни темелли огренип, оларны озъ эсерлеринде усталыкънен джанландыргъанлары да медений мирасымыздың индженерлер сыйылмақтa.

Бу миллий къазанчлар отузынджы сенелерде ижат эткен мүэллифлернинъ эсерлеринде чарелери ve усталыкъларына коре, тасвир олунгъаны ичюн, пек фаркъ этелер. Шу себеп иле бу сенелерде балаларға уйгъун эсерлер яратмагъа мұвафақъ олгъан баладжанлы шаирлернинъ сырасы шу къабилиеттинъ тесиринде артты.

Бойле корюмли, адхайип бала рухиетини терен анълагъан шаирлеримизден бири Джемиль Кендже отузынджы сенелердеки бала шириетининъ мевзу ve мундериджесини кенишләтти. Миллий аньанелерни эсерлеринде усталыкъ ve кымилликнен файдаланып, къырымтатар бала шириетини зенгиллештириди.

(Т. Усенинов)

22-ндже иш. Ашагъыдаки мевзулардан бирине, чыкъыш япмакъ ичюн, план, тезис я да конспект тизинъиз.

«Къырымның энъ дюльбер кошелери», «Сөз чешитлернинъ морфологик хусусиетлери», «Сенинъ адынъ насыл мананы анълатса?», «Сен бегенген телевизион яйын акъкъында».

МУРЕККЕП ДЖУМЛЕЛЕР

7-нұджи дерс

Муреккеп джумле. Багъ усулларына коре, муреккеп джумлелернинъ чешитлери

23-юнджи иш. Ашагъыда берильген джумлелерни ifадели окъуышыз. Муреккеп джумленинъ теркибинде кельген адий джумлелерни къайд этинъиз. Олар озыара насыл усулнен багълангъанлар? Муреккеп джумленинъ интонациясына дикъкъят этинъиз. Муреккеп джумледеки адий джумлелер бири биринен насыл багъ усулынен багъланалар: бири дигерине бойсунмай тизилип келелерми, я да бир къысмы экинджи къысмына таби олып келеми?

1. Ана-бабанъа насыл урьмет этсенъ, санъа да ойле урьмет эттерлер. (Ат.с.)
2. Бааръ кельгенде, авушыдже къушлар учып келелер. (И.П.)
3. Даlgъалар юксек шувултынен къаягъа урула, этрафқъа сув сачрай. (А.О.)
4. Арабаны токъттаттылар, Эсма, сыкъ-сыкъ нефес алып, арабанынъ янына якъынлашты. (А.О.)

Муреккеп джумле мана ве интонация джеэттен бириkip кельген эки я да бир къач адий джумледен тизильген ве там фикир ifаделеген джумледир. Муреккеп джумлени тешкиль эткен адий джумлелер бири дигерине эки тюрлю багъ мунасебети или багъланырылар: **тизме** ве **табили**. Тизме багъынен багълангъан джумлелерде адий джумлелер бир-бирине бойсунмайып, таби олмайып, бир сырға тизилип келирлер. Меселя: *Оғзланлар чоң юрдилер, олар ёлда расткельген койлерде чобанлықт әттилер.* (Mac.) Табили багъ мунасебетинен бириkip кельген муреккеп джумлелерде къысымлары бири дигерине мана, тизим, интонация вастасынен таби олып келелер. Таби этидже къысым — баш джумле, таби олгъан къысым — таби джумле деп адланыр. Меселя: *Ана-бабанъа насыл урьмет этсенъ, санъа да ойле урьмет эттерлер.* (Ат.с.)

Санъа да ойле урьмет эттерлер деген къысымдан бириндже къысымгъа насыл шартнен? деген суаль къююла. Бойлеликнен, бу джумлени ашагъыдаки схеманен косътермек мүмкүн:

(○ — таби джумле, □ — баш джумле)

24-юнджи иш. Ашагъыдаки метинни окъунъыз. Адий ве муреккеп джумлелерни къайд этиңъиз. Муреккеп джумлелерни кочюрип языныз, къысымларының сайысыны бельгиленъиз.

Догърусыны айтсам, мен озюм де музыка, чалгъы-чагъана авескяры эдим. Якъуб агъам къавалны яхши чала эди, о, дөртбеш яшында экенде, манъа ойнамакъыны огrettii. Якъуб агъам эвге кельсе, аштан сонъ, боюнджакълар, кумюш дёгмелер иле безели тулуп-зурнадан къавалны чыкъарып чала. «Мен, ерде тёшельген кийиз устюнде, акъай киби, эллеримни котерип, аякъларымны ерге урып-урып, эвеля агъыр ava, сонъра къайтарма ойнайым. Бабам, анам, мени макътап, къанфет яхут джевиз чыкъара. «Аферин, балам!» — деп, манъа узата...

Мааллемизде, яхут шеэрде той, джыйын олып да, чалгъы давушыны эшитсем, дераль анда чапам, чалгъыджыларның чалгъаныны авеслиken динълейим. Адети узьре, тойларда ильки оюн, ильки куреш балалардан башлана тургъан. Балаларны ортагъа тюшюрип, утамакъ, чекинмек ёкъ, джумле халкъның назарыны джельп этемиз. Бир ойнагъан сонъ, мени макътап, текرار ойнаталар. Элиме бакъыр, кумюш акъча туттуралар. Манъа ойнагъаным ичюн берильген акъчаларны чалгъыджыларгъа теслим этмек лязим, мен исе, адетни бильмеген олып, парачыкъларны джебиме къойып, четке чекилем. Буюклер, айнеджилигимни корип, кулюшелер.

(Э. Фаикъ)

25-инджи иш. Шиирни окъунъыз. Муреккеп джумлелерни та-пып, къысымлар озъара таби олгъаныны я да таби олмагъаныны бельгиленъиз.

Акъшам ола, ай догъа,
Къызыл чабакъ аллана.
Уфукъ къангъа бояна,
Елькъанатлар джанлана.

Салкъын тюше, чыкъ къаплай
Чечеклерни, отларны.
Джылкъыджы къарт чыкъара
Къулан чёльге атларны.

Йылдызлы кок озенге
Джая пуллу ортюсин,
Багъчаларда бульбуллар
Тёшней асрет тюркюсин.

(Э. Шемьи-заде)

26-нұджы иш. Ашагъыда берильген метинни оқуңыз. Муреккеп джумлелерни сечип, дефтеринъизге языңыз. Бу джумлелернинъ къысымлары арасында насыл багъ мунасебетлери олгъаныны бельгиленъиз.

О, учакъны эминликнен учув ёлагъына айдал чыкъарды ве, башта моторны бираз ишлетип бакъқъан сонъ, газны арттырып, оны авағъа котере башлады. Амет-Хан асабий алда тишлеринен дудакъларыны сықты. Шу ерде эр кес, чым-чырт олып, не олур экен деп, бакъып турды, ве шу аньде акъыл етмейджек адисенинъ шааты олдылар. Учакъ ерге котерильгенинен, ашагъы знип, кене копчеклери ерге тийдилер. Сонъ моторнынъ давушы артты, бираз даа котерильди ве бир кереден мотор давушы, тарс, токътады, «кобра» дөгъру ерге юварланды ве, къатты урулувдан сонъ, къанатлары къырылды, кевдеси исе эки-учь кере баш устюне чевирильди.

Козь ачып юмгъандже олгъан бу къаза эр кесни айретте къалдырды, олар топларынен къаза олгъан ерге чаптылар. Бахтына, Морозовгъа ич бир шей олмагъан. О, кабинанынъ къапусыны ачып, сагъ-селямет озю чыкъты да, Амет-Хангъа мураджаат этип:

— Сен акълы экенсинъ, мотор акъикъатен бир шейге ярамай, — деди.

Бу вакъия хусусында лакъырды полк учуджылары арасында чокъ вакъыткъадже девам эткен эди.

(Р. Фазыл, Л. Софу)

27-нұджи иш. Метинни оқуңыз. Муреккеп джумлелерни сечип, дефтеринъизге языңыз, багъ мунасебетлери ве васталарыны къайд этинъиз.

Эфсанелер — халкъ агъыз яратылдыгъында миллетимиз-нинъ кечмишини джанландыргъан бир жанр. Несильден несильге кечкен бу жанр халкъымыздынъ миллий чизгилерини меракълы ве муджизевий шекильде икяе эта, олар кичкене икяелер шеклинде айтылалар. Кечмиштегі олып кечкен вакъиалар, буюльтилип, я да кичильтилип, косытериле. Бойле олгъанына бакъмадан, олар, оқтыйылдылар тарафындан акъикъатен олып кечкен вакъия оларакъ, къабул олуна, чонки бутюн бу вакъиалар, инсанынъ аятынен пек сыйкъ багълыдырлар.

Демек, акъикъатен олып кечкен вакъия оларакъ къабул олунгъан ве кечмишини муджизевий бир шекильде тасвирилген халкъ икяесине эфсане дерлер.

Къырымнынъ тарихы, табиатынен, бу топракъларда яшагъан халкъымыздынъ урф-адетлеринен багълы олгъян пек чокъ эфсанелер бар. Ондан да гъайры, шеэр ве койлернинъ, озенлер ве къаяларнынъ адларыны, тарихыны икяе эткен эфсанелер де бар.

Бу эфсанелернинъ эписи халкъымыздынъ антында чокъ сенелер девамында сакъланып кельгенлер, олар, несильден несильге кечип, бизим кунюмизге де етип кельгенлер.

(Эдебият дерслигинден)

8-инджи дерс

Муреккеп джумлелернинъ, багъ васталарына коре, чешитлери

Муреккеп джумлелерининъ къысымларыны багъламакъ ичюн, тюрлю багъ васталар къулланыла.

Багъ васталарынынъ ишлетиловине коре, муреккеп джумлелер **багълайыджылы** ве **багълайыджысыз** чешитлере болюнелер.

Багълайыджылы муреккеп джумлелерни тешкиль эткен къысымлар бири-биринен ашагъыдаки багъ васталарынен багъланырлар: **багълайыджылар**, мунасебетчилер, дередже-ликлер, ялгъамалар, нисбий сёзлер (замирлер).

Меселя: *Асан агъанъдан не бир хабер кельди, не де озю корюнди.* (С.С.)

Яхши сёз кульдюре, яман сёз исе куйдюре. (Ат.с.)

Баарь кельсе, авалар къызар. (Э.Ф.)

Шу бар ки, имтианларгъа олгъаны-оладжагъы учъ кунь къалды. (Э.У.)

Багълайыджысыз муреккеп джумлелерни тешкиль эткен къысымлар бири дигеринен багълайыджысыз, **интонация** вастасынен багъланырлар.

Меселя: *Эминенинъ сыйджагъы чыкъты, о, сыйкъ-сыйкъ нефес алып башлады.* (А.О.) *Къартанам мектюпни элине алды, онынъ козълеринде яшлар пейда олды.* (Э.А.)

28-инджи иши. Метинни окъунъыз. Муреккеп джумлелерни сечип, къысымлары насыл багъ васталарынен багълангъаныны изаланъыз.

Татар халкъы эвеллерде, эсасен, эки мусульман байрамы япа: къурбан ве ораза байрамлары. Байрам куню джумле эркеклер —

яшлар, къартлар, саба абдест алыш, джамиге намазгъа кетелер. Бойле намаз вакътында Багъчасарай джамилери Врангель аскерлеринен сарылып алына, джамилерден чыкъкъан (он секизден алтмыш яшына къадар) эреклерни, якъалап, Врангель ордусына алыш кетелер. Беяз ордуда къызыл ордугъа къаршы хызмет этмек истемеген эреклерни, вагонларгъа толдурып, Ор бетке дженкке ёллайлар. О унутылмаз фаджиалы куньлери халкъ арасында «Шомпол ярасына даянамадым» тюркюси дөгъды, беш-он кунь ичинде бутюн Къырымгъа дагъылды. Мезкюр тюркю беязларның джанаварлыгъына, Врангельге къаршы олгъаны ичюн, онынъ муэллифини гизлеселер де, онынъ Ашыр уста экени малюм.

(Э. Фаикъ)

29-ынджы иш. Метинни окъунъыз. Муреккеп джумлелерни сечип, насыл багъ вастасынен багълангъаныны изалантыз.

Иптидай девирлерде яратылгъан масалларның чокъусы, эльбетте, табиатта олып кечкен, халкъ турмушында меракълы корюнген вакъиалар устюнде къурула эди. Мында айванлар, къушлар, муджизели адиселер иштирак этелер. Девирнинъ басамагъы юксельген сайын, масалларның мундериджеси, айванларның вазифеси ве арекетлери башкъа ренк ала. Масалларда тасвирленген вакъиалар халкъының аятына, омрюне даа да якъынлаша, оларда тенкъидий меселелер, сатирик ёнелишлер кениш ер ала. Айванларның, къушларның арекетлеринде, япкъан ишлеринде айры ичтимай табакъаларның омрю, халкъкъа олгъан мунасебети кинаели шекильде тасвирлене.

(Дж. Бекиров)

30-ынджы иш. Аталар сёзлерини кочюрип язынъыз. Муреккеп джумлелернинъ къысымлары насыл васталарнен багълангъаныны къайд этинъиз.

1. Яхшы достнынъ файдасы тиймесе де, заары тийmez.
2. Тар ерге бинъ дост сыгъар, бир душман исе сыгъмаз.
3. Адамның яманы — къаза, яхшысы исе хазнадыр.
4. Бульбульни алтын къафесте тутсанъ да, къуш гуль терегини сагъыныр.

31-инджи иш. Метинни окъунъыз. Муреккеп джумлелерни тапып, насыл багъ вастасынен багълангъаныны анълатынъыз.

Фукъаренинъ часты — онынъ эв толусы балалары, дей тургъанлар. Бизим айлемизде де докъуз бала олып, энъ кичкенеси

де мен эдим, шу себептен, манъя янъы урбалар да тикильмей эди. Агъаларымның штан-кольмеклери, бири-биринден кечип, энъ сонъунда манъя бериле эди. Шу себептен олса керек, меним штансымда ямавлар эписинингъинден чокъча ола. Аякъкъап меселеси де къолай чезиле, чюнки бизлер, тап сувукъ кузъ ягъмурлары ягъып башлагъангъа къадар, ялынаякъ юремиз, сонъ бабам кузъде союлгъан тосунның терисинден эпимизге бирер чифт чий чарыкъ тике, чарыкъларның юньлерини къыркъя эдилер, амма манъя кельгенде: «Зарары ёкъ, юньлери турсун, чокъкъа даянырлар», — деп айтылыр эди, мен де оларның айткъянларына инана эдим. Кимерде агъамлар, бир ерге ашыкъсалар, шашмалап, бири-биринин чарыкъларыны алмаштырып, кийген вакъытлары да ола эди, амма менимкилерине кимсе токъунмай, олар юньлю, башкъаларынен адаштырмакъ мумкүн дегил.

(Дж. Аметов)

Метин насыл усулда язылгъаныны бельгиленъиз.

32-нджи иш. «Къырымтатар миллий байрамлары» серлевалы тариф метинини язынъыз. Бу метинде миллий байрамларымыз неге бағыышлангъаныны, насыл тешикъ этильгенини тарифленъиз. Нуткъунтызыда адий ве муреккеп джумлелерни къулланынтыз.

9-ындже дерс

БАГЪЛЫ НУТУКЪ

«Окъув, бильги» мевзусында инша язув

33-юнджи иш. Ашагъыдаки метинни дикъкъятнен окъунтыз. Метин насыл услюpte язылгъан?

Сыджакъ бир яз акъшамы эди. Мен иштен къайта эдим. Озюмни бахтлы ис эте эдим. Къантар сокъагъының башында бабамны растигердим. Бабам:

— Кель, Садыкъ, сокъакъының о бир тарафына кечейик, о тараф даа да тена... Бир шей айтаджакъ олам санъа, — деди ве элини омузыма къойып, янымда адымламагъа башлады. Чардакъ къавехане алдында бир ань токътады, козълеримнинъ ичине бакъты. Бу акъшам онынъ аркъасы бираз даа къамбурлашкъан киби эди, лякин козълери севинч ве ифтихарнен парылдагъаныны абайладым.

— Не бар, я, баба? — дедим.

— Муим бир иш. Лякин, мен буны айтмаздан эвель, сенинъ разы олманъ шарт, — деп кулюмсиреди ве девам этти, — разысынъмы?

Мен де кулюмсиреп:

— Разым, баба, — дедим.

— Сенинъ бу янтыкъчылыгъынъ насыл кете?

— Фена дегиль, баба... Фазыл уста локъантанынъ саибинен лаф этеджем, — дей, — меним айлыгъымны элли рубледен алтмыш рублеге чыкъармасыны истейдже акъкъында айта. Фена адам дегиль... Тюневин ярым чувал ун сатты. Паранынъ ярысыны манъа берди.

— Мен ойле пара истемейим.

— Мен де алмагъа истемедим, зорлап берди. Укюмет малы, дей. Мадам ки, укюмет ишчи ве койлю укюмети, мал да ишчи ве койлюнинъдир, деп фельсефе юрьсете.

— Не исе... Мен сенинъ бу янтыкъчылыкътан вазгечменъни истейим.

— Джиддий айтасынъмы, баба?

— Джиддий айтам.

— Лякин айда алтмыш рубле шакъамы?

— Эбет, эбет.

— Яни анавы ун парасы ичюн исе...

— Ёкъ, Садыкъ, башкъа шей бар!

— Башкъа не япа билирим мен? Элимден не келир? Янтыкъчылыкъ комюр арабаларына курекнен комюр атмакътан яхши дегильми?

— Яхши, эбет. Лякин дюнъяда янтыкъчылыкътан да яхши ишлер бар.

Бабам сусты, бетиме бакъты ве дудакъларынынъ уджуnda пейда олгъан тебессюм иле бир ань козълери, яшарып, парылладады:

— Мен сенинъ окъуманъны истейим, Садыкъ, — деди.

— Окъуп, адам олманъны истейим. Санъа ихтияджым олгъаныны билем. Лякин санъа мухтадж олгъан — ялынъыз мен дегиль... Бутюн миллет, сенинъ киби, яшларгъа бакъя. Бутюн миллетнинъ сизге ихтияджы бар...

Кене сусты. Кене бетиме бакъты. Узериме аладжакъ месулиетимнинъ буюклигини анъламагъа тырышам. Эдежан ичинде эдим. Ёлумызынъ девам эттик. Бабам:

— Башымыздан кечкенлер башкъаларнынъ да башына кельди, фелякетке, бутюн бир миллет оларакъ, огърадыкъ, Садыкъ, — деди. — Бу миллетни сиз киби яшлар къуртартмаса, ким къуртарараджакъ?

(Дж. Дагъджы)

34-юнджи иш. Роллерге болип, метинни даа бир кере ифадели окъунъыз (субет иштиракчилери: муэллиф, Садыкъының бабасы, Садыкъ). Окъугъанда, мантыкъ ургъу, токътав, суаль, нида интонацияларына риает этинъиз.

35-инджи иш. Аталар сёзлерини окъунъыз. Икметли сёзлернинъ маналарыны озь сёзлеринъизнен изаланъыз.

Бирисини, серлевә оларакъ сайлап, инша язынъыз. Инша язмакъ ичюн, ашагъыдаки төвсиеңи хатырланъыз.

1. Бильген бильгисине ишаныр, бильмеген неге ишаныр?
2. Окъувны севген — окъур, сонъундан гульдай къокъур.
3. Джайллик — джан азабыдыр.
4. Окъумакъ, язмакъ — иненен къую къазмакъ.
5. Бильген даа бильмек истер.
6. Бильмемек айып дегиль, огрендемек айыптыр.
7. Окъувсыз бильги ёкъ, бильгисиз күнүнъ ёкъ.

Инша язгъанда, неге эмиет бермели:

1. Инша мевзусыны сечип, бельгиленъиз.
2. Иншаны беян этмек ичюн къулланыладжакъ сёзлер, сёз бирикмелери, ибарелерни топланъыз.
3. Иншаның тизиловини бельгиленъиз.
4. Тариф эткенде, фикирлеринъизни ифаделемек ичюн, шахсий чешит тюрлю текрарланмагъан сёзлер къулланынъыз.
5. Язгъан фикирлерни «гонълюнъизден кечиререк» озь дуйгъу ве мунасебетинъизни косытеререк, беян этинъиз.

ТИЭМЕ МУРЕККЕП ДЖУМЛЕЛЕР

10-унджы дерс

Тизме муреккеп джумлелернинъ бағъ усуллары ве бағъ васталары

Тизме муреккеп джумлелер эки я да экиден зияде бири бирине бойсунмагъан къысымлардан ибартет олур.

Бу къысымлар озыара интонация ярдымынен ве бағълайыджылар вастасынен бағъланылар. Бағълайыджы вазифесинде ашагъыдаки васталар къулланылып:

тизме багълайыджылар: *ве, эм, исе, лякин, амма, ёкъса, я-я да, не-не;*

багълайыджы вазифесинде ишлетильген *да, де* дереджелеклери.

Меселя: *Куреш аля да девам этмекте, ве бу курешинъ ичинден янты, бахтияр, тазе бир шей дөгъмакъта.* (Дж.С.) *Онъа отурмагъа ер косътердилер, лякин о, разы олмады.* (А.М.) Мен бу копеклерни озюме джельп этерим, сен исе *къачмагъа тырыш.* (Э.У.)

Къошма тизме муреккеп джумлелер

Къошма тизме муреккеп джумлелерде къысымлары тюрлю я да бир вакъыт ичерисинде олып кечкен иш-арекетни бильдирирлер.

Бойле джумлелерде къысымларның хаберлери, эксерий алларда, фииллернинъ бир сой заман шекиллеринен ifаделенирлер.

Меселя: *Кузъ келир, япракълар тёкюлир, чечеклер солар, авалар сувур, авушыджы күушлар учып кетер.*

Къошма тизме муреккеп джумлелерни тешкиль эткен джумлелер озъара эки тюрлю багъ васталарынен багъланырлар: **багълайыджысыз** и **багълайыджылы.** Багълайыджысыз чешитлери интонация ярдымынен багъланыр.

Меселя: *Баягъы дертлер сёкюльди, баягъы адамлар тынчланды.* (Э.У.) , .

Багълайыджылы тизме къошма муреккеп джумлелернинъ къысымлары *ве, эм* багълайыджылары, *да, де* дереджелеклери ярдымынен багъланырлар.

Меселя: *Авалар къызды, ве авушыджы күушлар учып кельдилер.* (С.Э.) , ве .

Кузъ келеджек де, багъ-багъчалар алтын урба киеджек. (Э.Ф.) де, .

36-нджы иш. Ашагъыда берильген адий джумлелерни озьара *ве*, *эм* багълайыджыларынен бирлештирип, къошма тизме муреккеп джумлелерини тизинъиз.

1. Ель эсе. Эр ер тозланды.
2. Поезд Альма озени бою кете. Ёлджулар мейва багъчаларыны сейир этип, сукъланалар.
3. Къар ягъя. Эр ер bem-beяз.
4. Ель булутларны учурды. Сыджакъ кунеш пейда олды.
5. Сувукъ чыкъты. Озендеки сув бузлады.
6. Бааръ кельди. Авалар къызды.
7. Ава ачылды. Багъ-багъчалар ешерди.

37-нджи иш. Метинни окъунтыз. Муреккеп джумлелерни сайлап, дефтерлеринъизге кочюринъиз. Багъ васталары ве усулларына коре чешитлерини бельгиленъиз.

Тереклернинъ япракълары тёкюльди, ерде отлар-оленлер сарапды-солды. Чюрюк хыяр оръкенлери арасында алма тёкюнтиси чокъып юрыген узун къуйрукълы савускъанларнынъ давушы энди къырыкъ ве гъамлы чыкъмакъта. Бу — хайриетке дегиль, тезден ава денъишеджек. Топракъ бузлайджакъ, бельки къар ягъаджакъ. Кузъ энди битmek узъре, фактъат биткени ёкъ. Къадимий чинарлар сусып, улукъта мазюм акъкъан сувнынъ аэнкине динъленип туралар. Кимерде узакътан, Чаткъал беттен, кучулью ель эсе, даллар салланып алалар.

(Ш. Алядин)

38-инджи иш. Ашагъыда берильген схемагъа бакъып, къошма тизме муреккеп джумлелерни уйдурып, дефтеринъизге язынъиз.

1. , . 3. , ве .
2. да, . 4. , эм .

39-ынджы иш. Ашагъыда берильген джумлелерни, токътав ишаретлерини къойып, язып алынъиз. Джумлелердеки иш-арекет насыл вакъыт ичерисинде олып кечкенини анълатыныз, багъ васталарыны къайд этинъиз.

1. Мен онъа севда олдым ве яш юрегим атеш ичинде къалды. (А.Къ.)
2. Азбарда тавукълар ушкюнелер копек афырмасыны

кесе мышыкъ диварнынъ астындан турып къача. (А.О.) 3. Арабаны токъттаттылар Эсма сыкъ-сыкъ нефес алыш арабанынъ янына якъынлашты. (А.О.) 4. Чавракъ йылгъасынынъ устюне асылып тургъан туман эксильди боран кесильди сокъакълардаки къарлар ириди. (Ш.А.) 5. Далгъалар юксек шувултынен юксек къаягъа урула этрафкъа сув сачрай. (С.С.)

40-ынджы иш. Ашагъыда берильген метинни окъунъыз. Токътав ишаретлерини къойып, дефтеринъизге кочюрип язынъыз. Виргюллөрнинъ къоюлувины изаланъыз.

Чименлерни баары сюслеген багъча къушларнынъ нагъмеринен толу. Къарылгъачлар шенъ чивильдешип учушалар чешме фышкъыра. Бу гузеллик ислеринен йигиттинъ козълери огюнде Академия филиалынынъ заллары ихтиология лабораториялары микроскоплар къыйметли ильмий алетлер ешильтим Арал ландшафты джанландылар: «Шу илядж къоқъугъан палата диварлары, беяз къапулар мени сыкъалар. Мындан тез чыкъмам топалласам да хаялым ёлларына тюшмем керек....»

(Р. Муедин)

11-инджи дерс

БАГЪЛЫ НУТУКЪ

Нутукъ чешитлери

41-инджи иш. Ашагъыдаки суаллерге джевап беринъиз.

Нуткъумыз насыл чешитлерден ibaret?

Икяеде не акъкъында сёз юрютиле?

Тариф эткенде, не акъкъында айтыла?

Фикир юрюткенде, насыл мунасебетлер талиль этиле?

Нутукъ чешитлерини насыл суаллернен бельгилемек мумкүн?

Къаиделерни текрарланьыз!

Нуткъумызнынъ эсас чешитлери — икяе, тариф, фикир юрютюв.

Икяеде бир де бир вакъиа, арекет акъкъында сёз юрютиле.

Тариф эткенде, инсанларның, табиатның, эшъяларның аляметлери акъкъында айтыла. Фикир юрюткенде исе, бир де бир адисе, вакъианың себеби, озъара мунасебетлери талиль этиле.

Нутукъ чешитлерини, суаль къойып, бельгилемек мумкун. Икягеге — не олды? Тарифке — насыл? Фикир юрютювге — не ичюн? киби суаллер къоймакъ мумкун.

42-нджи иш. Ашагъыда берильген метинлерни ифадели окъунъыз. Метинлер нутукъынъ насыл чешитинде ве услюбинде язылгъан? Мевзусыны бельгилеп, метинлерге серлева къюнъыз.

I. Кочьмеге меджбур олгъан къырымтатарлар иджрет ерлеринде буюк зорлукъларгъа расткелелер. Оларның бир къысмы, ерлешкен улькелернинъ авасына арсынамайып я да сыйта хасталыгъына оғзрап, яхут асрет къайгъысына даянамайып, хасталана ве оле, бир къысмы да баба-деде топрагъы олгъан гузель Къырымны, башларындан кечирген фелякетлернинъ аджджыларыны анъа-анъа, ильк вакъытларда чешит мухаджир тюркюлерини йырлайракъ, теселли алалар.

Бойле агъыр бир вазиетте халкъ медений къуруулыштан, саннаттан, эдебияттан узакъ ола. Лякин къырымтатарлары, юртларындан не дередже узакъ яшамасынлар, озъ эджратларының топрагъы олгъан Къырымны унутмадылар. Ватанына олгъан севги оларның, миллет оларакъ, сакъланып къалмаларына себепчи олды.

(Э. Къуртумеров)

II. Зия. (эллериnde эки чөмөдан. Бирининъ устюне плацыны саркъыткъан. Тааджипнен). Ба! Шашыладжакъ шей! Не олгъан экен? Джемаат не ичюн мени къаршылап чыкъмады! Шай-шай, Наполеон сеферден магълюп олып къайткъанда, оны да къаршыламагъан эдилер. Лякин менде тек бир гъалибиет! Онъгъа дёнсем — гъалибиет (*дённер*), солгъа дёнсем — гъалибиет (*дённер*), огге кетсем — гъалибиет... (*Огге адым атаджакъта чөмөданына сюрюнүп йыкъылыр*). Эльбет, инсан бирден козыге чарпмай. Алимлер алими Эдисон да газета саткъан бир бала эди, лякин сонъра мешур физик олып, ады бутюн дюнъяда янъгъырады. Кунь кечер, ай кечер, йыл кечер, бир кунь ола мени де «Мына, коресизми, бу кельген мешур алим Зиядыр!» деп, пармақъынен косътерирлер. Косътерирлер амма... Шимдилик бу мешурликке азырланмакъ керек: озюмни джиддий ве киббар тутайым, эвден чыкъмайым, элимден китапны тюшюрмейим...

Мени корыгенлер «маш-шалла бу окъумыш адамгъа, не де алим адам экен!» десинлер. (*Къапугға бакъып*). Ана! А-наа!

Рейан аpte (эв ичинден). Ким я о, кене багъыргъан (*софагға чыкъып*). Огълум, Зекиря, сенсинъми балам? Я къардашынъ Ибрам къайда къалды?.. Вай балам, асла да танылмайсынъ, текмиль земзemer олгъансынъ. (*Зияны баштанаңкъозълеринен сюзип чыкъкъан сонъ*). Бакъ сен онъа, башына чёюн кийген, козълюк такъкъан, бант багълагъан... Валлай, текмиль земзemer олгъан...

Зия. Ёкъ,.anай, мен землемер дегиль, лексикографым!

(Ю. Болат)

III. Иптидай девирлерде яратылгъан масалларнынъ чокъусы, эльбетте, табиатта олып кечкен, халкъ турмушында меракълы корюнген вакъиалар устюнде къурула эди. Мында айванлар, къушлар, муджизели адиселер иштирак эте эдилер. Бойле масаллар саде, къысқъа олып, иптидай джемиет адамынынъ аятыны, арекетлерини ве вакъиаларгъа мунасебетлерини акс эттире тургъан. Девирninъ басамагъы юксельген сайын масалларнынъ мундериджеси, оларда тасвирленген вакъиалар муреккеплеше, айванларнынъ ролю ве арекетлери башкъа ренк ала. Масалларда тасвирленген вакъиалар халкъынынъ аятына, омюрине даа да якъынлаша, оларда тенкъидий меселелер, сатирик ёнелишлер кениш ер ала. Айванларнынъ, къушларнынъ арекетлеринде, япкъан ишлеринде айры ичтимай табакъаларнынъ омюри, халкъкъа олгъан мунасебети кинаели шекильде тасвиренилип башлана. Демек, масаллар сыйфий мунасебетлерни ачыкъ-айдын тасвирлеп башлайлар.

Къайсы девирде яратылмасын, масаллар халкъынынъ менфаатыны, онынъ яшайышыны енгиллештиrmек, яхшылаштырмакъ, залымларны джезаламакъ макъсадынен яратылалар. Бу халкъ арзуларынынъ, истеклерининъ ifадесидир. Инсанлар озылерининъ келеджеги акъкъында аджайип эсерлер яратып, оларда омюрге, аяткъа сагълам бакъышларны тасвирлеп келе. «Къырымтатар масалында маневий сагълам бир халкъынынъ кескин акъыллылыгъы ве къувети джанлы бир шей киби олып корюне, бу кескин акъыллылыкъны, шенъликни ве чыдамлыкъны асырларджа укуом сюргюн султан, хан ве чар зулумлары зеэрлеп оламадылар».

(Дж. Бекиров)

43-юнджи иш. Берильген аталарап сёзлерини окъунъыз. Бирисини сайлап, фикир юрютүв метинини язынъыз. Метининъизниң планыны тизинъиз.

1. Сөз — буюкнинъ, сув — кичикнинъ.
2. Сөз, еринде айтылса, сёздир.
3. Сөзинъ къыскъасы, йипнинъ узуны — яхши.

12-нәджи дерс

Тенъештирме тизме муреккеп джумлелер

Тенъештирме тизме муреккеп джумлелерниң къысымлары озыара ольчештирилir, оларның арасында олгъан фаркълайыджы ве умумий хусусиетлер бельгиленир, тенъештирилir.

Бойле джумлелерниң къысымлары шекильдже ве манаджа бири-биринен сыйкы суретте бағылдырылалар.

Тенъештирме тизме муреккеп джумлелердеки къысымлар озыара интонация вастасынен, бағлайыджысыз ве исе бағлайыджысы вастасынен бағланана билирлер.

Меселя: 1. Энъ яхши дост китаптыр, энъ яхши зенгинлик бильгидир. (Ат.с.) , .

2. Денгизге барып, кезинип, раатланғандже, эки афта кечти, мен исе алға даа дөгъмушларымны корымедим. (С.Э.) , исе .

3. О, яшамакъын севе, яшамагъа бильмегенлер исе омюр вакътыны бошуна кечире. (С.Э.) , исе .

44-юнджи иш. Метинни окъунъыз. Тизме муреккеп джумлелерни сечип, бағы васталары ве чешитини бельгиленъиз. Тенъештирме тизме муреккеп джумлелерни кочюрип язынъыз ве схеманен тасвирленъиз.

О йылы къыш бирден бастырып кельди, тышта зеэр киби аджджы сувукъ бар эди. Къар ягъгъян эди, эвлер гъарип ве девамлы сюкюнет ичинде эдилер. Ялынъыз дентиз далгъаларыны, къутургъан киби, къаяларгъа ура. Сессиз эвлердеки сёнген оджакълар башында къадынлар, келинлөр яваштан агълай-

агълай, сабаны беклей эдилер. Койге мабюслер Ялтадан Акъмесджитке алыш кетиледжек, деген хабер кельди. О акъшам мен пек кеч яттым, тышта къэр фуртунасы токътамайып улуй. Кичик къардашларым юкълайлар, анам исе оджакъ башында агълай эди. Мен, тёшегиме ятып, Танърыгъя: «Бабачыгъымы бер!» — деп, ялвара эдим.

(Дж. Дагъджы)

45-инджи иш. Ашагъыда берильген схемаларгъа эсасланып, бир къяч тизме муреккеп джумле тизинъиз.

1. , . 2. , ве . 3. , исе .

46-нджы иш. Джумлелерни окъунъыз. Муреккеп джумлелерни манасы ве багъ васталары боюнчук талиль этинъиз. Токътав ишаретлерини къойып, кочюрип язынъыз.

1. Ат арабада сыналыр йигит мейданда сыналыр. (Ат.с.)
2. Эмектен дост артар ошектен душман артар. (Ат. с.)
3. Аш — саибинен ярашыр гуль — япрагъынен ярашыр. (Ат.с.)
4. Яхшы сёз кульдире яман сёз куйдюре. (Ат.с.)
5. Къуш ювасыз олмаз инсан эвсиз олмаз. (Ат.с.)
6. Джафер чалышты Сание исе окъувны девам этти. (У.Э.)
7. Юрьемеге бильмеген ёлны бозар сёйлемеге бильмеген лафны бозар. (Ат.с.)
8. Кимерлери яш балачыкъларны къучакълап алыш, кокке ата, кимерлери исе чаларгъан сачларны сыйпайлар. (Дж.А.)

47-нджи иш. Метинни окъунъыз. Токътав ишаретлерини къойып, дефтерлеринъизге язынъыз. Виргуллernerinъ къюолувыны изаланъыз.

Язынъ дешетли чиллесинде мен аджеle хызметлерден бошап тынчыкъ шеэрден темиз авалы чименликке чыкъып аз да олса истраат этип оламадым. Шимди къыш къапугъа якъынлангъян вакъытта иштен къуртулып, багъча ичиндеки бу къырмызы тула бинагъа кельдим. Къомшу эвлерде кимсе ёкъ. Оларнынъ саиплери язлыкъ мевсимини битирип шеэрдеки къышлыкъ эвлерине къайткъанлар.

Ава кунешлиamma сувукъча. Тосат-tosat рузгяр улуй... асфальт узеринде япракъларыны айландыра — уюрюльдире сонъра къайдаларгъадыр къувлап алыш кете. Рузгярнынъ инъильтиси юрегимнинъ теренликлеринде уюгъан агъыр ислерни къозгъай. Бир заманларда аятымда юз берген сонъ исе текмиль унутылгъян вакъиаларны хатириме кетирие. Ичимде хош агъры асыл ола бу агъры — ич бир вакъыт текrarланмайджакъ къийын ве намуслы генчлигим.

(Ш. Алядин)

48-инджи иш. Ашагыда берильген сёз чифтлеринен экишер джумле тизинъиз. Биринджи джумледе багълайыджылар сойдаш азаларны багъласынлар, экинджи джумледе исе — муреккеп джумленинъ къысымларыны.

Иш орьнеги:

Оджа — талебе

1. Оджалар ве талебелер мектепке кетелер.

2. Оджа сыныфкъа кирди, ве талебелер ерлеринден турдылар.

Кузь — къыш, гуллар — чечеклер, койлю — шеэрли, озен — деньиз, булут — ель.

13-юнджи дерс

БАГЪЛЫ НУТУКЪ

Сербест мевзуда язылгъан беян

49-ынджы иш. Метинлерни оқъунъыз, насыл усулда язылгъаныны изаланъыз.

I. ... Ава салкъынланып, деньиз арекетке келе башлады. Сонъра деньиз чырайны сыйты. Бирараз вакъыт эвель, муляйим къызы киби, юреклерни охшап тургъан деньиз къутурды. Кимгедир ачувланды, кимдендир интикъам алмакъ ичюн, тыныш-тыныш, огюнде юксек къаялар киби, тургъан яргъа оқъталды. Мына, къанатларыны керип, салмакълы учкъан акъкъуш киби, бир далгъа келип, яргъа урулды. Лякин такъаты аз, яр къатты. Яргъа бир шей олмады. Ана! Экинджи далгъа келеята. О бириси — даа къоркъунчлы, даа къуветли. Онынъ да бир шей япалмайджагъы белли. Деньиз устю ешилли-коклю. О, копюре. Онынъ чалкъануындан асыл олгъан шувулты этрафынъ раатлыгъыны боза. Бельки, шу дакъкъада деньиз устюнде онынъ панджалары арасында абдырагъан, уръккен ёлджулар да бардыр. Лякин бу къутурув — олар ичюн дегиль.

(Ш. Алядин)

II. Ёл-излер рузгярнен къуюолып тюшкен япракъларнынъ тюшмесинен ортюльди. Чырай сыйкъан къыр ве дагъларнынъ тёпелерине быланыкъ туманнынъ исли ёргъаны джайылып, кеттикче аша къырларгъа саркъты ве, ниает, орталыкъ бус-бүтүн туман эсирлигине тюшип, ер ве кок титсиреп къалды.

Къозгъалгъан табиат инсанларны чөль ве тарлалардан къувалап, юваларына кирсетти. Бу сене Копюрли койнинъ этрафындаки дерелер эр вакъыттакиндеп октемли бир къуветнен ташып акъмагъа башладылар. Зорлу къыш такъатсызлангъан язынынъ пешинден къувып, куньлер кечтикче, ягъмурсы, рузгяры, сувугъы — бутюн салтанатынен етип кельмекте эди.

(Ю. Болат)

Метинлернинъ мундериджесини икяе этинъиз. Муреккеп джумлелерни насыл чешитте олгъаныны къяслап изаланъыз.

50-нджи иш. Ашагъыдаки вазиетни тасавур этинъиз: сиз табиатшынастыкъ тёгерегине къатнайсынъыз. Тёгерек топлашувиңда «Табиатны къорув» мевзусында чыкъыш япмалысынъыз. Юкъараыда берильген метинлерге эсасланаракъ, маруза азырланъыз. Нуткъунъызда чешит тюрлю икметли сёзлер, фразеологик ибарелерни къулланынъыз.

51-нджи иш. Аталар сёзлерини окъунъыз эр бирининъ ифаделеген манасыны озь сёзлеринъизнен, анълагъанынъыз киби, тарифленъыз.

1. Бааръдеки арекет — кузъдеки берекет.
2. Баарь кельсе, дагъ устүнде багъ олур.
3. Баарь кельсе, багъ буръленир, фыррат тюшсе, халкъ тюрленир.
4. Язда башы пишмегеннинъ къышта ашы пишmez.
5. Язнынъ куню къыш беслер.
6. Къышнынъ къары — кузъге берекет.
7. Къышны яздан къаршила.

Юкъараыда берильген метинлернинъ мундериджесине ве аталар сёзлерининъ маналарына эсасланып, беян язынъыз.

14-юнджи дерс

Къаршылыкъ тизме муреккеп джумлелер

Къаршылыкъ тизме муреккеп джумлелернинъ къысымларында ифаделенген фикир, иш-арекет бири-бирине къаршы къюлдыр.

Эгер джумленинъ биринджи къысмында тасдыкъ мана ифаделенсе, экинджи къысмында инкяр манасы бильдирилир. Джумлелернинъ бу чешити **багълайыджылы** ве **багълайыджысыз** олур:

1. *Манъа бакъаджакъ олып, айланды, мен четке бурулдым.* (С.Э.) (багълайыджысыз, интонация ярдымынен багълангъан) , .

2. *Бу байрам тек къартларныңки дегиль, о, яшлар ичюн де къараплаштырылған.* (Э.Ф.) , .

Багълайыджылы къаршылыкъ тизме муреккеп джумлелеринде **амма**, **лякин**, **факъат** киби багълайыджылар къулланылыр.

Меселя:

1. *Эм Ферат, эм Анифени бир дүйгү теляшландыра, лякин бириси де айтмагъа джесарет эталмай эди.* (У.И.) , лякин .

2. *Эвлерни күрдүлар, амма анда, яшамакъ ичюн, адам къалмады.* (С.Э.) , амма .

3. *Эр кес юктүгъа далды, факъат узакъ кошеден бала сеси кельмекте эди.* (С.Э.) , факъат .

Бу джумлелернинъ къысымларында тасдыкъ ве инкяр аньлаткъан маналар озыра ольчештириле.

Меселя: *Топракъ — бар, сув — ёкъ.* (С.Н.)

52-ндже иш. Ашагъыда берильген адий джумлелерден **амма**, **факъат**, **лякин** багълайыджылар ярдымынен къаршылыкъ тизме муреккеп джумлелерни уйдурынтыз.

1. Даа ерлер къарнен къаплангъан. Дерелерде ириген сувлар шувулдай.

2. Саба ачыла эди. Кимсе эвге къайтмагъа истемей.

3. Кок гудюрдиси эшитильмей эди. Яшын яшнай.

4. Къартбаба терек талдасында тура. Терек тюбюнде сыйджакътан нефес алмакъынын чареси ёкъ.

5. Энвер азбаргъа чыкъаджакъ эди. Атларнынъ кишнегенини эшитип, о, токътады.

53-юндже иш. Метинни окъунъыз. Тизме муреккеп джумлелерни сечип, чешитлерини бельгиленъиз.

Бир дефа акъшам, юзюм джылов иши биткен сонъ, менимнен берабер чалышкъан молдаванлар денъиз ялсына кеттилер.

Мен ве Изергиль къартый, юзум асмалары тюбюндеки къою кольгелер алтында денъиз бетке кеткен адамларның къарапалары гедженинъ мавы къараплыгъы ичине синъип келеяткъанына бакъып, сессиз-солукъсыз яттыкъ.

Олар эп кете, йырлай ве кулюшелер. Сагълам тенли, гурь къара мыйыкълы эрекклернинъ къою къувурчыкъ сачлары омузлары устюне тюше, оларның устьлеринде къыскъа елеклер ве кенъ шароварлар. Назик беденли, къою кок козылду къадынлар ве къызлар да — шенълер, оларның да тенлери — тунч ренкинде. Йипек киби, къара йымшакъ сачлары — дагъыныкъ, джыллы ве хафиф ель, оларны ельпиретип, сачларның уджларына орип багълагъан капиклерни, бири-бирине урып, жангъырдата. Ель кенъиш, тюзгюн далгъанен акъя, амма о, кимерде, насылдыр корюнmez манианы сычрап кечкен киби, кучълю шиддет догъураракъ, къадынларның сачларыны башлары этрафында чубалта ве гурьдели ялкъынларгъа бенъзете. Бу ал къадынларны, худжур ве эфсаневий этип, косятере. Олар бизден эп узакълашалар, гедже ве хаял исе оларгъа дюльбер урбалар кийсетелер.

(М. Горький)

54-юнджи иш. Шиирни ифадели окъунъыз. Токътав ишаретлериинъ къоюловыны изаланъыз.

Такъдир — мераметсиз, шевкъатсыз кяде,
Инсанны чокъ шейден айыра биле,
Амма токътаса да юрек тенинъде,
Энъ сонъки нефесте анъла: дост, илле,
Сени унутмагъан Ватаның олсун.

(Ш. Селим)

55-инджи иш. Берильген схемалар боюнчада бир къач къаршылыкъ тизме муреккеп джумле уйдурып, дефтеринъизге язынъыз.

1. , амма .
2. , лякин .
3. , фактъат .

56-нджы иш. Джумлелерни кочюрип язынъыз. Тизме муреккеп джумлелернинъ чешитлерини бельгиленъиз, багълайыджыларны къайд этинъиз.

1. Заваллы къыз, сонъки чул-чубырларыны сатып, кадясына фал ачтыртты, ырым тёктюртти, дуа окъутты, лякин ич бир шей

файда бермеди. (Ю.Б.) 2. Ягъмур токътады, лякин кокте кунеш корюнмеди. (Э.У.) 3. Якъуб онынънен джиддий лакъырды этмеге истеди, амма Нияр бир шей анъламагъа истемеди. (У.Э.) 4. Чокъ ишлер япымды, лякин зорлукълар аля бугунь битмеди. (Ю.Б.)

57-нджи иш. Берильген метинни кечюрип язынызыз. Токътав ишаретлерини додъруу къойып, язылувины анълатынызыз.

Ай энди къаршыдаки къырлар артына гизленди ачыкъ чёльде козыге корюнген тереклер черенлер къарапалыкъ ичине синъип кеттилер. Орталыкъны тынчлыкъ басты ялынъыз чырчырмазиндер ёрулмай. Чёльде аят олгъаныны бильдирмек истеп озвы йырларыны созмакъта эдилер. Танъ маалинде бир къач адым кенарда отлар ичинде торгъайлар учып фырылдаша эдилер къаршыдаки къырнынъ тёпеси бирден алланды. Къызарып додъгъдан кунеш эп юкъары кок къуббесине котерилие эди. Онынъ джыллы муляйим ве тазе шавлелери орталыкъны къаплады бираздан сабанынъ салкъынлыгъыны кунешшинъ сыйджагъы денъиштириди. Моторларнынъ гурюльтиси этрафында садаларнен толдуруп авагъа котерильди.

(Ю. Болат)

15-нджи дерс

БАГЪЛЫ НУТУКЪ

Ватан мевзусы узеринде тизильген икяе

Икяе акъкъында бильгилеринъизни текрарланызыз

Икяеде бир де бир вакъиа, арекет акъкъында сёз юрьсетиле.

Икяе кириш, эсас ве нетиджелев къысымларындан ибарет олур. Кириште муэллиф икяе этеджек вакъиа не вакъыт, не ерде ве кимнен олып кечкени изалана. Нетиджелевде тариф этильген вакъиалар акъкъында муэллиф озвы фикир ве мулязаларынен пайлаша. Адий икяенинъ тизилювини (композициясыны) ашагъыдаки схеманен косытермек мумкун:



58-инджи иш. Шиирлерни оқъуп, насыл мевзугъа багъышланып язылгъаныны таинленъиз. Шиирлернинъ мундериджеси узеринде субет кечиринъиз (эр бир дёртлюкте ифаделенген фикирлерни изалантыз).

1. Къайдадыр, джюйрекке минип, чапсанъ да,
Думанлар артында ёлсуз къалсанъ да,
Эджнебий топракъта алла олсанъ да,
Козюнънинъ огюнде турсун озъ къулленъ —
Сени унутмагъан Ватанынъ олсун.

Дюньяда яп-янъгъыз олмайым, десенъ,
Асret деръясына чоммайым, десенъ,
Бульбульсиз гуль киби, солмайым, десенъ,
Узакътан сесленген еллери динъле —
Сени унутмагъан Ватанынъ олсун.

Такъдир — мераметсиз, шефкъатсыз кяде,
Инсанны чокъ шейден айыра биле,
Амма токътаса да юрек тенинъде,
Энъ соңъки нефесте анъла, дост, илле
Сени унутмагъан Ватанынъ олсун.

(Ш. Селим)

2. Ватанынъ ашкъына яшамакъ керексинъ,
Яшамакъ, яшатмакъ, севдирмек, севмек.
Бунынъчюн чокъ кунълер курешмек керексинъ,
Дегиль ки дешетли зинданда ольмек.

(М. Севдияр)

59-ындже иш. Ашагъыда берильген аталар сёзлерinden бирини сайлап, Ватан акъкъында икяе язынъыз. Икляени язгъанда, джумлеринъизде эпитет, къыяс, ифадели ибарелер киби нутукъ вастала-рыны къулланынъыз.

1. Ватан севгиси имандыр.
2. Ватансыз адам — йырсыз бульбуль.
3. Ватанынъ — экинджи ананъ.

Кенишлетме тизме муреккеп джумлелер

Кенишлетме тизме муреккеп джумлелернің әқинджи күйсімі биринджи күйсімдегі бир де бир джумле азасы акъқында хабер берип, бутюнлей джумлениң теркибини, мундериджесини кенишлетір.

Биринджи күйсімде кенишлеткен джумле азасы әм баш, әм әқинджи дередже азалардан ола билир.

Кенишлетме тизме муреккеп джумлелернің тек бағылайыджысызың чешити күйлланылыры.

Меселя: *Сание, тез-тез адымлап, оғге кетти, озгтарыджылар онынъ артындан бақып күалдылар.* (У.Ә)

, .

60-ынджы иш. Метинни окъунъыз. Муреккеп джумлелерни сечип, бағъ усуулларына коре ве бағъ васталарына коре чешитлерини къайд етінъиз.

Анамыз аркъамыздан:

— Бириңиз сығырыны ахыргъа кирсетсін, о бириңиз де бабанъызға сув кетирсін, — деп къычырды. Бекир, сығырыны кетирмек ичюн, къаршы мааллеге, чобанларға кетти, мен де, әвимизден гүгюмлерни алып, фурунджы Муарремнің чешмесіне кеттім. Мезарлықъ янындан кечип, чешмеге яқынлаш-аятқындыма, эки юз метр къадар авлакъта тюкянның оғонде устю къапалы къара бир машина корьдім. Ёлда манъа расткельген сюнгули аскерлер ичіме гъарип бир къоркъу толдурған әдилер. Гүгюмлерни чешмeden алель-аджеле толдурдым. Бабам тарладан къайтып кельмезден эвель, эвде олмалы әдім. Эр акъшам софрада сувукъ сув олмасы адет олып къалған әди. Къардашым Бекир сығыры ве әчкілерни ахыргъа къапады, анам әвни сипирди, аш азырлады, софра къойды. Энди бабамызын беклеймиз. Пек яхшы хатырлайым, ач олгъанымдан элимни отымек табагъына узаттым. Бир парча отымекни къөпарып ағызызма къаптым. Анам манъа серт-серт бақъты, ляқин индемеди. Иште, тамам шу аньде пенджереден бириси, санки оданың сессизлигини бозмагъа къоркъып, яваштан:

— Тизе...а, тизе, — деди.

(Дж. Дагъджы)

61-инджи иш. Берильген схемаларгъа эсасланып, тизме муреккеп джумлелерни уйдурып язынъыз.

1. Не , не . 3. , фактъат .
2. , лякин . 4. , исе .

62-нджи иш. Аталар сёзлерини окъунъыз, ифаделеген маналарыны озь сёзлеринъизнен изаланъыз. Муреккеп джумлелерни сечип, чешитлерини къайд этинъиз.

1. Дост сёзюни ташлама, ташлап, башынъын къашым!
2. Зенаатым — къанатым.
3. Инсанннынъ сою — бир, къыллыгъы бинъдир.
4. Ишлеген демир тотланмаз.
5. Ишлегеннинъ иши битер, ишсизнинъ куню кетер.
6. Иш севмезни эль севмез.
7. Иш — яшта дегиль, баштадыр.
8. Йигитнинъ сёзю бир олур.
9. Окъув ичюн ёкъ бир къарап, зиядеси берmez зарап.
10. Окъувнынъ сонъуна чыкъмагъян джаильден бетер.
11. Окъувны севген окъур, сонъундан гульдай къокъур.

63-юнджи иш. Метинден тизме муреккеп джумлелерни тапып, дефтеринъизге язынъыз. Оларнынъ эр бир джумлесини, адий джумле киби, синтактик талиль этинъиз.

Ашханенинъ къапусыны бираз аралыкъ эттим, одама кирдим. Дерслеримни бакъмагъа башладым, амма сессизлик ве ашханеде къалгъан кедерли черенъ ичимни эп кемирмекте эди. Креслогъа отурдым, яры къаранлыкъта яваштан «Къызылташ» тюркюсини йырладым:

Вардым къую башына,
Юзюк къойдым ташына.
Ах, нелер кельди, нелер кечти,
Бу генчликте башым.

Тюркюнен сессизлик даа да терен, даа да теляшлы олды. Турып, ашханеге кирдим. Соба сёнген, чайник сувугъан. Чай бардақълары аля даа маса усътюнде, сен, ашханенинъ орта еринде скемлеке отурып, оглюгинънен дудақъларынъны къапатып агълай единъ.

(Дж. Дагъджы)

Айырыджы тизме муреккеп джумлелер

Айырыджы тизме муреккеп джумлелернинъ къысымларында иш-арекет арды-сыра я да невбетнен алмашып оладжагъы бильдириле.

Бойле джумлелернинъ къысымлары озьара **я, я да, ёкъса, я... я да, де... де** киби багълайыджылары вастасынен багъланырлар. Бу багълайыджылар эм тек, эм чифт шекиллерде къулланылалар.

Меселя:

1. *Яз дейим, ёкъса котек ашарсынъ. (Э.Ф.)*

, ёкъса .

2. *Де олар кедер этти, де озюм хасталандым. (Р.Т.)*

Де , де .

64-юнджи иш. Берильген адий джумлелерни къулланып, айырыджы тизме муреккеп джумлелерни уйдурып язынъыз.

1. Къар ягъя. Ягъмур сепелей.
2. Язда къартбабама бараджагъым. Къартбабам бизге къышта келир.
3. Капу ачыла. Кимнинъдир аякъ давушлары эшитиле.
4. Кунеш йылтырай. Булатлар кокни къаптай.

65-инджи иш. Метинни окъунъыз. Тизме муреккеп джумлелерни сечип, чешитлерини ве багъ васталарыны бельгиленъиз.

Акъырындан аякъкъа турам, кибрит чертип, шандамлар устюндеки ешиль ве къырмызы чыракъларны якъам. Оданынъ ичинде азачыкъ мавы, азачыкъ да сары ышыкълы эфсаневий муит укюмран ола. Бир талай вакъыт кече. Чыракълар къыза, алевлери тёпеге созула, ельпирей тосат-тосат кучылю этип чаттайлар. Абдырап, башымны котерем, орталыкъ балавуз къоңгай. Озюм оданынъ ортасында алчакъ курьсю устюнде отурам, аякъларымны огге узата берип, телевизор бакъам. Килим узеринде Серовнынъ «Театр къадынлары» булуна, кечкен асыр тасвирий санатнынъ юксек нумюнеси. О, долап ичинде кошеде къысылып къалгъан, ята эди, апансыздан козюме чалынды.

Огюмде. Ерге джайып къойдым. Онъа де курьсю усьтюнде отурып, де аякъекъа къалкъып, онъдан-солдан козъ этем. (Дж.Д.)

66-нджы иш. Джумлелерни кочюрип язынъыз, синтактик талиль этинъиз. Багътайыджысыз тизме муреккеп джумлелернинъ чешитлерини бельгиленъиз, аляметлерини анълатынъыз.

1. Богъазым тутулды, тилим де тутулып къалгъандай олды. (Р.М.) 2. Онъа насылдыр таныш чизгiler корюнген киби олды, о къадынны къайды корыгенини бирден хатырлап оламады. (С.С.) 3. Тимур Абдуллаевич Алименинъ эллери агъырлашкъаныны сезди, о, онынъ ап-акъ кесильген юзюни коръди. (С.С.) 4. Дағъны, ташны ель бозар, адам огълуны сёз бозар. (Ат.с.) 5. Сейдамет деде бу фикирни торунынынъ козълеринде окъуды, Асие буны анълап шу saat куледжек олды. (Р.А.) 6. Озенчик энди бираз сакин акъмакъта, онынъ чевре-четинде отлар осип чыкъкъан. («Йылд.») 7. Ачув — душман, акъыл — дост. (Ат.с.) 8. Адамларнынъ кольгелери айдынланды, бир анъден сонъ эр шей кене зифт къаранлыгъына чёкти. (И.П.) 9. Къызлардан базылары по-мидор туршусыны догърады, дигерлери отымек ве пенир кести, чанакъ-чөльмекни азырладылар. (И.П.) 10. Тама-тама голь олур, акъа-акъа сель олур. (Ат.с.) 11. Шерфе аптенинъ козълери атешленди, чересине бирден шенълик ортюльди. (У.Э.)

67-нджи иш. Ашагъыдаки схемаларгъа эсасланып, бир къач тизме муреккеп джумле уйдурып, дефтеринъизге язынъыз, багъ васталарыны ве чешитлерини бельгиленъиз.

1. Де , де . 3. , амма .
2. , ве . 4. Я , я .

68-инджи иш. Метинни окъунъыз. Токътав ишаретлерини къойып, дефтеринъизге кочюрип язынъыз.

Пенджере огюндеки шымшыр ельден сынып кетер киби ашагъы эгиле сонъра кевдесини тим-тик догъулта. Эбедий ешиль япракълы терек. Оны кичик экенде топрагъы такъымнен Къуш-Къаядан кетирип бу ерде отурткъан эдим энди эппи вакъыт олды. Учъ дане эдилер отуртылгъан сонъ экиси къызарды когерди къурып ёкъ олдылар. Пенджере огюндекиси бирден гондже атты ешерди бойгъа кетти. Шимди эв ичинден бакъсанъ тёпеси

корюнмей. Шымшыр — узун омюр ве метинлик тимсалы эсап этиле. Кучълю терек. Пармакъ къадар кесеги сувгъя тюшсе батып кете ойле агъыр. Эвнинъ ичи улькюн, дивардаки saatнынъ елькъуваны къайсы ракъям устюнде экенлиги ачыкъ сечильмей. Куньдюз электрик чырагъы якъып оламайым якъсам козълерим ёрула яшлана. Эвельде ойле олмай эди. Эвде бу арада озюмден башкъя кимсе ёкъ.

(Дж. Дагъджы)

18-инджи дерс

БАГЪЛЫ НУТУКЪ

Нутукъ ве къонушув

Къаиделерни текрарланызы!

Къонушувнынъ эсас къаиделери

Инсанлар дайма бири-биринен лакъырды эте, къонушалар: озъара бильги ве фикирлернен пайлаша, меслеатлашалар, бир шей акъкъында анълашалар. Къонушкъан вакъытта олар бири дигерини динълей, хаберлер айта, бирисининъ язгъаныны окъуй, я да озю яза, демек, нутукънен къулланалар.

Лакъырды эткен ве язгъан вакъытта не макъсатнен ве кимге мураджаат эткенимизни бильмелимиз.

69-ындже иш. Агъзавий шекильде достларынъыз, агъанъыз, къардашынъызnen селямлашынъыз. Селямлашкъан сонъ, бир де бир суаль я да риджанен мураджаат этинъиз.

Къонушувнынъ эсас къаиделери

1. Лакъырды эткен вакъытта, сизнен къонушмакъ меракълы ве файдалы олмасына арекет этинъиз. Инсанларгъа сёзүнъизнен ве ишинъизнен ярдым этмеге тырышынъыз.

2. Къонушкъанда, субетдешинъизнен урьмет ве сайгъы иле лаф этинъиз.

3. Башкъаларны дикъкъятнен динълемеге огрединъиз.

4. Хатыранъызда олсун: субетдешнинъ лафыны больмелек ве озюнъиз акъкъынъызда пек чокъ сёйлемек чиркиндир.

5. Субетдешинъизнинъ яшы, табиатыны дайма назарда тутмалы ве онъя меракълы олгъян шейлер акъкъында лакъырды этмелисинъиз.

70-инджи иш. Ашагъыдаки вазиетни тасавур этинъиз: доступныз, хасталанып, бир афта мектепке кельмеди. Телефоннен багъланып, ал-хатыр сорамакъ ве эв вазифелерини анълатмакъ керек. Роллерге болип, телефонлашув диалогыны тизинъиз.

71-инджи иш. Берильген джедвельге эсасланып, «Къонушув къаиделери» мевзузында сыныфдашларынъиз огюнде чыкъыш япынъиз. Къаиделерни мисаллернен исбатланыз.

Нутукъя къоюлгъан талапларны окъунъиз ве оларгъа дайма риает этинъиз.

Нутукъ насыл олмалы?	Бунъя насыл иришмелі?
Мундериджели	Беян эткен фикринъиз эсас мевзугъа аит олмалы, ондан арткъяч бир шей айтма ве язмантыз.
Изчен	Фикринъизни белли бир тертипте беян этинъиз.
Ифадели	Эсас фикирни ифаделеген сёзлер ве ибарелерни сечип къулланынъиз.
Ерине коре уйгъун	Кимнен ве насыл шарапитте лаф эткенинъизни дайма назардан къачырманыз.
Догъру	Теляффюз этюв къаиделерине риает этинъиз, джумлелеринъизни догъру тизинъиз.

72-инджи иш. Шиирни окъунъиз. Шиирнинъ мевзузыны бельгилентьиз. Шиирнинъ мундериджеси узеринде субет кечиринъиз (эр бир дёртлюкте ифаделенген фикирлерни изалантыз).

Достларгъа

Дава этип, гонъюллernerни ынджытманыз:
Достлукъ сёнер, янып биткен чыракъдайын,
Келеджекке назар ташлап, барышынъиз:
Базыда ель къуветленир, кеткен сайын!

Барышынъиз, бунъя даа имкяnlар бар,
Мен де сизге кетиририм чечек, ышыкъ,
Юзюнъизге кунеш кене тёксюн нурлар,
Чыракъ олсун гонъюль охшар сёз — барышыкъ!

(Р. Халид)

41

73-юнджи иш. Берильген аталар сёзлерини окъуп, ифаделеген маналарыны изаланызыз. Икметли сёзлерден бирисини, серlevа оларакъ, сайлап, достлукъ акътында инша язынъыз. Метининъизде тизме муреккеп джумлелерни къулланынызыз.

1. Достсуз адам — къанатсыз къуш.
2. Къуш къанатына ишана, инсан — доступна.
3. Сырасы кельгенде, дост ичюн атеште ян.
4. Дост къара куньде белли олур.
5. Эль арасында элли доступнъ олсун.
6. Эмектен дост артар, ошектен — душман.

19-ындожы дерс

Инкяр тизме муреккеп джумлелер

Инкяр тизме муреккеп джумлелернинъ къысымларында инкяр манасы ифаделенир. Бойле джумленинъ къысымлары *не ...*, *не* киби текرارлы багълайыджысы вастасынен бағланып келирлер.

Меселя:

1. Оларның әвинде *не* ашамагъа аш тапылыр, *не* ичмеге сүв. (Р.Т.) не , не .
2. Тюневин *не* кок гудюрдеди, *не* ягъмур ягъды. (Ю.Б.) не , не .

74-юнджи иш. Ашагъыда берильген адий джумлелерден инкяр тизме муреккеп джумлелерни уйдурып, дефтеринъизге язынъыз.

1. Тереклернинъ япракълары къыбырдай. Озендеки сувнынъ шувултисы эштиле.
2. Этрафта чыракъ корюне. Эвлерден бир тюрлю сес чыкъмай.
3. Экрем дерс япа. Исмет шишир эзберлей.

75-инджи иш. Ашагъыда берильген джумлелерни окъунъыз. Муреккеп джумлелерде баш ве таби къысымларны къайд этинъиз. Токътав ишаретлерини къойып, джумлелерни дефтеринъизге язынъыз.

1. Не айвангъа бир тутам ем не де инсангъа бир авуч ун... (Дж.С.)
2. Тёлемеге не малым бар не акъчам бар тек бир джаным къалды

джанымны алынъыз. (Ю.Б.) 3. Не батакътан къоркъасынъ не гольден. (Ч.А.) 4. Эвинде не савут къалгъан не пенджере. (Ю.Б.) 5. Этраф чыр-чыплакъ. Не эв не терек. (Ч.А.) 6. Факъат Лейля не сенинъ олды не меним гузель эмшире Ватан дженкинде эляк олды. (Р.М.) 7. Сание ичюн не феналыгъы бар эди ве не де — севгиси. («Йылд.»)

76-нджы ши. Аталар сёзлерини окъунъыз, ифаделеген маналарыны озь сёзлеринъизнен изаланъыз. Муреккеп джумлелерни сечип, чешитлерини къайд этинъиз.

1. Акъыл — акъылгъа пахыл.
2. Акъыл — акъылдан устюн.
3. Акъыллы душман акъылсыз досттан эйидир.
4. Акъыллы ишине бакъар, акъылсыз — тишине.
5. Акъылынъа акъыл къош, ачувиның — сабыр.
6. Алим олмакъ — къолай, адам олмакъ къыйындыр.

77-нджи ши. Ашагъыда берильген метинни окъунъыз. Джумлелерде къалдырылгъан вергуллөрни къойып, оларның язылувины изаланъыз.

Амет-Хан исе энди балаларыны да терекни де унутты. Юкъарыдан онынъ козю оғюнде ич бир шейнен тенъештиремек мумкүн олмагъан дюльбер манзара ачылды. Бутюн Алупка онынъ аягъы тюбюнде — ем-ешиль багъчалар багълар bem-beяз эвчиклер ... мас-мавы йылтыравукъ денъиз онынъ устюнде кезген катерлер гемилер гуя яваш-яваш йылышып кеткен майыс боджеклерини анъдыралар. Сагъ тарафта Симеиз корюнүп тура солда — Мисхор Кореиз Гаспра узеринде маягъы ве мешур «Къарылгъач юvasы» сарайы олгъян Ай-Тодор буруны. Этрафта исе тик къаялар кийик дагълар аман-аман озылерининъ та къадими заманларда ильки асыл олгъандаки киби хусусий дюльберликлерини акс этмектелер. Башы узеринде исе къанатларыны джайып эки къартал авелемекте олар Амет-Ханнынъ бутюн дикъкъатыны джельп эттилер. «Ах, бу къанатлар менде олса эди», — деп хаялланды о. Шу къанатларнен даа юксекке котерилип эр бир ерни шеэр ве койлерни насыл этип сейир этеджегини козъ оғюне кетирди...

(Р. Фазыл)

Метинде олгъян замирлерни тапып, морфологик талиль этинъиз. Бу метин парчасы насыл услюпте язылгъан?

78-индже иш. Окъунъыз. Тизме муреккеп джумлелерни тешкиль эткен эр бир къысымны, адий джумле киби, талиль этинъиз.

1. Бааръ, лякин авалар аля даа къызмай. (Т.Х.)
2. Шиддетли ель эсти, эр ер къаранлықъқа батты. (И.А.)
3. Гедже, амма **айнынъ** сачкъан зиясы әтрафны ярыкълата. (Ә.Ш.)
4. Къаранлықълашты, шеэр эалиси юкъугъа далды. (Ф.М.)
5. Ава къызды, къушчықълар **шенъ** чивильдешелер. (И.А.)
6. Танъ **маали**, койлюлер юкъудан уянмакъта. (Р.М.)

Къайд олунгъан сёзлерни фонетик талиль этинъиз.

79-ынджы иш. Ашагъыда берильген джумлелерден къошма, къаршылықъ, инкар маналарыны бильдирген тизме муреккеп джумлелерни айры-айры язып алынъыз. Багълайыджыларны къайд этинъиз.

1. Арабаны токъттаттылар, Эсма, сыкъ-сыкъ нефес алып, арабанынъ янына якъынлашты. (А.О.) 2. Чавракъ йылгъасынынъ устюне асылып турған туман эксильди, боран кесильди, сокъакълардаки къарлар ириди. (Ш.А.) 3. Чешит идарелерге мураджаат эте, оны кимсе динълемей. (Ә.У.) 4. Бала багъыраджакъ олды, лякин сеси чыкъмады. (Ә.У.) 5. Мавы ве къаверенки козълер бири-бирине бакъып къалдылар, бакъышлар бири-бирине синъдилер. (С.С.) 6. Ойнагъанлар яваш-яваш кенаргъа чекильдилер, сонъ гармонь сусты.(Р.М.) 7. Дағғалар юксек шувултынен юксек къаягъа урула, әтрафқъа сув сачрай. (С.С.) 8. Чокъ вакъыт кечти, севги ярасы тюзельмеди. (С.С.) 9. Асан агъанъдан не бир хабер кельди, не де озю корюнди. (С.С.)

80-индже иш. Аталар сёзлерини окъунъыз, ифаделеген маналарыны озь сёзлеринъизнен изаланъыз. Муреккеп джумлелерни сечип, чешитлерини къайд этинъиз.

1. Акъикъят атеште янмаз, сувда батмаз.
2. Акъикъий сёз акъкъан сувны токъттатыр.
3. Алла сабырлы къулуны север.
4. Бааръдеки арекет — кузъдеки берекет.
5. Барлы олгъандже, бильгили ол!

6. Башкъа — тадж, дертке — илядж.
7. Баш сагълыгъы — дюнья барлыгъы.
8. Баш сагъ олсун, мал тапылды.

81-инджи иш. Метин парчасыны, вергуллерни къойып, кочюринъиз.

Эр йыл баарь кунеши ер **юзюни** къыздырып орталыкъ ем-ешиль **макъаткъа** орътюнген бинъ бир тюрлю чечек ве ильк ачылгъан **эрэлгъанларнен** ярашкъан вакъытта Хыдырлез байрамы эр кес ичюн шенъ ве джошкъун бир байрам ола.

Шу куньлерде мен де эр кес киби къуванам ве севинем. Лякин севинчнен берабер менде бир **раатсызылыкъ** да дөгъя. Санки пек сагъынгъан бир **мусафиримни** беклеген киби олам я да узакъта ёлгъа кетеджек киби къасаветленип башлайым ве бармагъа ер тапалмай юрем. Къыскъасы шу куньлерде мен озюмни бир тарафтан бахытлы деп экиндже тарафтан исе бахытсыз деп саям. Мына шу экиндже тарафыны башындан башлап этрафлыджа айтмакъ истейим.

(Дж. Аметов)

Къайд олунгъан исимлерни морфологик талиль этинъиз.

82-нджи иш. Джумлелерни кочюрип язынъыз ве синтактик талиль этинъиз.

1. Мурат четке чекильди, проводникке ёл берди, о, аджиз кулюмсиреди. (Э.У.) 2. Эсма болдурды, анасы оны къучагъына ала, опе. (А.О.) 3. Къуш ювасыз олмаз, инсан эвсиз олмаз. (Ат.с.) 14. Ибраим тынып отура, къабааты бардыр, ёкъса сен онъа бир шейлер айтынъмы? (И.П.) 5. Нияр, бир шей эшитмеген киби, сусты, онынъ бутюн вуджуды атеш ичинде янмакъта эди. (У.Э.) 6. Джәфер чалышты, Сание исе окъувны девам этти. (У.Э.) 7. Базы къоранталар пек муаббет яшайлар, базылары исе къавгъа-давадан къуртулмайлар. («Йылд.») 8. Яхшы сёз кульдюре, яман сёз күйдюре. (Ат.с.) 9. Тек бир Бекмуратовнынъ кулер череси денъишмеди, онынъ козълери буллюрдай парылдады. (Ю.Б.)

ТИЗМЕ МУРЕККЕП ДЖУМЛЕЛЕР (умумийлештирюв ве текрарлав дерси)

83-юнджи иш. Суаллерге джевап беринъиз.

1. Насыл джумлелерге тизме муреккеп джумле дерлер?
2. Тизме муреккеп джумлелерни тешкиль эткен адий джумлелер арасында багъ васталары акъкъында айтынъыз?
3. Тизме муреккеп джумлелерде токътав ишаретлерининъ къюолувыны хатырлантыз. Мисаллар кетириңиз.
4. Тизме муреккеп джумлелер акъкъында менимсеген бильгилеринъизни, умумийлештирип, беян этинъиз.

84-юнджи иш. Берильген метинни окъунъыз. Тизме муреккеп джумлелерни сечип, ашагъыда берильген тертипте синтактик талиль этинъиз.


Шеэрнинъ чети пек яхшы эди, яз вакъты эди. Чёллерде чавдарлар сааргъан, джылап ешерип тура. Пиченлер кебен япылгъан, ешиль тогъай боюузун баджакъ лейлек долаша ве мысыр тилинде мырылдай. Чёллар ве тогъайлыхъынъ артында балабан орманлар узанып кете, орманларда терен голлер бар эди. Папий де мында кулюк ята эди, ахыр-сонъу йымырталарнынъ къабукълары чатлады. Папийчиклер йымырта къабугъындан зар-зорнен чыкъты ве, этрафкъа козь кездирип, ешиль къампа япракъларына бакъмагъя башладылар. Папий озюинъ бутюн къорантасынен кетти, былт этип, сувгъа тюшти.

(Г. Андерсен)

Тизме муреккеп джумлелернинъ синтактик талили:

1. Муреккеп джумле тизме олгъаныны къайд этинъиз ве исбатлантыз.
2. Муреккеп джумлени тешкиль эткен адий джумлелерни тапып, оларнынъ арасында багъ васталарыны бельгиленъиз.
3. Токътав ишаретлеринъ къюолувыны анълатынъыз.
4. Муреккеп джумлелернинъ теркибиндеки эр бир къысымны адий джумле киби талиль этинъиз.

85-инджи иш. Берильген джедвеллерге эсасланып, «Тизме муреккеп джумлелер» серлевалы ильмий услюпте метин языныз. Метининъизде олгъян муреккеп джумлелерни талиль этинъиз.



86-ндјыши иш. Джумлелерни кочюрип язынъыз. Тизме муреккеп джумлелернинъ чешитлерини бельгиленъиз, багълайыджыларны къайд этинъиз.

1. Эр ишнинъ устасы бар, эр устанынъ устазы бар. (Ат.с.)
2. Мына бу талаплардан не ана къуртулып олур, не Керим озю къачып олур. (М.Р.)
3. Ягъмур токътады, лякин кокте кунеш корюнмеди. (Э.У.)
4. Бири куле, дигери агълай. (Дж.А.)
5. Кимерлери яш балачыкъларны къучакълап алыш, кокке ата, кимерлери исе чаларгъан сачларыны сыйпайлар. (Дж.А.)
6. Эр кес ашыкъя, эр кес бир янтылыкъ беклемекте. (Дж.А.)
7. Сулейман, ачувиындан озъ-озюни унтылып, атылып тураджакъ олды, лякин мийинде буюк бир агъры дүйди. (Р.А.)

87-ндји иш. Берильген джумлелерни девам этип, ашагъыдаки джумле чешитлерини тизинъиз:

- а) сойдаш азалы адий джумле;
- б) айны шу багълайыджынен кельген тизме муреккеп джумле.

Меселя: *Кунь чыкъты ве этрафны къыздырды. (адий джумле)*
Кунь чыкъты, ве ава къызды. (тизме муреккеп джумле)

1. Кунь чыкъты
2. Баарь кельди
3. Дуракъкъя автобус якъынлашты
4. Серин ель эсти

5. Сабадан ягъмур ягъа
6. Аким меракълы китап окъуй

88-инджи иш. Эфсанеден алынгъан парчаны окъунъыз. Тизме муреккеп джумлелерни сечип, дефтерге язынъыз ве синтактик талиль этинъиз.

Гузель Арзыны нишанлагъанлар. Нишан дуасына дост къызлары джыйылышкъян, нишан джыйыны яптылгъан. Къыш кечкен, ве шенъ баарь кельген. Абий агъанынъ багъчасындаки тереклер, къыз киби, чешит тюстечеклернен доналгъан, дюльбер Арзынынъ янакълары, баарь гуллери киби, аллангъанлар.

Къурбан байрамы якъынлаша, тойлар-дюгюнлер сыйкълашып баштайлар. Бутюн кой шенъликлер ичинде гъаркъ ола. Арзынынъ тоюны да байрамнынъ дөртюнджи куню япмагъа къарап бергенлер. Той якъынлашкъян сайын, Арзы ялдыдаки чешмесинден, тувгъанларындан, багъчасындан, догъып-осъкен коюнден айырыладжагъыны хатырлап, къасеветлене экен.

О йылы, кичик Мисхор койчиги учь байрамны бир кереден япкъын: Къурбан байрамы, баарь байрамы, бир де гузель Арзынынъ дюгюни. Ярашыкълы койнинъ шенъ яшлары ве къызлары дам тёpelеринде къоран тепип, «Ай, варирач, варирач» тюркюсимины йырлай, дамдан-дама айтышып, явлукъ алыш берише экенлер. Энъ шенъ, энъ къалабалыкъ маалле Абий агъанынъ яшагъан мааллеси экен. Мисхор коюнинъ севимли чечеги олгъан Арзы къызнынъ дамлы эвинде, аман-аман бутюн кой халкъы топлангъан. Узакъ койлерден, та Дерекой, Айвасылдан биле, сайгъылы Абий агъанынъ япкъын дюгюнине, пек чокъ мусафирлер, оны севип-сайып, кельгенлер, ёллар, сокъакълар халкънен толгъан.

(«Арзы къыз» эфсанеси)

БАГЪЛЫ НУТУКЪ

Иншаның талили

89-ынджы иш. Ашагъыдаки метинни дикъкъатнен окъуп, тар ве кенъ мевзуусыны бельгиленъиз.

Къырымтатар халкъынынъ чокъ меракълы ве зевкълы урфадетлери бар. Олардан бири джыйындыр. Джыйынлар къыш вакъты, койлюлернинъ азбарда, чайырларда ве багъ-багъчаларда, къызгъын ишлери биткен сонъ, кечириле турғъан. Яшлар ве къызылар, бир де-бир достларынынъ эвинде къонушмакъ ве эгленмек ичюн, невбетнен топлаша әдилер.

Топлашкъанлар, къошулып, халкъ йырларыны йырлайлар. Яшлар шакъалаша, лятифелер айтып, кулюшелер.

Джыйында, чешит зевкълы оюнлар ойнап, эгленмек де адеп олгъян. Яшларнынъ, «Юзюк», «Телефон», «Къушакъ» киби, оюнлары пек шенъ кече әди.

Истидатлы яшлар ве къызылар озылери уйдурғъан чынъ, мане, шакъаларны койдешлерине такъдим эте әди.

Наврез — шаркъ халкъларында Янъы йыл байрамы. Наврез сёзю эки сёзден ibaret: нав — янъы, рез — кунь. Наврез байрамы кунь ве гедже тенъ олгъян март айынынъ 21-инджи кунюне келе. Наврезде янъы йыл башлай ве бааръ келе. Койлерде топракъ ишлери башлай. Къырымтатарларда Наврез байрамыны къадимий девирлерде шерефлеп башлагъанлар.

(А. Велиулаева)

90-ынджы иш. Метинге эсасланып, «Миллий байрамлар» серлевалы инша язынъыз. Язгъан иншанызын дикъкъатнен окъунъыз ве мевзууны насыл дереджеде толу ачып косытергенинъизни бельгиленъиз.

Иншанызыз эдебий тиль къаиделерине риает этилип язылгъаныны ашагъыдаки тертипте талиль этинъиз:

1. Талиль этип, бакъынъыз: фикринъизни беян эткенде, тизилов джеэттен, багълы нуткъунъызда янълышлар япмадынъызмы?
2. Къуллангъан сёзлеринъиз, истила ве ибарелер ашагъыдаки талапларгъа джевап бермели:

- а) сёзлерни асыл лексик маналарында къулланмакъ лязим;
- б) ишлетильген услопке коре, синонимик сыралардан сёзлерни дögъру сечип алмалы;
- в) бир сёзни бир къач кере текrar къулланмакъ олмай;
- г) эдебий тильге айт олмагъян сёзлерни ишлетменъиз.
3. Сёзлерни морфологик джеэттен дögъру шекиллерде къулланмакъ керек.
4. Сёз бирикмелери ве джумлелерни дögъру тизмели.
5. Сёзлерни озъара бириктирмек ичюн ве джумлелерни багъламакъ ичюн, дögъру багъ васталарыны сайламакъ лязимдир.
6. Имля къаиделерине ве токътав ишаретлерининъ къоюлову къаиделерине риает этмели.

ТАБИЛИ МУРЕККЕП ДЖУМЛЕЛЕР

23-юнджи дерс

Табили муреккеп джумлелер, онынъ багъ усуллары ве васталары

Табили муреккеп джумлелер бири-бирине таби олып кельген эки къысымдан ibaret олурлар. Таби этиджи къысым — **баш джумле**, таби олгъян къысым — **таби джумле** олур.

Табили муреккеп джумлелерде баш ве таби джумле бири-биринен эки тюрлю багъ вастасынен багъланалар:

- 1) багълайыджысыз, интонация вастасынен;
- 2) багълайыджы васталарнен: **багълайыджылар** (*чунки, онынъ ичюн, ки, эгер* ве *иляхре*); **мунасебетчилер** (*сайын, биле*); **дереджеликлер** (*да, де, мы, ми*); **ялгъамалар** (*са, се*).

Табили муреккеп джумлелернинъ къысымлары озъара ашагъыдаки мана хусусиетлеринен багълана билирлер: **мунтеда, хабер, тамамлайыджы, айырыджы, ер, вакъыт, себеп, макъсат, шарт, тарз-арекет, микъдар-дередже, керилеме**.

Табили муреккеп джумлелерни схеманен косътергенде, ашагъыдаки шартлы бельгилерден къулланыла:

баш джумле — , таби джумле — .

Мұптеда табили муреккеп джумлелер

Мұптеда табили муреккеп джумлелерде таби джумленинъ мұптедасы баш джумленинъ мұптедасынен нисбетлешип келир. Баш джумледен таби джумлелеге *кім?* я да *не?* суали бериле.

Мұптеда табили муреккеп джумлелер эки түрлю олурлар:

1. Таби джумле баш джумледен зөвіль келир. Таби джумленинъ хаберинде *-са*, *-се* ялгъамалары олур, олар шарт фииллеринен ifаделенирлер. Баш джумленинъ мұптедасы *о*, *олар* замирлеринен ifаделенир.

Таби джумленинъ мұптедасы исе *кім*, *не* замирлеринен ifаделенир. Таби джумленинъ мұптедасы баш джумленинъ мұптедасынен нисбетлешип келирлер.

Меселя:

Кім зөвільдже кельсе, о, әнъ паалы бағышының саиби олур. (У.И.)

Базы джумлелерде баш джумленинъ мұптедасы, тюшюрильген олып, тек назарда тутулыр.

Меселя:

Кім гүзельдже беджерсе, уста сайлылыр. (Р.Т.)

2. Мұптеда табили муреккеп джумлелернинъ әқінджи чешити ашагъыдаки хусусиетлерге маликтири:

баш джумле, таби джумледен зөвіль келип, таби джумлелеге *ки* бағълайыджысы вастасынен бағъланып. Баш джумледе мұптеда вазифесинде *бу*, *шу* ишарет замирлери келир, хабер исе *олур* сёзюнен ifаделенир.

Меселя:

Шу бар ки, о, бир вакъыт догъмушларыны коръмеген. (Ю.Б.)

91-індіжи иш. Ашагъыда берильген мұптеда табили муреккеп джумлелерни кочюрип язынтыз. Баш ве таби джумлени тапып, баш джумлени, адий джумле киби, синтактик талиль этинъиз.

1. Кимнинъ чантасында не де олса, эписи ортагъа чыкъты. (С.Э.)
2. Къабаат кимде олса, о, разылықъ сорамакъ борджлу.
3. Ким зөвіль чыкъса, муқяфатны о, алыр. (Ч.А.)

4. Тек шу бар ки, биз учь куньден берли ягъмурдан бир ерге чыкъып оламаймыз. (С.С.)

5. Мектепке ким биринджи кельсе, о, копечикке аш бере эди. (С.Э.)

92-нөджи иш. Ашагъыда берильген схемаларгъа бакъып, муптеда табили муреккеп джумлелернинъ эр бир чешитине экишер джумле уйдурып, дефтерге язынъыз.

1. Ким -са, .

2. Бу ки, .

93-юнджи иш. Метинни окъунъыз. Муреккеп джумлелерни сечип, багъ усулына коре, чешитини бельгиленъиз. Табили муреккеп джумлелерде баш ве таби джумлелерни къайд этинъиз.

Белли олгъаны киби, къырымтатар халкъы Къырымда яшагъан къадимий халкълардан мейдангъа келип, онынъ тили де эски заманлардан башлап, яваш-яваш шекилленип кельген. Къырымда, къадимий заманлардан берли, киммерийлер, скифлер, юнанларнен берабер тюрк къабилелери яшап кельдилер. IV асырдан башлап, тюрк къабилелери ерли киммерийлер, скифлернен къарышып, Къырым халкъынынъ негизини тешкиль этелер. Бу къарышув нетиджесинде, тюрк тили устюн чыкъа, киммерийлер ве скифлернинъ къалымтылары къадимий тюрк тилинде лаф этмеге баштайлар.

Къырымтатар эдебий тили пейда олгъанына къадар, къырымтатар халкъы озы дуйгъуларыны, арзу-истеклерини, къасаветлерини агъыз яратыджылыгъында акс эттире эди. Къадимий заманлардан берли, къырымтатар халкъы агъыз яратыджылыгъынъ чешит жанрларыны (чынълар, манелер, масаллар, эфсанелер, дестанлар ве тапмаджалар) къулланып кельмекте.

(А. Меметов)

94-юнджи иш. Берильген аталар сёзлерини кочюрип, джумлелернинъ чешитлерини бельгиленъиз.

1. Не сачсанъ, оны орарсынъ.
2. Не берсенъ элинънен, о, кетер сенинънен.
3. Не еринъ агъырса, джанынъ шу ердедир.
4. Ана-бабанъя не япсанъ, алдынъа шу келир.

95-инджи иш. Берильген джумлелерни окъунъыз. Баш ве таби джумлелерни къайд этинъиз. Токътав ишаретлерини дөгъру къойып, джумлелерни дефтеринъизге кочюрип язынъыз.

1. Кене шу къайд этиле ки тенкъид ичюн такъип этмек къатиен ясакъ этиле. (С.Э.) 2. Ким бу мудхиш джанаваргъа бакъса о козълерини гъайып эте. (Мас.) 3. Ачкъа ким аш берсе о къардаш. (Ат.с.) 4. Тек шусы бар ки Исмет энъ теджрибели реберлерден бири. (Р.А.) 5. Ким де чалса уста экен. (Ат.с.) 6. Имтияннынъ энъ муим шарты шу ки янъы адам бутюн суаллерге тутулмайып джевапланмалы. (З.Н.) 7. Къазанынъа не ташласанъ чомучынъа о чыкъар. (Ат.с.) 8. Ким бу меселени чезе бильсе о акъикъий уста экен. (Ч.А.) 9. Ким ярышта гъалип чыкъса о мукиятланыр. (Р.Т.)

24-юнджи дерс

БАГЪЛЫ НУТУКЪ Адий ве муреккеп план

Къаиделерни текрарланъыз!

Метиннинъ планы адий ве муреккеп ола билир. Адий план метиннинъ эсас къысымларына къоюлгъан серлевалардан тизилир. Муреккеп планнынъ теркибине бир къач суаль кире. Бу суаллер метиннинъ къысымларына къоюлгъан серлеваларнен багълы ве бир къач уфакъ парчалардан ибарат олурлар.

Муреккеп план узеринде чалышкъанда, биз малюматны умумийлештирмеге, тертипке чекмеге оренемиз.

96-нджы иш. Ашагъыда берильген метинни дикъкъатнен окъунъыз. Мундериджесине эсасланып, серleva къюонъыз.

Бедиий эсерлерде инсаннынъ аяты насыл шекильде язылгъанына бакъып, биз эсернинъ жанрыны, джынсыны айырамыз. Эдебият алеминде язылгъан бутюн эсерлер язылув шеклине коре эпос, лирика ве драма киби джынысларгъа болюнелер.

Ширий шекильде язылгъан эсер лирик эсер сайыла. Лирик эсерлерде аятий вазиетлернинъ тесири алтында пейда олгъян инсаннынъ гъам-къасеветлери тасвирлене. Лирик къараманнынъ

айры тюшюнджене, дуйгъулары, рухий вазиети, алыш ширий эсернинъ сатырларында косътериле.

Рус эдебиятында лирик эсерлернинъ шиир, басня, баллада, ода, эпиграмма, поэма киби, чешитлери бар. Къырымтатар ве тюркский эдебиятларында лирик джыныснынъ, шиир, рубай, гъазель, къошма киби жанрлары бар.

Лирик эсерде шайрнинъ шахсий дуйгъусы ве фикирлери ифаделене. Лирик образларда олгъан дуйгъудашлыкъ сезгиши лирик эсерлернинъ тесирини къуветлендире.

Лирик эсерлерге менсюп бир къач хусусиетлерни айырмакъ мумкун. Биринджеиден, бойле эсерде муэллиф эсернинъ эсас къараманы ола биле. Мында тасвирленген рухиет ички дюньясында муэллифнинъ ички дюньясы косътериле.

Экинджеиден, лирик эсернинъ инсангъа олгъан дуйгъудашлыкъ тесири гъает буюктири. Лирик эсерде бильдирильген дуйгъулар окъуйыджынынъ гонъюль теллерини чимирдете.

Учюнджеиден исе, лирик (ширий) эсерлерде этрафта олып кечкен денъишмелер шайрнинъ дюньябакъышы, ис-дуйгъулары, мунасебети ярдымынен тасвирлене.

Лирик эсерлер, мевзусына коре, фельсефий, ичтимайи лирика, ватанперверлик, ватандашлыкъ, севги, табиат левхасы (пейзаж) лирикасы киби, чешитлерге болюнерел.

(Эдебият дерслигинден)

Ашагъыда берильген анълатманы дикъкъатнен окъуп, метиннинъ планыны тизинъиз.

Къаиделерни текрарланъыз!

Метиннинъ планыны насыл тизмели?

1. Метинни окъунъыз, анълашылмагъан сёзлернинъ манасыны аныкъланъыз.
2. Метиннинъ мевзусыны ве эсас фикрини бельгиленъиз.
3. Метинни мундеридже джеэттен къысымларгъа болюнъиз.
4. Планнынъ къарадала шеклини язынъыз. Бу планны метиннен тенъештирип бакъынъыз: планнынъызда метиннинъ мундериджеси акс олунгъанмы; планнынъ къысымлары бири-биринен бағылымы, метиннинъ эсас фикри ве мундериджесини акс этелерми?
5. Бу плангъа эсасланып, метинни икяе эте билирсизми?
6. Къарадала шеклини тешкеген сонъ, планнынъ темиз шеклини кочюрип язынъыз.

97-нджи иш. Ашагъады берильген аталаар сёзлеринден бирини мевзу оларакъ алышп, инша язынтыз. Иншанъызынынъ планыны тизмеге унутмантыз.

1. Джайллик факъырлыкътан бетердир.
2. Эмек къойсанъ, таш устюне гуль битер.
3. Эмек омюрнинъ зийнетидир.
4. Энъ эшрефи акъылдыр, энъ буюги илимдир, энъ гузели эдептири.
5. Энъ яхшы гузеллик эдеп ве бильги гузеллигидир.

25-нджи дерс

Хабер табили муреккеп джумлелер

Хабер табили муреккеп джумлелерде таби джумле, баш джумленинъ хаберини муайенлештирип, баш джумледен соңъ келир. Баш джумленинъ хабери ишарет ве айрыдыхыумумийлештириджи замирлернен ифаделенир, *ки* багълайыджысы джумленинъ эки къысмыны багълар.

Меселя: Меракълысы шунда ки, Тевиде оны эвель де биле экен. (Т.Х.)

98-нджи иш. Ашагъада берильген хабер табили муреккеп джумлелерни кочюрип язынтыз. Баш ве таби джумлени тапып, баш джумлени, адий джумле киби, синтактик талиль этинъиз.

1. Бутюн фаркъ шунда ки, бизим къызларымыз пек тербиели ве утанчакълар. (С.С.) 2. Сусувнынъ манасы шунда ки, стакан ерине не тюшюнип чыкъармакъ мумкун? (Э.А.) 3. Бу китапнынъ меракълыгъы шунда ки, дикъкъатынъны топламагъа меджбур эте. (Р.М.) 4. Фаркъы шунда ки, биз бу баланы озъ къызымыз киби къабул эттик. (Б.В.) 5. Меракълысы шунда ки, бу алетнен тек муэндислер дегиль де, экин сачкъан койлюлер де къуллана билирлер. (Р.А.) 6. Бойлеликнен, меселе шунда ки, къую къазгъанда, мукъайт олмакъ лязимдир. (Ч.А.) 7. Энъ худжуры шунда ки, Сервер бир насиатыма къулакъ асмады. (С.Э.)

99-ындже иш. Ашагъыда кетирильген схемаларгъа эсасланып, бир къач хабер табили муреккеп джумлелерни уйдурып, дефтеринъизге язынъыз. Баш джумлени, адий джумле киби, синтактик талиль этинъиз.

1. Шунда ки, . 3. Меселе шунда ки, .
2. Меракълысы шунда ки, .

100-юндже иш. Метинден муреккеп джумлелерни сечип, дефтеринъизге язынъыз ве схеманен косытеринъиз.

Аксине, шеэрде бундан фена алларны да коръмек мумкюн. Джамилер оғонде турып, намаздан чыкъкъанларгъа: «Фелянча киши сыкъылгъан... гонълюнъизден къопкъаныны беринъиз!» — сёзлери иле мураджаат этип, явлукъ ачкъан гъарип адамлар ёкъуллыкъынъ къурбаны олдугъына шубе этилемез. Шеэрде бир рус гимназиясы ишлей, анда сийрек-терпек татар балалары да тасиль коръмектелер. Эр маалленинъ озюнде булуңгъан татар мектебининъ дёрт сыныфыны бир оджа, бир ода ичинде невбет-невбет окъутмакъта. Земский мектеплерде сыныфларнынъ оджалары — айры-айры. Мен оларны, о оджаларнынъ эксерисини, саям-севем, о себептен адларыны къайд этмек истейим. Ахмед Нуредин, Ягъя Байбуртлы, Ахмед Нагъаев, Ибраим Меинов, Абдураман Усни, Сулейман Бадракълы, Якъуб Шакир-Али, Осман Заатов... бу генчлер татар балаларына илим-фен эсасларыны огретмектелер. Меним ичюн гъает къыйметли бу шеэрде меракълы адамлар да чокъ, олардан энъ олмагъанда, экиси акъкъында эки сөз айтмамакъ ич мумкюн дегиль. Бири — газетаджы Садыкъ. Къуру кевдели, чубарджа бетли, алчакъ гонъюлли, арекетчен бу адамнынъ бир къолу тирсегинден ёкъ, не вакъыт бакъсанъ, чантасы «Терджиман» иле толу. Соқъакъларны, беш-баш доланып, газета даркъатмакъта. Кимсеге пара борджу ёкъ, кимсе онъа борджу дегиль. Иши-кучю, хаялы... эмели бу — хызмет. Аякъларында даима — йыртыкъ чаблалар, къарны — даима бош.

(Э. Фаикъ)

101-нджи иш. Берильген аталар сёзлерини окъунъыз. Тизме муреккеп джумлелерни бир тарафкъа, табили чешитлерини экиндже тарафкъа кочюрип язынъыз.

1. Гонълю ачыкъының къолу ачыкъ, къолу ачыкъының ёлу ачыкъ.
2. Бабаның юрги дагъдан буюк, ананың юрги деңизден де терен.
3. Ана-бабагъа урьмет этсенъ, озюнъе урьмет корерсинъ.
4. Тильниң яхшысы саибине бал едирип, яманы башына беля кетирип.
5. Эмек къойсанъ, таш устюне гуль битец.
6. Биревге яманлыкъ истегендже, озюнъе яхшылыкъ исте.

102-нджи иш. Ашагъыда берильген хабер табили муреккеп джумлелерни окъунъыз. Токътав ишаретлерини къойып, джумлелерни кочюрип язынъыз.

1. Лякин энъ муими шунда ки тешеббюсчи бир шейни эки япмагъа тырышмай. (У.Э.) 2. «Меселе шунда ки къардашым бу ишни пек аджеle япмакъ кереким», — деп элиндеки ярым газета бичиминде кягъыт табагъы косътерди. (У.Э.) 3. Лякин меселе шунда ки Фариданың айткъаны киби эр кеске наисип олмай. (У.Э.) 4. Энъ меракълысы шунда ки озю айта озю де куле. (Р.А.) 5. Фаркъы шу ки мен озюмнинъ вазиетимни көзъ оғюне алып Сафиени аджыйым. (Р.А.) 6. Меселе шунда ки бу агълавларның буллрю киби уйрюлип чыкъкъан козъяшларның сонъу олмайджакъ. (И.П.) 7. Меселе ойле ки мен бирден бу телюкели вакъиагъа адым атмаз эдим. (И.П.) 8. Фаркъы шунда ки авалени Акимов дегиль меним акъраным ве реберим Русинов бере. (М.А.)

26-нджендер

Тамамлайыджы табили муреккеп джумлелер

Тамамлайыджы табили муреккеп джумлелерде таби джумлениң хабери баш джумледе аньлатылгъан мананың битмесини талап этер.

Тамамлайыджы табили муреккеп джумлелернинъ бир къач чешити бар:

1. Баш джумле таби джумледен сонъ келир. Таби джумленинъ хабери шарт фиилинен ифаделенип, *-са*, *-се* ялгъамаларынен келир. Эки къысымнынъ теркибинде нисбетлешкен замирлер ишлетилир. Олар джумле ичинде тамамлайыджы олып келирлер.

Меселя: *Сиз кимге мураджаат эткен олсанъыз, онынънен лакъырды этмелисинъиз.* (Кимнен лакъырды этмелисинъиз?) (С.Э.)

2. Тамамлайыджы табили муреккеп джумлелернинъ экинди чешитинде таби джумле, баш джумледен сонъ келип, *ки* багълайыджысынен багъланыр. Баш джумледе хабер маҳсус бир сыра фиилдернен ифаделенир: *демек, бильмек, корымек, тюшюнмек, олмакъ, япмакъ, ктайд этмек, тариф этмек* ве иляхре.

Меселя: *Шуны тасдыкъламакъ керек ки (нени тасдыкъламакъ керек?), олар бу ишни аля дереджеде беджергенлер.* (Э.А.)

3. Тамамлайыджы табили муреккеп джумлелернинъ даа бир чешитинде баш ве таби джумле *мы, ми* дереджеликлери вастасынен багъланып келирлер. Бойле джумлелерде баш джумле таби джумледен эвель келир.

Меселя: *Анъладынъмы, (нени анъладынъмы?) ананъ тез мында кельсин.* (Э.Ф.)

4. Багълайыджысыз тамамлайыджы муреккеп джумле.

Интонация вастасынен багълангъан тамамлайыджы табили муреккеп джумлелерде баш джумленинъ хаберине багълы олып таби джумле келир. Таби джумленинъ хабери баш джумледе *анълатылгъан мананынъ битмесини сорар.* Баш джумленинъ хабери *анъламакъ, айтмакъ, дуймакъ, зан этмек, фарз этмек, бильмек* киби фиилдернен ифаделенир.

Меселя: *Тиземизнинъ джошкъун гонълюнден биз анъладыкъ (нени анъладыкъ?), бугунь бир тантана оладжакъ.* (И.П.)

103-юнджи иш. Ашагъыда берильген тамамлайыджы табили муреккеп джумлелерни окъунъыз. Токътав ишаретлерини къойып, джумлелерни кочюрип язынъыз.

1. Сиз кимге мектюп язгъан олсанъыз онынъ иле корюшмек керексинъиз. («Йылд.»)
2. Бала не корыссе шуны япар. (Ат.с.)
3. Билесинъми биз бугунь языджылар топлашувина бараджакъ-

мыз. (Р.М.) 4. Корюне ки бу йыл берекет номай оладжакъ. (Р.Т.) 5. Биз эмин эдик тезден бизим аскерлер бутюн фронтларда уджюмге кечер ве душманны бизим топракътан айдал чыкъарыр. (М.А.) 6. Эми-ним ки олар илле келирлер. (А.Д.) 7. Коресизми коюмизнинъ бутюн адамлары башларыны астылар. (Ю.Б.) 8. Ялынтыз шуны къайд этмек керек ки бизге къаршы атылгъан бу фелякетли къара кучьни биз эп бир енъермиз. (М.А.)

104-юнджи иш. Метинни окъунъыз. Муреккеп джумлелерни бельгилеп, табили муреккеп джумлелерни къайд этинъиз.

Бу интервьюде Амет-Ханнынъ журналистлерге айткъян сонъки ресмий сёзлери ве фикирлери акс эттирильгени ичюн, Е. Месяцевнинъ мақъалесинден шу сёзлерни, олгъаны киби, кетиремиз.

«— Озъ зенаатынтызгъа мунасебетинъизнинъ эм муим хусусиети неден ибарет? — деп сорай мухбир.

— Эгер бир процент биле ишанч олса, мен машинаны терк этмем, — дей Амет-Хан.

— Энъ севмеген шейинъиз — не?

— Зеин зайыфлыгъы. Сынав учувларында бир де бир шейни унутмакъ, сонъ, энъ эйи алда, вазифенинъ эда олунмаовынен, энъ фена алда исе, фелякетнен битер. Учув вакътындахи янълышлар, зеин ве дикъкъат янълышлыгъыдыр.

— Сынавджах учуджылардан анги бирине айрыджа урмет этесинъиз?

— Багъышла, аркъадаш, мен оларны бир заман буюк-кичиклерге айырмадым. Амет-Хан эки йылдыз алды. Оларны Иванов да Сидоров да ала биле эди. Иште, меним ишим онъ келе, авада мен эр вакъыт фашистлерни расткетириэдим. Ве шу дакъикъада озюмни урушкъа азырлай эдим: «Къана, Султан, эгер сен оларны урмасанъ, олар сенинъ мукъаддес Ватанынъны, халкъынъны ураджакълар...»

— Сынавджах учуджынынъ тешеббюс косытермеге акъкъы бармы?

— Къазагъа оғърагъан вакъытларда тешеббюс мытлакъ керек. Менджесине, учуджы башта белли олмагъан, лякин учушнынъ муайен вазифеси артында гизленип къалгъан базы «шейлер»ни де сынап бакъмагъа акълы. Лякин буны, бойле адымынъ кереклигине бутюнлей къаний олгъан сонъ, япмакъ керек.

— Учув интуициясы — не демек?

— Учуджынынъ теджрибеси...»

(Р. Фазыл, Л. Софу)

105-ндже иш. Ашагъыда берильген схемаларгъа эсасланып, тамамлайыджы табили муреккеп джумлелерни уйдурып язынтыз.

1. Олар -селер, . 3. Бильдим ки, .
2. Эшиттинъ -ми, . 4. Дуйдыкъ, .

106-ндже иш. Метинни кочюрип язынтыз. Муреккеп джумлелерни бельгилеп, тизме ве табили чешитлерини къайд этиньиз.

Мамметни ойле гонъюльсизлик делялети сарып алгъан эди ки, о, кимсени, атта апакъайыны биле, динълемек истемеди. Рессамны къандыраджакъ, дөгъру ёлгъа саладжакъ бир адам олса, о да къардашы Мамедидир, деп ойланды Зекие. Эртеси куню о, акъайына Мамедининъ эвине бараджагъыны сейлекенде, Маммет къадынынен къаиль олмады. Афакъанланды.

— Керекмей, ишиме къарышмантыз, — деди серт-серт, — манъя раат чалышмагъа имкян бермейсинъиз. Эм энди кеч олды. Мен артыкъ ишимден чыкътым.

Зекие къоджасыны динълемеди. Мамметке, шубесиз, маневий ярдым, къандырыджы огют, баба насиаты керек, деп ойланды о. Буны, къардашы Мамедиден башкъа, кимсе япып оламаз эди, Зекие, къоджасынынъ шалтырагъан такъдирини къайгъырып, эзиетни онынънен берабер чекти, пайлышты. Бу дүйгүлар оны эртеси куню Мамедининъ эвине алыш кельди. Акъшам, еди къаарлары, акъайы эвде ёкъ эди. Олса, ихтимал, дава этер, ёлламаз эди.

(Р. Муедин)

27-ндже дерс

БАГЪЛЫ НУТУКЪ

Маруза

Маруза бир де бир меселенинъ эсас мундериджесининъ агъзаний беяныдыр.

Маруза, тизим джеэттен, учь къысымдан ибарет олур: кириш, эсас къысым, нетидже. Марузагъа азырлангъанда, эр бир къысым узеринде чалышмалы.

Марузанынъ кириш сёзүнде мевзуны сечип алувинынъ себеплери бельгилене (меселенинъ актуаллиги, маъсады).

Эсас къысымда икяе этильген меселенинъ энъ муим хусусиетлери изалана.

Марузанынъ нетиджесинде мантыкъий хуляса чыкъа-рыла.

Марузаны язгъанда, ашагъыдаки тертипте иш алыш барылмалы

1. Эдебиятны козьден кечирип, мевзуны эр тарафлама ограйнип чыкъмакъ.
2. Малюматны топлагъанда, динълейиджилерге меракълы оладжакъ фактларны къайд этмек.
3. Ишнинъ планыны тизмек ве онъа бакъып, топлангъан малюматны тертипке чекмек.
4. Эсас меселелерни конспектлештирип, марузанынъ метинини язмакъ.
5. Истилаларны, янъы сёзлерни къайд этмек.
6. Чыкъышта булунгъанда, сёзлерни догъру теляффюз этмек, изченликнен ифадели икяе этмели.
7. Эвде метинни бир къач кере текрарламакъ ве 15-20 дақъикъа девамында марузанынъ мундериджесини беян этмеге ограймек.

107-нджи иш. Берильген метинни окъунъыз. Мевзусыны бельги-леп, маруза шеклинде мундериджесини икяе этинъиз. Шакир Селим акъкъында бильген малюматнен марузанъызын кенишлетинъиз.

Шакир Селим поэтик образларда терен, оригинал фикирлер, мулязалар айтмагъа биле. Аят адиселерининъ кимсе корип оламагъан джеэтлерини, хусусиетлерини корымеге, исрарлы араштырувларда булунмасыны талап эте.

Шаир, эр анги мевзуда язгъанда, поэзиянынъ эсас талабы — образлы фикирлемеге, араштырувлар нетиджесинде янъылыкълар кешф этмеге биле. Инсаннынъ ич дюнъясыны терен ачмагъа тырыша.

Шакир Селим «Багъышлав» шириини язды. Атамызгъа (И. Гаспринскийге), халкъымызнынъ башына кельген беляларны юрек яныгъынен икяе этти. «Бизлер сенинъ киби кунешимизден де, Ватанымыздан да махрум олдыкъ. Лякин динимизни, тилимизни сакълап къалмагъа тырыштыкъ», — дей шаир.

Бу яланджы-фани юртта йыкъынтылар тикленир,

Мермер ташкъа шу мукъаддес ад, исминъни оярмыз.

Акъсызлыкълар ексан олур, адалетли кунь келир,

Къырым узъре сен котерген байракъларны къоярмыз.

(Б. Мамбет)

108-инджи иш. Ашагъыда берильген аталар сёзлерини окъуп, маналарыны изалантызыз. Бирисини язаджакъ марузантызгъа сайлап, эвде, малюмат топладап, маруза язынтызыз.

1. Татлы сёз демир къапуларны ачар.
2. Татлы тиль йыланнны ювасындан чыкъарыр, яман тиль — инсаннны имандан.
3. Татлы тиль къартны яшарта, къуветсизни къуветлендире.
4. Татлы тиль саибине бал едирир, аджджы тиль — башына беля кетирир.

28-инджи дерс

Айырыджы табили муреккеп джумлелер

Айырыджы табили муреккеп джумлелернинъ таби джумлеси умумий мананы бильдире, баш джуле исе муайен мана анълатыр. Таби джумле баш джумледен чыкъкъан насыл? кимнинъ? ненинъ? суаллерине джевап берир.

Айырыджы табили муреккеп джумлелер, тизим ве мана хусусиетлерине коре, эки чешитте олалар:

1. Баш джумле таби джумледен соңъ келир. Таби джумледеки хабер *-са*, *-се* ялгъамасынен кельген шарт фиилиниен ифаделенир. Таби джумленен баш джумленинъ теркибинде нисбетлешкен сёзлер ишлетилир. Чифтлеп, бу сёзлерни бойле косътермек мумкун: *кимнинъ ..., онынъ;* *насыл ..., ойле; ким ..., онынъ* ве дигерлери.

Меселя: *Омюр девамында насыл бала тербиелесенъ, (насыл инсан ве оғұулғұра наиль олурсынъ?) ойле де инсан ве оғұулғұра наиль олурсынъ. (Э.Ф.)*

2. Айырыджы табили муреккеп джумлелернинъ экиндже чешитинде баш ве таби джумле *ки* бағълайыджысы вастасынен бағъланып келирлер. Баш джумле таби джумледен эвель келип, онынъ теркибинде *ойле бир, о къадар* киби замирлер ишлетилир.

Меселя: *Бу китапта ойле муджизелер тасвирленген ки, (насыл муджизелер тасвирленген?)* эр кесни айретте *кұалдырылар*. (Дж. Д.)

109-ынджы иш. Берильген джумлелерни окъуп, баш ве таби джумлелернинъ ерини ве багъ васталарыны бельгиленъиз.

1. Кимнинъ арабасына минсе, онынъ атыны макътай. (Ат.с.)
2. Саниенинъ алдында мен насыл ялтакъланып юрсем, Сание де меним алдымда ойле ялтакълана. (Р.Т.) 3. Мен артыма бакъып етиширамадым Ильяс янагъыма ойле шамар тюшюрди ки, аякъ устюнде зорнен турдым. (Р.Т.) 4. Партизанларны гъайып этмеге кельген немселер ойле дубарагъя оғырагъанлар ки, яры аскерлерини гъайып этип, табана къувет бергенлер. (Р.Т.)
5. Кийинмеге кийиндим, амма, даа бутюн тюймелеримни тюймелеп етишитирмеден эвель, ода ичерисинде ойле шамата къопты ки, бир ань ичинде ёргъанымны кенаргъа фырлатып, аякъ устюнде турдым. (Э.Ф.) 6. Эсерлер арасында ойле сойлары расткельдилер ки, онъа даир ягъдырылгъан мулязаларгъа инанаджагъынъ биле кельмей эди. (Р.Ф.) 7. Эв ве азбар бир къач saat ойле сюкюнет ичине чомдылар ки, атта тавукъларнынъ чивильдиси биле кесильди. (Ю.Б.) 8. Сабри озю эвленеджек къызында насыл къабилиетлер олгъаныны истесе, Алиеде о къабилиетлернинъ эписини тапты. (Э.Ф.) 9. О исе: «Насыл кеткен олсанъ, ойле келирсинъ», — деди. (Ю.Б.) 10. Ойле бир ахмакълыкъ яптым ки, озюмни багъышлап оламайым... (Ю.Б.)

110-унджы иш. Берильген схема узьре айырыджы табили муреккеп джумлелерни уйдурып, дефтеринъизге язынъыз.

1. -се, . 2. ки, .

111-инджи иш. Компьютер оюнларындан энъ бегенгенинъиз акъкъында метин язынъыз. Метиннинъ услюбини бельгиленъиз. Муреккеп джумлелерни къулланынъыз.

112-нджи иш. Метинни окъунъыз. Муреккеп джумлелерни бельгилеп, тизме ве табили чешитлерини къайд этинъиз.

Али-бабанынъ елькенли гемиси, артыкъ денъиз далгъалары устюнде чалкъалана ве Арзыны узакъ Стамбулгъа алып кете.

Бутюн кой шенъликлерден вазгечип, къарапалар кийип, бульбуль киби сёйленген къызычыкъынъ къаrasыны туткъанлар. Эвельден шенъ тюркюлер сёйлеп акъкъан бол сувлу чешмеси де, бойле бир къоркъунчлы джинаеттен сонъ, яваш-явш сууны эксильтмеге ве энъ сонъу, козъ яшлары киби тамчы-тамчы акъмагъя башлагъан.

Ялынъыз, ялыда бир кере дюльбер Арзынынъ чалынмасына тамам бир йыл толгъанда, кене шу бааръ акъшамында, ялыдаки чешменинъ суву бол-бол акъмагъа башлай экен. Тамам шу saatte Къара денъизнинъ далгъалары арасындан бир денъиз анасы къучагъындаки баласынен ялыгъа чыкъкъан. Ялыдаки чешмеге якъынлашып, сувдан янгъан адам киби, чешменинъ сумегине дудакъларыны япыштырып ичкен сонъ, эллерини, юзюни ювгъан. Беяз эллеринен чешменинъ ташларыны муаббетнен сыйап, ялы кенарына ерлешип отургъан. Денъизнинъ коклернен бирлешкен кениш юзюне бакъып, терен тюшюнджеge далгъан. Койге догъру дюльбер юзюни чевирип, ичини чекип, терен бир «ах» чеккен сонъ, текрап денъизнинъ далгъалары арасында гъайып олып кеткен.

Арадан бир къач йыл кечкен, Абий агъа къааринден ольген. Эслилер къартлангъанлар, яшлар эслилер сырасына кечкенлер.

Мисхор койлюлери эр йыл денъиз анасынынъ къучагъында балачыгъынен ялыгъа чыкъкъаныны, чешмеден къана-къана сув ичкенини корип, пек къоркъуша экенлер.

Амма, онынъ ким экенини, не ерден кельгенини бильмей экенлер.

(«Арзы къыз» эфсанеси)

113-юнджи иш. Ашагъыда берильген джумлелерни, токътав ишаретлерини къойып, дефтеринъизге кочюринъиз.

1. Шимди кене де эвелькиси киби сакинлик укум сюромекте исе де бутюн олып кечкен аллар орталыкъка ойле бир титислик догъургъан эди ки дигер тереклер де айны алнынъ озь башларына келеджегини беклеп титсинип турмакъталар. (Ю.Б.) 2. Эгер элимни юргиме къойып ачыкътан-ачыкъ догърусыны айтаджакъ олсам мен бир вакъыт талий мени ондан айыргъаны ичюн окюнмейим деп оламайым чюнки ойле дакъкъалар ойле куньлер ола ки гонълюмни окюнч сарып азап ичинде къыйналам чекишем. (Ю.Б.) 3. Ойле адамлар бар ки олар ичюн джанымны бермеге азырым. (Э.Ф.) 4. Ойле адамлар бар ки сабадан акъшамгъадже оларнен лакъырды этмеге истейсинъ. (Р.Т.) 5. Мен инанмакъ кереким ойле кунь келир ки умют йылдызы манъа узакътан кене лишильдеп янар кене къуванчлы баҳт нурларыны сачар. (Р.Т.) 6. Омюринъ насыл олса олюминъ де шойле олур. (Ат.с.) 7. Омюр не къадар татлы олса олюм шу къадар аджды олур. (Ат.с.) 8. Асан акъай буны ойле бир давушнен сёйледи ки эки дакъкъа ичинде орталыкъ чым-чырт олды. (Р.Т.) 9. Япмаз беллединъ эм ойле дубаралар чыкъардым ки атта милициягъа чагъырттылар. (Э.Ф.) 10. Аякъларындан мийине ойле агъры далгъалары келип урулдылар ки Гульджиан шу дакъкъасы эсини джойды. (Р.Ф.)

Вакъыт табили муреккеп джумлелер

Вакъыт табили муреккеп джумлелерде таби джумле олаяткъан иш-арекетининъ вакътыны бильдирип, *не вакъыт?*, *къачан?* киби суаллерге джевап берир.

Тизим ве мана хусусиетлерине коре, вакъыт табили муреккеп джумлелери бир къач чешитке болюнерел:

1. Таби джумле баш джумлелеге *-мы*, *-ми* дереджеликлер вастасынен багъланырлар ве баш джумледен эвель ерлешир.

Меселя: *Эвге кирдими, къорантта азаларының кейфиети шу арада котериле.* (С.А.)

2. Таби джумленинъ хабери *-са*, *-се* ялгъамаларынен келип, шарт фиилиниң ифаделенири, баш джумленинъ хабери исе шимдики заман я васталы кечкен заман фиилиниң ифаделенири. Базы джумлелерде хабер *бар*, *ёкъ* сөзлеринен ифаделенири. Бойле джумлелерде де таби джумле баш сөзден эвель келир.

Меселя: *Бааръ кельсе* (*не вакъыт авалар къызыар?*), *авалар къызыар.* (Ю.Б.)

3. Таби ве баш джумлелерниң теркибинде вакъыт манасыны анълаткъан нисбетлешкен сөзлер къулланылыр. Баш джумле таби джумледен сонъ келир.

Меселя: *Бу койге не вакъыт кельсенъ* (*не вакъыт даима той-дюгүнге тюшесинъ?*), *даима той-дюгүнге тюшесинъ.* (У.Э.)

4. Баш джумле таби джумледен сонъ келип, бири дигеринен багълайыджысыз, интонация вастасынен бирлешип келирлер.

Меселя: *Талебелер мектепке барып етмеген эдилер* (*не вакъыт зиль чалынды?*), *зиль чалынды.* (У.Э.)

5. Баш ве таби джумле *-къанда*, *-гъанда*, *-кенде*, *-генде* киби ялгъамалар вастасынен багъланырлар.

Меселя: *О, эсас меселеге кечкенде*, эр кес сесини кесип, дикткъатнен динъледи. (*не вакъыт эр кес сесини кесип, дикткъатнен динъледи?*) (Ш.А.)

6. Баш ве таби джумле *сонъ* мунасебетчиси ярдымынен багъланалар.

Меселя: *Кузъ кельген сонъ, авалар бозулып, ягъмурлар ягъмагъба башлады.* (*не вакъыт авалар бозулып, ягъмурлар ягъмагъба башлады?*) (У.И.)

7. Таби джумленинъ хабери *берли*, *киби*, *-нен* мунасебетчилеринен кельген сыйфатфииль шеклинен ифаделенир.

Месељя: *Дагъгъа киргенлеринен*, *кунеш нурлары корюнмей къалды*. (не вакъыт кунеш нурлары корюнмей къалды?) (Э.Ф.)

8. Таби джумледеки хабер сыйфатфиильден *-да* *-де*, *-джа*, *-дже* ялгъамалары вастасынен япылгъан алфииллнернен ифаделенир.

Месељя: *Мусафирлер кельгенде*, *Алим аман еринден атылып турды*. (не вакъыт Алим аман еринден атылып турды?) (Э.Ф.)

114-юнджи иш. Ашагъыда берильген адий джумлелерни къулланып, вакъыт табили муреккеп джумлелерни язынъыз. Багълайыджы вастасында тюрлю ялгъама, дереджелик ве мунасебетчилерни къулланынъыз.

1. Мен эвге къайттым. Меним аптелерим байрамгъа азырлана эдилер.

2. Бизим къоранта багъчада чалыша эди. Мен мектепте эдим.

3. Бааръ кельди. Авушыджен къушлар учып кельдилер.

4. Кунь догъды. Сеятчылар ёлгъа чыкътылар.

5. Бутюн ерни кубреледилер. Мысырбогъдай, гурь олып, осыти.

6. Поезд кочьмесине ярым saat къалды. Балалар вокзалгъа кельдилер.

7. Тракторны токъттаттылар. Эр ер чым-чырт олды.

8. Дерслер битти. Биз эвге къайтаджакъмыз.

115-инджи иш. Ер ве вакъыт табили муреккеп джумлелерден файдаланып, терджимеийалынъызны язынъыз. Метинде олгъан сайыларны морфологик талиль этинъиз.

116-иджы иш. Берильген джумлелерни окъунъыз. Токътав ишаретлерини къойып, кочюрип язынъыз.

1. Машина кочьтими онынъ басамагъына атылып мине. (С.Э.)

2. Алиман акъкъында не вакъыт лаф чыкъса Айрие эр вакъыт индемей тура эди. (Ч.А.) 3. Бир къач адам бир ерге кельдими аман дженк лакъырдысы башлана. (М.А.) 4. Динълеп бакъсанъ ичериден давушлар эшитиле. (Э.А.) 5. Ат севдалары бир ерде топланып джюйрюклер акъкъында лаф ачтылармы о озюнъкини макътай. (Ю.Б.) 6. Ерге ярыкъ тюше башладымы алчачыкъ бойлю бу къадыннынъ козюне юкъу кирмей. (М.Д.) 7. Къандырыджен

джевап алгъаны киби шу saat эеджаны токътады. (И.П.) 8. Башы шинельге тийер-тийmez юкълап къалды. (Ш.А.) 9. Бу сёзлерни эшиткенимнен юрегим еринден кочкен киби олды. (Э.Ф.) 10. Мен къарт арабаджынен эсаплашып битирир-битирmez Диляра къазанны кетирип къойды. (М.А.) 11. Арсланов кеткенинден берли Эскендер эр кунь кечикип къайта. (Ч.А.) 12. Чокъ йыллар кечкен сонъ дженк акъкъында хатырлавлары эксиле башлады. («Йылд.»)

117-нджи иш. Ашагъыда берильген схемаларгъа эсасланып, секиз дане вакъыт табили муреккеп джумле уйдурып язынъыз.

- | | |
|--|--|
| 1. <input type="radio"/> сонъ, . | 5. <input type="radio"/> -генде, . |
| 2. <input type="radio"/> -ми, . | 6. <input type="radio"/> -нен, . |
| 3. <input type="radio"/> -дже, . | 7. <input type="radio"/> , . |
| 4. <input type="radio"/> -се, . | 8. <input type="radio"/> -де, . |

118-нджи иш. Метинни окъунъыз. Муреккеп джумлелерни сечип, чешитлерини бельгилентииз (багъ васталарына, усулларына коре). Табили муреккеп джумлелерни талиль этинъиз.

Назик дуйгъулар шаири Абдулла Лятиф-заде Кезлев шеэринде Абиль оджанынъ къорантасында дөгъды. Онынъ ильк оджасы — озы бабасы олды. Абиль оджа онъа ана тилинен берабер рус тилини де огрете. Бабасынынъ ярдымынен докъуз яшында Абдулла энди улу Пушкиннинъ эсерлерини де сербест окъуп баштай. Кой мектебини тамамлагъан сонъ, о, Симферополь Рушдие мектебине кире. Рушдиени битирген сонъ, гимназиянынъ единджи сынфына кире. Лякин Абдуллагъа гимназияны битирмек къысмет олмай. Бир дефа дерс маалинде оджа балалардан бирине: «Ax, сени къюон!» — деп къычыргъанда, Абдулла бунъя зияде акъаретленип, еринден атылып тургъан ве оджагъя: «О, къюон олса, демек сиз чобансынъыз», — дей. Абдулла бу сёзлери ичюн къайда олса олсун, окъув укъукъындан марум этилип, гимназиядан чыкъарыла. Оны, керчектен де ич бир ерге окъувгъа къабул этмейлер. Абиль агъа чокъ тырыша, чокъ чарелер коре, лякин чар мемурлары оғълұнынъ окъув ёлұны текмиль къапаткъанларына эмин олгъан сонъ, Абдулланы 1908 сенеси Стамбулгъа ёллай.

(Р. Фазыл, С. Нагаев)

БАГЪЛЫ НУТУКЪ

Инсан къыяфетининъ тарифи

119-ынджы иш. Ашагъыда берильген метинлерни окъунъыз. Эр бирининъ мундериджесине эмиет берип, услоп ве мевзуларыны къайд этинъиз.

I. Мен энди, пармакъ эсабы иле, он дёрт яшына кирем. Койде экенде, уп-узун фидандай осе эдим. Бир-еки йыл арасында этлендим, мучелерим къабарды... Къызы чагъына кирдим десем оладжакъ. Агъызым, буруным яшлыкъта тюзгюн эди. Этленген сонъда ярашты. Къумрал сачлар къоюрды, оқъадаросыти, башыма сыгъмай. Кузьгүге бакъып-бакъып, озюми бегенем. Приютта шай да балабан яхши кузьгюлер бар, янындан айырыладжагъым кельмей. Найленен мен приютнынъ энъ балабан къызларындан сайыламыз. О да мен яшта, тек бираз нечар озю де сарышын тарта. Бетинде сепкиллиси де бар. Лякин аялама къю дегиль, сийрек-серпек. Сачлары да сарышын, менимкидай гурь дегиль. Мавы козълери бетине пек яраша. Агъызы, дудакълары оймакъ киби. Озю шеэрли олгъанынамы, бильмем, юрюши, ойланашы, лакъырдысы биримизге ошамай. Илле сеси пек хош. Лакъырды эткенде, сеси къулакъка пек назлы уруна. Оджапчелеримиз оны да Къуддусдай айыра, севелер. Севильмейджекдай да бир къыз дегиль. Пек табиатлы, пек акъыллы, пек де варымлы.

Асты бойдан-бой магъаза, устю — экинджи къаты, буюк пенджерелерден, кениш одалардан ibaret мухтешем бинада, къырымтатар балаларыны рус тилинде окъутмакъ ичюн, шеэр идареси тарафындан маҳсус мектеп ачылгъян эди. О вакъытта рушдиеде, айтувлы Хан-мааллесинде ве дигер мааллелердеки мектеплерде окъумакъта олгъян балалар, озъ мектеплеринден чыкъып, бу мектепте экинджи невбет окъувгъа кирмеге меджбур этильген эдилер.

(А. Ильмий)

II. Биз Багъчасарайда Туз базары янында земство мектебинде окъугъян вакътымызда, шеэрнинъ урметли, зияллы адамларындан бири, оджамыз Эмирали Къаишев эмек, ишкирлик, усталыкъ акъында сёз чыкъында, Ашыр устадан мисаль кетире

эди. Ашыр уста мектепнинъ учь сынфыны битирген. Факъыр адамнынъ баласы эди ки, отьмекке, кийимге муҳтадж олып, илериде окъуп оламагъан. Амма о, кучълю ираде, эмек, гъайрет нетиджесинде, озъ санъаты саасында юксеклерге котерильген.

Эмирали Къаишев 1904 сенеси Багъчасарайда драма дернеги мейдангъя кетирген, озю, маҳсус «Къувушта янгъын» пьесасыны язып, санагъя къойгъян, 1923 сенеси субетлери юреклеримизден ич силинmez! Симферопольде докъуз йыллыкъ нумюне ве теджрибе мектебинде окъугъян вакътымызда белли композиторымыз Асан Рефатов бизге музыка дерси бере, хор тёгереги ишлерини алыш бара эди. Бир дефа Кучюк-Озенбашлы, авескяр кеманеджи Мемет хор тёгереги мешгъулиetine кеманесини алыш кельди.

— Чаласынъмы? — деп сорады ондан Асан Рефатов.

— Э! Текаран... — деди утанып, къызыарып Мемет.

— Элинъе бу алетни алдынъмы, оны, Ашыр устанынъ кеманеси киби, сёйлендирмейджек олсанъ, быракъ, кеманени чекиширме, — деди оджа. — «Я бу девейи кутъмели, я бу диярдан кетмели». Гъайрет эт! Бельки, Ашыр уста киби, шанлышерифли уста олурсынъ.

(Р. Фазыл)

III. Бизлер тахтадаки арифлерни язаяткъанда, эр баланынъ башы уджуңда, бойнуны азачыкъ къыйышча тутып, эпимизнинъ язаяткъанымызыны тебессюм ве муляйимликнен тешкерип тургъан бу оджа — Абдурешид Медиев эди.

Медиев юкsec бойлу, сарышын, арыкъ черели, кок козълю ве гъает яваш сёйлеген, муляйим муамеле саиби ве эр кеске гъает буюк тазим, урьмет косътерген бир зат эди. Онынъ бутюн арекети, тербиеси ве эдеби, акъикъатен, зияллылар ичюн, бир нумюне эди. Башындаки Ялта къалпагъы, бойнундаки къаттырма якъасы, эллериндеки манжетлери ве устюнде кок костюми онъя айрыджа шырныкълыкъ ве ярашыкълыкъ бере эдилер. Бу адамнынъ пек буюк гъайретини, метанетини, сабырыны ве себатыны тариф этмек ве оны язып косътермек бизим ичюн пек кучъ, чонки онынъ тарифи битmez-тюкенmез саифелер тешкиль этер эди.

О, бир рус тили оджасы олмакъле берабер, онынъ биринджи хызмети Къарасувбазар шеэриндеки бутюн зияллыларны озюне якъынлаштырув эди ки, бу огъурда буюк тешвикъят япмакъ керек олды. О, къыскъа бир вакъыт ичерсинде зияллыларнынъ, бутюн Къарасувбазар халкъынынъ сайгъы ве севгисини къазанды ки, бу озъ башына олмады. Бунынъ ичюн о, гедже-куньдюз зияллыларнен ве джемаатнынъ алдында юрген белли-башлы адамларнен субетлер, музакере ве мунакъашалар алыш барувда чокъ къует сарф этти.

(С. Ильясов)

120-нджи иш. Метинлер боюнчада суаллерге джевап беринъиз:

1. Муэллифлер озын къараманларының образларыны насыл тарифлей?
2. Инсанларның тышкы къыяфетлери ве табиат чизгилерини тасвирлейиджи васта, ибаре, эпитетлерни сечип алынъыз.

121-нджи иш. Юкъарыда берильген метинлерге эсасланып, бирде бир инсанның табиатыны ве къыяфетини тарифлейиджи беян язынъыз.

Беян язмагъа азырланув тертиби:

1. Метинни окъунъыз.
2. Метиннинъ мевзуусынен бағылды сөз ве ибарелерни язып алынъыз.
3. Беянынтызыны насыл нутукъ чешитинде яздажакъсынъыз (икяе, тариф, фикир этюв)?
4. Насыл нутукъ услюбинден къулланаджакъсынъыз (лакъырды, бедиий)?
5. Беяннынъ планыны тизинъиз.
6. Беяннынъ къысымларыны озыара бағыламакъ ичюн, насыл сөйлөр, ибарелер, джумлелерни къулланаджакъсынъыз?
7. Беяннынъ къарапама шеклини тешкерип, хаталарыны түзөткөн сонъ, кочюрип дефтеринъизге язынъыз.

31-нджи дерс

Себеп табили муреккеп джумлелер

Себеп табили муреккеп джумлелерде таби джумле баш джумледеки иш-арекетининъ себебини анълатып ве **не себептен? не ичюн?** киби суаллерге джевап берир.

Багъ васталарына коре, бойле джумлелер **бағылайыджылы** ве **бағылайыджысыз** олурлар:

Меселя: *Балалар, дефтеринъизни теслим этинъиз, (не себептен дефтеринъизни теслим этинъиз?) чанъ кәакъылды.* (Э.Ф.) (бағылайыджысыз)

Таби джумле баш джумледен сонъ келир.


Багълайыджылы себеп табили муреккеп джумлелернинъ къысымлары **чюнки** багълайыджысынен багъланырлар.

Меселя: *Бу, адамларның юреклеринде нефрем, исъян котере, (не себептен бу, адамларның юреклеринде нефрем, исъян котере?) чюнки олар озъ юртларыны джан-юректен севе эдилер.* (З.Н.)

Багълайыджылы себеп табили джумлелернинъ таби джумлеси баш джумлелеге **ичюн** мунасебетчиси я да сыфат-фиильге къошуулгъан чыкъыш келиши ялгъамасынен де багълана билир.

Меселя: *Оджа кельмегени ичюн (не себептен дерс олмады?), дерс олмады. (Э.У.) Яшагъан коюмиз уфакъ олгъанындан (не себептен бир къач кунь ичинде хабер бутюн сокъакъларны айланып чыкъты?), бир къач кунь ичинде хабер бутюн сокъакъларны айланып чыкъты.* (Т.Х.)

122-нджи иш. Ашагъыда берильген схемалар узъре себеп табили муреккеп джумлелерни уйдурып, дефтеринъизге язынъыз. Баш джумлелерни синтактик талиль этинъиз.

1.  . (багълайыджысыз)
2.  . (багълайыджылы)
3.  . (мунасебетчи)
4.  . (-дан, -ден келиш ялгъамасы)

123-юнджи иш. Сыныфдашларыныз **не ичюн?** деген сёзүнен башлагъан суаллер уйдурсынлар. Сизлер исе бу суаллерге толу джевапларны язып, бу джумлелернинъ чешитини бельгиленъиз; баш ве таби джумлелерни къайд этинъиз.

124-юнджи иш. Ашагъыда берильген адий джумлелернинъ эр бир чифтиндөн себеп табили муреккеп джумлелер тизип, дефтеринъизге язынъыз.

1. Меним агъам реssамджылыкъ мектебине окъумагъа кирди. О, ресим сыймагъа пек севе. 2. Йыланларны ольдюрмек олмай. Олар — файдалы махлюкълар. 3. Къартанам хасталанды. Адиле

экимни чагъырмалы. 4. Ай-Петри ёлу пек узун ве энъишли-еќүушлы эди. Сеяатчылар болдурдылар. 5. Гульзар — акъыллы, шенъ ве мераметли къызы. Янты сыныфдашлары оны бегендилер. 6. Буз чатлап, экиге болюнди. Аюв балачыгъыны сув акъымы ачыкъ денъизге алыш кетти.

125-инджи иш. Ашагъыда берильген баш джумлелерге себеп табили джумлелерни уйдурып, табили муреккеп джумлелер тизинъиз. Дефтеринъизге язгъанда, токътав ишаретлерини догъру къюонъыз.

1. Ресуль пек азды, . . . 2. Сыджакъ урба киймек керек олды, . . . 3. Биз бугунь къартбабамызгъа ярдым эттик, . . . 4. Мен тарих дерслерини пек севем, . . . 5. Китап энъ яхши достумыздыр, . . . 6. Мен иншамны сонъунадже язып оламадым, . . . 7. Биз пек ашыкъа эдик, . . .

126-нджы иш. Ашагъыда берильген себеп табили муреккеп джумлелерни язып, багъ васталарыны бельгиленъиз.

1. О, магълюбитетке огърамады, чонки алыш-вериш къаиделерини, усул ве ёлларыны къарт Тайгъакъ онъя яхши огretti. (Р.А.) 2. Мусафирлернинъ гонъюллериnde белли дередже енгиллик пейда олды, чонки олар эндиден сонъ де бу меселени чезювде бутюн месюлиетликин озь бойнуна алгъаныны ис эттилер. (Р.А.) 3. Факъат козълеген ерине урып оламады, чонки Сейтбекир, атиклик этип, къулакътозу ерине тирсегини къойды. (Р.А.) 4. Бекирнинъ бир озю япаджакъ ишни оларнынъ бир топу япып оламаз деп, ёлгъа чыкъты. (Р.А.) 5. Мусафирлер, той олмагъанына юректен языкъсынып, догъумшларынынъ эвинде бир гедже яттылар да, къайттылар. (Р.А.) 6. Бунынъ нетиджесинде къуруджылыкъынъ кейфиети олдукучча зайдылаша, анда джиддий эксиклер бар. (Р.А.) 7. Айны муддетке бельгиленген ишлер юз процент толдурылмады, отъкен айларындан къалма бордж одгеки айгъа кечирильген сонъ, план баягъы кергинлешти. (Р.А.)

127-нджи иш. Джумлелерни окъунъыз. Токътав ишаретлерини къойып, кочюрип язынъыз.

1. Арамызда сенинъ киби низам бозуджылар олгъанына энъ эвеля бизлер къабаатлымыз йымшакълыкъ этип айын-оюнлар ичюн фурсат беремиз. (Р.А.) 2. Оны лафындан таныгъан киби олды онынъ

къуруджылар акъкъында язгъан очерклерини о мытлакъа окъуй. (Р.А.) 3. Артыкъ озь огютлерини онъа аскъы оламагъанындан меслеатлары Сервер Махмудовичке мусбет тесир эте. (Р.А.) 4. Буны озюне ляйыкъ корьмегенинден озюни бойле ярдымгъа мухтадж адам деп саймай. (Р.А.) 5. Тевиде артыкъ ич бир ерге шикяет язалмагъанындан ракъибелеринден интикъам алмақъынъ башкъа ёлларыны араштырды. (Р.А.) 6. Тендеки бу агъырлыкъ оны озь яшындан баягъы эслидже этип косътергенинден Фикрет адамлар янында Асиенен берабер корюнмеге чекине. (Р.А.) 7. О менменликке берилип эп баштакълангъанындан меселени тап мында котерип кельмеге меджбур олдыкъ. (Р.А.) 8. Фикретке мураджаат эткени ичюн онъа яшлар бакъкъынана гъурурлана. (Р.А.)

128-инджи иш. Метинни окъунъыз. Муреккеп джумлелерни сечип, чешитлерини бельгиленъиз (багъ васталарына, усулларына коре). Табили муреккеп джумлелерни талиль этинъиз.

Алтынлар, йипеклер, ниметлер ичинде гъаркъ олгъан ве султаннынъ озь муаббетине наиль олгъан дюльбер Арзыны ич бир шей къувандырмагъан. Бахытсыз Арзы, ватанына, ана ве бабасына, Эмир-Асанына, ялы чешмесине олгъан асретинден, сарапып-солгъан. Оны ич бир шей севиндирмеген, бир шей онынъ гонълюни алмагъан. Аремде эр шейден эрек, эр кестен чет отура экен. Бир йыл ичинде олгъан балачыгъы биле онынъ къырыкъ гонълюни шенълендирмей экен.

Севимли Къырымнынъ ялысындан чалынгъан кунюне тамам бир йыл толгъанда, Арзы баласынен, султан сарайынынъ деньизге бакъкъан къуллеси устюне чыкъып, озюни деньизге аткъан. Стамбул богъазынынъ кумюш тюс далгъалары арасында гъайып олып кеткен. Иште, о акъшам да Арзы, деньиз анасы олып, къучагъындаки балачыгъынен Мисхор ялысындаки чешмеге биринджи кере чыкъкъан экен.

(«Арзы къыз» эфсенеси)

129-ындженчи иш. Берильген джумлелерге баш джумлелер уйдурып табили муреккеп джумлелер язынъыз. Токътав ишаретлерини догъру къойып, баш джумлелерни синтактик талиль этинъиз.

1. ..., чюнки къырымтатар тили тувгъан тилимиздир.
2. ..., чюнки мен истегиме ириштим. 3. Оджамыз хасталангъаны ичюн, 4. Оларнынъ кою мектептен узакъ олгъанындан, 5. Зиль чалынгъаны ичюн, 6. Эр кес болдургъанындан, 7. ..., чюнки гуллэр сувсузлыкътан къурып къалалар.

Ер табили муреккеп джумлелер

Ер табили муреккеп джумлелерде таби джумле баш джумледеки иш-арекетнинъ ерини косытерир ве *къайды?*, *не ерде?*, *не ерден?* киби суаллерге джевап берир.

Бойле джумлелерде таби джумле баш джумледен эвель келир ве, умумен алгъанда, бир чешиттен ibaret олур. Шу чешити ичинде исе бир къач чешити къайд этилир. Ер табили муреккеп джумленинъ, тизим аляметлерине коре, ашагъыдаки чешитлери бар:

1. Таби джумленинъ хабери, *-са*, *-се* ялгъамаларынен кельген шарт фиилинен ифаделенип, баш ве таби джумленинъ теркибинде ер манасыны анълаткъан замирлернен берабер къошулып кельген нисбетлешкен сёзлер ишлетилир: *не якъкъа ..., о якъкъа; не еринъ ..., шу ерде; не ерге ..., шу ерге.*

Меселя: *Не ерге урлукъ ташласанъ* (*не ерде берекет олур?*), *о ерде берекет олур.* (Ат.с.)

2. Ер табили джумлелернинъ даа бир чешитинде таби джумленинъ нисбетлешкен сёзю тюшюрильген олур, лякин назарда тутулыр.

Меселя: *Къайсы тарафынъа чевирильсенъ* (*не ерде сагълам ве шенъ инсанлар юре?*), *сагълам ве шенъ инсанлар юре.* (Э.Ф.)

Ер табили муреккеп джумлелерининъ тизим хусусиетлери шундан ibaret: баш джумледе кельген нисбет сёзлери мытлақъя дөгърултув, ер, чыкъыш келишлеринде олмалылар. Таби джумледеки нисбет сёзлер исе башкъя келишлерде де ола билир:

Не якънынъ ..., о якъкъа

Не якъкъа ..., о якъкъа

Не якънынъ ..., о якътан

130-ынđжи иш. Ашагъыда берильген схемалар боюнđжа бирер ер табили муреккеп джумлелер уйдурып, дефтеринъизге язынъыз.

1. **не ерге** -са, **о ерге** (догърултув келиши).
2. **къайда** -ма, **анда** (ер келиши).
3. **не якътан**, **о якъта** (чыкъыш келиши).

131-инđжи иш. Метинни окъунъыз. Муреккеп джумлелерни сечип, талиль этинъиз.

Джамлы долаптан шиир дефтеримни алып, тёшегимде узанам. Бакъышларымның ичине сыгъдыра биледжегим — эр ер ве эр шей манъя якъын. Аяттан узакъымыз, сускъунмыз. Козынен корюльмеген, лякин пенджере пердесини хафифтэн учурткъян ель биле сускъун, эргъуваннынъ далларында кечкен яздан къалмакъта тек-тюк япракълар — сускъун. Одама акъшамның къаранлыгъы чёке, керчектен де бу сускъунлыкъ — сонъсузмы? Токъта, динъле, сускъунлыкъ биткен ерде гурюльти башлар. Антика saat чала: дынънънъ... дынънънъ... дынънънъ...

(Дж. Дагъджы)

132-инđжи иш. Берильген джумлелерни окъунъыз. Баш джумледен таби джумлелеге суаль къоюнъыз. Эр бир джумленинъ схемасыны сыйзынъыз.

1. Кунь къонгъанда, биз озен боюна чыкътыкъ.
2. Кузъ кельгенинен, авушыджы къушлар сыйджакъ мемлекетлерге учып кетелер.
3. Зиль чалынгъанынен, талебелер дерске кирелер.
4. Даа бир кере терекке бакъканда, сансарчыкъны корьмедим.
5. Юсуф шиирни эзберден айткъандже, сыныф талебелери чымчырт отурды.
6. Чобан хасталангъанда, оны вертолётнен хастаханеге кетирдилер.
7. Кунь чыкъар-чыкъмаз, къушлар чивильдешип башладылар.

133-юнđжи иш. Джумлелерни окъунъыз. Токътав ишаретлерини къойып, кочюрип язынъыз.

1. Не ерге урлукъ ташласанъ о ерде берекет олур.
- (Ч.А.) 2. Къаернинъ тарысы онъ о ернинъ боденеси. (Ат.с.)

- Маджар къайда кетсе Къозукурпеч де анда кете. (Эфс.)
- Айриени не якъкъа ёлласалар о да онынъ артындан къалмай эди. (Ч.А.)
- Къайсы тарафынъа чевирильсенъ сагълам ве шенъ адамлар. (А.О.)

134-юнджи иш. Берильген метинни окъунъыз. Муреккеп джумлерни сайлап, багъ мунасебети ве васталарыны къайд этинъиз.

Февраль айынынъ сонъки куню эди.

Биринджи дерстен чыкътыкъ. Афталарнен озюни ер юзюнден сакълагъан кунеш о куню парча булутлар арасындан чыкъты, инсанларгъа ер юзюни унутмагъаныны хатырлатмакъ истегендай, къаршыдаки раатлыкъ багъчасыны козь къамаштырыджы ышыкътар ичине комъди.

Учъ-беш талебе, къалдырымда турып, андан-мындан бир шейлер акъкъында лаф эте эдик. Насыл мевзу узеринде лакъырды эткенимизни хатырлап оламайым, лякин мевзу марксизм диалектикасы дегиль эди. Джогърафия факультетинден чыкъкъан учъ талебе къызы къаршыдаки къалдырымнынъ четинде тура эдилер. Татар къызлары эди, учюнинъ къоллары арасында китаплары бар. Экисининъ башы ченъге астларында къызыл чечеклернен сююлю шалларнен багълы, бириси — шалсыз. Шаллы эки къызы раатлыкъ багъчасынынъ япракъсыз, лякин даллары кунешнинъ ышыкътары алтында алтын сувларнен парылдагъан кестане тереклерине бакъа эдилер; шалсыз къызынынъ бакъышлары исе бизге, даа догърусы манъя, догърутлылгъан эдилер. Ёкъ, бельки манъя догърутлылмагъандыр, лякин мен къызгъа бакъа эдим.

(Дж. Дагъджы)

33-юнджи дерс

Макъсат табили муреккеп джумлелер

Макъсат табили муреккеп джумлелерде таби джумле баш джумледе оладжакъ иш-арекетнинъ макъсадыны бильдирир.

Багъ васталарына коре, бойле джумлелер **багълайыджылы** ве **багълайыджысыз** олурлар.


Багълайыджысыз макъсат табили муреккеп джумлелерде баш джумледеки хабер биринджи шахыста кельген истек я да эмир фииллериңен, таби джумледе исе хабер учонджи шахыста кельген эмир-истек фииллериңен ифаделенир. Таби джумле **не макъсатнен? не ичюн?** киби суаллерине джевап берир.


Меселя: *Онъа чокъ емиш ашамакъ лязимдир (не макъсатнен онъа чокъ емиш ашамакъ лязимдир?), хасталанмасын.* (Р.Т.)


Багълайыджылы макъсат табили муреккеп джумлелерде таби джумле баш джумледен эвель келип, **деп** сёзүенен багъланып. Таби джумледе баш макъсады ифаделенир. Таби джумле баш джумледен **не макъсатнен, не ичюн** киби суаллерге джевап берир. Таби джумленинъ хабери учонджи шахыста кельген эмир-истек я да эмир фииллериңен ифаделенир.

Меселя: *Бир де бириси эшиитмесин деп (не макъсатнен Кериме тез-тез къапуны къапатты?), Кериме тез-тез къапуны къапатты.* (С.Э.)

135-инджи иш. Берильген схемалар боюнчада бир къач себеп табили муреккеп джумлелер уйдурып, дефтеринъизге язынъыз.

1)  .

2)  .

3)  .

136-ндјы иш. Метинни окъунъыз. Макъсат табили муреккеп джумлелерни сечип, талиль этинъиз.

Эр куньки киби, бугунь акъшам да таячыгъынен ёл арапштырып, Алимни къаршыламакъ ичюн, кой юкъарысына дөгърулды. Бираздан акъшам тынчлыгъыны бозып, кой сокъакълары отлакътан къайткъан айванларнынъ сеслеринен джанланды.

Азамат акъай, сокъакъ башындахи эв диварына таянып, беклеп турды. Шу арада сыгъырларның бири онъя догърулыш, бир къач керелер мунъреди, тилинен онынъ къолларыны ялады. Азамат акъай, сыгъырыны танып, онынъ къашкъа башыны сыйпады.

(Ю. Болат)

137-нджи иш. Метинни окъунъыз. Табили муреккеп джумлелерни сечип, талиль этинъиз.

Мен дикъкъатнен къулакъ салып турдым. Лякин не яшлар, не къызылар, джыйын тамам олгъандже, эр кеске белли, трафаретке чевирилип къалгъан чынълардан ич бирисини текрарламадылар. Мени айретте къалдыргъан бир шей даа олса, о да айтылгъан чынъларның пек чокъусының бириндже сатырлары эп табиат адиселерини акс эттирген ве чынъджыларның табиатны денъев кучьлери буюк олгъаныны тасдыкъ эткен бедиий сёзлерден ибарет олмасы эди.

Меним къонакъбайым Мемет оджа манъя: «Эмиет бердинъми, яшларның чынълары анги арифнен битсе, къызыларның чынълары шу арифнен башлай» — деди. Динълемид, акъикъатен, ойле экен. Мен шу яшыма келип, бизим кедайларымыз, чынъджыларымыз арасында ярышны аселең къыйынлаштыргъан бойле сёз ве ариф оюнлары да оладыр деп, ич ойланмагъян эдим.

(Э. Шемьи-заде)

138-нджи иш. Джумлелерни кочюрип язынъыз. Чешитлерини бельгилеп, схеманен косътеринъиз.

1. Ишинъ битти, денъиз боюна кетерсинъ. («Йылд.»)
2. Къартлар гъафлет къалмасын деп, ашыкъып къайттыкъ. (А.Д.)
3. Бир де-бириси эшитир деп, Зейнеп къапуны къапатты. (И.П.)
4. Бу — адамларның юреклеринде нефret исъян котере, чюнки олар озъ юртларыны джан-юректен севе эдилер. (З.Н.)
5. О, бу операция вакътында берильген эмирини гузель иджра этмекни тюшюнди, онынъ ичюн олар душманнынъ къаравулларыны ёкъ этмеге ёл ачтылар. (Дж.С.)
6. Нефисе пек дюльбер антер кийген эди, онынъ ичюн онъя сукъландыкъ. (Ю.Б.)

БАГЪЛЫ НУТУКЪ

Тарифлейиджи инша

Къаиделерни текрарланъыз!

Биз куньде бир де бир инсанны, предметни, айванны тарифлеймиз. Тарифлемек — предмет я да адисенинъ аляметлерини ачып косытермек, изаламакъ, тариф этмек.

139-ынджы иш. Метинлерни окъунъыз. Бу метинлерге насыл суаль къоймакъ мумкун? Метинлернинъ чешитини бельгиленъиз: икяе, тариф, фикир юрютюв. Оларнынъ тилине, тизилювине эмиет беринъиз.

I. Халиль, кок таш эвлернинъ, чыплакъ терекли азбарларнынъ диварлары янындан кечип, шеэрнинъ тышына чыкъаракъ, коюне дөгъру ёнельди. Ёлларда сувукътан къаткъан чамурлар устюнден юрип, шеэр кенарындаки къыргъа чыкъты ве артына айланып, шеэрге бакъты. Уфукъта къызармагъа башлагъан акъшам кунеши сарылы-къырмызылы зиясыны гурь будакълы сельбilerнинъ башына ташлады. Бу кольгелер беш-он дақъикъа къалтырадылар. Соңъ, чамур ренкли булутлар арасына чомгъан кунешинен гъайып олдылар. Шеэр ве этрафтаки чёллар, ёллар, тереклер янъыдан ыссызландылар. Халиль оджа озюнде бир янъгъызлыкъ дүйди. Онынъ башында хаста огълунынъ хаялы, беязларнынъ онынъ огюне чыкъаджагъы къоркъусы, Бектемирнинъ сёзлери бир-бирине къарыштылар. Башы, котерильмейдже киби, агъырлашты. Янындан айдал кечкен атлы арабагъа айланып биле бакъмады. Сыкъ адымларнен ёлunuны девам этти.

(Дж. Сейдамет)

II. Кунеш артыкъ озюнинъ сачакълы беяз зиясыны денъиштирген, къюоджа къызарып узакътан мунарлангъан тюзлюкке келип къошуулгъан. Онынъ четинден ярым къалакъай шеклинде пейда олгъан къою аллыкъынъ кенараплары акъшам къаранлыгъы башлангъаныны хабер бериджи шинген когульдиримликлернен къаплана башлагъан эди. Башларында сачакълы сары пускюллери эсе башлагъан салкъынджя ельден япракъларыны бири-бирине ышкъалай. Кя яваштан, кя котеринки сеснен къытыкълашып ойнашкъан мысырбогъдайлар арасында юксельген, лякин башы-

нынъ агъырлыгъыны котералмагъанларындан себеп, боюнларыны бурып тургъан кунь табакълар артыкъ комюлип, гъайып олгъан кунешшинъ кеткен ягъына мугъайышып бурулгъанлар. Джемай ызаннынъ башына кельгенде, онынъ сырт ёлгъа барып къошуулгъан ашагъы башы аладжа къаранлыкъта талдаланып къарышкъан эди ки, санки, сонъузлыкъка узанып кеткендайын олып, тура. Кокман, къокълана-къокълана, мысырбогъдай сабакъларына сыйпаланып, оларны абдыратыр тарзда силькиндирип, ызан ичини бойдан бойгъа акътарып чыкъмакъны озъ устюне алгъан эди.

(Дж. Гъафар)

III. Денъиз — сакинлик ичинде. Онынъ юзю, кузьги киби, йылтырамакъта. Бираз эвель Ялтадан чыкъкъан ёлджу гемиси энди Гурзуфынъ яры ёлуны кечкен эди. Ёлджулар, бу гузель манзараны сейир этип тоямагъанлары ичюн, вакъытнынъ кечкенини дүймай эдилер. Кимиси когертеде, кениш шемсиелер тюбюнде ерлештирильген отургъычларгъа отургъан, кимиси аякъ устюнде тураракъ, когертенинъ этрафыны сарып алгъан ве гемининъ пешинден къалмагъан, ойнакълап-ойнакълап кеткен юнус балыкъларнынъ сув узеринде фырлангъанларыны сейир эте эдилер.

Манзаранынъ гузеллиги онынъ бутюн барлыгъыны сарып алды, гонълюни ташырды. Теэскуратларыны шимди бирисине сёйлемесе, бутюн зевкъты гъайып олып кетеджек киби, корюномекте.

— Не къадар хош манзара, э! — деди йигит.

Къызынынъ юзюнде тебессюм пейда олды.

— Эльбет, пек хош, — деди. — Мени бу гузеллик озюне эсир этмекте.

— Бу багълар арасындан айланып кечкен асфальт тёшевли ёлгъа бакъынъыз.

— Я, къаршы ёкъуштаки чечек тарласына не дерсинъиз?

— Орасы гелиндиклерле пападиелернинъ мекяны э肯. Ренклерге ренклер къошула, инсангъа аятнынъ лезетини таттыралар. Чокъ гузель ерлер корыген эдим, амма, бугуньки киби, зевкъны бир вакъыт ис этмеген эдим.

(М. Севдияр)

Бу метинлерни окъугъанда, сизде насыл дуйгъулар пейда ола? Метинлернинъ эсас фикирлерини къайд этинъиз. Табиатны тарифлемек ичюн, муэллифлер къуллангъан сыфатларны, къяяслав сёзлерини сечип, кочюрип язынъыз. Бир метиннинъ планыны тизип, тарифлейиджи инша язынъыз.

Шарт табили муреккеп джумлелер

Шарт табили муреккеп джумлелерде баш джумледеки ишарекетнинъ олуви таби джумледе къюолгъан шартларнен багълы олгъяны бильдирилир.

Багъ васталарына коре, бойле джумлелер багълайыджысыз ве багълайыджылы олурлар.

Багълайыджылы шарт муреккеп джумлелернинъ къымлары ашагъыдаки васталарнен багълана билирлер:

1. -са, -се ялгъамаларынен.

Меселя: *Халкъымыз озы омюрлерини күурбан этмесе (насыл шартнен гъалебе къазанмаз эдик?), гъалебе къазанмаз эдик.* (Э.Ф.)

2. Эгер багълайыджысы таби джумленинъ башында къулланылыр.

Меселя: *Эгер къасевет олмаса (насыл шартнен къуванч олмаз?), къуванч да олмаз.* (Ат.с.)

3. Исе мунасебетчисинен.

Меселя: *Бал ашамакъ истер исенъ,*

Къоркъма балкъурт чакъышындан.

Балыкъ тутмакъ истер исенъ,

Къоркъма озен акъышындан. (Р.Б.)

4. -май, -мей, -майынджа, -мейиндже, -мадан, -меден
киби ялгъамаларынен кельген ве сыфатфииллерден **-джа, -дже** ялгъамаларынен япылгъан алфииллернен ифаделенген хаберлернен кельген къысымлар.

Меселя: *Танъ атмай (насыл шартнен кунъ догъмаз?), кунъ догъмаз.* (Ат.с.)

Ель эсмедин (насыл шартнен япракъ тепренmez?), япракъ тепренmez. (Ат.с.)

140-ындже иш. Шиирни ифадели окъунтызы. Токътав ишаретлерининъ къюолувыны изаланъыз.

Дюньяда яп-янъгъыз олмайым десенъ,
Асрет деръясына чоммайым десенъ,
Бульбульсиз гуль киби, солмайым десенъ,
Узакътан сесленген еллерни динъле.
Сени унутмагъан Ватанынъ олсун.

(Ш. Селим)

141-инджи иш. Джумлелерни окъунъыз. Токътав ишаретлерини къойып, кочюрип язынъыз.

1. Эгер къурбанлар олмагъан олса гъалебе де олмаз эди. (З.Н.)
2. Къасевет олмаса къуванч да олмаз. (Ат.с.)
3. Эгер адам ишчен олса бойле адамгъа эр кес къол тута. («Йылд.»)
4. Койде ким эв къураджакъ олса о анда пейда ола эв сашибине ярдым эте. (Ш.А.)
5. Эмек къойсанъ таш устюне гуль битер. (Ат.с.)
6. Эгер мектюптеци малюмат дөгъру олса не ичюн оны язгъанлар имзаларыны къоймагъанлар? (Дж.С.)

142-нджи иш. Шарт табили муреккеп джумлелерни къулланып, «Риязият дерсинде» серлевалы диалог тизинъыз. Иштиракчилер: риязият оджасы ве талебе. Оджа риязият меселелерини чезмекни авале эте, талебе суаллерге джевап бере.

143-юнджи иш. Метинни окъунъыз. Табили муреккеп джумлени сечип, синтактик талиль этинъыз.

Миллет озь ана юртуны севе эди. Эр шейден, озюндөн де зияде севе эди, бунынъ ичюн де сессиз эди. Эр зулумгъа, эр шейге разы, тек аталар, деделер топрагъында яшасын. Бу сонъки он йыл ичинде тарихлерининъ энъ къанлы фаджиаларыны яшап кечирген ялыбою койлюлери кене де яваш-явш аякъкъа турып башладылар. Багъларнынъ колхоз малы оларакъ илин этильгенине бакъмадан, койлю эски ата топракъларыны, козъбебеги киби, севе эди. Махсулыны, мейвасыны топлап, девлетке теслим эте, сонъра барып, кооперативнинъ къапуларында бир кило богъдай ичюн, невбетке тураг, яры геджегедже беклер эди. Элинден чекип алынгъан тарласында, багъында, багъчасында эки букюлип чалышыр экен, аталар топрагъына тёккен козъяшларыны ялынъыз озю билир эди. Кимсеге белли этmez, чюнки бу топракъ, бу юрт — онынъки эди.

(Дж. Дагъджы)

144-юнджи иш. Берильген шиирни окъунъыз. Сонъки дёртлюкни кочюрип, синтактик талиль этинъыз.

Азиз миллет, ят къолунда
Къала юртынъ дагъ, ташы.
Буны коръген юрек инълей,
Бир бильгенинъ — козъяшы...

Сенинъ мында къыркъ асырлыкъ
Вариетинъ, изинъ бар.
Бу алтын юрт — санъа мирас,
Бешигинъдир бу дияр!

Сен дешетли сынавлардан
Енъип чыкътынъ мейдангъя.
Къыркъ йыл куреш...
мешакъатлар...
Етип кельдинъ Ватангъя...

Котериль сен, кокюс керип,
Вакъыт джойма сен, юксель,
Юрт саибин беклей бугунь,
Кельгенинъни бильсин Иль!

(И. Асанин)

36-нұджы дерс

Керилеме табили муреккеп джумлелер

Керилеме табили муреккеп джумлелерде таби джумледе олғъан иш-арекет баш джумледекине кедер этсе де, баш джумледеки иш-арекет эписи бир оладжагъы ифаделенир. Тизим хусусиетлерине коре, ашагъыдақи чешитлерде олурлар:

1. Таби ве баш джумле *-са*, *-се* шарт фиильнинъ ялгъамалары, *-да*, *-де* дережеликлери, *бile* мунасебетчи вастасынен багъланырлар.

Меселя: *Алим сёз берген олса да* (не кедер этсе де, мен онъа инанмам?), мен онъа инанмам.

2. Керилеме джумлелернинъ экинджи чешитинде *амма* бағълайыджысы ишлетилір.

Меселя: *Авасы къызды амма* (не кедер этсе де, әвден чыкъмагъа истемейим?), әвден чыкъмагъа истемейим. (Р.Т.)

3. Таби джумленинъ хабери *бile*, *сонъ биле* мунасебетчинен кельген сыйфатфииллернен ифаделенир.

Меселя: *Саба ачылған сонъ биле* (не кедер этсе де, къоркъу ичимден кетмеди?), къоркъу ичимден кетмеди. (Ю.Б.)

145-инджи иш. Ширини ифадели окъунъыз. Токътав ишарет-лерининъ къюловузыны изаланъыз.

Къайдадыр джуйрюкке минип чапсанъ да,
Думанлар артында ёлсуз къалсанъ да,
Эдженбий топракъта Алла олсанъ да,
Козюнънинъ огюнде турсун озъ къулленъ.
Сени унутмагъян Ватанынъ олсун.

(Ш. Селим)

146-нджы иш. Ашагъыда берильген керилеме табили муреккеп джумлелерни кочюрип, багъ васталарыны къайд этинъиз.

1. О, там кейфинде эди. Муфтинен олгъян лакъырды юргиндеки тёметлерини сильмесе де, ич олмадым акъыл танышмагъа адам тапмаса биле, онынъ тюшюндже къозгъалышларыны белли дередже ятыштыргъян ве гонълюни джоштургъян эди. (А.Д.)
2. Сале, озю къызарса биле, сабырнен башыны эки тарафкъа саллады ве күлюмсиреди. (У.И.) 3. О, насыл усулларнен олса биле, буны япаджакъ! (Р.Т.) Мурат Джеват акъайдан чокъ сорамаса биле, къюон дефтерине бир шейлер язды. (А.Д.) 4. Омюрининъ элли бешине аякъ басса биле, кене сагълам. (У.И.) 5. Ибраим акъай ырджая берип кульсе биле, «иш битирмек» ичюн, фукъаре топлашузына дөгъру ёнельди. (А.Д.) 6. Багъышлагъян амма, бунынъ къаршылыгъына талийини ынджыткъан. (А.Д.) 7. Берди амма, шу saat юрги алевленип янды. (У.И.) 8. Ашыкъты амма, дженкнинъ якъыджы-йыкъыджы алеви бу койни де вирангъя чевирген, таш устюнде таш къалдырмагъан. (Р.Т.) 9. Таир шеэрge кете амма, ич кимсени бильмей. (У.И.)

147-нджи иш. Берильген схемалар боюнчада бир къач керилеме табили муреккеп джумлелер уйдурып язынъыз, баш джумлелерни синтактик талиль этинъиз.

1. -се биле, . (-са, -се, биле)
2. , амма . (амма)
3. -мадан, . (-мадан, -меден, -май, -мей)
4. сонъ биле, . (сонъ биле)

148-инджи иш. Джумлелерни окъунъыз. Токътав ишаретлерини къойып, кочюрип язынъыз.

1. Артыкъ чокъ зийнетли бир шеэрчик юкъугъа кетип сакин къараплыкъка дала амма бундан онынъ чевре-этрафы чокътан-чокъ къуветли прожектор ве лампаларнынъ ярыгъындан гурьышыкъ алкъасы киби айдынлана. (Р.Т.) 2. Идрис буны айта да юребере амма бу кересинде озенден эр куньки зевкъыны аламай къайта. (Ю.Б.) 3. Вакъыт ихтимал тапылсы амма истекке кельгенде Идрис пек яман талапкяр. (Ю.Б.) 4. Алддан кельген давушлар эп къабарды ве чокъкъа бармадан ёл ичинден тельгенип тургъян колеткилер сечильдилер. (Р.Т.) 5. Кериме енге козъ яшларыны гизлеп Азамат акъайгъа бакъмадан къызаргъян козълерини къолунен окъалады. (Ю.Б.) 6. Ниает о ич бир шейге бакъмадан коюне тувгъанларына етмек арзусына къапылды. (Р.Т.) 7. Алим озюнинъ хабери олмадан чапып баланынъ пешине етти. (Ю.Б.) 8. Шамрат аскерликтен къайтып кельген сонъ, озюнинъ кичкене огъулчыгъынен мына бу эвге ерлешти ве геджелернен козъ юммадан Айгульни тюшюнип сабаларыны юкъусыз къаршылап алды. (Ю.Б.) 9. Сара зынджаырланып кеткен фикирлерининъ бу ерине кельгенде озюнинъ хабери олмадан Кериме татайнынъ аркъасындахи элинен оны кендине чекти. (Ю.Б.) 10. Сервер болдурмадан янъы ишке башлады. (Р.Т.) 11. Акъчасы олгъанлар иш саиплерини беклемеден агъыр-агъыр къаве иче джеплерине сюме тюшкенлер исе башларыны салындырып азбарда меджнунлар киби сыкълетленип юре эдилер. (Ю.Б.)

149-ындженес иш. Метинни окъунъыз. Табили муреккеп джумлелерни сечип, талиль этинъиз.

Арадан эки йыл сонъ, кузъ куню эди. Отъкюр сувукънен къошуулгъан сувлу туман эр шейнинъ ренкини учургъян, эр шейге сарыла эди. Иште, бойле бир куньде ёл бою кетеяткъанда, аркъамдан бириси къычырды:

— Мераба, джигит, амансынъмы, балабан акъай болгъан да кеткенсингъ...

Айланып бакъсам, Джемай акъай экен. Онынъ сач-сакъалында къара къыллары сайыладжакъ къадар аз къалса да, озю пек тирнекли корюне. Аманлыкъ, эсенлик сорашкъандан сонъ, биринджи сёзюм огълу Керимни сорамакъ олды. Джемай, меним соравыма бир кереден джевап бермеди, алдына бакъып турды.

(Дж. Гъафар)

БАГЪЛЫ НУТУКЪ

Мушавере

Мушавере — бир де бир муим меселени агъзавий я да язма шекильде кенъ суретте музакере этюв. Язма шекильде газета, журнал саифелеринде макъялалерде бир де-бир меселе котериле ве музакере этиле. Агъзавий шекильде исе топлашувларда мушаверелер кечирилип, инсанлар бакъылгъан меселе боюнчада озың фикир-мулязаларыны ифаделеп, исбатлайлар.

150-нәджи иш. Метинни окъунъыз, мевзусыны ве насыл услюпке айт олгъаныны бельгиленъиз.

Идрис Асанин озың иджадында яшларгъа да маҳсус ер айыра. О, озың шиирлеринде генч несильнен субет эте, оларгъа насиат бере, Ватан ичюн курешкө әр вакъыт азыр олмаларыны истей ве оларгъа бир сыра шиирлер багъыштай.

«Бизим къызлар» шииринде исе къызларымыз дюльберликтө, бильгиде, иште башкъа миллет къызларындан къалышмагъанларыны косытере:

Бизим къызлар — шанлы къызлар
Менлик ичюн талашмайлар.
Акъылдане, чеберликтө
Френклилерден къалышмайлар...

Миллетимизнинъ келеджеги къызларымызгъа багълы олгъаныны айта. Озыларине къошакъ тек бизим миллеттен сайламаларыны риджа эти ве къызларымызгъа буюк ишанч беслей. Къадын-къызларнынъ дюльберлигини шерефлеген бу шиирде шаир урфадетлеримизнинъ күтюлип келинмесине къолтута. Чюнки асырлар теренлигинден етип кельген бу урфадетлернинъ негизинде намус ве ар киби умуминсаний дегерликлер сакълыдыр. Намус ве ар халкъымыздынъ келеджегини ве айлелернинъ чечекленмесини пекитетдек миллий чизгидир.

Эй, мелеклер, сыра кельди
Сёйлемеге юзюнъизге,
Кенди миллет арасындан
Къошакъ сечинъ озюнъизге.

Эй, перилер, перввер олунъ!
Буюк ишанч эпинъизге.
Азиз юртнынъ шан-шурети,
Эманеттир фактъат сизге.

(Эдебият дерслигинден)

151-инджи иш. Суаллерге джевап беринъиз.

1. Идрис Асанин озъ иджадында кимлерге махсус ер айыра?
2. О, озъ шиирлеринде генч несильге насыл насиат бере?
3. «Бизим къызлар» ширинде шаир къызларымызынынъ насыл чизгилерини косътере? Сиз онынъ фикирлерине къошуласынъызы? Джевабынъызы мисаллернен исбатланъыз.
4. Сизинъ фикринъиздже, миллетимишинъ келеджеги кимлерге багълы?

Юкъарыда берильген метин, шиир парчалары ве омрюнъизде олып кечкен вакъиаларгъа эсасланып, «Къадын-къызларнынъ дюльберлиги» мевзуусында мушавере кечиринъиз.

Музакере нетиджесинде асылолгъан фикир ве мулязаларынъызы газетагъа макъале шеклинде беян язынъыз.

38-инджи дерс

Микъдар-дередже табили муреккеп джумлелер

Микъдар-дередже табили муреккеп джумлелерде таби джумле баш джумледеки иш-арекеттинъ я да вазиеттинъ микъдарыны, дереджесини бильдирир.

Бойле джумлелер, тизим хусусиетлерине коре, эки чешитке болюнирлер:

1. Таби джумле, баш джумледен сонъ ерлешип, баш джумленинъ иш-арекетинден чыкъкътан *не дереджеде? не къадар?* суаллеринден бирине джевап олып келир.

Меселя: *Сени корыгенимден о къадар севиндим ки, (не дереджеде севиндим?) агълап йибердим.* (И.П.)

Баш ве таби джумле *ки* багълайыджысы вастасынен багъланырлар. Баш джумледе *шу дереджеде, о къадар* деген сөзлер, умумий мана бильдирип, хабернен багъланырлар. Таби джумледе умумий мана муайенлештирилир.


2. Микъдар дередже муреккеп джумленинъ даа бир чешитинде таби джумле, баш джумледен эвель келип, онынъ теркибинде **не къадар?** сёзю ишлетилир. Баш джумле теркибинде исе **о къадар** сёзю ишлетилир.

Месељя: **Не къадар чокъ окъусанъ (не къадар бильгили олурсынъ?), о къадар бильгили олурсынъ.** (Ат.с.)

152-нджи иш. Ашагъыда берильген микъдар дередже табили муреккеп джумлелерни кочюринъиз. Багъ васталарыны бельгилеп, схемаларыны сзыныңыз.

1. Демек, бу эки генч арасында эвельден олгъан танышлыкъ, оларнынъ юреклеринде энді чокъ вакъыттан берли сёнмей кельген назик ис-дүйгүлар онынъ теразесинде шу къадар енгиль чеке ки, о, ялынъыз джемаат оғюнде озюнинъ юзю къызараджагъы акъкында тюшюне. (Ш.А.) 2. Тевиде, къызлыкъ чагъыны баягъы кечкен олса да, озюнинъ тазелигини шу дереджеде сакълап кельди ки, онъа озюнинъ яшыны ич де бермезинъ. (Ш.А.) 3. Берабер олгъанда, вакъыт шу дереджеде тез кече ки, оларнынъ экиси де акъшам олгъаныны дуймайлар. (Ш.А.) 4. О къадар аз ки, чокъкъа сюргемеди. (Р.А.) 5. Яныгъы кет-кете о къадар куччю джеръян этти ки, агъры та юргегине учып тийгени кенардан сезильди. (Ш.А.) 6. Не къадар къабилиетинъ олса, бу иште эписини косътермек керексинъ! (Ш.А.) 7. Бу алельхусус вазиет оны о къадар хошландырды ки, о, атта озюни кенаргъа чекти. (Р.Т.)

153-юнджи иш. Берильген схемалар ярдымынен микъдар-дередже табили муреккеп джумлелерни уйдурып, дефтеринъизге язынъыз.



154-юнджи иш. Джумлелерни окъунъыз. Токътав ишаретлерини къойып, кочюрип язынъыз.

1. Омюр не къадар татлы олса олюм шу къадар аджджы олур. (Ат.с.) 2. Не къадар къоркъарсынъ о къадар оғърарсынъ. (Ат.с.)

3. Соргъу акими не къадар серт олса Мемет о къадар саде йымшакъ эди. (И.П.) 4. Не къадар тез ве чокъ кочип кельсек о къадар яхши. (И.П.) 5. Ильки адымларындан не къадар йыкъылса бурну къанаса о къадар агълагъаныны кимсе корьмеди. (Р.Т.) 6. Султан огълуны не къадар севсе де о къадар онъя джиддий олмагъа тырыша эди. (Р.Т.) 7. Не къадар чокъ шей бильсе о къадар даа чокъ бильмек истей. (Р.Т.)

155-инджи иш. Метинни окъунъыз. Адий ве муреккеп джумлелерни белъгиленъиз. Табили муреккеп джумлелерни кочюрип, талиль этинъиз.

Эшреф Шемьи-заде озюнинъ иджадий ишинде не къадар буюк талапчанлыкъта олса, месулиет ташыса, меслеңдешлери, кедайлар ве шаирлерден де айны шуны талап эте эди. Онынъ иле берабер оларгъа ярдым эте, косътере, огютлей ве тазирлей эди. О, бутюн генч шаирлернинъ оджасы, устазы эди. Озю исе эдебият ве санат ашыгъы, поэзия севдасы, меним медений, окъумыш джандостум эди.

Эшреф Шемьи-заде халкъ тарафындан танылгъан ве урьмет къазангъан истидатлы шаирлеримизден. О, озъ омрюнинъ къыскъа бир девринде эдебиятымыз ве медениетимизнинъ юкселови ве инкишафы саасында чокъ хызметлер косътерди. Озюни матбуат ве нешприят ишлеринде, чалышкъыр ве мукътадир мутехассыс оларакъ, амелий ишлеринен косътерди. Бу алидженап фаалиети ичюн, Озъбекистанда нам къазангъан медениет хадими унваны берильди.

(З. Джавтобели)

39-ынджы дерс

Тарз-арекет табили муреккеп джумлелер

Тарз-арекет табили муреккеп джумлелерде таби джумле баш джумледен сонъ келир. Таби джумле баш джумледеки иш-арекетнинъ эда этюв тарзыны, алыны бильдирир. Таби джумле баш джумленинъ иш-арекетинден келип чыкъкъян насыл *тарзда?* суалине джевап олып келир.

Меселя: Акиме ойле ишлер беджерди *ки*, (насыл тарзда ишлер беджерди?) эр кес айретте къалды. (Т.Х.)

Баш джумле таби джумленен *ки* багълайыджысы вастасынен багъланып келир. Баш джумленинъ теркибинде *ойле, ойле бир, шойле, бойле* ишарет замирлери ишлетилир. Олар, умумий мана анълатып хаберге багъланып келирлер. Таби джумленинъ мундериджеси баш джумледе ифаделенген умумий мананы муайенлештирир.

Меселя: Кимерде гъам-къасеветлер инсанны *ойле бир* сыкъа *ки*, (насыл тарзда гъам-къасеветлер инсанны сыкъа?) багъырып агълайджагъынъ келе. (С.Э.)

Базы бир тарз-арекет табили джумлелерде *гуя, санки* багълайыджылары, *дерсинъ* сёзю къулланылыр.

Меселя: Кеманеджи кеманесини *ойле бир* чалды *ки*, (насыл тарзда кеманеджи кеманесини чалды?) *дерсинъ* дагълар агълады. (И.П.)

156-нджен*иши*. Ашагъыда берильген схемалар узъре бир къач тарзарекет табили муреккеп джумлелерни уйдурып язынъыз.

1) ойле *ки*, ○ . 2) ойле *ки, гуя* ○ .

157-ндже*иши*. Метинни окъунъыз. Муреккеп джумлелерни та-пып, талиль этинъиз. Тарз-арекет табили муреккеп джумлени бель-гиленъиз.

... Дженкниң биткени беш йыл олды. Пек чокъ адамлар дженктен къайтып, озъ ишлерини девам этип башладылар, дигерлери исе бир заманлар джойгъан тувгъанларыны таптылар.

Къартларның екяне огъуллары дженктен къайтып кельмеди, гъам-къасевет ве асретликтен къартларның экиси де къамбурайып къалдылар. Огъулларындан хабер-тебер ёкъ эди. Куньлер-ниң биринде таныш олмагъян бир адам оларның къапусыны къакъты. О, къартларнен муляйимликнен селямлашты, баланың сачларыны сыйпады ве бираз сускъандан соңъ:

— Сизинъ огъулунъыз, гвардиялы... лейтенант... — девамыны айтып оламады. Арада бир ань тынчлыкъ укум сюрди. — Дженкниң сонъки кунюнедже мен огъулунъызnen омуз-омузгъа берип, уруштыкъ. Берлинни бирликте алдыкъ. Урушның сонъки куньлери минадан...

— Огълум!.. — къартның агъызындан ойле дешетли сес атылып чыкъты, дерсинъ бутюн дюнья сарсытылды. Олар кельген адамның чыкъып кеткенини биле дуймадылар.

(Э. Фаикъ)

158-индже иш. Джумлелерни окъунъыз. Токътав ишаретлерини къойып, кочюрип язынъыз.

1. Къасевет кимерде юрегинъни ойле сыкъа ки нефес алмасы агъырлаша. (Р.Т.) 2. Мында кузъде алмалар ойле къоқъуйлар ки гуя эфсанеге кирген киби оласынъ. («Йылд.») 3. Манъа ойле келе эди ки санки о ерде де джебэде олгъаны киби. («Йылд.») 4. Асан акъай буны ойле бир давушнен сёйледи ки эки дақъкъа ичинде орталыкъ чым-чырт олды. (Дж.Г.Т.) 5. Юрги ойле дюкюльдеди ки гуя беденини чёйючлейлер. («Йылд.») 6. Койнинъ яшлары оны о къадар севип къалгъан эдилер ки маҳсус кичик ыргъачыкъ багъышлагъан эдилер. (Р.М.)

159-ындже иш. Метинни окъунъыз. Муреккеп джумлелерни сечип, чешитлерини бельгиленъиз. Баш джумлелерни, адий джумле киби, талиль этинъиз.

Озюнинъ ильк ве севимли эдебият оджасы Сеит Абдулькерим Шерифий вефат эткен сонъ, Умер медресени быракъа ве, озъ севген зенаатына — озю язгъан шиирлерине, къошмаларына макъамлар уйдурып, кедайлыкъкъа тутуна ве, Кезлевенинъ энъ мутебер, къатнавлы къавеханесинде отураракъ, саз чалып, тюркюлер айтмагъа башлай. Аджайип сес саibi, талантлы бу кедайгъа, «Ашыкъ Умер» деп, нам къоялар. «Ашыкъ Умер» деген ад аз бир вакъыт ичинде бутюн ярымадагъа ве онынъ дживаrlарына эшитиле. Онынъ шиирлерини, гъазеллерини хаттатлар (эльнен нусха кочориджилер) язып, кочюрип етиштирамайлар. Оны корымек, онынъ тюркюлерини озъ къулакъларынен эшиitmек ичюн, онынъ макъамларыны огренип алмакъ ичюн, башкъа шеэрлерден яш авескяр чалгъыджылар, йырджылар Кезлевге келелер.

Бир къач йыллардан сонъ, Ашыкъ Умер къомшу тюркий диярларгъа сеферге чыкъа.

(Э. Шемьи-заде)

160-ындже иш. Метинни окъунъыз. Табили муреккеп джумлелерни сечип, синтактик талиль этинъиз.

Шимдики хаялымда бир адисе джанланды. Куньлернинъ биринде, мени эвде къалдырып, къомшу койге кеткен эдинъ, тизеанам пек агъыр хасталангъан эди. Бир афта бабамнен ве агъамларнен яшадым. Эгер бильген олсанъ, сенсиз насыл тарсыкъканымны... О вакъыт манъа бир афта, эбедиен олып,

корюнди. Нияет, агъамлар: «Ана келе!» — деп, ёлгъа чаптылар. Сенинъ келеяткъанынъны эшитип, юрегим коксюмден чыкъып кетеязды. Мен де агъамларнынъ артындан чаптым. Дюньямны унутып, ля-такъат олып, талагъым къатып, чапып барып, сенинъ бойнунъа сарылдым... Анам, джигерим, анам. Эгер, омрюнъде анги дакъкъа энъ баҳытлы деп, сорасанъ, шубесиз, о вакъытта сенинъ къучагъынъда бойнунъа сарылгъан дакъкъадыр... Эгер лянетли дженк башланмагъян олса, аят не къадар баҳытлы, кунешли ола биле эди!.. Дюнья дарма-дагъын олып кетти, гуя кокте кунеш тутулды, дерсинъ, ерге къаранлыкъ чёкти. Ана, бу оладжакъ шейми?! Сенсиз насыл омюр ола биле? Мени ташладынъ, кеттинъ... Инъле, дертли къавал, къулакъларымны чынълат! Юрегимни чиль-парча эт!..

(Дж. Дагъджы)

40-ынд жы дерс

161-инджи иш. Берильген метинден табили муреккеп джумлелерни сечип, оларны талиль этинъиз.

80—90-ынд жы сенелернинъ сонълары Рамазан Усеинов иджа-дынынъ экинджи — онъя эм маневий, эм маддий эйиаллылыкъ, мемнюнлик кетирген девирдир. О заманда пейда олгъан эсерлери эвелькилеринден яратылуv услюбинен, ренклернинъ джулясынен айрылып, айны вакъытта, рессамнынъ озы принциплерине садыкъ къалгъаныны нумайыш этелер.

Рамазан Усеинов иджа-дынынъ темелини тешкиль эткен принциплер асылында насыл принциплер? Орта Асияда кечкен балалыгъынен багълы вакъиалар, якъынларнынъ Къырым тамырлары акъкъындаки икяелер муурьленип къалдылар. Бир кере корюльген, эштильген шей тасавургъа силтем ола, рессам, хаялланып, уйдурмагъа башлай. Ресим япмакъ Рамазан ичюн фельсифе яратмакъ демектир. Онынъ сакин, сессиз къараманлары уйдурма амма, аддеттен тыш къандырыджы, акъикъаттан узакъ, лякин айны заманда, акъикъаткъа бенъзеген бир алемде арекет этелер. Булар: адий, кимседен гъайры табиий чизгилеринен фаркъ этмеген инсанлар — эснафчылар, алыш-веришчилер, чалгъыджылар, генч къызлар ве аналар. Озылерининъ назиклиги ве джиддийлиги, эеджанлыгъы ве хаифилигинен мефтион этип, кендилерининъ эбедий, энди темель аткъан къанунлары боюнчада яшамакъталар.

(Л. Таирова)

162-нджи иш. Джумлелерни кочюрип язынъыз. Баш ве таби джумлелерни къайд этип, оларның арасында олгъан мунасебетни анълатынъыз.

1. Шуны да айтмакъ керек ки, бабалыгъы илькиде онъа яхшы мунасебетте булунмагъа тырышты, иштен къайткъанда кяде бир къанфет кетирди, атта бир эки кере Пушкин адында раатлыкъ багъчасына кезмеге алыш барды. (Э.У.) 2. Раим чыдар, башкъя чареси ёкъ. (Э.У.) 3. Озь бабам олгъан олса, мен бойле къыйналмаз эдим. (Э.У.) 4. Энъ худжуры шунда ки, акъшам кельгенимизнен, костюмини чыкъарып, Салядиннинъ кроваты устюне атып, чыкъып кете эдик. (Э.У.) 5. Анджакъ арекетлери ойле сакът эди ки, эр сой шубеге ёл къалмай эди. (И.П.) 6. Шимди, оның къаяфетини, бет сымасыны козь оғюне кетиреджек олып, тырышып бакъса да, акъылгъа бир шей кельмей эди. (И.П.)

163-юнджи иш. Джумлелерни окъунъыз, чешитлерини бельгиленъиз, маналарыны анълатынъыз, синтактик талиль этинъиз.

1. Раатсызланма, къызым, озю де сюрип келир. 2. Ичери кир, Сервер агъа, эписини айтып бериirim. 3. Риджа этем, машинадан тюшкен сонъ эгленип къалмасын, оны эвге озгъар. 4. Зан этем ки, экиде-бир лабораториядан авагъа чыкъса, эвелькисидай яшларгъа къошулса, хасталыгъы да савушыр, ишке де буюк файдасы токъуныр. 5. Чокъ кедерленме, бугунь олмаса, ярын кене аякъ-къа тураг. 6. Сен озюнъ аша, тюневин акъшам да агъызынъя ич бир шей алмадынъ. 7. Ниярның сёзлери Серверни шу дереджеде эеджанландырылар ки, о, бу къызны тынчландырмагъа сёз биле тапалмады. (Ю.Б.)

164-юнджи иш. Джумлелерни кочюрип язынъыз. Багълайыджылы табили муреккеп джумлелернинъ чешитлерини бельгиленъиз, оларның теркибинде ишлетильген замирлерни, нисбетлешкен сёзлерни, багълайыджыларны къайд этинъиз, маналарыны анълатынъыз.

1. Къайда адет къалса, анда ёл къалмаз. (Ат.с.) 2. Ондаки весе ойле бир арткъан эди ки, о эр шейни якъып-йыкъыджен къаба бир къуветке чевирильмеге азыр эди. (И.П.) 3. Бахткъя иришмек къыйын, чюнки инсан къанатлы күшкъа бенъзей. (У.Э.) 4. Акъшам иштен къайтып кельсе, эвде кимсө ёкъ. (И.П.) 5. Ким озюнинъ джесюрлигини сынап бакъмагъа истесе, о, барып, Къадырны къакъыштыра эди. (Р.М.) 6. Чевирилип бакъсам, гъайып олгъан. (С.С.)

165-ндже иш. Джумлелерни окъуп, токътав ишаретлерининъ къюлмасыны анълатынъыз.

Иджретте яшагъан ватандашларымыздынъ медений-ичтимаий аятынынъ илерилемесине, оларгъа миллий дүйгүү, Ватангъа севги киби ислерни ашлавда ве къуветлендириовде энъ буюк иссе къошкъан неширлеримизден бири, сёсөз «Эмел» меджмуасы олды. 1930 сенесининъ январь 1 куну «Эмел»нинъ биринджи ве язы ишлери мудири оларакъ Мустеджип Аджы Фазыл (Улькусал) сечильди. «Эмел» эки йыл девамлы оларакъ 15 куньде бир дефа 16 саифе оларакъ чыкъарылды. 1932 сенесининъ башындан итибарен 1940 сенесининъ октябрь айына къадар айда бир кере 40 саифе оларакъ нешир этильди. Секиз йыл девамында 154 саны дюнья юзю коръди. 20 йыллукъ тенеффюстен соң 1960 сенеси Анкарада гъайрыдан нешир этилип башлады ве нешири бу куньде де девам этмекте.

(Э. Къуртумеров)

166-ндже иш. Джумлелерни кочюрип язынъыз. Багълайыджысыз табили муреккеп джумлелеринъ чешитлерини бельгиленъиз, маналарыны анълатынъыз.

1. Манъа ярдым этерсинъ, берабер джемаатны топлашувгъа чагъырырмыз. 2. Мына шимди де бутюн бедени эзильгендей олды, козълери оны юкъугъа чагъыра. 3. Олар бири-бирине якъынлашмакъта эдилер, чобан, бетине тюшкен башлыгъыны котерип, Анифенен селямлашты. 4. Бу адам акъкъында ильк теэссураты яман дегиль эди: Акрам Бекмуратов онъа муляйим, йымшакъ табиатлы, бол гонъюлли бир адам олып корюнди. (Ю.Б.)

167-ндже иш. Метинни окъунъыз. Муреккеп джумлелерни сечип, токътав ишаретлерининъ къюлмасыны анълатынъыз.

Ёлджуларнынъ арасында, аджеми бакъышларыле мында ябанджы олгъяны корюнип тургъан бир йигит бу хош манзарапынъ энъ кичик парчачыгъына къадар корымек ичюн, къара джамлы козълюгини де такъа, де чыкъара. Устюнде къыскъа енъли ачыкъ мавы колъмеги, кок штаны, аякъларында беяз парусина аякъкъаплары бар эди. Корюнмеси хош бир йигит эди. Аркъагъа

тегиз таралгъан кестане тюсюндеки сачлары хафиф рузгяр эскенде шекилини денъиштирелер, перчеми далгъаланаракъ, манълайы узеринде культеленмекте. О, къаршысындаки манзараны буюк зевкъ иле сейир этмекте.

Манзаранынъ гузеллиги онынъ бутюн барлыгъыны сарып алды, гонълюни ташырды. Теэссуратларыны шимди бирисине сейлемесе бутюн зевкъы гъайып олып кетеджек киби корюнмекте. О, лаф этмеге мунасип бир субетдеш тапмакъ умюти иле этрафына бакъты, янашада, мавы козълерини ешиль дагъларгъа тиккен алда, генч бир къызынынъ тургъаныны корьди.

Къызынынъ йылтыравукъ сары сачлары, кениш къаснакълы язлыкъ хасыр шляпасы тюбюнден, тунч ренкини алгъан томалакъ омузларына тёкюльгенлер. Дюльбер чересинде бир муляйимлик бар эди. Козълеринде исе севинч атеши йылтырай.

(М. Севдияр)

168-инджи иш. Аталар сёзлерини окъунтыз, ифаделеген маналарыны озъ сёзлеринъизнен изалантыз. Муреккеп джумлелерни сечип, чешитлерини къайд этинъиз.

1. Баарь кельсе, дагъ устю де багъ олур.
2. Баарь кельсе, багъ буръленир, фырсат тюшсе, халкъ тюрленир.
3. Окъугъан алым олур, окъумагъан озюне залым олур.
4. Окъумакъ къайгъылыдыр, сонъу сайгъылыдыр.
5. Окъумакъынынъ эртеси-кечи ёкъ.
6. Китап — бильги анахтары.
7. Китар язмакъ — иненен къую къазмакъ.
8. Садакъасына коре севабы, суалине коре джевабы.
9. Сёзю акъынынъ иши акъ.
10. Терек не къадар юксек оссе де, тамыры ердедир.

БАГЪЛЫ НУТУКЪ

Нутукъ услюpleri. Ильмий услюп

169-ындзы иш. Ашагъыда берильген метинлерни окъунъыз, эсас мевзуларыны бельгиленъиз; къулланылгъан тиль васталарыны козетип, насыл услюpte язылгъаныны къайд этинъиз.

I. Композицион хусусиетлери боюнчада гъазеллер эки шекильге айырылалар: бутюн (мусалсал) ве таркъалы (параканда).

Бейитлер арасында мана иле бирлик ве ифаделенген назмий фикирнинъ динамикасы гъазельнинъ бутюн шеклине аиттири.

Эр бир бейитнинъ мана иле там олмасы ве ширий вазиетнинъ статиклиги гъазельнинъ таркъалы шеклине аит.

Гъазайининъ шириетинде эм бириндже, эм экиндже шекиль сыйкъ ишлетильгенини айта билемиз.

Гъазай матла, макъта ве тахаллюскъа айрыджа эмиет бере.

Къаиде боюнчада матла (бириндже бейит) гъазельнинъ эсас манасыны ве гъасини ташый, сонъра кельген фикирни, везин, къафие ве редифни бельгилей.

Шу себептен де, шаркъий шаирлер мукеммель суретте матла язылмасына тырыша эдилер.

Мисаль ичюн, Гъазайининъ учь гъазелинде бириндже бейитлерни көздөн кечирейик:

Кёнлюни алды бир шухи перизад
Ки Ширин унутгъай кёрсе Ферхад...

Терджимеси:

Гонълюмни алды бир пери киби гузель,
Эгер корье (оны — Т.У.) Ферхад,
Озюнинъ Ширинини унутыр эди...

(Т. Усеинов)

II. Бойле шарайтте музыкада миллий шекиль ве жанрларнынъ осюви, инкишаф этюви, ихтисаслы профессиональ кадрлар — композиторлар, иджраджылар ве алимлер азырлав акъкъында лаф биле олмасы мумкүн дегиль эди. Нетиджеде, къырымтатар халкъ музыкасы, анъаневий агъзаки медениет оларакъ инкишаф этти.

Къырымтатар музыка медениетинъ башлануwy узакъ кечмишке барып багълана. Халкъымыз озюнинъ музыка аньанелерини токътамадан зенгинлештиререк ве инкишаф эттиререк, бу куньгедже озыгюнлигини сакълап кельмекте. Халкъ музыка яратыджылыгъынынъ жанр ве шекиллерининъ гъает чешитлилги халкъ озы санъатыны насыл мукъайтлыкънен айбетлеп сакълап кельгенине ачыкъ-айдын мисаль ола биле.

Иште о жанрларнынъ базылары мына булар: йыр, тюркю, ава, эзги, такъмакъ, бейт, чынъ, мане, нагъме, мерсие ве иляхре.

(Ф. Алиев)

170-инджи иш. Секизинджи сыныфта менимсеген «Айырлма азалар» мевзусыны хатырланъыз. Бу мевзунен багълы грамматик къаиделерни мисаллернен тасдыкълап, сыныфдашларынъыз оғюнде чыкъыш япынъыз.

171-инджи иш. Берильген метинни дикъкъатнен окъунтыз ве планыны тизинъиз.

Тапмаджаларнынъ джеваплары муайен олалар. Оларда халкъ турмушы, омюрнинъ чешит адиселери акс олuna.

Тапмаджалар, фольклорнынъ башкъа жанрына нисбетен, коллективлик хусусиетине маликтири, чонки олар эки я да чокъ адамлар арасында айтылалар.

Эвельден инсанларнынъ акълыны, зийреклигини сынамакъ ичюн оларгъа тапмаджа айтып, джевабыны дөгъру тапмасы төвсие этиле әди. Бойле аллар къырымтатар масалларында да расткеле.

Къырымтатар тапмаджаларынынъ мундериджеси халкъ аятынен, омюр адиселеринен, табиатнен багълыдыр. Мында хыяр ве согъан, йылдыз ве ай, элек ве чиберек, къолтава ве къашыкъ, агъыз ве тиш, аят ве олюм ве саире адиселер акъкъында чокъ тапмаджалар бардыр. Тапмаджалар халкъынъ фикрини, аят теджрибесини, дюньябакъышыны, аяткъа, инсанларгъа мунасебетини акс этелер.

(Дж. Бекиров)

Метиннинъ чешитини ве услюбини бельгиленъиз. Джевабынъызыны исbatланъыз.

172-нұнджи иш. Берильген метинни оқынұныз. Адий ве муреккеп джумлелерни бельгилеп, синтактик талиль этинъиз.

Улу Ватан дженкинде он беш къырымтатар языдjhысы ве шаирлери иштирак эте. Олардан он экиси мукъаддес топрагъымыздың къорчалав ёлунда шеит кетелер. Дженкте бир къач керелер яраланып, сағъ къайткъан шаир ве языдjhыларның бириси Энвер Селямет эди. Ватан дженки ве ондан соңғы йылларда олып кечкен вакъиалар шаирнинъ эсерлеринде озъ ифадесини таптылар. Онынъ иджадында Ватан мевзусы эсас мевзугъя чевирильди, Ватан асретлиги шаирнинъ юрегинде санки бир пычакъ санчысы эди.

Яшайышмыздың нұхта, омюризмиденің эр бир чизгисини Ватаның мұнайшының дагълары, къаялары, сувлары, тереклері, гуллеринен тенъештирген шаир маналы сатырлар яраты.

«Санъа» ширии дюньяның дюльберлигине, инсан ве табиат арасында олгъан къавий багъының бирдемлигине багъышланған. Бу шириде инсан Ватанының гуллерinden, емишлерinden, емегиндөн, сувларындан, авасындан, нурларындан, енъишлерinden, шаирлер ве бестекярлар язған йырларындан кучь ве гъыда алып, къувет топлагъаны билдириле.

«Эр шейинъдем, Ватан» шириининъ эсас гъаеси эсернинъ серлевасында сақълыдыр. Бу шириде муэллиф озюни Ватанының эр шейинде, онынъ байлыгъында, табиат дюльберлигинде коре, о, енъишлеримизге озюнинъ севинчини бильдире.

(Эдебият дерслігіндегі)

173-нұнджи иш. Джумлелерни кочюрип язынъыз. Муреккеп джумлелернинъ чешитлерини ве багъ мұнасебетлерини бельгиленъиз.

1. Сервер, къую башындаки аркъадашларынен селямлашкъан соңъ, анълады, джоюлгъан Адиль оларның арасында олгъан эди.
2. Сен шу мусаллаткъа козъ-къулакъ ол, барып да исингенликни бозып, башымызгъа беля ачмасын.
3. Селим не айтаджагъыны билімдеді, бу меселелерден хабери ёкъ эди.
4. Дюньяда инсаннның омюр ёлу пек къыскъадыр, бу ёлны эр бир адам билип кечмек ве ярашыкълы бир из къалдырмакъ керек.
5. Итибарынъ олса, парантъ дайма олур.
6. Күнү келир, бу шеэрнинъ ады да мемлекетимизнинъ харитасында къайд олуныр, газеталарда язылыр, радионен айтылыр.
7. Тек къулакъларында насылдыр шувулты бар, тосат-тосат

башы агъыра. 8. Соңыки вакъытларда онынъ табиатында янты бир адеп пейда олды: акъшамлары теналыкъта бир озю къалдымы, дефтерини чыкъара ве отурып севимлисine мектюп къарапай эди. (Ю.Б.)

174-юнджи иш. Аталар сёзлерини окъунъыз, ифаделеген маналарыны озъ сёзлерингизнен изаланъыз. Муреккеп джумлелерни сечип, чешитлерини къайд этинъиз.

1. Догъру олсанъ, кет-кете гуль олурсынъ, хырсыз олсанъ, кет-кете куль олурсынъ.
2. Дост — къапудан, душман — пенджереден.
3. Окъувсыз бильги ёкъ, бильгисиз кунюнъ ёкъ.
4. Тилини унуткъан илини унутыр.
5. Тили татлы чокъ яшар.
6. Тиль акъыл теразесидир.
7. Тильге итибар — ильге итибар.
8. Тильден эм бал тамар, эм — зеэр.
9. Тиль — къылыштан кескин.

175-инджи иш. Ашагъыдаки схемаларгъа эсасланып, муреккеп джумлелер уйдурып язынъыз.

- 1) , ве .
- 2) , чюнки .
- 3) , онынъ ичюн .

44-юнджи дерс

ТАБИЛИ МУРЕККЕП ДЖУМЛЕЛЕР (умумийлештириов ве текрарлав дерси)

176-нджы иш. Суаллерге джевап беринъиз.

1. Табили муреккеп джумлелер насыл къысымлардан ибарат?
2. Баш ве таби джумлелернинъ хусусиетлерини изаланъыз?
3. Баш ве таби джумлелер озъара насыл бағъ васталарынен бағъланалар?

4. Мана джеэттен табили муреккеп джумлелер насыл чешитлерге болюнелер?

Джевапларынъызы мисаллernerнен тасдыкъланъыз.

177-нджи иш. Ашагъыда берильген джумлелерни окъунтыз. Муреккеп джумлелерни тешкиль эткен къысымларны къайд этип, олар арасында багъ мунасебети ве васталарыны бельгиленъиз.

1. Ашыкъ Гъарип сазыны чалып башлагъанынен, Шахсанем къыркъ пердени йыртып чыкъа да, динълеп тура. (Д.Б.)
2. Истисалда даа бир къач вакъыт чалышкъянына бакъмадан, ишкир, низамлы къызыны ишчилер тез бегендилер. («Л.Б.»)
3. Ава еринден кочъкен арада, къапу озълюгинден ачылып, узун бойлу Османнынъ кендиси пейда олды. (Ю.Б.)
4. Сонъундан анъладым, бабамнынъ юрги бу арада севинчнен толу олгъянындан, козь яшларыны корысметмеге истемей, эвге кетип къуртулгъян. (Ш.А.)
5. Бутюн кунь атеш киби къызгъан сокъакъларны машналар суварып кеткен соңъ, орталыкъха хош серинлик тюшти. (Р.М.)
6. Оны япмагъандже, бетон олмайджакъ экен. (С.Э.)
7. Лякин къапкъан килитли олмагъанындан, о, къапкъандан чыкъты ве кеч къайтты. (С.Э.)
8. Адынъ чыкъкъандже, джанынъ чыкъсын. (Ат.с.)
9. Саба saat едилерде, Меджит агъя ишке азырлангъанда, чанъ къакъылды. (Я.З.)
10. Кунеш чыкъкъан соңъ биле, чокъ вакъытлар ерлер саркъмай эди. («Л.Б.»)
11. Териси къызаргъанындан, онынъ устюнде сач тамырлары биле сечильмей. (А.О.)
12. Олар анда барып еткендже, биз штабдаки бутюн офицерлер эркяныны шу районгъа ташламакъ къаарына кельдик. («Л.Б.»)
13. Эки дане дёрт коше пенджеречиктен кирген ярыкъ ве учь дане балабан электрик лампасы янгъанына бакъмадан, онынъ ичи къааранлыкъ эди. (С.Э.)

178-нджи иш. Аталар сёзлерини окъуп, джумлелерни синтактик талиль этинъиз.

1. Окъумакъ къайгъылдыр, соңъу сайгъылдыр.
2. Ишсиз отурсанъ, кунь кечмез.
3. Озъ-озюнъни макътама, халкъ сени макътасын.
4. Огренмек ичюн яша, яшамакъ ичюн огрен.
5. Еди ольче, бир бич.

179-ынджы иш. Берильген джедвеллерге эсасланып, ильмий услюпте «Табили муреккеп джумлелер» серлевалы метин язынызыз.

ТАБИЛИ МУРЕККЕП ДЖУМЛЕЛЕР


(багъ васталарына коре)

багълайыджылы

багълайыджысыз

ТАБИЛИ МУРЕККЕП ДЖУМЛЕ

(ифаделенген манасына коре)



Табили муреккеп джумлелернинъ синтаксик талиль тертиби:

1. Джумленинъ къысымларыны къайд этип, баш ве таби джумлелерни бельгилемек.
2. Баш ве таби джумле арасындаки багъ васталарыны косытермек.
3. Баш джумледен таби джумлелеге суаль къойып, муреккеп джумленинъ мана джеэттен чешитини къайд этмек.
4. Токътав ишаретлерининъ къюолувыны изаламакъ.
5. Табили муреккеп джумлени тешкиль эткен эр бир къысымны (баш ве таби), адий джумле киби, талиль этмек.

180-инджи иш. Ашагъыда берильген метинни оқъунъыз. Табили муреккеп джумлелерни сечип, синтактик талиль этинъиз.

Къырымтатар халкъ агъыз яратыджылыгъында масаллар айры ер туталар. Олар энъ кениш таркъалгъан ве халкъ тарафындан севилип айтылгъан жаңардыр.

Масалларнынъ бедиий къувети — халкънынъ тюшюнджелиерини, арзу-умютлерини, рухуны, психологиясыны озюнде акс эттиремесинде, буюк ве кичиклерге меракълы ве зевкълы олмасындадыр.

Халкъ озюнинъ тюшюндже ве хаялында коклерге созулгъан сарайлар къура, бойле сарайларгъа озюнинъ арасындан чыкъкъян батырлар къыркъ кунь, къыркъ гедже той этип бахытлы яшайлар. Оларнен берабер халкъ да озюни бахытлы ис эте, чонки о батыр халкънынъ къайдыны чеккен, онынъ менфааты ичюн курешкендир.

Масалларда адettен тыш адиселерге расткелине. Халкъ хаялында омюрде олмагъан тылсымлы адиселерни баш къарамангъа юклей.

(Дж. Бекиров)

181-инджи иш. Ашагъыда берильген джумлелерни оқъунъыз. Токътав ишаретлерини къойып, кочюрип язынъыз.

1. Алиме сонъки сёзлерини яры шакъя тарзында сёйлесе де юргинде терен къайгъы ве севги сакълы эди. (С.Э.)
2. Мерьем шенъ эди демек эр шей ёлунда. (Ю.Б.)
3. Олар энъ агъыр сынавларгъа къатланмакъ керек эди ве олар боюн-борджаларыны ерине кетирдилер. («Л.Б.»)
4. Тютюнджелиер машинагъа сонъки сепетлерини юклеп башлагъанларынен Арслановнен экиси ёлгъа чыкътылар. (Ч.А.)
5. Недир багъырып айтты ляжин машинанынъ гурюльтиси онынъ давушыны озюнен алыш кетти. (Ю.Б.)
6. Дуюла окели эди. Машина кетер-кетmez тахта обасы янында дигер бригаданынъ башы Ахмедов пейда олды. (И.П.)
7. Ахырны битир сонъ гаражгъа авуштырымыз. (М.Д.)
8. Экиси шакъылдан кульген сайын Мемиш къарт да озъ башына куле берди. (М.Д.)

БАГЪЛЫ НУТУКЪ Ресмий-иш услюби

182-нәджи иш. Ашагъыдағи суаллерге джевап беринъиз.

1. Нутукъының ресмий иш услюби не ерде къулланыла?
2. Бу услюпни насыл макъсатнен къулланалар?
3. Илянларда насыл малюмат бериле? Илянларның язув шартларыны хатырланызыз.
4. Сенетнинъ язылув хүсисиетлерини изаланызыз.

Бильгилеринъизни хатырланызы!

Чешит-тюрлю весикъа, къаарар, эмир кягъытларында нутукъының ресмий услюби къулланыла. Бу услюпнинъ макъсады — ресмий малюматны дөгъру ве муайен шекильде ифаделемек.

Илянларда бир сыра малюмат олмасы шарт:

- 1) хабер кимге айт олгъаны косытериле;
- 2) къысқъадан эсас малюмат изалана;
- 3) илян кимнинъ адындан берильгени къайд этиле.

Сенет бир де бир шахыстан я да тешкилдөттөн бир эшъя, весикъа, пара я да алет алгъаныны тасдыкълайыджы весикъадыр.

183-юнджи иш. Юкъарыда къаиделерге эсасланып, сыйныфынъизда кечириледжек тедбир акъкъында илян ве бир сенет язынъиз. Метинлеринъизде къуллангъан джумле азаларыны къайд этинъиз.

184-юнджи иш. Ашагъыда берильген метинлерни окъуп, мевзулатыны къайд этинъиз. Бунъа коре, метиннинъ насыл услюпте язылгъаныны бельгиленъиз.

1. Весикъа

Азизов Айдер Экремович Сакъ шеэрининъ бешиндже умумтасиль мектебининъ докъузынджы сыйныфыны 2009 сенеси битиргенини тасдыкълай.

Весикъа, талап олунгъан ерге теслим этмек ичюн, берильген.

Мектеп мудири

Л.А. Аппазова

2. «Не де дюльбер орънеги» шириnde Энвер Селямет эр бир йыл мевсимининъ озюне хас дюльберлиги олгъаны акъкъында айта. Къышта къар япалакълап ягъгъанда дюльбер орънеклер япып, адамнынъ юрегини, къальбини къувандыра. О орънеклерни дюльберлигинден атта ки къарнынъ устюне басмагъа къыймайсынъ. Амма, чокъ языккъ ки, бойле дюльберлик чокъ девам этмей. Къарлар ирип кете, янъы мевсим келе ве эр шей унутыла, амма аят кене де девам эте. Бу шириnde шаир инсаниетниң темиз гонъюллигини шерефлендире.

Энвер Селяметниң шиирлеринде садыкъ севги, намус, видждан, ахлякъ меселелери киби мевзуулар да озы ерини таптылар. О, шиирлери окъузыдькыгъа буюк баҳт багъышламасыны, онынъ элинде мубарек отымек киби къалмасыны истей, арз эте эди.

Мен де фераланам тилимде,
Язгъанымны достлар окъуса —
Шиirimни туткъан элимде,
Къалса сыджакъ отымек къокъусы.

(Эдебият дерслигинден)

3. — Аятта эр шей ола экен. Бизлерни сюргүн эткенде, мен пек кичкене эдим, алты яшларындаки бир бала, олардан айры тюштим, джоюлдым. Вакъыт кечмесийле инсанларнынъ хатырасы силингени киби сымаларыны да унуттым.

- Сизни не вакъыт, нереден сюргүн эттилер?
- 1944 сенесининъ бааринде. Къырымдан.
- Айдавджы йигитке шубели бир назар ташлады.
- Мында бир янълышлыкъ бар. Къырымдан русларны сюргүн этмедилер.
- Мен рус дегилим де...
- Я, миллетинъ недир сенинъ? Адынъ не?
- Мен къырымтатарым. Адым Евгений Петрович Самарский.
- Айдавджы айрет ичине къалды. Ёлнынъ бозукълыгъыны унутарақъ, йигитке чевирильди:
- Олян, сен не масал окъуисынъ? Евгений Петровичтен къырымтатар олурмы?
- Балалыкъта адым Джәфер эди.

(М. Севдияр)

185-инджи иш. Метинни окъуп, услюбини бельгиленъиз. Метиннинъ мевзусыны бельгилеп, планыны тизинъиз.

Образ (сыма) — бедий эдебиятнынъ эсас категорияларындан-дыр. Бу сёз, къулланылуви на коре, бир къач мананы анълата. Эдебият назариесинде бу сёзниң тар манасы — бедий эсердеки иштиракчи шахыс, персонаж демектир. Меселя: Ш. Алядиннинъ «Теселли» повестинде Рустемнинъ образы, «Эльмаз» икяесинде Эльмазнынъ образы, У. Ипчининъ «Асан» повестинде Асанынъ образы иштиракчи шахыс, къараман маналарыны берелер.

Лякин образ сёзюнинъ кенъ ве умумий маналары да бар. Меселя, бедий эдебиятта инсан аяты образлар ярдымы иле тасвирлене. Бир къач эсерде Ана сымасы, халкъ сымасы, тувгъян юрт сымасы косътериле биле. Бу вакъыт сымалар умумийлештирилип косътериле. Ве бу вакъытта образ сёзю бедий эдебиятнынъ эсас хусусиетини косътере.

Эдебиятта умумийлештирильген образ деген анълайыш да къулланыла. Языджы айры бир девирдеки халкъ аятынынъ омюр левхасынынъ умумий образыны яраты. Меселя, У. Ипчининъ «Зейнеп тизе» икяесинде империалист дженки девириндеки аят левхасынынъ умумий образыны коремиз. Шамиль Алядиннинъ «Эльмаз» икяесинде Улу Ватан дженкинде иштирак эткен къырымтатар къадын къызларынынъ сымасы айдынлатыла.

(Эдебият дерслигиден)

46-нджы дерс

ЧОКЪ КЪЫСЫМЛЫ МУРЕККЕП ДЖУМЛЕЛЕР

Чокъ къысымлы муреккеп джумлелер учъ я да учтeten зияде бириккеп кельген джумлелерден ибарет олурлар. Бойле джумлелернинъ къысымлары бири дигерине учъ тюрлю багъ усулларынен багъланырлар: **тизме, таби ве къарышыкъ багълы.**

Чокъ къысымлы муреккеп джумлелернинъ къысымлары тек тизме багъ вастасынен багъланана билир.

Меселя: *Гедже ягъмур ягъмагъан, лякин этрафтаки отлар, терек япракълары сылангъан, атта топракъ да дымлангъан.* (Э.У.)

_____ , лякин _____ , атта _____ .


Чокъ къысымлы муреккеп джумлелернинъ къысымлары тек таби багъ усулынен багълана билир.

Месељя: Ёрулса да, юргиндең кедер ёргүнлүгүнүң да унұттыра, чюнки бабасы олюм алында, онынъ ичюн бабасының «сонъ истеги»ни ерине кетирмеге кете. (У.И.)



Чокъ къысымлы муреккеп джумлелернинъ къысымлары әм тизме, әм таби багъ усулларынен бирикп келе билир.

Месељя: Исмаил чапалана, дерсинъ юрги, коксюнден атылып чыкъаджакъ киби, ола, вуджуды титрегенинден, биджагъындаки орденлер бири-бирине тийип шатырдайлар. (Т.Х.)



Бойлеликнен, чокъ къысымлы муреккеп джумлелер учь чешитке болюнелер:

1. Чокъ къысымлы тизме муреккеп джумлелер.
2. Чокъ къысымлы табили муреккеп джумлелер.
3. Къарышыкъ багълы чокъ къысымлы муреккеп джумлелер.

186-ндже иш. Метинни окъунъыз. Учь ве учтөн зияде къысымлар-дан ibaret муреккеп джумлелерни сайлап, бу къысымлар арасындаки багъ васталары ве мунасебетлерини бельгиленъиз.

Эр кеске малюм ки, эдебият да, тиль киби, дайма инкишаф эте ве о, ялынъыз бир жанрнен кифаетлене бильмей. Сюргүнлик девринде эдебиятымызгъа кельген яш несиль, иджадий иште не къадар ағъыр, мудхиш вакъиалар, сынъырлавлар олгъанына

бакъмадан, этрафтаки мунитни озь козълеринен корип, Ватанлары Къырымгъа, халкъкъа беслеген севгини юреклеринде яшаттылар, бу озълеринден эвель кельген санаткярлардан юзь чевирмей, эдебиятмызыны зенгинглештиремек, тилимизни сакълап къалмакъ ичюн, курешкен бир эдебий несиль эди. О несиль эдебиятмызыгъа шимди де хызмет этип кельмекте.

Аджеба, эдебиятмызынынъ келеджеги насыл бир вазиеттедир?

О, кимлернинъ къолунда оладжакъ? Мусбет бир фикир айтмагъа чекинем. Кечкен сене меджмуамызынынъ саифелеринде яш иджаткярларнынъ не бир икяеси, не бир шиири басылды. Бу, табиий, бизлерни пек раатсызлай. Чалышмакъ, язмакъ керек, къардашлар!

(И. Паши)

187-нджи иш. Ашагъыда берильген схемалар эсасында чокъ къысымлы тизме муреккеп джумлелер уйдуруп, дефтерге язынъыз.

1. , , . 3. , лякин .
2. , ве , амма . 4. Де , де , де .

188-инджи иш. Берильген метинни окъунтыз. Муреккеп джумлелерни кочюрип, эр бирини схема узъре косытеринъиз.

Керимнинъ дудакълары аараттен яна эдилер. Сувсагъанындан, агъызы къуруды, бир мешребе салкъын сув арз этти. Багъырды, бутюн къулетини топлап багъырды, лякин сесинден озю къоркъып абдырады. Къулакъларында насылдыр анълашылмаз шувулты асыл олды. Манълайында, янакъларында, дудакъларында къан бузлап къалды. Юректе къоркъув олмаса да, умют де пек аз эди. Акъшамдан берли йиплерни чезеджек олып къач кере тырышып бакъты, чезип оламады. Ава бирден сувуды, ушюмеге башлады, къалтырады, тишлери бири-бирине урулдылар. Оны шимди ялынъыз аванынъ сувугъы, къолларына батып кеткен йиплер азаплай эдилер. Геджени шай, чекишовлернен кечирди. О, онъа ниаетсиз узун корюонди. Танъ аткъанынен, текрат багъырмагъа башлады. Багъыра, токътап динълене, сонъ кене багъыра. Сеси къаршыдаки къырларда акс сада берип янъгъырады, бираздан эр шей тынды. Тынды дегендже, къайдандыр миявкъушмы, къарталмы, ёкъса къыргъыймы сесленип алдылар. «Янъгъыз дегиль экеним», — деп тюшюнди Керим. О, бу арада, шу къушлар киби, озь ювасында сербест бахтлы яшамакъын арзу этти. Татлы

хаяллардан азгъана тынчлангъандай олды, лякин тынчлыкъ чокъъса сюрьмеди, азап пердеси дераль оны сарып алды. «Сонъу корюльмеген эзиетлерден къуртулып оламайджам», — деп, тюшюнди о.

(И. Паши)

189-ынджы иш. Метинни окъунъыз. Эки, учь къысымлардан ибарет муреккеп джумлелерни сайланъыз, дефтерге кочюрип, синтактик талиль этинъиз.

Малюм ки, къырымтатар тили ве эдебиятынынъ кечмиши гъает зенгин ве мундериджели олып, о девирлерде кичкене Къырымда юзлернен, бинълернен шаирлер, улемалар, бильгили адамлар яшап, иджат эткендирлер. Белли тарихчы Хартахай о девирлерде Къырымда пек чокъ шаир булунгъаныны нафиле къайд этмей, бу — тарихий акъикъат, бу — факт. Буны «Йылдыз» журналында «Къырымтатар шириети антологиясы» рубрикасы алтында къадимий девир шаирлеримиз акъкъында берильген къысқъа малюмат ве оларнынъ эсерлерinden кетирильген нумюнелер де тасдыкълайлар. Бу джеэттен, хусусан орта асырлар эдебиятымызгъа айт баягъы малюмат топланды. Булар арасында, аз олса да, энъ къыйметли малюматлардан бири XVII асырда яшап иджат эткен аджайип шаиремиз Лейля Бикеч акъкъында малюматтыр. Онынъ яратылдылыгъы да анджакъ шу девирге аиттири.

Орта асырларгъа айт къырымтатар шириетининъ алтын деврини тешкиль эткен ве энъ маңсулдар сайылгъан, эдебиятымызгъа Ашыкъ Умер, Гъазай, I Селим Герай хан, Мустафа Джевхерий, Резмий Бахадыр Герай, Мухаммед Кямиль, Эдип эфенди, Джанмухаммед, Ашыкъ Ариф, Усеин Веджихий, Абдулла Рамиз, Достмамбет Азавлы, Абдул Азиз Афиғ-заде, Афиғеддин Абдулла эфенди киби, ве даа чокъ аджайип шаирлерни берген XVII асыр бизге къадынлар арасындан да Лейля Бикеч киби аджайип шаирени бермемеси мумкүн дегиль эди.

(Р. Фазыл)


Чокъ къысымлы табили муреккеп джумлелер

Чокъ къысымлы табили муреккеп джумлелернинъ теркиби бир баш джумледен ве бир къаң таби джумлелерден ибарет олур. Табиленюв усулы боюнда бойле джумлелер еки чешитке болюнелер:

1. Берабер табиленген чокъ къысымлы табили муреккеп джумлелер.
2. Дередже табиленген чокъ къысымлы табили муреккеп джумлелер.

Берабер табиленген чокъ къысымлы табили муреккеп джумлелерде эр бир таби къысым догърудан-догъру баш джумледе багъланып келирлер.

Меселя: Кунь батса, мусафирлер кельсе, топлашув башланаджакъ. (Ә.Ф.)



Дередже табиленюв усулынен бирикіп кельген чокъ къысымлы табили муреккеп джумлелерде бир де-бир таби джумле догърудан-догъру баш джумленен багъланып. Къалғъан таби джумлелер исе озярасы арды-сыра бири-биринен багъланып келирлер. Бойле джумлелернинъ чешитлери пек чокътыры.

Меселя: Энвер биле ки, Ислам озю башкъа тюрлю арекет этмеге актекты ёқт, онынъ ичюн, истер-истемез, кельген ерине кәйтмакъ къарапына кельди. (Ә.Ф.)



Меселя: Меселе шундан ибарет эди ки, мен, чокъ вакъыт шофер олып чалышкъанымдан, машина идаре этюв къаиделерине алышып къалғъан эдим. (Р.М.)




190-ынджы иш. Берильген метинден чокъ къысымлы табили муреккеп джумлелерни сечип, оларның схемаларыны сыйынтызыз, талиль этинъиз.

Бинъ секиз юз элли сенесининъ март айы башлангъан эди. «Март къапудан бакътырыр — къазма курек якътырыр», дегенлери киби, хышымлы айнынъ энди биринджи куньлерinden ярым аданды бузлу еллер, гедже-кунъдюз увулдап эсken къарлы боранларкъаплапалды. Чөль районларының къаркүртюклеринен ортюльген тер-тегиз ве ich бир терексиз там-такъыр ёлларында инсан оғылу инсан къалмады. Куннинъ ярыларында Сиваш беттен улып акъкъан къарлы боран тап шу дередже куччешти ки, орталықттан кунъ ярыгъы чекильди, къап-къараплыкъ кокнен ап-акъ ер юзю бир ерге къошулгъан киби олды. Мына бойле дешет бир вакъытта, уйрюлип, къуйып ягъгъан бузлу къар шувултысы арасындан кочерлери майланмагъан арабанынъ титис гъырчылдысы эштильди дер экеч, къарнен комюльген ёлда тонларына бурюнген дөрт-беш атлынен, юксек тегерчиклери устюнде демир чабакълы къафеси олгъан худжур бир могедек пейда олды. Атлылар пек яман ушюгенлеринден, могедекнинъ де огюне кечип, де артына къалып, къайдадыр ашыкъа эдилер.

(Ю. Болат)

Метин насыл услюпте язылгъаныны бельгиленъиз.

191-инджи иш. Берильген схемаларгъа эсасланып, чокъ къысымлы табили муреккеп джумлелер уйдурынтызыз.




192-нджи иш. Берильген джумлелерни окъунтызыз ве схемаларнен тасвирленъиз.

1. Кимерде-кимерде ягъмур тамчысы алевленип янайткъан атеш къору устюне тюше, чырс-чырс давуш чыкъа, къор бираз токъ куль тоскес кире, сонъра атеш кене алевлене. (С.Э.)
2. Онынъ гурь мыйыгъынынъ уджлары кокюси узерине саркъыкъ, къалпагъынынъ чевресине къара тюклю сансар териси тикили,

сюйрю тёпеси мавы къадифе къыйыкълары иле къаплы олып, къырмызы кунтушнынъ омузларына күмюш шерт тутулгъан иpek топузчыкълар такъылгъан. (Ш.А.) 3. Серги устюндеки лампаларнынъ ышыгъында юзюм япракълары мавымсы сары ренкине кирдилер, сачакъта илинген къафестеки боденелер, ярыкъка къуванып, тез-тез пыт-пылдашмагъа башладылар. (Ю.Б.) 4. Адамларнынъ сыйлавына алышкъан къуш бельки бу ёлджудан бир шей къопар беллесе керек ки, онъа якъынджа кельди, лякин ёлджу аджеими, бу ерлернинъ адетини бильмей. (Р.М.) 5. Бу шейлерни адамлар инсанлыкъ пейда олгъан куньден берли тюшюнип кельгенлер, амма аля джевап тапалмайлар. (Э.У.) 6. Топракъ да, бала анасынынъ юргегини сезген киби, буны анълай, озюне олгъан яхши мунасебетке яхши джевап бермеге тырыша. (Э.У.)

193-юнджи иш. Ашагъыдаки джедвельге эсасланып, ана тили дерсинде сыныфдашларынъыз оғонде чыкъыш япынъыз.



Назарий къаиделерни мисаллернен тасдыкъланызыз.

194-юнджи иш. Метинден чокъ къысымлы муреккеп джумлелерни сечип, дефтеринъизге язынъыз. Синтактик талиль этип, оларнынъ схемаларыны сыйнъыз.

Мемет Севдиярнынъ «Аджджы такъдир» адлы ширий дестаны да сюргюнлик мевзусына багъышлангъан. Вели адлы бир койлю къырымтатар йигити, ана-бабасыны, къадыны ве бала-чагъасыны ташлап, дженкке кете. Дженк биткен сонъ, кокюсинде орден ве медаллернен озъ коюне келе. Онынъ эвинде яшагъан кельмешек къадындан къорантасы, бутюн халкъы киби, сюргюн олунгъаныны анълай, военкомат ве райкомда онынънен бир кимсе лакъырды этмеге истемей.

Бир къаң вакъыт кечкен сонъ, Вели Озъбекистанынъ бир коюне барып чыкъа, озы къорантасы ве койдешлерини араштыргъанда, Сеттар агъа адлы койдешини расткетире. Сеттар агъадан Вели бабасыны немеселер партизан деп аткъанларыны биле, о, анасы ве къызычыгъы ёлда сасыкъ вагонлар ичинде ачлыкъ ве хасталыкътан джан бергенлери акъкъында аджджы хаберни эшите, къадыны исе Джизакъ тарафында олгъаны акъкъында къуванчлы хаберни биле. Ве, ниает, Вели озы къадыныны араштырып тапкъан сонъ, онынънен «сарылып къавушалар». Мемет Севдияр бу дестанда типик образ Велининъ къорантасы мисалинде бутюн къырымтатар халкъынынъ аджджы такъдирини косьтере.

(Эдебият дерслигинден)

48-инджи дерс

БАГЪЛЫ НУТУКЪ Ариза. Терджимейжал

195-инджи иш. Ресмий иш услубининъ хусусиетлерини хатырлантыз. Иш весикъаларынынъ чешитлерини айтынтыз.

Иш весикъаларынен чалышкъанда, ашагъыда килерни хатырламакъ керек:

1. Иш весикъалары бир шекильде тизилелер.
2. Иш весикъаларында малюмат къыскъа, анълайышлы, ачыкъ-айдын шекильде бериле.
3. Бойле весикъаларда фииль бирикмелери ерине исим бирикмелери къулланыла. Меселя: «изин этменъизни риджа этем» ерине: «изининъизни сорайым».
4. «Сиз» замири, ресмий шекильде, хитап оларакъ, баш арифнен язылыр.
5. Эксерий алларда, эмир фииллериинен кельген там олмагъан ве шахыссыз джумлелер къулланыла.

196-инджы иш. Ашагъыда берильген аризаларнен танышып, суаллерге джевал беринтиз:

1. Аризадаки малюмат насыл тертипте ерлештирильген?
2. Аризаларнынъ къайсы бири — адий, къайсы бири исе — муреккептир? Олар арасындаки фаркъларны бельгилентьиз.

I

Акъмесджит шеэри
57-нджи мектебининъ
мудири П.С. Акимовагъя
9-ынджы сыныф талебеси
Алимов Эскендерден

ариза.

Докъузынджы сыныфны битиргеним акъкъында весикъаларны берменъизни риджа этем.

Тарих (кунь, ай, йыл).

Имза

II

Акъмесджит шеэри
57-нджи мектебининъ
мудири П.С. Акимовагъя
9-ынджы сыныф талебеси
Алимов Эскендерден

ариза.

Зенаат-техника окъув юртуна окъумагъя кирюв мунасебети иле, докъузынджы сыныфны битиргеним акъкъында весикъаларны берменъизни риджа этем.

Тарих (кунь, ай, йыл).

Имза

Адий аризадан фаркълы оларакъ, муреккеп аризада, риджадан гъайры, онынъ себеплери де косътериле.

Муреккеп аризада, эсас метинден сонъ, аризагъя берильген къошма весикъаларнынъ джедвели де косътериле биле.

197-нджи иш. Иш весикъаларыны язув къаиделерине эсасланаракъ, 10-унджы сыныфкъа къабул этюв аризасыны язынъыз.

Терджимейжал — инсанынъ омюри ве фаалиетини тарифлеген весикъадыр.

Терджимейжал, окъув юрту я да ишке къабул олунгъанда, талап этиле.

Терджимейжалда ашагъыдаки малюмат къайд этиле:

- 1) сойады, ады, бабасынынъ ады;
- 2) догъгъан куню, айы, сенеси;

- 3) дөгъгъан ери (шеэр, кой, виляет);
- 4) тасили;
- 5) не вакъыт не ерде чалышкъаны;
- 6) къорантасы акъкъында къыскъа малюмат;
- 7) эв адреси;
- 8) тарих ве имзасы.

198-инджи иш. Ашагъыда берильген терджимейлалны окъуп, айтынъыз: юкъарыда берильген малюматнынъ эписи бу весикъада бармы? Терджимейлалнынъ ресмий-иш услупте язылмасына дикъкъат этинъиз.

Терджимейлал.

Мен, Муслимов Алим Рефатович, 1991 сенеси октябрьнинъ 23-юнде Акъмесджит шеэринде дөгъдым.

1998 сенеде Акъмесджит шеэринде 28-инджи мектепнинъ биринджи сынфына кирдим.

Мен ана-бабаларымнен Акъмесджит шеэринде яшайым. Бабам, Муслимов Рефат, «Фотон» заводында, муэндис олып, чалыша. Анам — Муслимова Абибе, шеэр хастаханесинде тиш экимиدير. Агъам — Муслимов Энвер, Таврия миллий университетинънъ къырымтатар филологиясы шубесинде 3-юндже курста окъуй.

Эв адресим: Акъмесджит шеэри, Абдуль Тейфукъ сокъагъы, 23-юндже эв.

Тарих (кунь, ай, йыл).

Имза

199-ынджы иш. Иш-весикъаларыны язув къаиделерине риает этип, ариза ве озунъизнинъ терджимейлалынъызын язынъыз.

49-ынджы дерс

Къарышыкъ багълы чокъ къысымлы муреккеп джумлелер

Къарышыкъ багънен бириккеп кельген муреккеп джумлелернинъ къысымлары эм табили, эм тизме багъ усулларынен бирлеширлер.

Меселя: Бир бакъасынъ, олар, ерге тиейим-тиймейим деп, уча, бир даа бакъасынъ, дагълар устюнде пейда олалар.
(Р.Т.)

○ -са, □ , ○ -са □ .

Эгер къоркъузмакъ истесенъ, яхши биль: меним эллерим ойле пек назлы эллер дегиль, кекирдегинъни бир сыкъсам, билесинъми, къардаш?! (С.Э.)

○ -се, □ , ○ , ○ -са, □ ?!

200-юнджи иш. Метинни окъунъыз. Чокъ къысымлы муреккеп джумлелерни сечип, багъ мунасебетлерини бельгиленъиз.

Малюм ки, эр бир миллий эдебиятнынъ инкишафы халкъ агъыз яратыджылыгъынен сыкъы багълы олып, бу яратыджылыкъта халкъынынъ акъыл-идраки, онынъ ичтимай-тарихий, фельсейфий, бедиий-эстетик бакъышлары, онынъ дюньягъа, этафтаки алемге бакъышты акс эттирильген ве яхши омюр, такъдир хусусында асырларнен беслеген арзу-хаяллары теджессюм олунгъандыр.

Фольклорда — халкъ фикрининъ бу индже данелеринде, шу халкъынынъ бутюн лексика зенгинлиги, сёз байлыгъы бирлештирильгендер, анджакъ бу терен маналы, бедиий, образлы сёз байлыгъы язма эдебиятны мейдангъа кетирювде, оны инкишаф эттирювде эсас силя олгъандыр.

Буджеэттен озюнинъ эм жанр чешитлиги ве эм де мундериджеси джеэтинден гъает зенгин халкъ агъыз яратыджылыгъына базангъан къырымтатар эдебияты да мустесна дегиль.

(Р. Фазыл, С. Нагаев)

Метин насыл услюпте язылгъан?

201-инджи иш. Ашагъыдаки схемаларгъа эсасланып, чокъ къысымлы муреккеп джумлелерни уйдурып язынъыз.

1. ○ , □ , чюнки ○ .

2. □ , онынъ ичюн ○ , амма □ .

202-нджи иш. Метинни окъунъыз. Муреккеп джумлелерни сечип, схемаларнен ифаделенъиз. Токътав ишаретлерининъ къюлмасыны изаланъыз.

Шу куню акъшамгъа таба койден одаман къайтып кельди. Алимге деп, бир тулуп къымыс кетирген, къонакъынынъ кетеджегини эшитип, кейфи пек яман бозулса да, оны тетик ве

тендюрист, кийинген-къушангъан бир алда аякъ устюнде корип, чокътан эвлядыны беклеген бабалардай къуванды. Демек, Алим кене аткъа минеджек, кене зенгинлернинъ отьлерини патлатып, ёкъсулларнынъ козъяшларыны силеджек!

Ятсы мааллеринде одаман мусафирлерге ве чобанларгъа бирер мешреbe къымыс улештирип, эрте-ярыкъ ятмаларыны, сабагъа якъын Алимни озгъармаларыны теклиf этти. Озю исе, джылкъыдан кетирильген джюйрюкни эгерлеп азырламакъ ичюн, къоштан чыкъты. Мас-мавы кок къуббеси алтын йылдызларнен безенген эди, орталыкъ чым-чырт, кимерде бир чырчырмазинлер чырылдап алалар, лякин ат эгерленген арада, къартнынъ мергин козълерине дере беттен келеяткъан къарапты чалынды. Мегер, Абдуразакъ экен.

(Ю. Болат)

203-юнджи иш. Ашагъыда берильген джумлелерни окъунтыз. Чокъ къысымылы сойларыны кочюрип, чешитлерини бельгиленъиз.

1. Бу вакъыткъадже Айшенинъ юргинде далгъалангъан ве тышкъа атылып чыкъмагъа имкян арагъан сынтырсыз къуванчы, бирден онынъ юзюнде парылдады, эля козълери йылтырады, бетинде шырныкълы тебессюм ойнады ве о, ич бир себепсиз, шадлыкънен кульди. (Ю.Б.)
2. Къуршун тюслио кокнинъ тереклерине сакълангъан кунеш кимерде корюнип ала, амма онынъ нурлары энди ерни, адамларны къыздырмайлар. (А.О.)
3. Азиз бир къач кунъ ичинде зынджырыны тапып келеджегини сейледи. (С.Э.)
4. Бу манзараны корыген талебелер шаштылар, бир-биринден бойле алнынъ себебини сорап башладылар. (А.О.)
5. Ана не япмакъны бильмей, скемлеге отурды, бу арада козълерине къаршыда дивар тюбюнде тургъан сефер торбасы чалынды. (У.Э.)
6. Мерьем титсиреп, кери чекильди, коктеки айгъа бакъты — ай яваштан чырай сыйтып, дераль булутлар ичинде бөгъулуды. (Ю.Б.)
7. Кунеш къыр артына айланып, дагълардан етип кельмекте олгъан гедженинъ къаранлыкъ сымасы ашагъыларгъа эне башлагъанынен, онынъ къоркъусы теляшкъа чевирильди. (Ю.Б.)
8. Лякин мына, баарьден берли ойланып кельген умютлер энди иджра босагъасында олгъанда, бирден ельнен сууруылып алынгъан киби, эписи бошкъа чыкъты, хош хаялларындан ялынъыз бир хатырлав къалды. (Ю.Б.)
9. Ель о къадар кучълю, о къадар адалетсиз баш котерген, козъ ачып юрьген ёлакъны, аякъ баскъан еринъни корымеге мумкюнат ёкъ. (С.Э.)
10. Юрги ойле сыйкъ ура башлады ки, дерсинъ, шимди кокюс къафеси ичинден чыкъып кетеджек.
11. Ава сыйджакъ олса да, денъизден эскен хош, салкъын ельчиктен сыйджакъ дуюлмай. (Э.А.)

204-юнджи иш. Берильген схемаларгъа эсасланып, чокъ къысымлы джумлелер уйдурып язынъыз.

1. , , амма .
2. , ве , онынъ ичюн .
3. , чонки , лякин .

205-инджи иш. Чокъ къысымлы муреккеп джумлелернинъ багъ васталарыны анълатынъыз. Табили чешитлерини схеманен корьсетинъиз.

1. Бу вазифени эда этсек, эки голь арасындан ёл ачыладжакъ, бизим къысымлар илери кетеджеклер. (М.Аб.) 2. Къоқъусы тап шу дередже барды ки, ишке кеткен ёлу Анифенинъ эви огюнден кечсе де, онынъ козюне, онынъ юзюне илишмейим деп, шимди айланма ёлдан къатнай. (Ю.Б.) 3. Дағъларда къар ирисе, я да ягъмурлар башласа, кичкене озенлер, сайлар ве дерелерден селлер акъса, олар эписи Сыр-Дарьянынъ багърына келип къошулса, ве, о, мисли олмагъан ташкъынгъа айлана. (С.Э.) 4. Муждаба биле ки, Ислам озю башкъа тюрлю арекет этмеге акъкъы ёкъ, онынъ ичюн истер-истемез кельген ерине къайтмакъ къаарында эди. (Р.Т.) 5. Бекир Асанович чапып кирсе, не корьсин: чайникнинъ къапагъыны шатырдатып, був фышкъыра, къазандан исе тютюн чыкъа. (Э.А.) 6. Бизлер ойле эвлер къурмалымыз ки, гuya о эвлерде кендимиз яшайджакъмыз, чонки анда яшайджакъ адамлар да бизлер киби адий ишчилер, эмекчилер, бизим шеэримизнинъ адамлары. (И.П.) 7. Мен шемшекнинъ эр бир шатырдысындан сонъ, абдырап уянам ве козь къапакъларымны ачмагъа тырыша эдим, лякин муче зайыфлыгъы къуш къанатлары киби козълериме эне, ве мен, зайыфлыкъкъа берилип, насылдыр бир тегиз ве сыйтыкъ ялыларгъа ялдар киби арекетсизликке къалыр эдим. (Э.Ал.)

206-нджы иш. Чокъ къысымлы муреккеп джумлелерни окъуп, чешитлерини бельгиленъиз. Берабер табиленген ве къарышыкъ багъ вастасынен тизилип кельген джумлелерни схеманен корьсетинъиз.

1. Эгер вазиет денъишкен олса, телефон этинъ, эвде олурым. (С.Э.) 2. Энди сагълыгъым ве кучюм яваш-яваш ерине келе

башлады, лякин юкъу манъа ич де аман бермей: мен гедже-кунъдюз юкълайым. (Э.Ал.) 3. Мен къавгъагъа чокъ къошуулмай эдим, чунки, «оксюз» деселер, пек ынджына эдим. (Ч.А.) 4. Эгер де шу къуш олмагъан олса, пыштавда эки къуршун даа къаладжакъ, о эки къуршун исе эм меним ве эм де янымдаки адамнынъ башына етеджек эди. (Э.А.) 5. Олар ракета ташлайлар амма, бизим якъынлашкъанымызыны корип оламайлар, чунки биз къар ичинде комюлип сюйрелемиз. (М.Аб.) 6. Бир къач куньдюн берли бу тарлалар бом-бош эдилер, оларда адам корюнмеди, машиналарнынъ давушы да эштильмеди. (Ю.Б.) 7. Сизге бир риджам бар: эгер бизнен хызмет этмек истесенъиз, бизим бараккъа кочюнъиз. (Ш.А.) 8. Джэнкте кими ольди, кими сагъ къалды, базылары дженкнинъ бутюн ёлларыны кечти. (С.С.) 9. Инсанда ойле бир теэссурат догъа ки, зан этерсинъ, муджизе олып кечти. (Э.Ал.) 10. Кок ойле гудюрдеди, ягъмур ойле тёкюльди ки, гуя къаялар авдарылды, денъиз саиллеринден чыкъты. («Йылд.») 11. Эгер кокте эр дайм кунеш олса, эгер ер устюнде тек байрам ракеталарынынъ гудюрдиси ве балаларнынъ шенъ кулююси эштильсе, не къадар гузель олур эди. (Э.У.) 12. Меселе шундан ибарет эди: беллидир ки, мен чокъ вакъыт айдавджы олып чалышкъанымдан, машина идаре этюв къаиделерине алышып къалгъан эдим. (Э.У.)

207-нджи иш. Эдебият дерслигинъизден бир къач чокъ къысымлы джумлелерни тапып, дефтеринъизге кочюрип язынъыз.

51-нджи дерс

208-нджи иш. Чокъ къысымлы муреккеп джумлелернинъ чешитлерини ве багъ васталарыны бельгиленъиз. Дередже табиленген ве къарышыкъ багъ вастасынен тизилип кельген джумлелерни схеманен корысетинъиз.

1. Адлары бир олса да, табиатлары бам-башкъа: бириндjisisi пек саде бир адам эди, Исмаиль сабалары онынънен корюшмеге ашыкъа эди, бусы, десенъ, гъает индже ве табиатсыз бир адам. (Ю.Б.) 2. Зait иддетликнен аякъкъа къалкъты, о, тикен чалысыны къолуна алыш, оны Талятнынъ башы устюнде ойле айландырды ки, эгер ашагъы пусмагъан олса, бетине, бойнуна тийип, эр ери ал-къан оладжакъ эди. («Йылд.») 3. Чюрюк агъяч сагълам агъячкъа къарыштымы, къыйимети эксиле, бундан орман болюгининъ ишчилиери буюк зарап коре. (Ч.А.) 4. Фиданенинъ

фааллиги ве авеслиги Сусанагъа буюк умют берे, чонки о, яхшы биле ки, булар эписи экимнинъ къойгъан эмегининъ бош кетмегенине ве хастанынъ файдасынадыр. (Ч.А.)

209-ынджы иш. Джумлелерни окъунъыз. Чокъ къысымлы муреккеп джумлелернинъ чешитлерини тайинлеп, синтактик талиль этинъиз.

1. Оларнынъ бир чокъ цехлери аля даа йыкъынтылар ичинде олса да, бир чокъ шахталар сувгъа гъаркъ олып яткъан олсалар да, санайы аякъкъа турып башлагъан эди. («Л.Б.») 2. Техника олмаса, ишлемеге акъай къолу къалмаса, анбарлар бошап кетсе, укюмет къайдан алыш береджек санъа. (Ч.А.) 3. Лякин сёзүндөн бир кереден къайтса да, олмайджакъ, чонки Мемет акъай шимдилик индемей турса да, бутюн вакъыт оны озюнинъ оппа козълеринен ашай. (Ю.Б.) 4. Бойле шей де корымеген эди: эгер Гульсюм озю етиширип оламаса, онъа къызылары ярдым эте тургъанлар. (Э.А.) 5. Бугунь яхшысынъ амма, ярын барып да кунюм къаарарса, сенинъ манъа насыл бакъаджагъынъны къайдан билейим? (Р.Т.)

210-ынджы иш. Чокъ къысымлы муреккеп джумлелерни сечип, синтактик талиль этинъиз.

Бир акъшам, одамда чалышаяткъанымда, ичериге кирдинъ, яваштан масама якъынлашып, элинъни омузымынъ устюне къойдыйнъ. Башымны котердим, яшаргъан киби корюне единъ, козълеринъден баҳт таша эди. Бал айындаки бир келин киби единъ, бетинъни ильк кере бойле гузель коре эдим. Бакъышынънен, козълеринънинъ парылтыларынен, дудагъынъны азачыкъ букип кулюмсиременънен бираз да оджапче Акимовагъа бенъзей единъ. Ах, анам! Джанынънынъ татлылашмасына, бетинънъ гузеллеш-месине себеп — Къызылташмы? Къызылташкъа кет, анам! Танъры сенинъ хайыр дуаларынъны динъледи, ёлунтыны ачты. Невбет бизге де келир, сен бар, анам! Вапурнен кет! Денъизден Къызылташынъа бакъ; севин, джош, агъла, корыгенлеринъе гонълюнъни ач. Къызылташ манзаралары иле индже безеклер орип, юргинънинъ ичине сакъла. Кет, анам, кет! Къызылташ сени тылсымлайджакъ. Сакъсагъанлар санъа баарыни мужделейджеклер, йылдан йылгъа гонълюнъде эр баарь бадем тереги чечек ачаджакъ, бостанынъ ешереджек, Пилибашы багъы ешереджек. Кет, анам!

Омуз-башымны сыкътынъ, элинъни элим ичине алыш, янагъыма бастырдым, элинъ — сым-сыджақъ.

(Дж. Дагъджы)

211-нджи иш. Метинни окъунтыз. Муреккеп джумлелерни сечип, синтактик талиль этинъиз.

Мени сонъки вакъытта, дерсинъ, денъиштиридилер, озъ-озюмни анълап оламайым, аджеба, не ола манъя? Текмиль раатлыгъымны джойдым, кунь бою озюме ер тапалмайым, анджакъ, акъшам устю, кунеш къонгъанда, пек тарсыкъам, къальбим инълей, юргим сызлай. Дерсинъ, кимнидир ынджыткъаным, кимнинъдир огюнде къабаат ишлегеним. Къулагъымда дертли къавал авасы янъгъырай, гонълюмни тепрендире. Азбарда балалар зий-чув чапкъалайлар, оларнынъ, беяз кягъыт киби, темиз бетлеринде зерре къадар кедер ёкъ, меним исе ичим-багърым янып-куе... Асрет атешинде булунам, сачларым чаларгъан бу куньде анамны ве анамнен берабер кечкен девирни арзлайым. Пенджерем артында осъкен эрылгъан уфачыкъ, мос-мор йылдызычыкъларгъа бенъзеген чечеклер ачкъан, онынъ ачыкъ пенджереден эв ичине яйылгъан баарь къокъусы инсанны сархоплата.

(Т. Халилов)

52-нджи дерс

212-нджи иш. Джумлелерни кочюрип язынъыз. Багълайыджылы табили муреккеп джумлелернинъ чешитлерини бельгиленъиз, оларнынъ теркибинде ишлетильген замирлерни, нисбетлешкен сёзлерни, багълайыджыларны къайд этинъиз, маналарыны анълатынъыз.

1. Олар ойле къокъуйлар ки, узип огюнъе такъмагъа къызыгъанасынъ. (Б.В.) 2. Раатлыкъ куню олса да, мектепте оджалар, талебелер ве башкъа адамлар топлангъанлар, олар, янъы хаберни текрап-текрап эшитмек ичюн, кельгенлер. (Дж.А.) 3. Исмаиль-нинъ чырайы асыл да денъишмей, гужа ич бир шей олгъаны ёкъ. (Ю.Б.) 4. Реис тааджипленмеди, чонки Нияр онъа бу сёзни эвель, айткъан эди. (У.Э.) 5. Бахыткъа иришмек къыйын, чонки инсан къанатлы къушкъа бенъзей. (У.Э.) 6. Акъшам иштен къайтып кельсе, эвде кимсе ёкъ. (И.П.) 7. Ким озюнинъ джесюргилигини сынап бакъмагъа истесе, о, барып, Къадырны къакъыштыра эди. (Р.М.-н.) 8. Чевирилип бакъсам, гъайып олгъан. (С.С.)

213-юнджи иш. Ашагъыдаки схемаларгъа эсасланып, чокъ къысымлы муреккеп джумлелер уйдурып, язынъыз.

1) ве , сонъ , чонки .

2) , шу себептен , лякин .

214-юнджи иш. Метинни окъунъыз. Муреккеп джумлелерни сечип, синтактик талиль этинъиз.

«Челюскин»де ильмий ишлер яш физик Факидов тарафындан планлаштырылгъан ве тешкилятландырылгъан эди. О, гемининъ кевдеси ве онынъ базы къысымларынынъ бузлар арасындан кечкенде, къавийлигини тешкере эди.

Факидов экспедициягъа Мурманскте келип къошуулды, озюнен берабер геми кевдесининъ деталлерине етеджек микъдарда аппаратлар алыш кельди. О, рейс девамында гемининъ сексенден зияде нокътасына алетлер ерлештириди, ве, бойледже, темиз сувда, бузлар арасында, ве, нияет бузларнен сыйылгъанда эм де бутюн къышлав девамында геми кевдесинде пейда олгъан бозукъларнынъ характеристикин белгиледи. Онынъ не заман юкълагъанынен меракъланып башладыкъ. Ибраим гедже ве куньдюз геми трюмындан чыкъмай, о, алетлерни козете, косътеришлиерини къайдате.

(С. Нагаев)

215-инджи иш. Метинни окъунъыз. Муреккеп джумлелерни сечип, синтактик талиль этинъиз.

Къырымтатар иджрет эдебиятынынъ векиллериндөн бири — Мемет Севдияр, Къырымда догъып, озюнинъ биринджи эсерлерини Къырымда язып башлагъан олса да, онынъ иджады иджретте девам эте.

Белли олгъанына коре, о, Романиянынъ Костендже шеэринде «Ферман кельди», Австриянынъ Вена шеэринде «Ватаным узакълай» киби шиирлерини яза.

Ватанына асретлигини о, бойле сёзлернен ифаделей:

Севимли Ватаным кунь-кунъден узакълай,
Огюмде эм сувукъ, эм сагъыр бошлукъ,
Сагъымда-солумда ер ве кок эп агълай,
Къальбимде-къаранлыкъ, кене де бошлукъ...

1945—1946 сенелери о, «Миллет эли», «Аппенинъ дагълары», «Азиз милләтиме», «Юрек агълай», «Достума», «Агълама, бульбуль», «Сагъынув» ве «Миллий матем» киби, шиирлерини

яза. Бу шиирлерде о, узакъта къалгъан достуны сагъынып къайгъыра, Ватанындан сюргюн олунгъан миллетини шаир бойле сёзлернен рухландыра:

Дешетли бир хабер солукъсыз кельди де
Зеэрли окъунен юрегим якъты.
Зеним фелекнинъ аджджысын бильди де,
Козюмден буллюрли козъяшы акъты.

Бу къара хаберге аизар чекмесенъ,
Эй, къардаш, Акъ сени ич афу этmez.
Эгер сен бу куньде башынъны эгмесенъ,
Бир даа ич кимсе седждеге кетmez.

(Эдебият дерслигинден)

53-юндже дерс

БАГЪЛЫ НУТУКЪ **Ресмий иш услоби. Протокол**

Къаиделерни текрарланъыз!

Протокол — бир де бир топлашув, мушаверенинъ кетишаты ве нетиджелери. Тизимине коре, протоколлар учь тюрлю ола:

- 1) къыскъа (музакере этильген меселелер языла, иштиракчилер ве къабул олунгъан къаарлар къайд этиле);
- 2) толу (музакере этильген меселелер къыскъадан изалана);
- 3) стенографик (топлашув иштиракчилерининъ эр бир сёзю ве арекети языла).

216-ндже иш. Ашагъыда берильген метинлерни окъуп, насыл услюпте язылгъанларны къайд этинъиз. Джевабынъызны исбатланъыз.

I. **Илян.**

10-ундже март, салы куню, saat 15-те 9-ындже сыныф талебелерининъ топлашувы оладжакъ.

Сыныф ребери.

II. Повесть — эпик джыныснынъ чешити сайыла. Омюрде олып кечкен адисе-вакъиалар повестте этрафлыджа ве кенишче

тасвирлене. Повестьнинъ колеми икяеден баягъы буюкче ола. Повестте баш къараманннынъ сымасы кениш ве тафсилятлы айдынлатыла. Языджылар повесттеки къараманларнынъ сымасыны тасвирлемек ичюн эсерде бир чокъ ярдымджы персонажларнынъ сымаларыны да яраталар. Къараманларнынъ ички дюньясы, оларнынъ дюньябакъышынынъ илерилеви тафсилятлы тасвир олунгъан повестьлерге психологик повесть дерлер.

(Эдебият дерслигиндөн)

III. Тах-тахкъуш мааллесини... анда, язда чешме башында кунылар бою зий-чув олып юрьген чёмезлерни тасавур эттим. Лякин Эльмазны хатырлап оламадым.

— Сиз койни эрте терк эттинъиз... шубэсиз, адамларнынъ чокъусыны унуткъандырысынъыз! — деди къыз. Элине кичкене, сюйрю ташчыкъ алды, огюндеки сылакъ къум устюнде эки урькечли деве къыяфети чызмагъа тутынды, козълерини ресимден узьмей, деди:

— Дёргүйлдан сонъ мен озюм де кеттим. Шеэрде ишледим. Окъудым, эким олмакъ истедим.

— Ве... олдынъыз. Ойлеми? — дедим мен.

— Теэссюоф... бизни, йигирми еди къызыны, учюнджи курстан алдылар. Эки айдан берли устюмде — шинель, башымда — каска.

— Мында насыл тюштинъиз?

— Сизинъ эскадронгъамы?

— Эбет!

— Насыл тюштим...? — къыз теренден кокюс кечирди. — Буны аньлатмакъ — кучь. Тюневин Чубаровкада эдим. Саба бизимкилер немсени койден урып чыкъардылар. Уйле авгъанда, немсе бизни топкъа тутты. Сонъ танклар сюрип кельдилер. Санаев — инат адам. Кери чекильген адети ёкъ. Сабагъадже эвлер харабеге чётки. Ёллар къянгъа, джесетке толды. Батальонда алты адам сагъ къалдыкъ. Демир ёл станциясы бетке къача эдик, шлагбаумда Гипкалов бизни токъттатты.

(Ш. Алядин)

217-нджен иш. Сынфынъызда кечирильген топлашувнынъ протоколыны язынъыз.

МУРЕККЕП ДЖУМЛЕЛЕР

(умумийлештирюв ве текрарлав дерси)

218-иңдже иш. Ашагъыдаки суаллерге джевап беринъиз.

1. Насыл джумлелерге муреккеп джумле дерлер?
2. Багъ мунасебетлерине коре, муреккеп джумлелер насыл чешитлерге болюнелер?
3. Багъ васталарына коре, муреккеп джумлелер насыл чешитлерге болюнелер?
4. Тизме муреккеп джумлелер маналарына коре насыл чешитлерге болюнелер?
5. Табили муреккеп джумлелер маналарына коре насыл чешитлерге болюнелер?

Джевапларынъызыны мисаллернен тасдықълантыз.

219-ынджы иш. Муреккеп джумлелерни кочюрип, ашагъыдаки тертипте, синтактик талиль этинъиз.

1. Муреккеп джумлелер къач къысымдан ибарет олгъаныны къайд этинъиз.
2. Къысымлар арасында багъ усулыны, багъ васталарыны бельгилентьиз.
3. Къысымлар арасында ифаделенген маналарына коре чешитлерини изалантыз.
4. Токътав ишаретлеринин къоюлмасыны изалантыз.
5. Эр бир къысмыны адий джумле киби талиль этинъиз.

1. Бакъса, базы эвлернинъ этрафында тереклер отуртылгъан, базылары исе бом-бош экен. (Э.Ф.) 2. Мен бу йырны биле эдим, шимди исе оны биринджи кере эшиктен киби олдым. (Э.Ф.) 3. Душмангъа къул олгъандже, азатлыкъ ёлунда янып, куль олмакъ яхшыдыр. («Йылд.») 4. Сиз еринъизге къайткъангъа къадар, эр шей ёлунда олур. (С.Э.) 5. Эки дане дёрт коше пенджеречиктен кирген ярыкъ ве учъ дане балабан электрик лампасы янгъанына бакъмадан, онынъ ичи къаранлыкъ эди. (С.Э.) 6. Керчек, олар къуруджылыкъка кельгенлеринден берли, Алиме бираз тынчлады. (С.Э.)

220-нджи иш. Ашагъыда берильген тизме муреккеп джумлелерни, уйгъун кельген багълайыджы ве ялгъамалар къошип, керилеме табили муреккеп джумлелерге чевириңъиз.

Иш орьнеги:

Баарь кельди, лякин авуышыджы күүшлар аля даа учып кельмединдер.

Баарь кельсе де, авуышыджы күүшлар аля даа учып кельмединдер.

1. Ягъмур токътады, амма тереклерден тамчылар тюше эди.
2. Къаранлыкъ тюшти, лякин ишчилер ишлерини девам этелер.
3. Этраф беяз къарнен къаплангъан, лякин энди баарь къокъусы бар.

221-нджи иш. Метинни окъунъыз. Муреккеп джумлелерни сечип, синтактик талиль этинъиз.

Бу ерде шуны айрыджа къайд этмели ки, Ашыкъ Умернинъ аяты ве яратыджылыгъы акъкъында ильки тедкъикъатчымыз Эшреф Шемьи-заде олды. О, озюнинъ Ашыкъ Умер акъкъында макъалесини та 1969 сенеси «Ленин байрагъы»нынъ 5, 6 ве 17-нджи санларында бастырды, сонъра исе о макъале шаирнинъ «Омюр ве яратыджылыкъ» китабына кирсетильди.

Ашыкъ Умер, етмиш яшыны кечкен сонъ, тыш мемлекетлер сеферинден догъгъян ери — Кезлевге къайтып келе ве омюрининъ сонъунадже анда яшап, 1707 сенеси, сексен алты яшында вефат эте. Кезлевде Къалентир бурунында (Карантинная коса) дефн этиле.

(Р. Фазыл, С. Нагаев)

222-нджи иш. Муреккеп джумлелерни окъунъыз. Токътав ишаретлерини къойып, синтактик талиль этинъиз.

1. Ойле адамлар бар ки тышкъы корюнишине бакъып зенаатыны тайин этмек мумкун. (Ш.А.)
2. Бирден Гулизарнынъ аячыкълары тарс токътала ве биз экимиз де тургъян еримизде къаятып къаламыз. (Э.Ал.)
3. Аякъларым агъыра бутюн теним сызлай къызычыкъынъ артындан ич бир вакъыт етип оламайджагъыны анътайым. (Э.Ал.)
4. Гонълюнъ кенъ олсун тар ерге де сыгъарсынъ (Ат.с.)
5. Къыш кечсин баарь кельсин. (Ч.А.)
6. Коресинъми Анифечигим озылерининъ баҳт-сеадетлерини девлетимизнинъ селяметлигинде корелер. (Ю.Б.)

223-юнджи иш. Джумлелерни кочорип языныз, синтактик талиль этинъиз. Багълайыджысыз тизме муреккеп джумлелернинъ чешитлерини бельгиленъиз, хусусиетлерини изаланъиз.

1. Джемилевнинъ къоллары къалтырады, сесинде сертлик дуюлды. (И.П.) 2. Козълерини ачкъанда, кунеш къонгъан, къараплыкъ тюшкен эди. (Ш.А.) 3. Яш оджалар Мемет Нузетнен достлашалар, олар онынъ иш услюбини огренелер. (С.Н.) 4. Айрапетов башыны юкъары котерди, онынъ назары Сервернинъ козълеринен чатышты. (Ю.Б.) 5. Чокъ ишлер япылды, зорлукълар аля бугунь битмеди. (Ю.Б.) 6. Надире башта онынъ не дегенини анъламагъан киби козълерини бир къач кере юмып ачты, сонъ чырайы агъарды. (У.Э.) 7. Шерфе аптенинъ козълери атешленди, чересине бирден шенълик ортюльди. (У.Э.) 8. Якъуб онынънен джиддий лакъырды этмеге истеди, Нияр бир шей анъламагъа истемеди. (У.Э.)

224-юнджи иш. Ашагъыда берильген метинни окъунъыз. Муреккеп джумлелерни сечип, дефтерге языныз ве схемасыны тизинъиз.

Фатма этрафкъа хошнутлыкънен бакъты. Агъасы къорантасынен мында кочип кельгенде бу багъча осъкен топракъны туз къапладап, кийик отлар басып ята эди. Асан эртеси куню элине чапа алыш чыкъты. Отларны чапалап, юлкъып башлады. Арадан бир афта кечер-кечмел балконнынъ тюбюнде гузель бир ерчик ачты. Оны тегизледи, къазды, суварды. Анда чешит тюрлю фиданлар отуртты, чичеклер сачты. Алма, алманы корип ренк ала, дегенлери киби бу ишни къомшулары да бегенселер керек, бирер-бирер олар да чыкъып башладылар. Шу йылы эвнинъ артындан, бираз авлакътаки бош ерде балалар багъчасы къурулды. Асанынъ эки баласы анда къатнап башлады. Онынъ азбарыны да ешертмек керек. Укюмет озъ ишини япа, лякин бу ишнинъ тилинден анълагъан Асан киби ана-бабалар кенарадан бакъып турмакъ кереклерми?! Ёкъ, эльбет. Асан анда да етишип барды. Анда да фиданлар отуртмакъ, чичеклер сачмакъ керек олды. Яптылар. Буларнынъ эписи иштен кельген сонъ, яхут да раатлыкъ куньлеринде япыла эди.

(У. Эдемова)

КОЧЮРИЛЬМЕ ВЕ КЪЫЯ ЛАФЛЫ ДЖУМЛЕЛЕР

55-инджи дерс

225-инджи иш. Эр эки тарафта берильген джумлелерни окъунъыз. Къайд олунгъан сёзлер кимге аит олгъаныны бельгиленъиз. Къайсы бир джумледе шахыснынъ нуткъу денъиштирильмезден ифаделене, къайсы бириnde — денъишкен шекильде бериле?

«Мен сизге китабым
акъкъында икяе этеджегим»,
— деди языджы.

Языджы бизге китабы
акъкъында икяе этеджегини
айтты.

Бир де бир шахыснынъ фикрини, мундеридже ве шеклини денъиштиrmезден, ифаделеген джумлеге **кочюрильме лаф** дейлер. Бир де бир шахыснынъ фикрини, шекильдже денъиштирип, ифаделеген джумлеге **къыя лаф** дейлер.

226-нджы иш. Окъунъыз. Кочюрильме ве къыя лафлы джумлелерни къайд этинъиз.

1. Азиме анасына: «Дерслеримни яздым», — деди. Азиме анасына дерслерини язгъаны акъкъында айтты.

2. Оджа Керимнинъ бабасына деди: «Сизинъ огълунъыз кене дерске кеч къалып кельди». Оджа Керимнинъ бабасына огълу дерске кеч къалып кельгени акъкъында айтты.

3. Фадьме къартана торунына ятып раатланмакъыны теклиф этти. Фадьме къартана торунына: «Балам, болдургъандырысынъ, ят, раатлан», — деди.

4. Анам: «Мектюпни почта къутусына ташла», — деп, риджа этти. Анам мектюпни почта къутусына ташламамны риджа этти.

Кочюрильме лафлы джумлелер эки къысымдан ибарет олурлар: **кочюрильме лаф** ве **муэллифинъ сёзю**. Кочюрильме лаф тырнакъ ичине алышып, баш арифнен язылды.

227-нджы иш. Метинни окъунъыз. Кочюрильме лафлы джумлелерни кочюрип, муэллифинъ сёзлерини ве кочюрильме лафны къайд этинъиз.

— Хош сефагъа кельдинъиз, огъулларым! Атларынъызын мен озюм гизлерим, — деп, оларны, якъын тувгъанлары киби, джам

софалы буюк бир одагъа алыш кирди. — Эй, Гульшерфе, къайда къалдынъ? Эвимизге Алимнинъ озю буюрды.

Олар дивар ястыкълы миндерлерге чёкип отурдылар.

— Бири-биринден мазалы беш огълум бар! — деди къарт къонакъбай макътанып. — Эвли-баркълылар, амма къомшу олып турамыз. Оларнынъ тиллеринде сен сакъыз олдынъ, къардашым. Эгер келип сени озъ козълеринен корьмелерине разы олсанъ, о вакъыт мен шимди оларны...

— Озюнъиз ольчеп бичинъ, мухтерем къонакъбай, сизге заар кельмейджек олса, буюрсынлар...

(Ю. Болат)

228-инджи иш. Джумлелерни окъунъыз. Кочюрильме лафнен муэллиф сөзлери арасында олгъан багъ мунасебетини анълатынъыз.

1. Къадыны ве къыз къардашы: «Аркъадашларынен кезинсин бираз. Гонъюль сыкъынтысы дагъылпы», — дедилер. (Р.М.)
2. О, чайдан сонъ мешин чантаны ерден алыш: «Ильзар ханым, мынавы «зембильдеки» шайчиклернинъ меселесини озюнъиз бақъсанызы», — деп, кулюмсирди. 3. Бу меселеде койдешлернинъ фикри — муим. «Мен де ойле тюшюнэм», — деди реис. (Ш.А.)
4. «Экиндже, комюр яна», — деп, джекирие о, диспетчерге, — козълеринъиз къайда? Отрядны чагъырынъыз! Тез!» (Ш.А.)
5. Устюне гъурбет урбалары киерек, Кёр огълунынъ озю де келе ве джыйылгъан адамлардан: «Бу насыл джыйын? Бу халкъ нени сейир эте?» — деп, сорай. (Дес.) 6. Къыз шу арада Къозукюрпачен сейлеше ве онъя: «Меним анамнен бабам бир айлыкъ мусафирилкке кетеджеклер, о вакъыт мен санъа хабер этермен, сен келирсинъ», — дей. (Дес.) 7. «Къыш чиллесинде лялени къайдан таптынъ?» — деп, сорады. «Севги сыйджакъ олса, ляле къыш чиллесинде де ача экен», — деди Ильяс. (М.А.)

229-ынд жы иш. Метинни окъунъыз. Кочюрильме лафлы джумлелерни кочюрип, муэллифнинъ сөзлерини ве кочюрильме лафны къайд этинъиз.

Такъ, такъ, такъ. Къапу къакъылды ве онынъ артындан: «Зейнеп», — деген эркек сеси эшитильди. Зейнеп агъасынынъ сесини таныды ве къуванчнен:

— Къапу ачыкъ, кир! — деп сесленди.

Асан къардашынынъ тёшек хастасы экенинден хабери ёкъ эди. Бу себептен оны тёшек ичинде корыгенинен:

— Энди экинди маали олды, аля даа ятасынъмы, Зейнеп? — деди.

— Ёкъ, агъа, бираз кейфсизим. Хош кельдинъ. Артынъда бала-чагъа сеси эштильмей, ёкъса бир озунъ кельдинъми?

— Сагъ ол, Зейнеп, ялынъыз кельдим, сайылам. Сени бир корип кетейим, дедим. Эвеля эллериимни чайкъайым да.

Асан ашханеге кирип чыкъты, даа шимди ювгъан ве яхши сюрткен элининъ артыны Зейнепнинъ манълайына токъундырды.

— Не олды, кадым? Хайыр ола. Сыджагъынъ ёкътыр, амма.

— Къулакъ асма, агъа, бир алсызлыкъ, иште. Озунъ не япасынъ, Сюндюс, балалар яхшылармы?

— Э-э, джумлеси яхшылар, селям эттилер, деп оламам, чунки мында кельгенимден хаберлери ёкъ.

— Мында насыл тюштинъ, ёкъса ишинъни быракътынъмы? Кель якъынджя отур, черенъни корейим.

— Джемаат ходжалыгъынъызгъа бир ёлджуны кетирмек керек олды. Фырратны къачырмайым, дедим.

— Пек яхши япкъансынъ, агъа, сени корип чокъ хошнут олдым.

(М. Севдияр)

56-нолжы дерс

Кочюрильме лафлы джумлелернинъ тизилюви ве язылувы

Джедвельге бакъып, кочюрильме лаф ве муэллифнинъ сёз-лерининъ ерини бельгиленъиз. Токътав ишаретлерининъ къюлювына дикъкъат этинъиз.

Оджа талебелерге айтты: «Китапларынъызын ачынъыз».	«Дикъкъатнен окъунъыз», — деди оджа.	«Шимди исе, — деди оджа, — инша язаджакъмыз».	Дерс башында оджа: «Халкъымыз къараманлары акъкъында язаджакъмыз», — деди.
--	--------------------------------------	---	--

Муэллифнинъ сёзлери кочюрильме лафтан эвель кельсе, ондан сонъ эки нокъта къюолыр, кочюрильме лаф исе буюк арифнен язылыр, тырнакълар ичине алныры, сонъ токътав ишарети къюолыр.

Кочюрильме лаф муэллифнинъ сёзлерinden эвель кельсе, тырнакълар ичине алнып, виргуль ве тире къюолыр. Муэллифнинъ сёзю кичик арифнен язылыр.

Муэллифнинъ сёзлери кочюрильме лафнынъ ортасында къалса, кельгенде, бутюн джумле тырнакълар ичине алныр. Муэллифнинъ сёзлери эки тарафтан виргуль ве тиренен айырылыр.

Кочюрильме лаф муэллифнинъ сёзлери ортасында къалса, ондан эвель эки нокъта къюолыр, тырнакълар ичине алнып, ондан сонъ виргуль ве тире къюолыр. Муэллифнинъ сёзлери кичик арифнен девам этилир.

230-ындже иш. Ашагъыда берильген метинни окъунъыз. Кочюрильме лафнен кельген джумлелерни сайлап, оларнынъ язылувины изаланъыз.

Амет уянгъанда, анасы Насибе: «Саба шерифинъиз хайырлы олсун! Буюрынъыз!» — деп, сабалыкъ къаве бермекте эди.

«Саба шерифинъиз хайырлы олсун!» — деди Амет де, софагъа чыкъып, анасы-бабасынынъ къаве ичип отургъанларыны коръген сонъ.

«Эвалла, огълум! Балабан акъай ол! Санъа да сабалар хайыр олсун!» — ана ве баба, азбаргъа чыкъаяткъан Аметтинъ артындан ифтихарнен бакътылар.

(Р. Фазыл, Л. Софу)

231-индже иш. Ашагъыда берильген джумлелерден, муэллифнинъ сёзлерини къошып, кочюрильме лафлы джумлелер уйдурып язынъыз.

1. Акъмесджит аэропортына учакъ saat он бирде къонаджакъ.
2. Сагълыкънен бар, къызыым, огъурлы ёллар олсун. 3. Амет-Хан Султан мейданына насыл бармакъ мумкүн?
4. Балалар, имтианларгъа азырланмалы!
5. Сизни дөгъгъан кунюнъиз иле хайырлаймыз. Узун омюр, къавий сагълыкъ, баҳт-сеадет, ниетлеринъизге етменъизни тилеймиз.
6. Эв вазифелерини беджердинъизми? Еринъден турып, джевап бер!
8. Бутюн ишлеринъизде Алла ярдымдже олсун!

Муэллифнинъ сёзю ве кочюрильме лафнынъ ерине коре джумлелернинъ язылувины ашагъыдаки схемалар узъре косътермек мумкюн:

М: «К».	«К», — м.	«К, — м. — К».	М: «К», — м.
М: «К?»	«К?» — м.	«К, — м.— к».	М: «К?» — м.
М: «К!»	«К!» — м.	«К! — м. — К».	М: «К!» — м.
М у э л л и ф - нинъ сёзлери кочюрильме лафтан эвель	М у э л л и ф - нинъ сёзле- ри кочю- рильме лаф- тан сонъ	М у э л л и ф - нинъ сёзлери кочюрильме лафнынъ орта- сында.	Кочюрильме лаф муэллиф- нинъ сёзлери ортасында.

М, м — муэллифнинъ сёзлери;

К, к — кочюрильме лаф.

232-нджи иш. Берильген метинни окъунъыз. Кочюрильме лафлы джумлелерни сайлап, талиль этинъиз: муэллифнинъ сёзлерининъ ерини бельгилеп, джумлени схеманен ифаделенъиз.

Эким къыз, конвертнинъ ашагъасында арбий номерини ве «Ф. Алимов» имzasыны корип, кулюмсиреди, басамакълардан юкъары чапты. Айдын коридорда толу буджутлы, халаты, феси сачлары да акъ адамнен къаршы-къаршыгъа расткелишти:

«Селям алейкум, Раим агъя!» — деди.

Алейкум селям, бавурым! — ногъай юзъю киши ашыкъып сейленди: «Ильзар ханым, сизни беклеп турамыз. Риджа этем, бу якъкъа, — о къаверенки дермонтин устюнде «Баш эким» язылы къапуны ачты, — киринъиз», — деди.

Ичериде дёрт-беш эким къызгъын лакъырды эте эдилер. Раим агъя: «Хирургия болюгининъ башы кельди, меслекдешлер. Ильзар Эмировнанынъ фикрини де динълейик де, сонъра, тез девалав ишине кириширмиз, — деди ве хирурггъа кенъешювнинъ асылыны анълатты. — Ярым saat алдын Акъкъале шеэрчигининъ «Аджеле ярдым» вертолёты балыкъыларда командировкада булунгъан бир ильмий хадимни агъыр алында алыш кельди».

(Р. Мурад)

233-юнджи иш. Метинни окъунъыз. Там олмагъан ве азаларгъа болюнмеген джумлелерни сечип, дефтеринъизге язынъыз. Агъзавий шекильде оларнынъ хусусиетлерини изаланъыз.

— «Терджиман» йигирми еди йылдан бери яшамакъта, — деди Исмаил эфенди, ифтихар иле. — Не зан этесинъиз, онда намус-ырыз ёкъмы?

— Бар... шубесиз! Амма экисинде эмель бир дегиль. Абдурешид Медиев курешти.

— Ким иле?

— Чаризм иле!

— Курешти... енъдими? — муаррир бираз иддетленип сорады.

— Енть билирмэ эди?

— Ёкъ. Енъип оламады, — деди Токътаргъазы. — Енъмек ичюн чокълукъ ве бирлик керек.

— Енъмек ичюн кучь керек, — дие итираз этти Исмаиль эфенди. — Биз зайыфмыз. Император азретлери кучълю.

— Император, шубесиз, бизден кучълю, — деди Усеин оджа, яры кинае тарзында, — амма зайдиф халкълар бирлешсeler, кучълю императорны ентье билирлер.

— Бирлешсeler!.. — эв сайби мусафирнинъ сёзюни адживизлике текрарлады. — Бирлешмек ичюн анълы олмакъ зарур. Бизде анъ ёкътыр. Биз кериде къалдыкъ... чюнки джиялет къафамызы къурутты, козълеримизи багълады. Илери халкъ олмакъ ичюн, окъумалымыз. Мутеракъкъий бильгилер ве фикирлер иле таныш олмалы, онлары кенди дилимизе накъиль идип, кенди мектеплеримиз, медреселеримизге кирдирмеге чалышмалымыз!

(Ш. Алядин)

234-юнджи иш. Кочюрильме лафлы джумлелерни окъунъыз. Токътав ишаретлерини къойып, кочюрип язынъыз.

1. Сырасыны тюшюрип Сиз Эсманы чокътан билесизми? деп, сорадым. Къарт еринден турды. Ири суекли сыйджакъ элини тизиме къойып Не ичюн сорайсынъ? деди. Меракъланам дедим. (М.А.) 2. Сусанна, козълерини доландырып, бир анъ тюшюнген соңъ Хатырлайым деген манада башыны эгильтти. Энъ зияде санъа тесир къалдыргъан ангиси эди деди Чешмеджиева, карточкаларны къарыштырып. (Ч.А.) 3. Наджие! деп, къычырды о. Бу якъларгъа насыл келип тюштинъ? Мен огълума кельдим деди о, козълеринен Толкъунны косытерип. (С.Э.) 4. Онынъ тюшюндженлерини Мустафанынъ давушы больди Усеин агъя,

57-нәджи дерс

мусафирни къаршыла! (Ю.Б.) 5. Олур... Олур... мусафирлер бир агъыздан джевапландылар. Олардан несиль сюреджек төль де онъ олсун деп, джылмайды той агъасы. (Ю.Б.)

235-нәджи иш. Метинни окъунъыз. Кочюрильме лафлы джумлелерни сечип, токътав ишаретлерининъ къоюлууыны изаланъыз.

— Деде, гогте учан къушларын къанатларыны гунеш чиркитмейми?

— Бильмиш ол, юкъарыда ава серин, юдже дагълар тёпесинде гиби серин ола, — иляве этти къартбабам козълерини юмып. Табий ки, къартбабам догъма таракъташлы олгъаны ичюн таракъташ шивесинде лаф эте.

— Къырымда юксек дагълар вармы?

— Не дейсинъ сен! — къартбабам козълерини ачып, манъа бакъты. — Э, сен даа балайдынъ, кучюкдинъ, бильмейсинъ де. Таракъташынъ генди ады — дагъ ады. Дагъынынъ уджю таракъ анъдыргъаны, тарагъа бенъзедиги ичюн, дагъынынъ этегинде ерлешмиш кою Таракъташ демишлер. Коюн этрафы да дагъ. Я Бакъаташ? Оны горьсөнъ шашарсынъ! Балабан къурбакъа къая тёпесине тырмаша... Йыллар, асырлар бою эп тырмаша... Муджизе!

— Къырымнынъ энъ юксек дагъы ангиси?

— Ангиси олсун! Чатырдагъ, эбет! Чатырдагъ — Къырымын гобеги. Къырымын мешъали! — гъурурле тасдыкълады къартбабам, дерсинъ Чатырдагъ — шахсен кенди дагъы.

Эр вакъыт бойле, иште. Догъмуш Таракъташыны анъымы, илле эеджанланыр, бир сигар якъар. Шимди де шай. Акъырын элини джебине сокъты ве тютюн кисесини чыкъарды.

(Т. Халилов)

236-нәджи иш. Кочюрильме лафлы джумлелерни къулланып, «Тарих имтиянында» серлевалы диалог тизинъиз.

237-нәджи иш. Метинни окъунъыз. Кочюрильме лафлы джумлелерни сечип, синтактик талиль этинъиз.

Бир маальде омузымны кимdir силькитти. Козълеримни ачтым. Топракъ полда, тобан устюнде, узун йырмачалы шинель

астында ятам. Башым тюбүнде планшет. Янашамда чызмаларым, къылышым.

Аякъ уджумда киши тамшанды. Соңъ оксюрди. Мен котерильдим.

— Капитан сизни беклей, — деди Аджы-Муса, ченъгесини котерип, пенджерени косытерди. — Анда... азбарда.

Тез-тез кийиндим. Тышары чыкъмакъ ичюн къапугъа дөгүрүлгъан эдим, старшина гурс этип, тобан узерине йыкъылды, тыныш къалды. О, гедже гарнizonда невбетчи эди. Юкълагъаны ёкъ.

Азбарда къапакъланып яткъан хамур текне устюнде полк штабынынъ башлыгъы Гипкалов отурмакъта эди. Онынъ гурь къашлары оғте зияде узангъан, арыкъ, тар чересини уфакъ-лаштыргъанлар.

Кенарада, тал чубукъларындан орюоли къора янында юксек къызы тұра. Устюнде эски солдат штаны. Сагъ балагъы тиизден йыртыкъ. Гимнастёркасы устюнде тузлу тер лекелери. Ерде, аякълары уджунда, къызыл хачлы ешиль чанта. Къафасында не тюшюндже бар, бильмейим... Козълери узакъкъа, беллисиз бошлукъкъа манасыз алда бакъмакъталар.

Ягъмур токътагъан. Эвлер ве чёллер узерине кунешнинъ акъчиль шавлелери сачылмакъта. Ава къуршун киби ағыр ве салкъын.

(III. Алядин)

238-инджи иш. Берильген метинни окъунъыз. Язылув услюбини бельгиленіз. Муреккеп джумлелерни ве кочюрильме лафлы джумлелерни сечип, кочюринъиз ве синтактик талиль этинъиз.

Кенъ-къулан чөльде бири-бирине сүйкенип яткъан къойлар къабир тынчлыгъы ичинде эдилер. Оларны борю-богъярлар къаравуллайлар. Борю къокъусыны сездилерми, шу ань яйгъара къопарып, чобанларны уяналар, озылери де ябанийлернинъ артындан къувып кетелер.

Саарыгедже даа баягъы вакъыт бар. Къарт, ешиль отларгъа чёкип, бир чырым юкъу аладжакъ олса да: «Ернинъ де къулагъы бар, бу пич бала мында нафиле кельмегендир», — элесленювинен башыны ыргъагъына эгип, аякъ устюнде ойларгъа далды. — Пек инат адам экен бу табиб», — деп, кулюмсиреди. Хызмети ичюн адалгъан бир къач къойны бугунь онынъ эвине айдаджакъ олса да, Аджы-Мурат: «Ёкъ», — демектен, — вазгечмеди. «Алим халкъ оғълудыр. Хызметим онъа элял олсун», — деди. Ойле

амма, атылгъан окъ, берильген сёз кери къайтырмы? «Саба ола — хайыр ола, къойларны эвине озюм айдал барырым...»
(Ю. Болат)

58-индже дерс

239-ындже иш. Метинни окъунъыз. Кочюрильме лафлы джумлерни сечип, синтактик талиль этинъиз.

- Анам иле корюшмегендже, бир-биримизге ябанджымыз.
- Деми сенинъ чантанъда кичкене бир бурум корьдим. Аナンъа эдие алгъандырсынъ?
- Ёкъ. Анда меним алетлерим бар. Бир доктор ичюн лязим олгъан алетлер.
- Сен докторсынъ демек?
- Эбет, ойле бир шей.
- Гузель, чокъ гузель. Бир докторнен таныш олгъанымама мем-нюоним. Айды, эйиликлер ичюн...
- Джафер софра башында Асаннынъ асылында инсангъа якъын бир адам олгъаныны анълады. Бу шей араларындаки чекинген-ликни ёкъ этти. Асан да йигитке сыйджакъ бакъа эди.
- Шимди ананъа кетесинъ, амма, ич олмагъанда онынъ адыны билесинъми?
- Билем, эбет. Инсан озы анасынынъ адыны бильмезми?
- Даа бираз эвельси: «Бильмейим», — деген эдинъ де.
- Бильмей эдим, амма, бильдим. Бильген сонъ исе оны корьмек ичюн, ёлгъя чыкътым.
- Ады недир? Бельки таныйдырым?
- Сен шеэрли бир айдавджысынъ, оны къайдан таныйджакъ-сынъ?
- Танымасам биле, буны айтмакъ бедавадыр. Айт, бакъайым.
- Мадамки, пек меракъланасынъ, айтайым. Онынъ ады Зейнептир.
- Асан бирден тюшюнджене далды.

(М. Севдияр)

240-ындже иш. Метинни окъунъыз. Кочюрильме лафлы джумлерни сечип, токътав ишаретлерини дөгъру къойып, дефтерге кочюрип язынъыз.

Эки дост шу геджени тынчлыкъта кечирдилер. Экиндже куннинъ сааринде Алим ве Миша, къонақъбайнынъ устра пычагъынен

бири-бирининъ сакъалыны алып ве онынъ огъулларындан джыйыштырылып кетирильген урбаларгъа къушанып, ёлларына ич бир маниасыз реван олдылар. Губернаторнынъ теляш къопарыджы эмирлери даа бу якъларгъа келип етмесе керек. Олар, увалар ве энишликлер ичинден, чёллөр ортасында котерилип тургъан тёпе ве къургъанлар артындан гизленип кеткенлеринден, ёлда ич бир дубарагъа огърамадылар. Къонакъбайнынъ ёллукъ берген чантасындаки отымек ве къакъач оларгъа эки куньге — Ор къапсына баргъандже, етти. Ялынтыз сувдан замет чектилер. Ёлларында расткельген гольчиклердеки сув тузлу эди.

Сагълыкълашмакъ вакъты кельди, достум деди Алим Сиваш ялысында тараачыкъ ёлнынъ эндегинде аттан тюшип.

Янты урбанъ, хусусан къаракуль къалпагъынъ санъа пек яраша. Оны омюргилля сагълыкъ-селяметликте ташы.

Олар экиси де аз бир вакъыт Сиваш ялысында сусып отурдылар.

Миша, манъа мектюп язарсынъмы?

Джан-къурбан, Алим агъя, лякин къайдаларгъа язайым?

Эм, акъикъатен, ери-дурагъы олмагъан адамгъа мектюп язылырмы?

(Ю. Болат)

241-инджи иш. Метинни окъунтыз. Кочюрильме лафлы джумлелерни сечип, дефтерге язынтыз. Токътав ишаретлерининъ къоюловыны изалантыз.

— Къызматабанланма. Комюр кесмек фындыкъ къырмакъ дегиль. Бизге шахтёрлар сонъ дередже керек олгъаны ичюн зыкъарлайсынъ, — деп кульди мудир. — Тюшюн-ташын...

— Эм тюшюндим, эм ташындым. Шахтада достларым бар, иш усулларыны огредирип, аркъа олурлар.

— Достларынъ?.. Меселя?..

— Меселя, Эдем уста ве дигерлери.

Мудир шенъленди:

— Ойле исе, яхшы. Эдемнинъ бригадасында чалышабер.

Аким арбийдже теменна берип чыкъты. Тышарыда январь ели сизгъыра, тереклернинъ далларындахи къарны чанъгъыта эди. Аким къатты аязгъа бакъмадан, къара шинелининъ ез къадакъларыны чезди, адымлады. О, шимди эр алда, сыкъыла эди: янты иш, ер асты...

Акъшам исе, койдеши, досту Эдем онъа шахтёр ишининъ сырларыны, къолайлыкълары, къыйынлыкъларыны кеч вакъыт-къаджа анълатты. Онъайтлы усулларыны сёйледи.

(Р. Мурад)

242-нджи иш. «Амет-Хан Султан — халкъымның къараманы» серлевалы инша язынъыз. Джумлелеринъизде кочюрильме лафларны къулланынъыз.

59-ынджы дерс

243-юнджи иш. Метинни окъунъыз. Муреккеп ве кочюрильме лафлы джумлелерни сечип, дефтерге язынъыз. Токътав ишаретлерининъ къоюлувины изаланъыз.

Алим, пычкъыны дераль халатының къолтугъы астына къысып, бирден, фалташ киби, алевленген козьлерини пенджереге тикти: «Аджеба, демирни кесерми экен? Кескен сою олса керек, машалла санъа, гузелим! Я оның озю бу тараачыкъ пенджереге сыгъармы? Сыгъмаса биле, дивар ташларыны да пычкъысынен кесер, керек олса, тишлеринен кемирир...»

Алим, пенджереге барып, башыны ольчештирип бакъкъян арада, кене анахтар тысырдысы эшитильди. Аман кери дёнип, элине бир парча измирили сары отымек алыш, оны иштианен ашап башлады.

(Ю. Болат)

244-юнджи иш. Шиирни окъунъыз. Муреккеп джумлелерни талиль этип, схемаларыны сыйынъыз.

Буюк бир къабристан олып корюне
Кечкен отузынджы-къыркъынджы йыллар...
Нидже халкъ ве миллэт онъа сюрюне,
Акъсыз олюлерге толды бу ёллар...

Акълымда, огютлер беририди анам:
«Эвлядым, шейтке къульвалла окъу».
Бугунь миллионларны яныкъынен анъам,
Тениме санчыла акъсызлыкъ окъу.

(Ш. Селим)

245-инджи иш. Берильген метинни окъунъыз. Кочюрильме лафлы джумлелерни сайлап, талиль этинъиз: муэллифнинъ сёзлерининъ ерини бельгилеп, джумлени схеманен ифаделенъиз.

Бирден кимдир элимни тутты. Айланып бакътым: аз-чокъ меним яшымда, меним киби, козълюкли, элинде таягъы бир адам экен:

- Тааджипли дегильми? — деп сорады.
- Не? — деп сорадым.
- Гогерджин, — деди.
- Э... Эбет, — дедим.
- Гурюльтиге къушлар биле алышыкъ.

Индемедим.

- Мен алышып оламадым, — деди адам.
- Неге? — деп сорадым.
- Шеэрнинъ шаматасына, — деди.

Индемедим. Джаддени толдургъан юк машиналарына бакъты:

- Бизим генчлигимизде сокъакълар тена эди, — деди.
- Эбет, — дедим.
- Ве темиз эди, — деди адам...

Индемедим.

— Шу чиркин учакъларнынъ сеслерини де эшитмездик, — деди о.

- Чёплюкте баят отьmek де корымез эдик, — дедим.

Индемеди. Эппейи сусып турды.

Сонъра:

- Эбет, корымез эдик, — деди.

(Дж. Дагъджы)

246-инджы иш. Берильген метинни окъунъыз. Кочюрильме ве къяла лафлы джумлелерни сайлап, синтактик талиль этинъиз.

Сыныф башы манъа дефтер ве къалем кетирип берди, рале устюндеки тёгерек оюкъ ичиндеки мерекеп шишесини косытерди. Мен, тахта узеринде язылып битмей къалгъан арапча ракъамларны корыген сонъ, озюннинъ риязият дерсинде экенимни бильдим. Оджа муреккеп вазифелер берди. Бизлер пырсылдай-пырсылдай, оларны чездик. Янымдаки талебеге къаядан козъ эттим, о да манълайы астындан манъа бир тикленип алды, сёсзор лакъырдымыз шунынъле узюльди.

Чанъ къакъылды. Тенеффюс вакътында къомшум иле таныш олдыкъ. Озюнинъ Нури Фетиев... догъма Эфенди койлю экенини айтты.

Мен он эки яшындан. О, менден эслидже корюне, сыныфлардаки талебелернинъ яшлары, асыlda, чешит-чешит экенине сонъундан эмин олдым, чюнки шура укюметининъ бу ильки йыллары, яшкъарт демей, эр кеснинъ бирден окъувгъа урунгъан деври эди.

Нури иле дёртүнджи ве бешинджи сыныфларда берабер окъудыкъ. Алтынды сыныфта корюнмеди. Себебини сораштырдым: «Алла бильсин..., — дедилер канцелярия хадимлери. — Фетиев зенгин аиледен. Бельки...»

(Ш. Алядин)

60-ынджы дерс

БАГЪЛЫ НУТУКЪ Публицистик услюп

Къаиделерни текрарланъыз!

Газета ве журнал макъалелеринде, топлашув, митинглердеки агъзаний чыкъышларда, радио ве телевизион яйынларда публицистик услюп къулланыла. Публицистик услюпнинъ эсас макъсады — динълейиджи я да окъуйыджыгъа тесир этмек, яни онда бир фикир акъкъында эминлик дөгъурмакъ.

Публицистика сёзю латин тилинден алынгъан *publicus* — ичтимай (халкъ) деген мананы анълатат.

Публицистик услюпте язылгъан метинлерде, эксерий алларда, динълейиджи ве окъуйыджыгъа тесир этиджи тиль васталары къулланыла: хитап, эмир ве нида джумлелери, фразеологик ибарелер, ичтимай омюрни тарифлейиджи васталар: антонимлер, кочьме манада къулланылгъан сёзлер.

Публицистик услюпте язылгъан метинлерде, бедий услюпте олгъаны киби, риторик суаллер къулланыла. Риторик суаль джевапны талап этмей: онынъ мундериджеси суальнинъ озунде берильген: *Не гузельдир бааръ сабасы!*

Риторик суаль нутукъынънъ ифадели вастасы оларакъ къулланыла.

Риторик суаль ифадели, аэнкли нида интонациясынен айтыла.

247-ндже иш. Берильген метинни дикъкъатнен окъунтыз, насыл услюпте язылгъаныны таинлентіз. Ифаделенген макъсадына коре джумлелернің чешитлерини, оларның теркибинде кельген хитап, фразеологик ибарелер, антоним, омонимлерни талиль этинтьиз.

1976 сенеси эдебий аятымызда бир муим вакъия даа олды: къырымтатар тилинде эдебий-бедиий «Йылдыз» альманахы мейдангъа кетирильди ве 1980 сенеси о эки айда бир кере чыкъарылмакъта олгъан «Йылдыз» журналына чевирильди. Энди 7500 нусхагъа якъын тиражнен чыкъын «Йылдыз» журналы озы этрафына бутюн эсас эдебий куччылерни бирлештириди ве бир сыра яш муэллифлерни де джельп этти. Эгер эдебий эсерлернің эксериси башта «Ленин байрагъы»нда басыла эди исе, шимди энди языджыларымыздың янъы эсерлеринин аман-аман эписи илькиде журналда дюнья юзю коре.

1983 сенеси Москвада, СССР Языджылары бирлигинде къырымтатар поэзиясының музакереси отъкерилови эдебияттымыз тарихында муим вакъия олды. Бу музакереде шаирлерден Черкез-Али, Риза Халид, Билял Мамбет, Иса Абдураман, Закир Къуртнезир иштирак эттилер.

(Р. Фазыл, С. Нагаев)

248-индже иш. Шеэр (кой) газетасына бир де бир тедбирде иштирак эткенинъиз акъкъында макъале язынъыз.

249-ындже иш. Ашагъыда берильген аталар сёзлерини окъунтыз. Тюшюнип, айтынъыз: Къайсы бир серleva публицистик услюпте язылгъан метинге айт ола билир? Бу серлеваны кочюрип, мевзусына уйгъун кельген метин язынъыз.

1. Агъыр иштен къоркъма, агъыр сёзден къоркъ.
2. Адалет — достлукъынъ темелидир.
3. Адам иш башында белли олур.
4. Адамны севдирген табиатнен эмектир.
5. Акъыллы ишине бакътар, акъылсыз тишине.
6. Алим олмакъ къолай, адам олмакъ къыйындыр.

КОЧЮРИЛЬМЕ ВЕ КЪЫЯ ЛАФ (умумийлештирюв ве текрарлав дерси)

250-ндже иш. Ашагъыдаки суаллерге джевап беринъиз.

1. Насыл джумлелерге кочюрильме лаф дейлер?
2. Къыя лаф бир де-бир шахыснынъ фикрини насыл денъиштирип ифаделей?
3. Кочюрильме лафлы джумлелернинъ язылув къаиделерини изаланъыз.

Джевапларынъызы мисаллернен тасдыкъланъыз.

251-ндже иш. Кочюрильме лафнен кельген джумлелерни кочюрип, язылувыны изаланъыз.

1. Яры юкъудаки киши эеджанлы сеснен: «Не? Меними?» — деп, сорады. Соңра этрафтан: «Кимни чагъыралар?» — деген сеслер эштильди. (Р.М.) 2. «Лякин не япмалы, халкъ айтса, меджлис векили риджа этсе, ред этильmez. Барып келеджексизdir, да», — деди баш эким. (Р.М.) 3. «Азиз бабачыгъым ве джандан севген аначыгъым! — деди о, аякъкъа турып, — биз, институтны битирип, дипломлы инженерлер олып, эвимизге къайттыкъ». (Ю.Б.) «Отурынъыз, Султан агъя! — Алиханов машинасынынъ къапусыны ачты, — алып кетейим». (Ш.А.)

252-ндже иш. Кочюрильме лафнен кельген джумлелерни окъунъыз. Токътав ишаретлерини къойып, дефтеринъизге язынъыз.

1. Кеч олды деди Феруза кетейик. (Ш.А.) 2. Шу куню учакъ тамир этильди учмагъа азырланды. Акъшам устю Учакъларгъя! деген команда бутюн полк эркяныны авагъа котерди. (Э.Ч.) 3. Эвге деди Нияр анамны сагъындым. («Йылд.») 4. Асылында дөгъру япкъансынъ! Машалла! Акъылынъ бар экен деп кульди Сулейманов лякин бизге бир шей айтмай къачкъанынъ йигитчесине дегиль. («Йылд.») 5. Якъубов эшиткенлерини тавсилятлы айтып берген соң иляве этти Мени сизге намус виджаным алыш кельди. Индемей турамадым. (С.Э.)

253-юнджи иш. Берильген джумлелерни кенишлетип, кочюрильме лафлы джумлелер уйдурынъыз. Бундан сонъ, тизген джумленъизни къяя лафкъя чевириңъиз.

Иш орьнеги: «...», — *деди анам*.

«Саба эрте турмакъ керек», — *деди анам*.

Анам саба эрте турмакъ керек олгъаныны айтты.

1. Достум манъя: «... ...», — деди. 2. Къартанам манъя айтты: «... ...!» 3. «... ...?» — деп сорады къардашым. 4. Оджам манъя суаль берди: «... ...?»

254-юнджи иш. Метинни окъунъыз. Кочюрильме лафлы джумлелерни кочюрип, синтактик талиль этинъиз.

Араба да токътай, чонки ат саибининъ къылышкъларына алышкъян. Адам иле лакъырдысыны битирген сонъ, текрас илери адымлай, ат онынъле кочип кете. Лёман сёзлерини узюльген ерден девам эте: «Джемиет хайриенинъ къызы балалар ичюн мектеп ачув акъкъында меджлиси оладжакъ», — дей. Бу арада кельген-кечкен оны лакъырдыгъа тута, Лёман кене токътала, кишинен эппи къонушкъян сонъ, кече. «Меджлиске Осман агъя, Арслан агъя, Хан-Джами мааллелерининъ эсли-башлы эркек эалиси давет этиле», — дей. Лёман Чаршы бою баягъы даа юрьген сонъ, адамларны дигер вакъиадан хабердар этип башлай, «Ярын Ашлыкъ базарында къаралезли пельван Меджит Абдуль гъазы оғълу эки къолунен зынджаир узеджек. Озюнинъ устюнден богъдай юклю арабаларны кечиреджек», — дей.

(Ю. Болат)

255-инджи иш. Ашагъыда берильген схемаларгъа эсасланып дөрт джумле тизип дефтеринъизге язынъыз.

1. М: «К!»

3. «К, — м, — к».

2. «К?» — м.

4. М: «К!» — м.

5—8-инджи СЫНЫФТА КЕЧИЛЬГЕНЛЕРНИ ТЕКРАРЛАВ

62-нәджи дерс

ФОНЕТИКА

256-нәджы иш. Ашагъыда берильген суалларге джевап беринъиз.

1. Грамматика фени насыл къысымлардан ibaret?
2. Фонетика нени огрене?
3. Имля насыл къаиделер джыйымыдыр?
4. Лексикология ве фразеология не акъкъында анълатма бере?
5. Морфология нени огрене?
6. Грамматиканың синтаксис болюгинде не огениле?

257-нәджи иш. Берильген плангъа эсасланарақъ, «Фонетика фени» серлевалы чыкъыш азырланъыз.

ПЛАН:

1. Къырымтатар тилинде созукъ сеслер насыл арифлернен ифаделене?
2. Созукъ сеслер насыл чешитлерге тасниф этилелер?
3. Тутукъ сеслер насыл арифлернен ифаделенелер? Насыл аляметлерге коре, тасниф этилелер?
4. Эджа насыл чешитлерде ола?

258-нәджи иш. Ашагъыда берильген джедвельни мисалларнен толдуруныңыз.

Ачыкъ эджалы сёзлер	Япыкъ эджалы сёзлер
a - ля	ось - мюр

259-ынджы иш. Метинни кочюрип язынъыз. Къайд олунгъан сёзлерни фонетик талиль этинъиз.

... Меним балалыгъым ве мектеп чагъларым, Ватанымыздынъ эңъ дюльбер кошелери олгъан, Алушта ве Ялтада кечти. Бу ерлердинъ язы да, къышы да пек адтайип ола. Энди ильк баарыден орталыкъны **ешиль** макъят **къаплай**, сонъ багъчалар ача, чевре-этраф бинъ тюрлю ренкке кире, ава мис-гъамбер къокъуларгъа гъаркъ ола. Мен табиаттынъ бу муджизесине бақъа да, айретте къала эдим. Денъиз исе мени, хусусан, къыш айлары, сертийген, **сияргъян**, копюрген, дагъ юксеклигиндеки тик башлы далгъяларынен ялы къаяларыны котеклеген вакъытларда **зияде** джельп эте эди. Меним ичюн бааръ табиаттынъ назиклиги, къыш исе сертлиги эди. Мен ялы чакъыллары устюнде saatлернен недир беклем отура ве табиаттынъ **яйгъара** къопарыджы бу дешетли манзарасыны **эеджаннен сейир** эте эдим...

(Ю. Болат)

260-ынджы иш. Ашагъыда берильген схемаларгъа эсасланыракъ, «Созукъ сеслернинъ хусусиетлери» я да «Тутукъ сеслер» деген мевзууларнынъ бирисинде чыкъыш япмакъ ичюн, маруза язынъыз.

Тутукъ сеслернинъ таснифи

Тутукъларнынъ чешитлери		
Тутукълар	Чифтли	Чифтсиз
Янъгъыравукъ	б, в, г, гъ, д, дж, ж, з	л, м, н, нъ, р, й
Сагъыр	п, ф, к, къ, т, ч, ш, с	ц, х, щ

Созукъ сеслерни ифаделеген арифлер



ИМЛЯ

261-инджи иш. Суаллерге джевап беринъиз.

1. Сингармонизмнинъ къалынлыкъ-инджелик къаидеси неден ибарет?
2. Дудакълы-дудакъсызылыкъ къаидени анълатынъыз.
3. Тутукъларнынъ насыл имля къаиделерини билесинъиз?

262-нджи иш. Метинни окъунтыз. Къайд олунгъан сёзлер сингармонизмнинъ къайсы къаидесине эсасланып язылгъаныны анълатынъыз (къалын-инджелик, дудакълы-дудакъсыз, сагъыр-янъгъыравукъ).

Денъиз инсаннынъ козюни эп озюне чеке, санки сени сынъырлап тута, онынъ мавы тюсюндөн козюнъни аламайсынъ. Эп онъя бакъып тураджагъынъ келе. Денъиз пек кениш ве тынч. О, ялыдан башлап, уфукъкъа дөгъру эп юксельген киби. Онынъ кокнен къошуулгъан еринде аз кемерли бир сырзыкъ бойдан-бойгъа созулгъан. Денъизнинъ тюсю **кокнинъкиндөн** бираз даа къюоджа. Эгер оларнынъ тюсю бир кельсейди, кокнен денъизни айырды этмек кучь олур эди.

(У. Ипчи)

Метин насыл усулда язылгъаныны бельгиленъиз.

263-юнджи иш. «Сингармонизм къаиделери» мевзудаки ильмий устлюпте метин язынъыз. Азырлангъанда, ашагъыдаки джедвеллерден файдаланынъыз.

Къалын-индже созукъ сеслернинъ уйгъунлыгъы			
Къалынлыкъ		Инджелик	
сёз тамырында	ялгъамаларда	сёз тамырында	ялгъамаларда
<i>ана</i> + <i>лар+ымыздын</i> + <i>яза</i> + <i>джакъ+лар</i>		<i>ине</i> + <i>лер+имиз+ни</i> + <i>кеle</i> + <i>джек+лер</i>	
Истисна: базы эджнебий тиллерден кирген сёзлернинъ тамырлары бу къаидеден истисна ола: <i>газета, дивар, талебе</i> .			

Дудакълы созукъларның уйгъунлыгъы	
Сөз тамырында омюр гонъюль	Ялгъамаларда ёл+джу дөрт+люк
Истисна: копек, урба, ода	Истисна: 1) саиплик ве тюшюм келиши; 2) охшав-кичильтюв; 3) хаберлик; 4) кечкен заман фиили; 5) алфииль ялгъамалары.

Къайделерни мисаллернен тасдықъланызыз.

264-ионджи иш. Ашагъыда берильген джедвельни мисаллернен толдурынызыз.

Къалын созукъларнен кељген сёзлер	Индже созукъларнен кељген сёзлер	Къайдеге бойсунмагъян сёзлер
<i>бабаларымыз</i>	<i>деделеримиз</i>	<i>газеталарымыз</i>

265-инджи иш. Ашагъыда берильген схемагъа эсасланаракъ, нокъталар ерине сёзлерни чифтлеп язынызыз.

<i>n — б</i> долап — долабы	<i>k — г</i> йипек — йипеги	<i>къ — ғ</i> чанакъ — чанагъы
... — — — ...

266-иджы иш. Берильген метинни окъунызыз. Нокъталар ерине уйгъун кельген арифни къойып, джумлелерни кочюрип язынызыз. Тюшорильген арифлернинъ язылув къайделерини изаланызыз.

Амет-Хан, Имран къардаш..на оз..нинъ насыл окъугъаны, насыл этип учмагъа оғренгени, хус..сында икяе этер экен, Насибе онынъ баягъы денъишкен бой-пост..ндан, энди акъай олгъан къыяфет..нден коз..ни алмай бакъып от..рды. Оны осыт..ргендже, не къадар къаарь-къасеветлер чекти, башындан не къадар раатсызлыкълар кеч..рди. Илериде оны не беклей? Ана оғълұнынъ ос..п, дөгъм..ш юрт босагъасындан кениш аят къойнуна атлагъаныны яхшы анълай. Бу фикир Насибенинъ юрегини баягъы кедерлесте де, әвлядынынъ озы макъсадына иришкени — уч..джы олгъаны севинчи, о кедерден чокъ уст..н эди.

(Р. Фазыл, Л. Софу)

267-нджи иш. Ашагъыда берильген джедвельни мисаллернен толдурунъыз.

Къошма сёзлер	Муреккеп сёзлер	Чифт сёзлер
<i>къырымтатар</i>	<i>йигирми беш</i>	<i>мас-мавы</i>
...

64-юнджи дерс

БАГЪЛЫ НУТУКЪ

Публицистик услюпте язылгъян метиннин икяе этмек

268-инджи иш. Метинни ифадели окъунъыз ве бельгиленъиз: метиннин нуткъу лакъырды услюптеми, я да китабийми?

Озъ халкъынынъ келеджек такъдирини къайгыргъан эрбаплар сырасында Челебиджихан да фааль арекетте булунды. Лякин чокъкъа бармай язда о, къапалып, бастырыкъкъа ташлана. Мында о, озюнинъ «Бастырыкъ» адлы гузель ширини яза. Халкъынынъ исрарлы талаплары нетиджесинде, оны тезден азат этелер.

Халкъ ишине садыкъ, илери фикирли, фааль гъайретчен бир эрбап оларакъ, Челебиджихан вакъиалар бири-бирини денъиштирип тургъан шу муреккеп девирде, табиий ки, о вакъиалардан четте турып оламады, шу къайнакъ вакъиаларнынъ энъ ортасында булунды.

(Р. Фазыл)

269-ынджы иш. Метинни окъунъыз. Мында ифаделенген эсас фикирни къайд этинъиз.

Малюм ки, эр анги медений, сиясий, джемаат эрбабынынъ баш макъсады — озъ халкъынынъ такъдирини къайгырмакъ, миллетнинъ келеджеги огърунда тюшюнмек, бутюн барлыгъынен халкъкъа хызмет этмек, олгъан истидадыны, фаалиетини халкъ ишине багъышламакътыр. Бунынъсыз онъа эрбап денильмеси шубелидир. Эбет, о тек бу мукъаддес гъаенен яшамакъ, бу гъаенинъ чырагъы олып янмакъ, тек бу гъаеден ильхамланмакъ керек.

Сиясий девирлер ойле олды ки, эр бир миллэтте озъ халкъынынъ ақъикъий урьмети ве итибарыны къазангъан пек чокъ эрбапларнынъ шимдигедже адлары биле анъылмай кельди. Оларнынъ озъ халкъына япкъан хызметлери о дередже муим ки, базыларынынъ озъ арекетлеринде ёл берген белли бир янълышларына бакъмадан, эп бир халкъ урьметине толу дереджеде ляйыкълар.

(Р. Фазыл)

Ашагъыда ибарелернинъ маналарыны насыл анълайсынъыз? Озъ сёзлеринъизнен изаланъыз.

Мукъаддес гъаенен яшамакъ, гъаенинъ чырагъы олып янмакъ, бу гъаеден ильхамланмакъ.

270-инджи иш. Юкъарыда кетирильген метин боюнчада озъбашына диктант язмагъа азырланаңыз.

1. Метинде ифаделенген эсас фикирни къайд этинъиз. Бу парчаны там олгъан, биткен деп саймагъа мумкүнми? Тюшюнип бакъынъыз, бу метинни насыл битирмек мумкүн?

2. Биринджи абзацтан дудакълылыкъ къаидесине бойсунгъан сёзлерни сечип, дефтеринъизге язынъыз.

3. Токътав ишаретлерининъ къюолувыны изаланъыз.

4. Метиннинъ услюбине риает этерек, сербест шекильде озъбашына диктант язынъыз.

271-инджи иш. Публицистик услюpte язылгъан метинни тапынъыз ве ашагъыда берильген тертипте агъзаний шекильде икяе этинъиз.

1. Къыскъадан метиннинъ эсас мундериджесини айтынъыз, метиннинъ фикир-гъасини къайд этинъиз. Муэллиф мында насыл вазифени беджере, акс эте?

2. Метинде муэллиф къуллангъан окъуйыджыгъа тесир этиджи васталарны бельгиленъиз: текрарлавлар; джумлелернинъ озъара параллель багъ васталарыны къулланув; сойдаш азаларнынъ сыралары, окъуйыджыгъа хитап этюв; лакъырды сёзлер ве ибарелерни ишлетюв.

3. Метинни агъзаний шекильде икяе этинъиз.

ЛЕКСИКОЛОГИЯ

272-ндже иш. Ашагъыдаки суалларге джевап беринъиз.

1. Лексикология фени нени огрене?
2. Умумхалкъ ве зенаат-унерге айт сёзлер арасында насыл фаркъ бар?
3. Илим, санаат, техникагъа аит истиналарны мисаль оларакъ кетириңиз.
4. Башкъа тиллерден кирген сёзлерни насыл къулланмакъ керек?
5. Эскирген сёзлер насыл вазифени беджерелер?
6. Неологизмлерге бир къач мисаль кетириңиз.

273-юндже иш. Метинни окъунъыз. Къайд олунгъан сёзлернинъ лексик талилини этинъиз.

Сёзнинъ лексик талилиниң тертиби:

1. Джумле ичинде бу сёз насыл лексик мана ифаделей. Бирманалы я да чокъманалы олгъаныны бельгилемек (эгер сёз чокъманалы олса, эр бир манасынен бир къач сёз бирикмө тизмек).
2. Сёз дөгъру манада я да кочьме манада къулланылғанмы?
3. Сёзнинъ синоними я да антонимлери.
4. Сёзнинъ япылув усулы.

Язма эдебият пейда олгъангъа къадар, къырым халкъы баҳтлы, сербест аят акъкъында истеклерини, фикир ве арзу-хаялларыны, озы дуйгъулары ве къасеветлерини агъыз-агъыздан юрип, несильден-несильге кечкен агъыз яратыджылыгъында акс эттире эди. Та къадимиј девирлерден берли халкъта фольклорнынъ чешит жанрлары: лирик ве турмуш-адет йырлары, такъмакълар, чынълар ве манелер, аталар сёзлери ве айтымлар, тапмаджалар ве лятифелер, масаллар, эфсанелер ве дестанлар яшатылып кельмекте.

«Къопланды-батыр», «Эр-Таргъын», «Эдиге», «Чора-батыр» киби эпик дестанларда халкъ ичинден чыкъкъян къараманларнынъ джесарети косытериле. «Тайр ве Зоре», «Нар-къамыш»,

«Къозу-Күрпеч ве Баян-Сулу», «Боз-йигит» киби лирик-эпик дестанларда севгининъ кучю, бири-бирине севда олгъанларнынъ озъ шахсий бахтлары ичюн, къадимий адетлерге, зорбалыкъка, хурафатларгъа къаршы куреши акс этиле.

(Р. Фазыл, С. Нагаев)

274-юнджи иш. Ашагъыда берильген джедвельге эсасланыракъ, суаллерге джевал беринъиз.

1. Насыл сёзлерге бир маналы ве чокъ маналы сёзлер дерлер? Мисаллар кетиринъиз.
2. Насыл сёзлерге омоним дерлер?
3. Антонимлер — насыл маналы сёзлер?
4. Насыл сёзлерге синонимлер дерлер?

Сёзлер тақъымы	Язылув джеэттен	Мана джеэттен
Омонимлер	бир тюрлю	чешит тюрлю
Синонимлер	чешит тюрлю	бир тюрлю
Антонимлер	чешит тюрлю	къаршы маналы

275-инджи иш. Ашагъыда берильген аталар сёзлерини окъунъыз. Бир сызыкънен къайд олунгъан сёзлернинъ антонимик чифтини тапынъыз. Эки сызыкънен бельгиленгенлернинъ синонимлерини тапынъыз.

1. Тырышкъан киши ёл тапар, таш-темирге мых къакъар.
2. Тырышкъан таш уфатыр.
3. Умутнинъ сынъыры ёкъ.
4. Унерли къолда берекет бар.
5. Унерлининъ къолу алтын.
6. Унерсизге дюнья тар.
7. Энъ яхшы дост — китаптыр, энъ яхшы зенгинлик — бильгидир.
8. Язда ишлеген къышта тишлир.

276-ндже иш. Ашагъыдаки джедвельге эсасланып, «Къырым-татар тилининъ лугъат теркиби» серлевалы маруза язынъыз. Марузанъызnen дерсте чыкъышта булунынъыз.



277-нджеши иш. Ашагъыда берильген омонимлерни түрлю маналарда джумлелер ичинде къулланынтыз.

Багъ, куль, къаза, тюш, бакъа, къокъла, сай, къаза, тай, чыкъ, къайсы.

278-инджеши иш. Ашагъыда берильген сёзлерни синонимлеринен чифтлеп язынтыз.

Атеш, бет, авлакъ, сес, юре, этраф, кенар, шавле, тюркю, чалыша, апансыздан, гузель, парылдагъан, сене, дайма, кетирди, къартана, тюбю, акъча, юрек.

279-ынджеши иш. Зенаатунерге айт олгъан сёзлерни къулланып, «Интервью» диалогыны уйдурынтыз. Диалог иширакчилери: журналист ве бир де бир зенаат саиби (рессам, языджы, муэндис, дюльгер).

66-нджеши дерс

МОРФОЛОГИЯ

280-инджеши иш. Ашагъыдаки суаллерге джевап беринъиз. Джеваптарынъызын мисаллернен тасдыкъланытыз.

1. Грамматиканынъ «Морфология» болуги нени оғрене?
2. Сөз къырымтатар тилинде насыл къысымлардан ibaret?
3. Сөз япылуу усулларыны изалантыз.
4. Там маналы сёзлер сырасына насыл сөз чешитлери кире?
5. Ярдымджа сөз чешитлерини изалантыз.

281-инджи иш. Шиирни окъунъыз. Сёзлернинъ мана ве тизим джеэттен чешитлерини изаланъыз.

Мен дженклерде кечирдим яшлыгъымны,
Алып тувгъан ана-юртнынъ алгъышыны.
«Беклейим», — деп яза эди манъя ярем,
Озь тилимде бу сёз манъя олды мельэм.
Мухтадж эдим озь тилимде мен о сёзге,
Къуванчымдан козъяш келе эди козъге.
Тюшюмде де — тилим эди, ах... о заман,
Ватан ичюн беденимден акъкъан къян.

(Р. Бурнаш)

282-инджи иш. Метинни кочюрип, сёз чешитлерини бельгиленъиз.

Мамут Ахмед огълу Рефат белли халкъ оджасы олмақънен бирге, о вакъытнынъ прогрессив кишилеринден эди. О, огълан балаларнен къызыларны бир ерде окъуткъан биринджи оджалардан олып, мектепте дин окъувындан башкъа, балаларгъа гизлиден джогърафия, тарих, эсап, ана тили киби дерслер де бере эди. «Сен балаларгъа йылдыз саймагъя огратесинъ, оларны ёлдан чыкъараасынъ, динсизликке огратесинъ!» — деп, руханийлер оны ольдюреджек олалар.

(Р. Фазыл)

Метин насыл усулда язылгъаныны бельгиленъиз.

283-юнджи иш. Берильген метинни окъунъыз, исимлерни сечип, ашагъыдаки тертипте талиль этинъиз.

1. Баш келишиндеки шекли.
2. Манасына коре чешити (хас, джыныс, тек, джыйма).
3. Сайысы (текликте, чокълукъта).
4. Насыл келиштеги къулланылгъан.
5. Шахсы (мулькиет, хаберлик ялгъамалары олса).
6. Тизимине коре чешити (саде, асыл, япма, къошма, чифт, къыскъартылгъан).
7. Джумледе беджерген вазифеси.

Усеин койде яшагъан йылларында баба ве огъул дагъда корыген вакъиаларыны бири-бирине икяе эткен адетлери бар эди. О себептен Токътар акъай Усеинге хасталыгъынынъ себебини

анълатты. «Иш къалав янгъан маальде олды, — деди огълуна, — озюнъ билесинъ, Къуш-Къая бетлер — сарплы, дешэтли. Къалав куньдюз-гедже яна, тютей. Янында дайма адам олмакъ керек. Дагъ башы думанлы. Ягъмур, бурчакъ ягъмагъан кунь ёкъ. Чалашнынъ топракъ дамы гедже акъкъан... астымдаки чекмен, устюмдеки япынджа сув ичинде къалгъан. Дүймагъаным. Пек ёргъун эдим. Саба еримден турмакъ истедим... турып оламадым. Мени койге атлы чана устюнде кетирдилер».

Токътар акъайда бу — сийрек олгъан ал. Соң тюзелип кетти.
(Ш. Алядин)

284-юнджи иш. Аталар сёзлерини окъунъыз. Исимлерни сечип, морфологик талиль этинъиз.

1. Агъыр иштен къачма, енгилине чапма!
2. Агъыр иштен къоркъма, агъыр сёзден къоркъ.
3. Адалет достлукъынъ темелидир.
4. Инсан иш башында белли олур.
5. Адамны кульдюрген де — тиль, куйдюрген де.
6. Адамны севдирген табиатнен эмектир.

67-нджи дерс

285-инджи иш. Метинни окъунъыз. Сыфатларны сечип, ашагъыдаки тертипте талиль этинъиз.

1. Манасына коре чешити (аслий, нисбий).
2. Дереджеси ве шекли (адий, тенъештирюв, устюнлик, азлаштырма, къуветлендирме).
3. Тизимине коре чешити (саде, къошма, чифт).
4. Джумледе беджерген вазифеси.

Ири ягъмур тамчылары башта ахырны орткен тенекелерге, соңыра бостандаки къабакъ, хыяр, бакълаларгъа, инджир тереклерининъ япракъларына такъыртынен тюштилер. Тамчылар ашагъыда автомобиль ёлунынъ тозуны тарадылар, мезарлықтаки къалын мешелеринъ уджларында ренксиз бир сес чембери япаракъ ёл кенарларында, къуру чалыларнынъ япракъларыны, ташларны, диварларны тарай-тарай денъизге тараф кеттилер.

(Дж. Дагъджы)

Метин насыл усулда язылгъаныны бельгиленъиз.

286-нұджен ш. Берильген метинни оқынұтыз. Сайыларны сечип, ашагъыдағи тертипте талиль этинъиз.

1. Манасына коре чешити (әсап, сыра, пай, тахминий).
2. Құулланузына коре чешитлери (бутюн, кесир).
3. Тизимине коре шекли (саде, тертипли, чифт).
4. Джумледе беджерген вазифеси.

Земане Олимпия оюнлары илькіде 1896 сенеси Афины шеэринде отыкерильген ве анда 13 мемлекеттен 311 спортчу иширик эткен. О вакытта спортны инсанның джисманий инкишафы ве мүкеммелешүүвүнинъ, барышыкъ ве, достлукъынъ темсили оларакъ, тешвикъат этов макъсадынен Олимпия оюнларыны чешит къыталаарда, чешит мемлекетлерде, чешит шеэрлерде эр дөрт йылда бир кере отыкермек къарапы къабул олунгъан. Соңрадан оюнлар Париже, Сеит-Лусте, Лондонда ве Стокгольмде отыкерильди. Алтынды Олимпия оюнлары олмады. Амма 1920 сенеси Антверпенде отыкерильген VII Олимпия оюнларында 29 мемлекеттен 2607 спортчу иширик этти. Невбеттеки оюнлар кене Париже, Амстердамда, Лос-Анджеlestе, 1936 сенеси исе Берлинде отыкерильди.

(Э. Мурадов)

287-нұджи ш. Метинни оқыуп, замирлерни къайд этинъиз. Ашагъыда берильген тертипте талиль этинъиз.

1. Мана джеэттен чешити.
2. Насыл денъишкени (мулькиет, келиш, чокълукъ ялгъамаларынен къулланылуы).
3. Джумледе беджерген вазифеси.

Нариманнынъ беяз, дюльбер тишлири бири-бирине тийменини, вуджуды къалтырагъаныны корыген анасы оғълунынъ назик беденини уфқъалап башлады ве шу заман: «Мен сени шимди къыздырырым», — деп, ашлангъан әчки терисини ерге яйды да, башынынъ тюбюне памугъы томарлангъан къатты, джарты ястыкъыны къойып, оғълуны яткъызды. Устюне джыллы къоюн териси япты. Соңра, озү оғълунынъ янына чёкип, онынъ бетинден манълайындан опты.

«Сен, балам, къыбырдамайып ят, мен шимди собаны якъарым, оданы къыздырырым, бугунь энди къыш башлагъангъа ошай», — деп, тышкъа чыкъты.

Тышта ель, ач шакъаллар киби, увулдай. О, пенджере ве къапу артындан одагъа сызгъырып кире.

(Р. Мурад)

288-инджи иш. Метинни кочюрип язынъыз. Джумлелерден замирлерни къайд этип, талиль этинъиз.

Шимдики муреккеп, агъыр заманда Алланынъ ярдымынен бойле бир китап чыкъармагъа имкян булгъан экеним, «Раббиме чокъ шукюрлер олсун», — дейим. «Талап эт, къулум, талап эткенге беремен», — деген Алла. Къартларымыз исе: «Арекетте — берекет», дегенлер. Эр бир иште, эр бир шейде эр биримиз ве бутюн халкъымыз да талап этмектен вазгечмейик. Эр биримиз озь еринде, озь ишинде, озь вазифесинде ильк әвеля халкъ менфааты ичюн бирлик олып, бир якъадан баш чыкъарып, арекет этейик. Арекет! Арекет! Арекет!

Арекет этмесенъ,
Тарлалар ешерmez,
чешмеден сув кельmez.
Арекет этмеген,
Аяттан зевкъ тапып,
аслы ич онъармы?!
Тынч ятсанъ,
Табиат сырлары билинmez,
къыртышлар сёкульmez.
Арекет этмесенъ,
Юрекке яткъандай,
бир шишир догъармы?
(Р. Фазыл)

Метин насыл усулда язылгъаныны бельгиленъиз.

68-инджи дерс

БАГЪЛЫ НУТУКЪ Фикир юрютюв иншасы

289-ындже иш. Ашагъыда берильген метинни окъунъыз. Муэллиф не акъкъында фикир юрюте?

Бизим Махмуд Къырымлынынъ «Юсуф ве Зулейха» эсерине базанып бойле демеге толу акъкъымыз бар. Чюнки бойле бир эдебий, ширий эсер яратылмасы ичюн бу халкънынъ энди чокътан шекилленип кельген озь медениети, озь язысы, эдебий

тили, шириети ве шириети аньанелери олмасы шарт. Бу нокътайи назардан янашаджакъ олсакъ, монгъол истиляджыларынынъ келювинден сонъ, татар деп анъылгъан ве шимди къырымтатар адыны алгъан тамыр халкъынынъ Къырым ярым адасында, кучълю бир акъын олып кельген къыпчакъларнынъ ерли къабилелернен къарышып, бирлешип, умумий бир тиль, умумий бир медениет саиби олып, ве энди ислам динини де къабул этип, там манада миллет оларакъ шекилленген вакъты X—XI асырлар арасыдыр, дие билемиз. Эр алда, шу девирден кеч дегильдир. Бойле хуляса чыкъармакъ ичюн, бизге белли дереджеде анджакъ «Юсуф ве Зулейха» ве «Къысса-и Юсуф» дестанлары да эсас берелер.

Демек, къачан да олса яратылгъан эдебий эсер, язма абиде айны вакъытта, муимден-муим тарихий абиде оларакъ да, айрыджа къыйметке малик ола биле. Иште, миллий эдебиятнынъ сакъланып къалгъан язувлы эдебий эсерининъ эмиети, къыймети о дередже буюктур. Теэссюф ки, буны бизде пек чокълар даа аньлап оламайлар я да аньламакъ истемейлер.

(Р. Фазыл)

Берильген тертип боюнчада инша язынызы.

Фикир юрюютов иншасынынъ язув тертиби:

1. Беян этеджек фикринъизни къыскъа ве анълайышлы шекильде тизинъиз.
2. Бу фикирни исбатламакъ ичюн, козеткен адисе, вакъиалардан мисаллар кетиринъиз.
3. Беян эткен фикринъизни нетиджеленъиз.

Фикир юрюютов иншасынынъ схемасы:

1. Эсас фикир
2. Исбатлар:
 - a) ...;
 - b) ...;
 - v)
3. Нетидже.

290-ындъыши. Секизинджи сыныфта оренген сёз бирикмелери акъкында бильгилеринъизни хатырламакъ ичюн, берильген метинни окъунъыз. Бири-биринъизге суаллер берип, джедвельге эсасланаракъ, джевапланынъыз.

Сёз бирикмелери баш ве таби сёзлерден ибарат олур. Баш сёзинен таби сёз тюрлю сёз чешитлеринден ифаде олурлар. Меселя: *бизим коюмиз, ишни тешкиль этмек, балабан бина, пек чокъ, экисинден*

били киби бирикмелерде «бизим», «ишни», «балабан», «пек», «экисинден» деген сөздер таби сөздерdir. «Коюмиз», «тешкиль этмек», «бина», «чокъ», «били» деген сөздер исе баш сөздерdir.

Таби сөз баш сөзинъ айны бир аляметини изалай. Баш сөз исе таби сөзге келиш ялгъамаларындан бир де-бирини къабул эттирир.

Меселя: *мектепке кетмек*, эвден *чыкъмакъ*, *талебелерден бириси* ве *башкъалары*.

Джумледе бирикменинъ баш сөзю насыл сөз чешитинен ифаделенгенине коре бирикмелер учъке болюнирлер: 1. Исли сөз бирикмелери; 2. Фииль сөз бирикмелери; 3. Зарф сөз бирикмелери. Нутукъта энъ зияде исми ве фииль бирикмелери ишлетилир.

ИСМИ СӨЗ БИРИКМЕЛЕРИ	
Исим	Сыфат
Алтын Янъы Эки Бу Тапылмагъан	Юзюк
Баш сөз — исим, таби сөз — исим, сыфат, сайы, замир, сыфатфииль	Ойле Пек Дюльберден Биринджисинден
Замир	Сайы
Талебелернинъ Буларнынъ	Эписи
Баш сөз — замир, таби сөз — исим, замир	Эки кере Къавий Бир къач
Баш сөз — сайы, таби сөз — сайы, сыфат, замир	Баш сөз — сайы, таби сөз — сайы, сыфат, замир

ФИИЛЬ СӨЗ БИРИКМЕЛЕРИ	
Китап Мектепте Бешке Чокъ Ифадели Турып	Окъуй
Баш сөз — фииль таби сөз — исим, сыфат, сайы, замир, алфииль, сыфатфииль	

291-инджи иш. Ашагъыда берильген мевзуулардан бирине инша язынтызыз.

1. Мен насыл языдженеси севем? Не ичюн?
2. Мен насыл илимни бегенем? Себеби?
3. Мектепни битирген соңъ, мен ненен огърашаджагъым. Не ичюн?

Инша язгъанда, неге эмиет бермели:

1. Иншанынъ мевзусыны сечип, алынтызыз.
2. Иншаны беян этмек ичюн къулланыладжакъ сёзлер, сөз бирикмелери, ибарелерни топлантызыз.
3. Иншанынъ тизилювини бельгилентьиз.
4. Тариф эткенде, фикирлеринъизни ифаделемек ичюн, шахсий, чешит тюрлю, текрарланмагъян сёзлер къулланмалысынтызыз.
5. Язгъан фикирлерни, гонълюнъизден кечирип, озы дуйгъу ве мунасебетинъизни косытеререк, беян этинтызыз.

69-ынджы дерс

292-нджешиш. Шиирни кочюрип язынтызыз. Фиилдерни ашагъыда берильген тертипте талиль этинтызыз.

1. Эсас шекли.
2. Дереджеси.
- 3 Шахсы, сайысы.
4. Заманы.
5. Мейили.
6. Тизимине коре чешити: саде (асыл, япма), муреккеп, чифт.
7. Джумледеки вазифеси.

Шекердай ириди сонъки куртюклер,
Муляйим ель эсе къыбла тарафттан.
Уйкъудан уяна далда буртюклер,
Тереклер киерлер чечектен къафтан.

Мераба, эй Наврез, хош кельдинъ баарь,
Йылбаш тилеклери — эзелий ырым.
Къальплерни яшартып, гуль къокъуй саарь,
Наврезинъ мубарек, эй азиз Къырым!

(Ш. Селим)

293-юнджи иш. Схемагъа эсасланып, юклетюв дереджесинде кельген фииллер язынъыз.

...  -дыр ...  -дир ...  -дур ...  -дюр

Бир къач фиильни джумле ичинде къулланынъыз.

294-юнджи иш. Метинни окъунъыз. Фииллер, сыфатфииллер, исимфииль ве алфииллерни сечип, дефтеринъизге кочюринъиз.

Русиедеки тюрк-татар халкъларынынъ тарихы хусусында лаф юрьсетилир экен, бу тарихта къырымтатар халкъынынъ улу эвляды Исмаил бей Гаспринскийнинъ буюк хызметлерини эсапкъа алмамакъ мумкюн дегиль. Гаспринский Русиедеки ве атта онынъ тышындаки чокъ миллионлы тюрк-татар халкъларынынъ уйкъудан уянимасына гъает буюк ве къыймети ёкъ тесир япкъандыр.

Эр анги миллетнинъ анъыны уянтмакъ ичюн, эвеля, шу миллетнинъ земане аятына бакъышыны денъиштирмек, энъ эсасы исе, онынъ земане аятына, джемиеттеки анги джемаат арекетлерине тенкъидий козынен бакъа билүүни эльде этмектир. Меселеге бойле янашувнынъ зарурлыгъыны эр кестен эвель Гаспринский анълады, ве бу меселеде биринджи мусбет адымны о, атты.

(С. Гъафаров)

Метин насыл усулда язылгъаныны бельгиленъиз.

295-инджи иш. Шиирни ифадели окъунъыз. Фииллерни сечип, морфологик талиль этинъиз.

Гонълюм агълай

Кумюш булутлар артына далгъанда,
Ер юзю къараплыкъ талдада къала.
Чокъ юрьген бир ёлджу, ёрулып талгъанда,
Токътала, отура, бир нефес ала.

Лякин мен булунгъан мекянда ай догъмай,
Къараплыкъ зинданда инълейлер къуллар.
Къасевет оларны яшатмай, эм богъмай,
Козьяшы тёкелер оксюзлер, туллар.

(Ш. Селим)

296-нджы иш. Метинни окъунъыз. Эр бир джумледен муптеда ве хаберни сечип, олар ифаделеген сөз чешитлерини морфологик талиль этинъиз.

Меселе шунда ки, В. Возгрин озы китабынынъ 113-юнджи саифесинде бизим 1989—1991 сенелери «Йылдыз» ве «Звезда Востока» журналларында басылгъан ве Махмуд Къырымлынынъ «Юсуф ве Зулейха» дестаны акъкъында малюмат булунгъан «Къырымтатар эдебияты тарихына бир назар» серлевалы макъалемизден мисаль кетири. Демек о, бу макъалени окъугъан ве шу малюмattan хабери бар. Амма, теэссиоф ки, тарихчы онъя эмиет бермеген, я да бермек истемеген. Языкъ. Чюнки о, халкъынынъ тарихындан сакъланылып къалынгъан бойле джиддий факткъа эмиет берип, фикир эткен олса, къырымтатар халкъынынъ келип чыкъувыны монгъол истилясындан эвельки девирге айт эте биле эди. Албу исе, къырымтатарларнынъ умумий бир халкъ оларакъ шекилленген деврини там бельгилемейип, даа догърусы, оны монгъолларнынъ Къырымгъа келювинен багълап, муэллиф башкъа джеэтлерден олдукучча гузель язылгъан китабынынъ къыйметини яры-ярыгъа эксильтти, демек мумкюн.

Бойлеликке, биз эдебиятчылар, къырымтатар халкъынынъ келип чыкъувы тарихынен огърашкъан ве огърашаджакъ тарихчыларгъа халкъымызынынъ аджайип эдебий мирасы, эдебий язма абидеси олгъан мезкюр дестанларнынъ ана тилимизде та 1220 сенелерде, яни монгъоллар Къырымгъа аякъ басмаздан эвель, язылгъаны фактына да эминликнен эсасланмакъны, онъя да базанмакъны теклиф эттер эдик.

(Р. Фазыл)

297-нджи иш. Ашагъыдаки джедвельни мисаллернен толдурынъыз.

Кечкен заман фииллери		Шимдики заман фиили	Келеджек заман фииллери	
Саде	Муреккеп		Къятий шекли	Даимиийлик шекли
...
...

298-индже иш. Аталар сёзлерини окъуп, ифаделеген маналарыны изаланъыз. Сёз чешитлерини морфологик талиль этинъиз.

1. Агадаки къушны авсыз тутамазсынъ, этни чайнамай ютамазсынъ.
2. Авджы авында, ёлджу ёлунда керек.
3. Агъач ёкъта тезек де агъач.
4. Агъламагъан козь олмаз, айтылмагъан сёз олмаз.
5. Агъламакънен бордж одельmez.
6. Агъласа сачкъанда, къуваныр чалгъанда.
7. Агъзы сюттен янгъан къатыкъка уфюрир.

299-ындже иш. Метинни кочюрип язынъыз. Джумлелерде там маналы ве ярдымджы сёзлерни бельгиленъиз.

Сонъки куньлер мен яры олю, яры джанлы, зайыфлашкъян ве ипрангъан бир алда, юкъу бейуделигинде яшай эдим. Бундан эвельки девирде меним беденим олюмнен курешти; мен дудакъларымны тишлей, недир, бир шейлер айта ве истей эдим; секирип тёшегимден тура ве, тюбюндөн кесильген терек киби, ерге йыкъыла эдим. Энди савлыгъым ве кучюм яваш-яваш ерине келе башлады. Лякин юкъу манъя ич де аман бермей, мен гедже-кунъдюз юкълайым.

(Э. Алимов)

71-индже дерс

БАГЪЛЫ НУТУКЪ Тильшынастыкънен багълы беян. «Морфология»

300-юндже иш. Метинни окъуп, насыл услюпте язылгъаныны бельгиленъиз.

1929 сенеси август айында Симферопольде отъкерильген II Бутюнкъырым ильмий тиль конференциясында эсасен учь меселе музакере этильди: 1. Эдебий тилимизни инкишаф эттирюв ёллары; 2. Эдебий тилимизде терминология меселелери; 3. Эдебий тильдинъ орфографиясы.

Биринджи меселе боюнчада Мамут Недим доклад япты. О, орта ёлакъ, шималь ве дженюп шивелерининъ эсас фонетик, морфологик ве лексик айырылықълары ве хусусиетлери акъкъында токъталды, шивелерниң эдебий тильни зенгинглештирувдеки эмиети ве муим хызметини къайд этти. Бу доклад боюнчада къырымтатар тилини бутюнлей латин элифбесине кечирювнен берабер, тилимизни эджнебий сөзлерден (хусусан арап ве тюрк сөзлерinden) темизлев ве оны олдукучча джанлы халкъ тилине якъынлаштырув хусусында къарап къабул этильди.

Тилимизде терминлер мейданға кетириов меселеси устюнде Абдулла Лятиф-заде токъталды. О, янъы терминлер ичон халкъ тилининъ зенгинглениден, онынъ сөз япув имкянларындан, шивелерниң сөз байлығындан, интернациональ сөзлерден, рус ве дигер тиллерден къабул этильген терминлерден файдаланмақъны теклиф этти.

Конференцияда имля меселелерине айрыджа дикъкъат айырылды. Бу меселе боюнчада И. Леманов «Умумий имля меселелери», З. Джавтобели «Адий сөзлер имлясы», У. Асан «Аффикслер имлясы», Я. Азиз «Арап ве аджем сөзлерининъ имлясы» киби, докладларнен чыкъышта булундылар. Бу меселе боюнчада къабул олунгъан къарапарда къырымтатар тилининъ орфографиясы, яни имлясы илериде, умумен, фонетик принцип эсасында къурулмақъ кереклиги къайд этильди.

(А. Меметов)

301-инджи иш. Юкъарыда берильген метинге эсасланып, лакъырды устюбинде икәле азырланызыз. Вазиетни тасавур этинъиз: сиз къартана я да къартбабанызға морфология акъкъында икәле этеджексинъиз. Морфология бу не? Нени орене? Сөзлер насыл хусусиетлерге коре чешитлерге болюнерел? Мисаль ичон сечип алынгъан сөзлер умумхалкъ сөзлери олсун.

302-инджи иш. Ашагъыдаки вазиетни тасавур этинъиз: сиз — журналист оларакъ, белли тильшынас алимден интервью аласынъыз. Субетинъизнинъ мевзусы — “Земаневий къырымтатар тилининъ огынде тургъан меселелер”. Интервью алмақъ ичон, суаллер азырланызыз.

303-юнджи иш. «Морфология мевзусынен багълы балалар ичон масал уйдурып язынтызыз. Огюнъизге къоюлгъан вазифе — башлангъыч сыныф талебелерине оюн шеклинде морфология акъкъында малюмат бермек. Масалынъызын бойле башламакъ мумкун:

«Бир заманда бар экен, бир заманда ёкъ экен, Морфология адлы кой бар экен.

Бу кой бир къаң сокъакълардан ибарет олгъан: исим, сыфат, сайы, (Масалны девам этинъиз).

72-нджи дерс

СИНТАКСИС

304-юнджи иш. Ашагъыдаки суаллерге джевап беринъиз.

1. Насыл бирлешмелерге сёз бирикмеси дейлер?
2. Сербест ве тургъун сёз бирикмелери арасындағи фаркъ-лайыджы хусусиеттерни мисаллер узеринде косътеринъиз.
3. Сербест сёз бирикмеси ве муреккеп сёзлер арасында насыл умумий ве фаркълы аляметтер бар?
4. Сёз бирикмелери насыл чешитлерге болюнелер?

Джевапларынъызын мисаллернен тасдыкъланъыз.

305-нджи иш. Берильген метинни окъунъыз. Джумлелерден сёз бирикмелерини сечип, ашагъыдаки тертипте талиль этинъиз.


1. Тизимине коре, чешити (адий, муреккеп).
2. Баш сёзниң ифаделемесине коре (исми, фииль, зарф).
3. Багъ усулы (уйгъунлықъ, идаре, сыра).

Ильяс, мектепни битиргенинен, институткъа кирди. Шеэрде окъумакъ — гузель. Лякин озю койчикнен анасыны, достларыны пек сагъынды. Ниает, татиль кунылери келип етти. Ильяс буны чокътан ве сабырсызлыкънен беклей эди. О, шырныкълы хаялларнен чемоданыны къолуна алып, ёлгъа чыкъты. Койге кельгенде, чөллөргө, дерелерге гедженинъ титис пердеси энген эди. Былтыр язда о, достларынен эр гедже ат отлатмагъа чыкъа эди. Олар атларны костеккеп чименликке ёллай, озылери атеш башына къурулып отура, коктеки йылдызларгъа бакъа ве, масал айтып, эглене эдилер. Чокъ вакъыткъадже ат кишневини, аякъ тапырдыларыны динълей, сабагъа якъын терен юкъугъа дала эдилер. Атеш янып бите ве сонъра куль ола эди. Яшлар, кеч яткъанларына бакъмадан, танъ агъаргъанда, туралар. Яз геджеси чөльде чокъ сефалы ола.

(И. Паши)

163

306-нұджы иш. Берильген джедвеллерге әсасланып, «Сөз бирикмеси» мевзусына айт къаиделерни изаланъыз, чыкъыш япынъыз.



307-нұджи иш. Берильген сөздерден исми, фииль ве зарф бирикмелери тизинъыз.

Сакълады, бус-бутюн, пытакъ, яхши, къап-къара, учура, окъулды, пек, дюльбер, догъру, бирден, бурды, ишледи, буюк, къуп-къуру, армут, абдыр-сентир, абул-къубул, узун, тюшти, бембейяз, алчакъ, томалакъ, къырмызы, менден, ешерди, айта къойды, корип къалды, яс-ялпакъ, чаршаф, айтып ташлады, узакътан, дос-догъру, тезден, эпимиз, озюмден, сокъулды, учтент, тюневин, бир чокъ, бир къач, шунъа, бираз, бир бучукъ, келип бақъты.

308-инджи иш. Берильген сөз бирикмелерининъ чешитлерини тайинлеп, баш ве таби сөздерни бельгиленъиз. Бир къач бирикменен джумле тизинъыз.

Ишке башламакъ, бираз раатланмакъ керек, сельбilerнинъ уджлары, пытакъларнынъ акъшамлыкъ талдалары, агъач къашыкъ, мектеп азбары, демир ёл, болдурған ёлджу, атны чаптырып кетmek, пек тез, ярыкъ гедже, голь янындаки балалар, бири-бирининъ белинден, оюнджыларнынъ экиси, колхознынъ кемери, дивардан алчакъ, энъкъастан шакъа айтмакъ, бизлерден юксекче, дефтерлернинъ эписи, чокъ ер, эвге таба адымламакъ, учевинден бири, алманынъ къырмызысы, юксек бойлу киши, къою кок тюслио кольмек, ачыкъ сары бенеклер, айырылмаз достлукъ.

309-ынджы иш. Берильген сёз бирикмелерини муреккеп сёзлерден айырып, маналарыны анълатынтыз. Сёз бирикмелерининь багъ васталарыны бельгиленъиз.

Яз ягъмуры, чапып кетмек, таш ёл, араба къапу, къайтып кельмек, сыйджакъ мемлекетлер, къаве тюс, марксизм-ленинизм рухунда, футбол оюны, терек пытағы, юзюм эрик, учь аякъ мердивен, бал алма, талебелерден учю, демир курек, ер алма, отурды къалды, битире язды, онынъ пешинден, имза чекмек, келе тургъан эди, бу вакъытта, бир заман, saat учте, бир къач, агъыр хаста, сарсылмаз достлукъ.

73-юнджы дерс

310-унджы иш. Ашагъыдаки суаллерге джевап беринъиз.

1. Нутукъынынъ насыл бир къысмына джумле дерлер?
2. Джумлелер насыл аляметлерге коре тасниф этилелер?
3. Тизимине коре джумлелер насыл чешитлерге болюнелер?
4. Макъсадына коре джумле чешитлерини изалантыз.
5. Бир теркипли джумлелер насыл чешитлерге болюнелер?

Джевапларынъызыны мисаллернен тасдыкълантыз.

311-инджи иш. Метинни окъунтыз. Джумлелерни ашагъыдаки тертипте талиль этинъиз:

- а) тизимине коре чешити;
- б) макъсадына коре чешити;
- в) баш азаларнынъ иштирагине коре чешити;
- г) экиндже дередже азаларнынъ иштирагине коре чешити.

Эбет! Усеин оджа аля Орта-Медресе бетке адымламакътамы? Онъя эппи ёл даа юрьмек керек. Энди ёрулып башлагъангъа бенъзей. Кене яхши, къолу ичинде унутылып, къысылып къалгъян къалач парчасыны эследи, къуванып, агъызына къапты, чайналачайнала кетмекте эди, янында эки атлы файтон токътады: «Отурынтыз, эфенди! — деди узун, беяз мыйыкълы айдаджы. — Ава сыйджакъ... терлегенсингъиз. Мен чокъ алмам». Оджа индемей, файтонгъа минди. Файтон Салачыкъ бетке джёнеди. Оджа янашадаки бир къанатлы кучюк къапуны къакъты. Къакъкъян сонъ, бекледи. Кимсе чыкъмады. Дивар аркъасында, багъча

иchinde, кимdir балтанен одун кесмекте. Эркек киши иле къадын лакъырды этмекте. Оджа къапуны текрап къакъты. Балта сеси тынды. Бираздан соң къапу аралыкъланды, если кишининъ яры бети корюнди.

(Ш. Алядин)

312-нджи иш. Суаллерге джевап беринъиз.

1. Сойдаш ве айырылма азалар языда насыл токътав ишарет-леринен къайд олуналар?
2. Грамматикаджа джумле азаларынен багълы олмагъан сёзлер акъкъында малюмат беринъиз.
3. Там олмагъан ве азаларгъа болюнмеген джумлелернинъ хусусиетлерини изаланъыз.

Джевапларынъызы мисаллернен исбатланъыз.

313-юнджи иш. Метинни окъунъыз. Адий джумлелерни сечип, дефтеринъизге язынъыз ве синтактик талиль этинъиз.

Эвельден, огълум, бизде эв савутларынынъ чокъусы агъачтан япила эди. Сенек, курек, тырнавуч, арман тахталары, къарасабан киби тарла-эмек алетлери де агъачтан япила эдилер. Агъачтан ясалгъан савут-саба ве эшъяларны хусусан койлерде чокъча расткетирмек мумкун эди. Чанакълар, текнелер, къашыкълар, легенлер, окълавлар, мешребелер, къуманлар, эт догърамагъа ве хамыр басмагъа къараплаштырылгъан тахталар агъачтан ясала эди. Буларнынъ бир чокъу дагъ озенчиклери ве буюк озенлернинъ сувунен арекетке кетирильген дюльгер тезъялары ярдымынен япила эди.

(М. Алиев)

314-юнджи иш. Метинни окъунъыз. Токътав ишаретлерини догъру къойып, джумлелерни язынъыз. Виргулларнинъ къююлувыны изаланъыз.

Насибенинъ бабасы — Бекир Садла пек тирнекли озь ишини темелинден бильген багъчеван эди. Багъчадаки ишлерге куньдюз вакъты етмесе геджелери чалыша тургъан. Онынъ етиштирген чавуш шашла мускат юзюмлери ильямус бера дигене армутлары ве дигер емишлери бутюн Алупкагъа белли олып базаргъа чыкъарылса къолгъа тиймей. Озю узунджа бойлу корюмли дюльбер бу адам яшлыгъында ялы боюнда къыллавуз зенааты

илемешур экен. Насибе онынъ ортанджы къызы экен. Уйкен къызы Эмине кучюклери — Хатидже ве Заде.

Султан Бекир Садланынъ эвине ичкиев олып кельди. Тонгъучлары Амет мында къартбабасынынъ эвинде дөгъды.

(Р. Фазыл)

74-юнджи дерс

315-инджи иш. Джумлелерни окъунъыз, тасдыкъ джумлелерни инкяр джумлелерге чевириңиз. Кочюрип язынъыз.

1. Пенджере тюбюндеки отургышта бош ер корюне. 2. Бир оджакътан гъает къою думан котериле. 3. Мен китапларымны алдым. 4. Лезетли ашларнынъ къокъусы чыкъа. 5. Акъшам сувукъ олды. 6. Саба эрте турмалы. 7. Джебинде эки күмюш къалды. 8. Достум манъа мектюп язды.

316-нджен иш. Метинни окъунъыз. Айырылма азалы джумлелерни сечип, дефтеринъизге язынъыз ве синтактик талиль этинъиз.

Инкъиляптан эвельки тюркшинастыкъынынъ корюмли ве киллеринден бири академик В.В. Радлов Къырым шивелери, этнографиясы ве халкъ агъыз яратыджылыгъы боюнчада чокътан-чокъ материал топлап, белли бир тертипке къойип, «Шималь тюрклери халкъ эдебиятынынъ нумюнелери» китабыны (VII къысым. Къырым ярым адасы леҳджелири. СПБ 1896) дердже этти. Бу иш В.В. Радловнынъ 1886 сенеси Къырым ярым адасына сяятынынъ нетиджесидир.

В.В. Радлов озъ эсеринде къырым халкъыны, озылерининъ айткъанларына эсасланарақъ, учь группагъа боле: 1. Шеэр ве дагъ халкъы, янъы Симферополь, Багъчасарай, Къарасувбазар, Феодосия ве Евпатория шеэрлеринде ве дагъ ёлагъында, ялы боюнда яшагъанлар; 2. Чөль халкъы; 3. Ногъай халкъы. Бу болюнов ярым адада тарихий вакъиаларнынъ кетишатындан келип чыкъа ве онынъ эсасында, бир тарафтран лакъырды тилининъ шиве хусусиетлери, дигер тарафтран, бу группаларнынъ турмуш шараптандеки айырылыкълар мөвдјут. В. Радлов, бу халкъынынъ келип чыкъувыны талиль этерек, онынъ Къырымгъа IV—V асырларда келип бу ерде яшагъанларыны озюне синъдирген тюркский къабилелернинъ эджжатларыдыр, — дей.

(А. Меметов)

317-нджи иш. Метинни окъунъыз. Адий джумлелерни сечип, дефтеринъизге язынъыз ве синтактик талиль этинъиз.

Къырымдан Тюргиеге иджрет эткен ватандашларымыз 1909 сенесининь башларында Истанбулда «Татар джемиет-и хайриеси»ни къурдылар. Бу джемиет «Тонгъуч» адына бир газета чыкъарып башлай. Мырза Мемет Саитнинъ мудирлигинде эр саба чыкъкъян бу газетанынъ нешири бир йыл девам этти.

1909 сенесининъ декабринден Истанбулда Къырымлы Якъуп Ильмийнинъ муарриллигинде эки афтада бир «Чолпан» газетасы нешири этилип башлай. Бу газетада Тюрги, Къырым, Романия, Булгъярыстанда яшагъан ватандашларымызынынъ аятынен багълы чешит меракълы хаберлер яйынлана. Бу себептен чокъ окъулгъян бир газета олды.

1918 сенеси майыс 2-ден Истанбулда «Къырым ве Къазан джемиет-и хайриеси»нинъ дестегинен «Къырым» меджмуасы нешири этилип башлады. Бу меджмуа иле Тюргиеде яшагъан къырымтатарлар Къырым давасы ичюн фааль курешкен бир орган саibi олдылар.

(Э. Къуртумеров)

318-нджи иш. Джумлелерни кочюрип язынъыз, баш азаларыны къайд этип, хабернинъ чешитлерини бельгиленъиз. Мунтеда насыл сёз чешитлеринен ифаделенгенини айтынъыз.

1. Бир кунъ олар пек давалаштылар. (И.П.) 2. О, эвге кельгенде, анда ана-баба куню эди. (И.П.) 3. Юзълеринде кедер толу къасеветли адамлар азбар ичинде долана, бир де-бир ишнен огъраша эдилер. (И.П.) 4. Окъумакъ, язмакъ — иненен къую къазмакъ. (Ат.с.) 9. Акъшам башындан гедже къаранлыгъы тюшти. (Ю.Б.) 5. Бу тынчлыкъ табиатнынъ козъ боявы эди. (Ю.Б.) 6. Акъшамгъа къадар ёлнынъ ахырына етиледжеги ич кимседе шек-шубе къалдырмады. (Ю.Б.) 7. Татлы сёзлеринъиз бахыштан эйидир. (А.Къ.)

75-нджи дерс

319-ынджы иш. Берильген метинни окъунъыз. Адий джумлелерни сечип, синтактик талиль этинъиз.

Рушди бей къапунынъ ири, бакъыр алкъасыны эки дефа юкъары котерип, ашагъы быракъты, сагъ къанаатыны итеп ачты,

мусафирлерни ичериге давет этти. Мусафирлер кенъиш, зийнетли одагъа кирдилер. Ерде къалын иран килим тёшевли. Диварлары янындаки йымшакъ аркъалыкълы сетке отурдылар. Ешиль ипек иле орътюли диварларгъа асылы мухтелиф тыш мемлекетлернинъ бахшышлары: окълар, янъы мушкетлер, къалкъанлар, къылышлар, сюнгюлер, тельчеленген душман байракълары... Эписи шаншереф темсили. Запорожье мусафирлери ода ичиндеки донанманы тедкъикъ иле мешгъуль вакъытта муштерек къапу ачылды, Ислам Гирей Хан кирди. Устюnde кок ренкли, сары орънекли джюббе. Аякъларында ешиль башмакълар. Башындаки къара къалпагъынынъ этрафында, пуллу, индже сарыкъ багълы. Озю къави кевдели, авропа чехрели ве билимли киши, мыйыгъы тар, узунджа, уджлары ашагъы къайтыкъ дегиль, дос-догъру. Юфкъа сакъалы косе дегиль, тулаш беяз тюк ёкъ. Къач яшында экенини бирден айтмакъ кучь. Бельки лакъырдысындан билинеджектир. Артында Баш везир Сефер Гъазы корюнди. Ислам Гирейден олдукъча если. Мусафирлер хангъа урьмет ве итибар иле аякъка къалкътылар.

(Ш. Алядин)

320-нджи иш. Берильген аталар сёзлерини окъунъыз. Адий ве муреккеп джумлелерни къайд этип, синтактик талиль этинъиз.

1. Айтмагъян агъызда сыр бар.
2. Бою сыркъдай, мийи тавукъдай.
3. Вакътынъ кетти — бахтынъ кетти.
4. Генчлик чагъынъны къачырма!
5. Гүрбетликте олмагъян Ватанынъ къадрини бильмез.
6. Гүрбетликте яшамакътан Ватанынъда ольмек хайырлы.
7. Догъру лафкъа джан-къурбан.
8. Догърулыкъ ёлу кенъдир.

321-нджи иш. Берильген джедвельге эсасланып, «Адий джумледе виргульгинъ къоюловы» мевзуда ильмий услюпте метин язынъыз. Къаиделерни мисаллернен тасдыкъланъыз.

Виргульгинъ къоюолов шартлары	Мисаллер
<ol style="list-style-type: none">1. Сойдаш азалы джумлелерде.2. Хитапнен кельген джумлелерде.3. Айырылма азалы джумлелерде.4. Кириш сёзлернен кельген джумлелерде.	

322-ндже иш. Джумлелерни окъуп, токътав ишаретлерининъ къююлмасыны анълатынъыз.

1. Кой адамларыны мен, беш пармагъым киби, билем, амма ойлесине расткельмедиим. Ялварам санъа, Усеин, Анифеден сорап бакъ, бельки, Шайипнен къысым-акърабалыкълары бардыр, бельки, онынъ шимди къаерде олгъаныны биледир. (Ю.Б.) Анифеге акърабасы кельген олса, мени мытлакъя эвлерине чагъырыр эди. (Ю.Б.) 2. Дере ичинде ве ялыгъя кеткен кенъ таш ёлу этафында бойдан-бой тютюн тарлалары, багълар, багъчалар. Кузъде лескернен ер къазамыз, багъларны, багъчаларны пытаймыз. (Э.Ч.) 3. Ниает, козълерини Аппазовгъа тикип: «Энди эр шей санъа багълы», — деди. «Урьметинъиз ичюн чокъ сагъ олунъыз, Шевкет Самединович. Лякин мен башкъя тюрлю тюшюнем. Билесинъизми, инсан къайда чокъ файда кетирсө, анда чалышса, даа да яхши олмазмы?» («Йылд.») 4. Энди ягъмур узакъларда, кой артындаки ерлерде, ягъмакъта. (Э.Ал.) 5. Бираzdан, бир тараftan экинджи бир тарафкъя юварлангъан балабан бир демир метий киби, кок юзүнде кене де шатырды къопты. (Э.Ал.)

323-юндже иш. Берильген джумлелерни окъунъыз. Нокъталар ерине айырылма азаларны къошып, дефтеринъизге язынъыз. Токътав ишаретлерининъ къююлувыны изаланъыз.

Иш орьнеги:, мен дерслеримни япмагъа башладым.
Эвге къайткъан сонъ, мен дерслеримни япмагъа башладым.

1., оджа дерсини башлады. 2., аякъларым талды.
3., козюмиз оғюнде меракълы левхалар джанланды.
4., бугунъ достум мектепке келип оламады. 5., талебелер китапханеге кеттилер. 6., балалар дагъгъя мантар джыймагъа бардылар.

9-ынджы СЫНЫФТА КЕЧИЛЬГЕНЛЕРНИ ТЕКРАРЛАВ

76-ндже дерс

324-юнджи иш. Ашагъыдаки суаллерге джевап беринъиз.

1. Насыл джумлелерге муреккеп джумле дерлер?
2. Багъ мунасебетлерине коре, муреккеп джумлелер насыл чешитлерге болюнелер?
3. Багъ васталарына коре, муреккеп джумлелер насыл чешитлерге болюнелер?
4. Тизме муреккеп джумлелер маналарына коре насыл чешитлерге болюнелер?
5. Табили муреккеп джумлелер маналарына коре насыл чешитлерге болюнелер?

Джевапларынъызыны мисаллернен тасдыкъланызыз.

325-инджи иш. Метинни окъунъыз. Муреккеп джумлелерни сечип, багъ мунасебетлери ве васталарыны къайд этинъиз.

Эгер Насреддин оджа образынен багълы фольклор материаларында пек чокъ мемлекетлернинъ, шеэрлернинъ адлары, бир такъым эфендилер, падишалар ве султанлар анъыла исе, Ахмет ахайнынъ арекетлери эсас итибарынен, Къырым ичинде олып кече, оларда, хусусан, Багъчасарай районына айт пек чокъ ерлернинъ, дагъларнынъ, атта белли къаяларнынъ, тёпелернинъ, озенлернинъ адларына, ханларгъа, муфтилерге, къадыларгъа, моллаларгъа, сохталаргъа, туджджар ве базиргяларгъа, айны вакъытта, ыргъатларгъа, эснафларгъа расткелине; лятифелерде тасвирленген вакъиалар (Багъчасарайнен Ялта мустесна олмакъ узьре) шеэрлерден белли бир койлерде, хусусан, Озенбашта олып кече. Эр бир лятифе халкънынъ о я да бу урфадетлери, аньанелери ве мерасимлеринен, турмуш тарзынен багълана, озюне хас шакъя-къората ве кульдюриджи усулларынен тасвирлене; эксери алларда гъает сюжетли олгъян Ахмет ахай лятифелеринде характерлернинъ мергин ве толу тарифленмеси ичюн, къырымтатар аталар сёзлерinden, айтыймлардан, халкъ

тилине кирип къалгъан ошатувлардан, къыяслардан, кинаелерден, мубалягъалардан (гиперболалардан), умумен, бутюн тасвир васталарындан кениш файдалана.

(Ю. Болат)

326-ндјыши ш. Джумлелерни ифадели окъунъыз. Тюшюрильген токътав ишаретлерининъ къоюлувины изалап, джумлелерни кочюрип язынъыз.

1. Биз тирилер бизим бугунъки баҳтлы яшайышымыз ичюн джанларыны къурбан эткен алидженап адамларны сайгъы ве севгинен хатырламагъя оларнынъ арзуларыны ерине кетирмеге борджалумыз. (З.Н.) 2. Сеитяя онынъ къолуны тутып козълерине бақъя. Эй бу козълер. Оларда шу къадар севги шу къадар мерамет бар ки. (З.Н.) 3. Иш битти замет унутылды. (Ат.с.) 4. Тенбеллик баҳт душманы. (Ат.с.) 5. Хайбулланы кой халкъы йымшакъ табиаты мискинлиги ве адҗайип чалғызды олгъаны ичюн урьмет эте эдилер. («Йылд.») 6. Вазиет ойле эди ки бир къач саниеден эр шей инсанлар машиналар эписи омрагъан лава астында къалув хавфында эди. (Э.А.)

327-ндјиши ш. Ашагъыда берильген экинджи дередже азаларыны кенишлетип, тизме муреккеп джумлелер уйдурунъыз. Къавузлар ичинде берильген сёзлерни, адий джумленинъ муптедасы вазифесинде къулланынъыз.

1. Наврез байрамы қуню багъчада ... (оюнлар, куреш, тюркюлер)
2. Къырымда ... (озенлери, дагълары)
3. Бааръде... (авалар, тереклер, чечеклер)
4. Кузъде... (дервиза байрамы, мейва, емиш, богъдай)

328-ндјиши ш. Берильген метинни окъунъыз. Муреккеп джумлелерни сечип, синтактик талиль этинъиз.

Меселе шунда ки, эр миллеттинъ медениетининъ язысы ве эдебиятынынъ ирмакъ башлары, къадимий абиделери ола ки, булар онынъ тарихынынъ, медениетининъ темель ташларыны тешкильэтелер. Иште, Махмуд Къырымлынынъ «ЮсуфэЗулейха» дестаны Къырымтатар миллий медениетининъ бойле темель ташларындан биридир. Шунынъ ичюн де биз бу язма абидеге сонъ дередже буюк эмиет беремиз ве, бу акъта сёз юрьсетmek зарур деп, таныймыз.

Бугунъде бизим ичюн энъ муими шу ки, халкъымызының тарихы, къырымтатарларның, халкъ оларакъ, миллет оларакъ, шекилленюв деври тарихчылар тарафындан, кереги киби, ве кесен-кес анықъланмагъан шарапитта 1220-нджи сенелерде, яни Къырымгъа монгъоллар кельмез эвель, «Юсуф ве Зулейха» дестаны киби, эсер яратылгъаны бу — меселенинъ къатты-къаттыгъа чезильмесине ярдым этиджи ве белли дереджеде къандырыджы бир сенед, тарихий бир факттыр. Чюнки Къырымда даа монгъоллар кельмезден эвель бойле бир эдебий, бедиий, ширий эсернинъ догъувы — бу ерде озъ медениети ве динине, озъ эдебий тили, шириети ве эдебиятына малик тамыр халкъ яни, шимдики тильнен айткъанда, къырымтатар халкъы яшагъаныны ачыкъ-айдын тасдыкълай. Эм бу халкъынынъ бу ерде кельмешек дегиль де, о, анджакъ, бу диярда монгъоллар даа Къырымгъа кельмезден эвель къач асырлар девамында шекилленип кельген бир халкъ олгъаныны косытере.

(Р. Фазыл)

77-нджи дерс

БАГЪЛЫ НУТУКЪ Тильшынастыкънен багълы беян

329-ындже иш. Ашагъыда берильген джедвельге эсасланып, муреккеп джумле акъкъында икяе этинъиз. Беянынъыз насыл услупте оладжагъыны бельгиленъиз: 1) лакъырды (достунъызгъа бу мевзу акъкъында икяе этмек); 2) ильмий (сыныфдашларынъыз огүнде марузанен чыкъыш япмакъ).


Муреккеп джумлелер

Муреккеп джумле, мана ве интонация джеэттен, бириkip кельген эки я да бир къач адий джумледен тизильген ве там фикир ифаделеген джумледир. Муреккеп джумлени тешкиль эткен адий джумлелер бири дигерине эки тюрлю багъ мунасебети иле багъланырлар: **тизме ве табили**. Тизме багъынен багълангъян джумлелерде адий джумлелер бир-бирине бойсунмайып, таби олмайып, бир сырагъя тизилип келирлер. Меселя: *Оғзланлар чокъ юрьдилер, олар ёлда раскельген койлерде чобанлыкъ эттилер.* (Мас.) Табили багъ мунасебетинен бириkip кельген

муреккеп джумлелерде къысымлары бири дигерине мана, тизим, интонация вастасынен таби олыш келелер. Таби этиджи къысым — **баш джумле**, таби олгъан къысым — **таби джумле** деп адланыр.

Меселя: *Ана-бабагъа насыл урьмет этсенъ, санъа да ойле урьмет этерлер.* (Ат.с.)

«Санъа да ойле урьмет этерлер» деген джумледен биринджи къысымгъя **насыл шартнен?** деген суаль къююла.



330-ындыхы иш. Берильген вазиетни тасавур этинъиз: сиз къырымтатар тили оджасы вазифесинде чалышасынтыз. Ашагыдахи мевзулардан бирини сечип, дерсте талебелерге анълатынтыз: «Къырымтатар тилинде айырылма азалы джумлелер», «Къырымтатар тилинде сойдаш азалы джумлелер», «Къырымтатар тилинде хитапларнен кельген джумлелер», ве иляхре.

Сизнинъ вазифенъиз бу мевзунен талебелерни таныштырмакътан ибарет. Бу вазифени беджергенде, нутукъкъа къюолгъан бир сыра талапларгъа риает этинъиз: нуткъунтыз ифадели, изчен, анътайышлы олмалы.

331-индихи иш. Аталар сёзлерини кочюрип язынтыз. Джумлелерни синтактик талиль этинъиз.

1. Аз олсун, уз олсун.
2. Азы — къарап, чокъу — заар.
3. Ай — гедженинъ чырагъы.
4. Айнен Кунеш бир олур, йылдыз сексен бинъ олур.
5. Айнен Кунеш дюньянынъ падишалардыр.
6. Айткъангъа бакъма, айткъанына бакъ!

332-ндже иш. Метинни окъунъыз. Кочюрильме лафлы джумлелерни сайлап, талиль этинъиз.

Демек, мен ве Эльмаз — койдешлермиз. Не къадар тесаддюфий ал! Лякин дженкте эр шей ойле... тесаддюфий. Олюв де, къалув да!

— Къоркъмайсынъызы? — деп сорадым мен койдешимден.

Къыз элесленди. Козь къапакълары сыкъ-сыкъ ачылды-япыйлдылар.

— Неден?

— Олюмден, — дедим мен ве бу назик варлыкъ сёзлериме ынджынмазмы экен деп къоркъып, тез-тез иляве эттим, — чюнки эскадронда киши дайма телюке ичинде.

— Къоркъ-къоркъма... — эмшире элини арапетли суретте сагъгъя-солгъя сильтеди, — мында эр кеснинъ такъдири — бир.

Ай батты. Денъиз къутура башлады. Далгъалар океленип-океленип ялыгъя чапкъылды, къызынъ да, меним де чызмаларымызыны шыбалады... бетлеримизге тузлу сув тозу сачылды.

(Ш. Алядин)

333-юндже иш. Эдебият, тарих, джогърафия, геометрия, алгебра дерсликеринъизден бирер муреккеп джумле кочюрип язынъыз. Оларнынъ тизим хусусиетлерини изаланъыз ве токътав ишаретлерининъ къоюловуыны анълатынъыз. Бедий ве ильмий услюпте язылгъан муреккеп джумлелер арасында фаркълайыджы хусусиетлерни косытеринъиз.

334-юндже иш. Аталар сёзлерини, токътав ишаретлерини къойып, кочюрип язынъыз. Джумлелерни синтактик талиль этинъиз.

1. Дост сёзюни ташлама ташлап башынъы къашым!
2. Алим олмакъ къолай адам олмакъ къыйындыр.
3. Догъру олсанъ кет-кете гуль олурсынъ хырсыз олсанъ кет-кете куль олурсынъ.
4. Ат минмеген ат минсе айдай-айдай ольдюрир тон киймеген тон кийсе къакъя-къакъя тоздурыр.
5. Акъылынъа акъыл къош ачувиш сабыр!
6. Ель эсмеден япракъ титренmez.

335-инджи иш. Берильген метинни окъунъыз. Кочюрильме лафлы джумлелерни сечип, синтактик талиль этинъиз.

Зейнеп тизе эки йылдан берли дженкке кеткен огълу Умерни беклей... Эки йылдан берли онынъ козь яши къурумагъан, эки йылдан берли чеккен асреди кунь-куньден арткъан, сачларыны чаларткъан. Даа озю къыркъ беш яшларында олса да, бу асред, бу козь яшлары оны эки къатына къартайткъан.

Геджелер бою юкъламай. Юкъласа, тюшүнде Умерни коре. Уяна, чевресине бакъына, Умернинъ къайтмагъаныны анълай, кене агълай, кене сызлай...

— Умерим! — дей, — балам! — дей. — Ах, балам, сени бир даа корыгейдим де, Танърым джанымны сонъ алгъайды, — дей... — Ярабби, сен къысмет эт. Ярабби, сен къавуштыр, — дей.

Юрек тырнала, аджый. Анда бир бошлукъ бар. О бошлукъта яра бар. Юрек ярасы эр даим тырналып, аджджы къанап тура. Оны эр даим инелернен санчып туралар, хорлайлар, эзелер...

— Балам, — дей Зейнеп тизе, — балам! — дей, — Танъры мени сенинънен къавуштырмай джанымы алмасын!.. Я, барып да, Умерим ольген олса!

Нефес тыкъала, козълер яшнен тола. Сонъ тююрчиленип, янакъ чыйырчыкълары арасындан из ясап, тамчы артындан тамчы акъя, токътамай акъалар... Марама, оглюк, ястыкъ козь яшнен сыланы...

(У. Ипчи)

336-иджы иш. Берильген суаллерге эсасланып, «Джумленинъ чешитлери» мевзуда ильмий услюпте метин языныз.

1. Джумледе къач грамматик негиз ола биле?
2. Грамматик негизлернинъ сайсына коре, джумлелер насыл чешитлерге болюнелер?
3. Айтылув макъсады джумленинъ мундериджеси ве тизимине насыл тесир эте? (икяе, суаль, эмир джумлелери)
4. Джумлелерде сойдаш азалар, айырылма азалар. Хитап, кириш сөзлер насыл макъсатнен къулланылалар?

БАГЪЛЫ НУТУКЪ

Сербест мевзуда фикир юрютюв иншасы

337-нджи иш. Метинлерни окъунъыз, насыл мевзугъа ве услюпке айт олгъаныны бельгиленъиз.

I. Бизлер, къырымтатарлар, ярым асырлыкъ сюргүнликтен соңъра ана-Ватан багърына келип, ерлешмектемиз. Янъы-янъы эвлер, сокъакълар, къасабалар къурмакътамыз. Бойле бакъкъанда, баягъы кучкъе маликмиз. Лякин кене кельмешеклернинъ тиши къайравларына, акъаретлерине огъраймыз. Озы баба-деде топрагъымызда оларнынъ къылышувларына къатланмакъ я да козь юммакъ керекмиз. Базыларымыз исе алны анълап биле оламаймыз.

Иште, Шакир Селимнинъ «Янъы дюнья» газетасында сентябрь 1-де берильген «Назмиет» саифесиндеци «Катеринанынъ къазыкълары» адлы ширии бу мевзугъа багъышлангъандыр.

Сёйленъиз я, эмдже, бу насыл къазыкълар,

Расткеле Къырымнынъ ёллары четинде?

Шаир бу суальге яхшы анълаткъан алда джевап бере:

Къырымнынъ энъ буюк баскъынджы хаини

Хансарай тарафкъя ашыкъкъан бу ёлнен.

Дейлер ки, алдатып бизим яш Шайнни,

Къырымгъа сеят япкъан бу ёлнен.

Потёмкин, Екатерина къырымтатар халкъынынъ башына дюнья къадар зулумлыкълар кетирдилер. Бугунъ Къырымда о кахпенинъ баскъан ёлуни, изини косътерип тургъан бу къазыкъларгъа нефretсiz бакъмакъ мумкюн дегиль.

(Б. Мамбет)

II. Окюрди майыста о къара поездлар.

Имдат къыдырды сабийлер, аналар...

Коклерде мугъайып, сэндилер йылдызлар.

Ёлларда кечтилер афталар, айлар.

Сепильдинъ Уралгъа, къумларгъа, миллетим.

Ач-чыплакъ хорландынъ ятлар илинде.

Ватансыз ве акъсыз къалдынъ Сен, бир етим.

Лякин баш эгмединъ комендант огюнде.

О вакъыт, о кунылер, ич чыкъмаз эсимден!
Зиндангъа атылгъан эрлеринъ, къызларынъ!
Не олды, не къалды, сорамам кимседен!
О ёлда къалдылар, меним де излерим.

Козюмнинъ алдында джумранлы къумлукълар.
Комюльмей серилип яткъан аналар...
Козюмнинъ алдында сув толу улукълар,
Лякин сув ичалмай, ынъранып яткъанлар...

(С. Эмин)

III. Эй, йигитлер, джесюр олунъ,
Къоқъла олманъ ят къолунда.
Тюшменъ шайтан тузагъына,
Куреширкен Хакъ огърунда!

Арсланларгъа къоркъу берmez
Ёл четинден урьген итлер,
Бизге орьнек Номан, Амди
Киби эрен ве шеитлер.

Эр нефесте миллет акъкъы
Олмалыдыр энъ мукъаддес.
«Ватан!» — деп куреширкен,
Йигит инсан къоркъу бильмез.

(И. Асанин)

338-инджи иш. Юкъарыдаки метинлерни окъуп, фикир юрютов ишшасы язынъыз.

80-инджи дерс

339-ынджы иш. Берильген метинден табили муреккеп джумлелерни сечип, оларны талиль этинъиз.

Ахмет ахай лятифелерининъ сюжетлеринде озуне хас ерли характер ташып, оларнынъ экспериси, сейяр сюжетлерде адеп олгъанларына бакъымадан, дигер тиллердеки сюжетлерни текрарламайлар. Бу фаркъ халкъ агъыз яратыджылыгъы мухлислерине яхшы белли олгъанындан, олар бир де бирерде бу эки къурназынъ адлары денъиширилип айтылгъан лятифелерни эшитселер, буны шу saat ала ве икәеджини токътатып: «Сен, къардашым,

агызынынъынъ къашыгъы олмагъан шейге къарышма, буны Насреддин оджа дегиль де, Ахмет ахай сёйледи», — я да: «Сен Насреддин оджадан алып кочтынъ, къардашым, бу шейге Ахмет ахайны къарыштырма, чонки о вакъыт Ахмет ахай Озенбаш молласынынъ эвинде бакълава ашай эди», — деп, оларнынъ «муэллифлик» укъукъларыны къорчалар ве экисини де озь ерлерине отуртылар.

(Ю. Болат)

340-ындожы иш. Берильген схемаларгъа эсасланып, чокъ къысымлы синтактик талиль этинъиз.

- 1) се, , амма .
- 2) , , сонъ .

341-инджи иш. Метинни окъунтыз. Кочюрильме лафлы джумлелерни сечип, талиль этинъиз.

Бир факъыр, огюзлерини сатып, базардан коюне къайтаяткъян вакъытта, ёлда апансыздан онынъ алдына бир атлы чыкъкъян:

— Чыкъар параларынъны, мен Алимим! — деп, къартнынъ параларыны тутып алгъан. Ёлда онъа бир атлы даа расткельген. О:

— Къартым, не ичюн агълайсынъ? — деп сорагъан.

— Неге агъламайым, меним къапумда огюзчигим бар эди. Мен, помещикке олгъан борджумны одемек ичюн, огюзлеримни базарда сатып къайта эдим. Бу ерге кельгенде, ана шу Алим деген динсиз, ёлумны басып, параларымны тонап кетти, — деген.

Алим:

— Насыл Алим, сен шаштынъмы шу? Аты недай эди, къартым? Къайсы тарафкъа кетти? — деген.

— Шеэр бетке кетти, балам — дей къарт...

— Сенинъ параларынъны алгъан Алим бумы, къартым? — деп сорагъан.

— Эбет, бу эди, балам, — дей къарт.

Озюни Алим деп адландыргъан бу хынзыр, аман джебинден къартнынъ параларыны чыкъаргъан. Алим, онынъ къолундан параларыны алып, ёлджу къарткъа берген де:

— Къартым, Алим — мына меним! О, хырсыз эрифнинъ бириси! — деп, шу ерде, къойнундан юз кумюш чыкъарып, къарткъа берген. Къарт, бу параларны да алып, къувана-къувана, коюне къайткъян экен.

(Риваает)

342-нұжи иш. Ашагыдағы схемаларға эсасланып, чокъ къышымлы муреккеп джумлелер уйдурып языңтыз.

- 1) , , сонъ , чюнки .
 2) , онынъ ичюн , амма .

343-юнджи иш. Метини кочюрип, джумлелерни синтактик талиль этингиз.

Затен, бу мектепнинъ буюк пенджерелери ичиндеки чечек череплери, ярысындан ашагъыда тутулгъан тюрлю ресимли ве орънекли перделер, сыныф ичерисининъ донатмалары ве кедиклери: оданынъ бир тарафында аякълы, буюк эсап алети, дигер якъта бир тарафы тегиз, экинджи тарафы къызыл сыйзыкълы буюк сантырач къара боялы язы тахтасы, бу тахтанынъ бир тарафына асылгъан сильгич-ястычыкъ, дигер тарафында язы бору къююлгъан долапчыкъ — бутюн булар, балаларда буюк меракъ ве авеслик дөгъурыйп, озылерине джельп этмекте эдилер. Индже ве сары тюс йиплернен диварларгъа асылгъан айры-айры таблолар узериндеки табиат левхалары: осюмликлер, айванлар ве дигер шейлернинъ ренкли, дюльбер ресимлери! Элифбенинъ ичиндеки чешит боялы о ресимлөр не къадар дюльбер, не къадар гузеллер!

(С. Ильясов)

БАГЪЛЫ НУТУКЪНЫ ИНКИШАФ ЭТМЕК ИЧЮН МЕТИНЛЕР

Тапмаджалар къырымтатар халкъ агъыз яратыджылыгъынынъ энъ къадимий ве кениш севилип огренильген жанрыдыр. Къардаш тюркй халкъларнынъ фольклорында бу жанр «бильмедже» (турк), «тапышмоқ» (оъзбек), «тапмаджа» (азербайджан, татар), «джумбакъ» (къазах) ве башкъа адларнен беллидир. Тапмаджа — джевабы тюшюнилип тапылмасы керек олгъян суальдир. Олар эки болуктен ибареттир: тапмаджа (суаль) ве тюшюнип тапылгъян (джевабы).

Къырымтатар тапмаджаларынынъ эксериетинде суаль тапмаджанынъ мундериджесинде бериле.

Аршындыр бою, ешильдир сою,

Акътыр къаны, сувдыр джаны.

(Хыяр)

(Дж. Бекиров)

Орта асырлар къырымтатар шириетинде энъ сыйъ ишлетьген назм шекли оларакъ гъазель сайыла. II Гъазы Герай ханнынъ назмий анъанесини көзден кечирсек, эсерлерининъ эсас къысмы — бу шекильде язылгъаныны корермиз.

Гъазельнинъ язылув къалыпларыны көзден кечирсек, гъазельнинъ классик нумюнеси 5—12 бейиттен ибарет олгъаныны сечермиз. Къафие иле бейитлернинъ тек экиндже мысралары уйгъунлашып кельгенини къайд эте билирмиз. Амма биринджи бейиттеки (матлада) мысралар бу къаидеге бойсунмагъаныны ве экиси де гъазельнинъ умумий къафиесине багълы олгъаныны айры билирмиз. Бу айтып кечкенлеримизден гъазель назм шеклининъ къафиедже схемасы АА, ВА, СА, DA бойле этип язылгъаныны къайд эте билирмиз.

Гъазельнинъ сонъки бейитинде (макътада) шаирнинъ эдебий лагъабы (тахаллюси) маҳсус олмалы. Даа бир лязим, керекли шарт — эр бейит мустакъиль мана ташымалы.

Бойледже, гъазельнинъ формаль къурулышы бейитлернинъ сайысы, матла, макъта, тахаллюс, везин ве къафие иле багълыдыр, амма буларнынъ ичинден гъазельде ишленильмеси шарт олгъян компонентлер — матла ве къафиедир.

(Т. Усеинов)

Къадимий эдебий къырымтатар тилининъ шекилленювине XIII асырда Эски Къырымда тизильген «Кодекс Куманикус» лугъаты, Махмуд Къырымлынынъ «Юсуф ве Зулейха» дестаны, Халиль

огълу Али шаирнинъ «Къыссай-Юсуф» серлевалы дестаны, Абдульмеджит эфенди, Усеин Кефевий ве Менъли Герайнынъ эсерлери буюк иссе къоштылар.

Мухаммед Герай хан, Веджихий, Лютфий, Достмамбет Азавлы, Ашыкъ Умер, Селим Герай хан, Мустафа Джевхерий, Лейля Бикеч, Джанмухаммед, Исметий, Абдурефи Боданинский, Асан Нури, Исмаил бей Гаспринский, Решид Медиев, Усеин Шамиль Тохтаргъазы киби шаирлер ве языджыларнынъ эсерлери эски къырымтатар эдебий тили юкселювининъ нумюнелеридир.

Земаневий къырымтатар эдебий тили эски къырымтатар эдебий тилининъ девамы олып, къырымтатар тилининъ асырлар девамында ишленген ве шимдики талапкъа джевап берген шеклидир. XX асырнынъ бириндже къысмында Акъмесджитте тильге багъышлангъан учь Бутюн Къырым конференциясы олып кечти. Шу конференцияларда эдебий тильнинъ негизи ялы бою (огъуз) шивесинде орта ёлакъ шивесине кечирильди. Бу иште белли тильшынас Бекир Чобан-заде фааль иштирак этти. Земаневий къырымтатар эдебий тилининъ теракъкъиятына белли языджылар Асан Чергеев, Асан Сабри Айвазов, Осман Акъчокъракълы, Умер Ипчи, Шевкъи Бекторе, Зиядин Джавтобели, Ыргъат Къадыр, Эшреф Шемьи-заде, Юсуф Болат, Джемиль Сейдамет, Шамиль Алядин, Раим Тынчев, Абдулла Дерменджи, Айдер Осман, Эмиль Амит, Джевдет Аметов, Ибраим Паши, Риза Фазыл ве башкъалары буюк иссе къоштылар.

(А. Меметов)

Инсанлар иптидаий джемиетнинъ бириндже девирлеринде баштадан къоранта-къоранта, сонъра исе урукъ-урукъ олып яшагъанлар. Урукъ адамлар колективининъ энъ кичик адий ве къадими болюгидир. Урукълардан къабилелер тешкиль олгъан. Эр бир урукънынъ ве къабиленинъ алякъа вастасы оларакъ урукъ ве къабиле тили олгъан.

Яшагъан еринден кочип кеткен къардаш къабилелер малюм ичтимай-икътисадий шарайтлерде бир тильнинъ тюрлю шивелеринде лаф этиджи къабилелернинъ бирлешмелери къабиле иттифакъларына къошуулалар. Къабиле иттифакъларынынъ умумий тили ола, амма бунда айры къабиле тиллери, къабиле иттифакъы тилине коре, лехдже я да шиве алында олалар.

Къабиле иттифакъынынъ кочебе алдан ерлешов алына кечюви ве теракъкъият этюви иле халкълар тешкиль олалар. Халкъларнынъ пейда олувынен берабер халкъ тиллери де пейда олалар.

Къырымтатар тили X—XI асырларда малюм ичтимай-тарихий шарайтлерге коре халкъ тили алында шекиллене башлады.

(А. Меметов)

Эр бир инсаннынъ омрю санатнен багълыдыр. Биз аятымызыны китап, кино, телевидение, рессамдышылыкъ, театр ве музыкасыз тасавур этип оламаймыз. Санатнынъ эр бир чешити инсанны рухий джеэттен зенгинглештире, онынъ бильги ве ис-дуйгъуларыны кенишлете. Бестекяр, реcсam, языджыларнынъ эсерлери бизге къуванч багъышлайлар.

Китаплар алемине биз та балалыкътан севда оламыз. Бизим бутюн анълы омюримиз китапнен багълана. Чюнки бедиий эдебиятнынъ инсангъа олгъантесиригъаетбуоктир. Бедиий эдебият инсанны этрафта олгъан, олып кечкен, олып кечеджек адисевакъиаларнен, халкъларнынъ тарихынен, табиат адиселеринен таныш эте, инсаннынъ ички дуйгъусыны, ирадесини, фикирини акс эте, дюньябакъышыны шекиллendirmege ярдым эте.

Эдебият санатнынъ бир чешитидир. Бедиий эдебият санатнынъ дигер чешитлерinden не иле фаркъ эте? Рессам боя ве фырчы ярдымынен ресим япа. Бестекяр сеслерни нотагъа къойып, макъам бестелей. Языджы исе сёз ярдымынен бедиий эсер яза. Сёз ярдымынен бедиий эсер язылгъаны ичюн бедиий эдебияткъа сёз санаты дейлер.

Сёз санатынынъ омюри узундыр. О та къадимиy девирлерден шекилленип кельгени белли. Къадимиy девирлердеки Индистан эдебиятында осюмлик ве айванларнынъ образлары олсун, къадимиy Мысыр эдебиятында — Аллалар инсанлар къыяфетинде олсун, Юнанстан мифологиясында — инсанлар Аллалар къыяфетинде тасвирленсин, буларнынъ эписи сёз ярдымынен ифаделенген.

Эр бир бедиий эсерде инсаннынъ образы аят арекетинде косътериле. Инсаннынъ образы бирдемлиkte ве арекетте фактъат санатта косътериле. Инсанны арекетте косътерюв — санатнынъ эсас хусусиетлеринденdir.

Языджынынъ фикir-дуйгъуларынен ашланып яратылгъан аят левхаларына бедиий образ дейлер. Бедиий образ вастасынен языджы омюр акъкъындаки бильгилерини, дюньябакъышыны, фельсифий фикirлерини ifade эте. Муэллиf эсеринде бедиий образны джанландырмакъ ичюн, чешит усууллар ве бедиий васталар къуллана. Бу бедиий васталар озъ невбетинде окъуйыджыгъа тесир этелер.

Бедиий эдебиятта инсаннынъ аяты бир сыра образлар ярдымында косътериле. Инсаннынъ аяты бирсыра образлар ярдымында косътерилиюв эдебиятта образлылыкъ тюшюнджесини пейда эте. Образлылыкъ бедиий эдебиятнынъ эсас хусусиетлеринден биридир. Бу хусусиет бедиий эдебиятнынъ темели сайыла.

Бойледже, эдебият инсаннынъ яшайыш къанунларыны, омюрнинъ ичтимай ве икътисадий эмиетини огрене. Эдебият бизге инсан гонъюнинъ сырларыны ача, алемнинъ дюльберлигини ве кенишлигини косьтере. Джемиэтте олып кечкен денъишювлер сёз вастасынен тасвирлене. Шунынъ ичюн де эр бир инсан эдебиятны севмек ве огремек керектир.

(Эдебият дерслигинден)

Отузынджы сенелердеки къырымтатар бала эдебиятынынъ шекилленмеси ве осьмесине иссе къошкъян муэллифлернинъ хызмети гъает буюктир. Оларнынъ эсерлеринде акс олунгъян миллий тасвирий васталар муэллифлернинъ бу саада япъян юксек хызметлерини исбатлайлар.

Яш несильни тербилев меселеси бу муэллифлернинъ нокътаиназарындан ич бир вакъытта четте къалмагъяны да эдебият ичюн буюк къазанчтыр. Несильден-несильге етип кельген миллий вариетни темелли огенип, оларны озь эсерлеринде усталыкънен джанландыргъянлары да медений мирасымызынынъ инджилери сайылмакъта.

Бу миллий къазанчлар отузынджы сенелерде ижат эткен муэллифлернинъ эсерлеринде чарелери ве усталыкъларына коре, тасвир олунгъяны ичюн, пек фаркъ этелер. Шу себеп иле бу сенелерде балаларгъа уйгъун эсерлер яратмагъя мувафакъ олгъян баладжанлы шаирлернинъ сырасы шу къабилиеттинъ тесиринде артты.

Бойле корюмли, адхайип бала рухиетини терен анълагъян шаирлеримизден бири — Джемиль Кендже, отузынджы сенелердеки бала шириетининъ мевзу ве мундериджесини кенишлетти. Миллий аньанелерни эсерлеринде усталыкъ ве къамилликнен файдаланып, къырымтатар бала шириетини зенгинлештириди.

(Усеинов Т.Б.)

Къырымтатар эдебияты чокъ асырлыкъ тарихкъа малик эдебияттыр. Эдебият тарихымызынынъ ирмақълары та VIII—XI асырларгъа аиттир. VIII асырда пейда олгъян эдебий абиделер рун язысы иле ташлар узеринде язылгъандыр. XI асырларгъа аит эдебий абиделер исе арап уруфаты иле язылгъян. Бу эдебият абиделери умумтюрк эдебият абиделеридир.

Къырымтатар эдебиятынынъ къадимий девринде Махмуд Къырымлынынъ тарафындан XIII асырнынъ башында язылгъян «Хикяет-и Юсуф ве Зелиха» дестаны асыл къырымтатар язма эдебиятнынъ ильк эсери сайылыр.

Язма эдебият пейда олгъанына къадар Къырымда яшагъан халкъ фикирлери, арзу-хаяллары ве къасеветлерини халкъ агъыз яратыджылыгъында акс эттирген.

Халкъ дестанлары, масаллар, эфсанелер, йырлар, чынъ ве манелер киби даа бир чокъ дигер жанрлар та къадимий девирлерден несильден несильге айтыла-айтыла бизим куньлерге де етип кельгендер.

Къырым Ханлыгъы девриндеки (XV—XVIII) эдебиятымызда ширий шекиллэр махсулдар инкишаф эткендир. Менъли Гирей, Девлет Гирей, Бахадыр Гирей, Халим Гирей, Гъазы Гирей киби ханларымыз юксек севиели лирик шиирлер язуынен ве авалар уйдурувынен белли олгъанлар.

Чар сиясетининъ юз йыл девамында япкъан зорбалыгъы нетиджесинде (1783—1883) эдебиятымыз ве медениетимиз дургъунлыкъка огъратыла. Къырымтатар эдебиятынынъ Рус истилясы девринде яшагъан муэллифлеринъ эксерииети Ватанындан иджрет этип, гъурбет иллэрде иджатларыны девам этмеге меджбур олалар.

Миллетимизниң ве тюркий дюньянынъ белли мутефеккири Исмаил Гаспринский тарафындан нешир олунгъан «Терджиман» газетасы бутюн тюркий дюньягъа айдынлыкъ кетирди. Бу девирде эдебиятымызынъ илерилемесине кениш мейдан яратылды. Къырымтатар эдебиятынынъ Уянув девринде иджат эткен Исмаил Гаспринский эдебият тарихымызынъ инкишафына «Молла Аббас» романы иле янъылыкъ кирсетти.

XIX асырнынъ сонъу XX асырнынъ башында «Терджиман» газетасында озь къалемлерини сынагъан Исмаил Леманов, Ильяс Борагъанский, Сеид Абдулла Озенбашлы, Осман Акъчокъракълы, Асан Сабри Айвазов, Усеин Шамиль Тохтаргъазы, Якъуб Шакир-Али, Мемет Нуゼт, Абдулла Лятиф-заде, Бекир Чобан -заде, Абибулла Одабаш киби даа бир чокъ дигер муэллифлер эдебиятымызынъ илерилевине буюк иссе къоштылар. Бу девирде несир, шириет ве драматургия сааларында бир чокъ эсерлер язылды.

(Эдебият дерслигинден)

Аталар сёзлери

Агъыр иштен къачма, енгилине чапма!
Агъыр иштен къоркъма, агъыр сёзден къоркъ.
Адалет достлукънынъ темелидир.
Адам иш башында белли олур.
Адамны севдирген табиатнен эмектири.
Акъикъат атеште янмаз, сувда батмаз.
Акъикъий сёз акъкъан сувны токътатыр.
Акъыл акъылдан — устюн.
Акъылынъа акъыл къош, ачувынъа — сабыр.
Алим олмакъ — къолай, адам олмакъ къыйындыр.
Алла сабырлы къулуны север.
Баарьдеки арекет — кузъдеки берекет.
Барлы олгъандже, бильгили ол!
Вакътынъ кетти — баҳтынъ кетти.
Ватан севгиси имандыр.
Ватансыз адам — йырсыз бульбуль.
Ватанынъ — экинджи ананъ.
Генчлик чагъынъны къачырма!
Догъру олсанъ, кет-кете гуль олурсынъ, хырсыз олсанъ, кет-кете куль олурсынъ.
Ишлеген демир тотланмаз.
Ишлегеннинъ иши битер, ишсизнинъ күнү кетер.
Иш севмезни эль севмез.
Иш яшта дегиль, баштадыр.
Козь — корымек ичюн, акъыл — бильмек ичюн.
Окъув ичюн ёкъ бир къарап, зиядеси бермез заар.
Окъувнынъ сонъуна чыкъмагъан джаильден бетер.
Окъувны севген окъур, сонъундан гульдай къокъур.
Окъувсыз бильги ёкъ, бильгисиз кунюнъ ёкъ.
Окъугъан алым олур, окъумагъан озюне залым олур.
Окъумакъ къайгъылыдыр, сонъу сайгъылыдыр.

Окъумакънынъ эртеси-кечи ёкъ.
Китап — бильги анахтары.
Китар язмакъ — иненен къую къазмакъ.
Сёз, еринде айтылса, сёздир.
Сёзю акънынъ иши — акъ.
Татлы сёз демир къапуларны ачар.
Татлы тиль йыланнны ювасындан чыкъарыр, яман тиль инсаннны имандан.
Татлы тиль къартны яшарта, къуветсизни къуветлендире.
Татлы тиль саибине бал едирир, аджджы тиль башына беля кетирир.
Терек не къадар юксек оссе де, тамыры ердедир.
Тилини унуткъан илини унутыр.
Тили татлы чокъ яшар.
Тиль акъыл теразесидир.
Тильге итибар — ильге итибар.
Тильден эм бал тамар, эм зеэр.
Тиль — къылыштан кескин.
Тырышкъан киши ёл тапар, таш-демирге мых къакъар.
Тырышкъан таш уфатыр.
Умютнинъ сынтыры ёкъ.
Унерли къолда берекет бар.
Унерлининъ къолу — алтын.
Унерсизге дюнья — тар.
Джаиллик фактъырлыкътан бетердир.
Эмек къойсанъ, таш устюне гуль битер.
Эмек омюрнинъ зийнетидир.
Энъ эшрефи акъылдыр, энъ буюги илимдир, энъ гузели эдептири.
Энъ яхшы гузеллик эдеп ве бильги гузеллигидир.
Энъ яхшы дост китаптыр, энъ яхшы зенгинлик бильгидир.
Язда ишлеген къышта тишлер.

БАГЪЛЫ НУТУКЪА АИТ ХАТЫРЛАТМАЛАР

1. Нутукъ чешитлери

Нуткъумызынъ эсас чешитлери — **икяе, тариф, фикир юрютюв.**

Икяеде бир де бир вакъиа, арекет акъкъында сёз юрютиле.

Икяе кириш, эсас ве нетиджелев къысымларындан ибарет олур. Кириште муэллиф икяе этеджек вакъиа не вакъыт, не ерде ве кимнен олып кечкени изалана. Нетиджелевде тариф этильген вакъиалар акъкъында муэллиф озь фикир ве мулязазаларынен пайлаша. Адий икяенинъ тизилювини (композициясыны) ашагъыдаки схеманен косътермек мумкюн:



Тариф эткенде, инсанларнынъ, табиатнынъ, эшъяларнынъ аляметлери акъкъында айтыла. **Фикир юрюткенде** исе, бир де бир адисе, вакъианынъ себеби, озъара мунасебетлери талиль этиле.

Нутукъ чешитлерини суаль къойып бельгилемек мумкюн. Икяеге — *не олды?* Тарифке — *насыл?* Фикир юрютювге *не ичюн?* киби суаллер къоймакъ мумкюн.

Нутукъ чешитлери	Насыл суальге джевап бере	Не акъкъында сёз юрютиле	Эсас къысымлары
Икяе	Шахыс я да предмет <i>не япа, не ола?</i>	Вакъиа, адисе акъкъында	Кириш (икяенинъ башы), эсас къысым (вакъиа, адисенинъ кетишаты), сонъу
Тариф	Шахыс я да предмет <i>насыл?</i>	Шахыс я да предметнинъ аляметлери акъкъында	Умумий теэссуратлар, айры, муайен аляметлер, хусусиетлер
Фикир юрютюв	<i>Не ичюн</i> шахыс я да предмет бойле?	Себеп, алямет ве адиселер акъкъында	Изалангъан, муайенлештирильген фикир; фикирниң исбатлары; нетидже (къыймет кесиов, теэссуратлар)

2. Языларны тезис я да конспект шекиллеринде язмакъ мумкюн

Тезис — къыскъа шекильде тизильген эсас малюмат, китап-нынъ (макъале, лекциянынъ) фикирлери.

Тезистеки язылар малюматнынъ эсас фикрини, гъасини изченликнен ифаделейлер.

Конспект — китап, макъале, джевап, марузанынъ къыскъартып язылгъан шекли. Конспектке эсас фикир, факт, муэллиф-ниң сёзлери, сан ве сайылар, мисаллар языла. Окъулгъан метинни муэллифнинъ сёзлери иле къайд этмек мумкюн. Бундан гъайры, муэллифнинъ фикирлерини озь сёзлеринъизнен конспектлештиремек мумкюн.

Тезис я да конспект тизов, маруза я да чыкъышкъа азырлангъанда, пек муим вазифени беджере.

3. Къонушувнынъ эсас къаиделери

1. Лакъырды эткен вакъытта сизнен къонушмакъ меракълы ве файдалы олмасына арекет этинъиз. Инсанларгъа сёзюнъизнен ве ишинъизнен ярдым этмеге тырышынъыз.

2. Къонушкъанда, субетдешинъизнен урьмет ве сайгъы иле лаф этинъиз.

3. Башкъаларны дикъкъатнен динълемеге огрединъиз.

4. Хатыранъызда олсун: субетдешинъ лафыны больмелек ве озюнъиз акъкъынтызда пек чокъ лаф этмек чиркиндир.

5. Субетдешинъизнинъ яшы, табиатыны дайма назарда тутмалы ве онъа меракълы олгъан шейлер акъкъында лакъырды этмелисинъиз.

4. Нутукъкъа къоюлгъан талаплар

Нутукъ насыл олмалы?	Бунъя насыл иришмели?
Мундериджели	Беян эткен фикринъиз эсас мевзугъа айт олмалы, ондан арткъач бир шей айтма ве яzmanтызыз.
Изчен	Фикринъизни белли бир тертипте беян этинъиз.
Ифадели	Эсас фикирни ифаделеген сёзлер ве ибарелерни сечип къулланынъыз.
Ерине коре уйгъун	Кимнен ве насыл шараптте лаф эткенинъизни дайма назардан къачырмантызыз.
Догъру	Теляффюз этов къаиделерине риает этинъиз, джумлелеринъизни догъру тизинъиз.

5. Метиннинъ планыны насыл тизмели?

1. Метинни окъунъыз, анълашылмагъан сёзлернинъ манасыны аныкъланъыз.
2. Метиннинъ мевзуусыны ве эсас фикрини бельгиленъиз.
3. Метинни мана джеэттен къысымларгъа болюнъиз.
4. Планнынъ къаралама шеклини язынъыз. Бу планны метиннен тенъештирип бакъынъыз: планнынъызда метиннинъ мундериджеси акс олунгъанмы; планнынъ къысымлары бири-биринен багъымы, метиннинъ эсас фикри ве мундериджесини акс этелерми?
5. Бу плангъа эсасланып, метинни икяе эте билирсизми?
6. Къаралама шеклини тешкерген сонъ, планнынъ темиз шеклини кочюрип язынъыз.

6. Фикир юрютюв иншасынынъ язув тертиби

1. Беян этеджек фикринъизни къыскъа ве анълайышлы шекильде тизинъиз.
2. Бу фикирни исбатламакъ ичюн, козеткен адисе, вакъиалардан мисаллер кетиринъиз.
3. Беян эткен фикринъизни нетиджеленъиз.

7. Фикир юрютюв иншасынынъ схемасы

Эсас фикир

Исбатлар:

- а) ...;
- б) ...;
- в) ...;

Нетидже.

8. Маруза бир де бир меселенинъ эсас мундериджесининъ агъзайвий беяныдыр.

Маруза, тизим джеэттен, учь къысымдан ибарет олур: кириш, эсас къысым, нетидже. Марузагъа азырглангъанда, эр бир къысым узеринде чалышмалы.

Марузанынъ кириш сёzionде мевзууны сечип алувинынъ себеплери бельгилене (меселенинъ актуаллиги, макъсады).

Эсас къысымда икяе этильген меселенинъ энъ муим хусусиетлери изалана.

Марузанынъ нетиджесинде мантыкъий хуляса чыкъарыла.

Марузаны язгъанда, ашагъыдаки тертипте иш алыш барылмалы

1. Эдебиятны көзден кечирип, мевзуны эр тарафлама оғренип чыкъмакъ.
2. Малюматны топлагъанда, динълейиджилерге меракълы оладжакъ фактларны къайд этмек.
3. Ишнинъ планыны тизмек ве онъа бакъып, топлангъан малюматны тертипке чекмек.
4. Эсас меселелерни конспектлештирип, марузанынъ метинини язмакъ.
5. Истилаларны, янъы сёзлерни къайд этмек.
6. Чыкъышта булунгъанда, сёзлерни догъру теляффюз этмек, изченликтен ифадели икяе этмели.
7. Эвде метинни бир къач кере текрарламакъ ве 15—20 дақъикъта девамында марузанынъ мундериджесини беян этмеге оғренмек.
9. **Мушавере** — бир де бир муим меселени ағъзавий я да язма шекильде кенъ суретте музакере этюв. Язма шекильде газета, журнал саифелериндеки макъалелерде бир де бир меселе котериле ве музакере этиле. Ағъзавий шекильде исе топлашувларда мушаверелер кечирилип, инсанлар бакъылгъан меселе боюнчада озы фикир-мулязаларны ифаделеп, исбатлайлар.

10. Иша язгъанда, неге эмиет бермели?

1. Иншанынъ мевзусыны сечип, бельгиленъиз.
2. Иншаны беян этмек ичюн къулланыладжакъ сёзлер, сёз бирикмелери, ибарелерни топланъыз.
3. Иншанынъ тизиловини бельгиленъиз.
4. Тариф эткенде, фикирлеринъизни ифаделемек ичюн, шахсий, чешит тюрлю, текрарланмагъан сёзлер къулланынъыз.
5. Язгъан фикирлерни „гонълюнъизден кечиререк” озы дуйгъу ве мунасебетинъизни косытеререк, беян этинъиз.

11. Беян язмагъа азырланув тертиби

1. Метинни окъунъыз.
2. Метиннинъ мевзусынен бағълы сёз ве ибарелерни язып алынъыз.
3. Беянынъизны насыл нутукъ чешитинде яздажакъсынъыз (икяе, тариф, фикир этюв)?
4. Насыл нутукъ услюбинден къулланаджакъсынъыз (лакъырды, бедиий)?

5. Беяннынъ планыны тизинъиз.
6. Беяннынъ къысымларыны озъара багъламакъ ичюн, насыл сёзлер, ибарелер, джумлелерни къулланаджакъсынъыз?
7. Беяннынъ къарапама шеклини тешкерип, хаталарыны тюзеткен сонъ, кочюрип дефтеринъизге язынъыз.

12. Метиннинъ мундериджесини агъзавий я да язма шекильде икяе этмеге азырланув

1. Метинни дикъкъатнен окъунъыз; анълашылмагъан сёзлернинъ маналарыны аныкъланъыз.
2. Китапта берильген, я да оджа тизген суаллерге джевап беринъиз.
3. Метиннинъ мевзусыны ве эсас фикрини бельгиленъиз.
4. Метин нутукъынъ насыл чешитине айт олгъаныны къайд этинъиз.
5. Берильген, я да озюнъиз тизген план боюнджа метинни манаджа уйгъун кельген къысымларгъа болюнъиз.
6. Метиннинъ услюбини бельгиленъиз. Метинде къулланылгъан сёз ве ибарелерни хатырлап, озюнъизнинъ икяенъизде ишлетмеге арекет этинъиз.
7. Къысымларны паузаларнен къайд этип, метинни даа бир кере окъунъыз.
8. Китапны къапатынъ; беянынъызын къарапама шекильде язынъыз; тешкерип хаталарны тюзеткен сонъ, беянны кочюрип язынъыз.

13. Нутукъ услюплери

Агъзавий ве язма нуткъумыз, кимге, не акъкъында, не макъсатнен айтылгъаны я да язылгъанына коре, лакъырды ве китабий услюplerге болюнелер.

Услюplerninъ чешитлери бир сыра къонушув шартларынен багълыдыр:

не акъкъында айтасынъ (язасынъ);
насыл макъсатнен айта (язасынъ);
кимнен лакъырды этесинъ (кимге язасынъ);
не ерде айтасынъ (язасынъ).

Лакъырды услюбинен, къоранта азалары, достларымызnen къонушкъанда, къулланамыз.

Китабий услюп бир къач чешитке болюнир: ильмий, бедиий, ресмий-иш, публицистик.

Ильмий услюп

Ильмий услюп дерслик, лугъат, ильмий макъалелерде къулланыла. Ильмий услюпнинъ макъсады — илимнен багълы бильгилерни окъуйыджы я да динълейиджиге еткизmek. Ильмий нутукъта истилалар (терминлер), муреккеп джумлелер ве ибарелер ишлетиле.

Бедиий услюп

Бедиий услюпте шиир, повесть, роман, поэмалар языла. Бедиий услюпнинъ макъсады — окъуйыджы я да динълейиджиге чешит левха ве образлар вастасынен тесир этмек. Бедиий услюпте язылгъан метинлерде тюрлю васталар къулланыла: къыяслав, метафора, эпитет киби.

Ресмий-иш услюби

Чешит-тюрлю весикъа, къарап, эмир кягъытларында нутукънынъ ресмий услюби къулланыла. Бу услюпнинъ макъсады — ресмий малюматны догъру ве муайен шекильде ифаделемек.

Илянларда бир сыра малюмат олмасы шарт:

- 1) хабер кимге айт олгъяны косьтериле;
- 2) къыскъадан эсас малюмат изалана;
- 3) илиян кимнинъ адындан берильгени къайд этиле.

Сенет бир де бир шахыстан я да тешкилдаттан бир эшья, весикъа, пара я да алет алгъяныны тасдыкълайыджы весикъадыр.

Протокол — бир де бир топлашув, мушаверенинъ кетишаты ве нетиджелери. Тизимине коре, протоколлар учь тюрлю ола:

- 1) къыскъа (музакере этильген меселелер языла, иштиракчилер ве къабул олунгъан къараплар къайд этиле);
- 2) толу (музакере этильген меселелер къыскъадан изалана);
- 3) стенографик (топлашув иштиракчилерининъ эр бир сезю ве арекети языла).

Терджимеййал — инсаннынъ омюри ве фаалиетини тариф-леген весикъадыр. Терджимеййал, окъув юрту я да ишке къабул олунгъанда, талап этиле.

Терджимеййалда ашагъыдаки малюматлар къайд этиле:

- 1) сойады, ады, бабасынынъ ады;
- 2) дөгъгъян күнү, айы, сенеси;
- 3) дөгъгъян ери (шеэр, кой, виляет)
- 4) тасили;
- 5) не вакъыт не ерде чалышкъаны;
- 6) къорантасы акъкъында къыскъа малюмат;
- 7) эв адреси;
- 8) тарих ве имzasы.

Публицистик услюп

Газета ве журнал макъалелеринде, топлашув, митинглердеки агъзаний чыкъышларда, радио ве телевизион яйынларда публицистик услюп къулланыла. Публицистик услюпнинъ эсас макъсады — динълейиджи я да окъуйыджыгъа тесир этмек, яни онда бир фикир акъкъында эминлик дөгъурмакъ.

Публицистика сезю латин тилиндөн алынгъан publicus — ичтимай (халкъ) деген мананы анълатат.

Публицистик услюпте язылгъан метинлерде эксерий алларда динълейиджи ве окъуйыджыгъа тесир этиджи тиль васталары къулланыла: хитап, эмир ве нида джумлелери, фразеологик ибарелер, ичтимай омюрни тарифлейиджи васталар: антонимлер, кочьме манада къулланылгъан сёзлер.

Публицистик услюпте язылгъан метинлерде, бедии услюпте олгъаны киби, риторик суаллер къулланыла.

Публицистик услюпте язылгъан метинни агъзаний шекильде икяе этмек тертиби

1. Къыскъадан метиннинъ эсас мундериджесини айтынъыз, метиннинъ фикир-гъасини къайд этинъиз. Муэллиф мында насыл вазифени беджере, акс эте?

2. Метинде муэллиф къуллангъан окъуйыджыгъа тесир этиджи васталарны бельгиленъиз: текрарлавлар; джумлелернинъ озьара параллель багъ васталарыны къулланув; сойдаш азаларнинъ сыралары, окъуйыджыгъа хитап этюв; лакъырды сёзлер ве ибарелерни ишлетюв.

3. Метинни агъзаний шекильде икяе этинъиз.

Улюп- нинъ хусусиет- лери	Лакъырды	К И Т А Б И Й			
		Ильмий	Ресмий иш	Публицис- тик	Бедии
Къулланув макъсады	Озьара къонушув субетле- шюв, фи- кир пай- лашув	Ильмий малю- матнен таныштыр- макъ, хабердар этмек	Ишнен багълы ма- люматнен таныш- тырмакъ, хабер этмек	Динъ- лейиджи я да окъуйы- джыларгъа тесир этюв	Эсерни окъу- гъан я да динъле- генлерге тесир эт- мек
Къулланув саалары	агъза- вий ну- тукъта	Якъын сой-акъ- раба, достлар арасында	Дерслер, лекция, марузалар	Илянлар (радио, те- левидение васталы)	Топлашув, митинг, къуруул- тайда чыкъыш- лар
	язма ну- тукъта	Дост, сой-акъ- рабанен мектюпле- шюв	Дерсликлер, лугъатлар, энциклопе- дия, ильмий макъале ве китаплар	Укъукъ, весикъа ве илянлар	Газета, журнал- ларда макъале- лер

СИНТАКТИК ТАЛИЛЬНИНЬ ТЕРТИБИ

I. Сёз бирикмеси

1. Джумленинъ грамматик негизи къайд этиле.
2. Джумледен сёз бирикмелери сечип алына.
3. Сёз бирикменинъ баш ве таби сёзю ве ашагъыдаки хусусиетлери бельгилене:
 - а) тизимине коре чешити (адий, мурекеп);
 - б) баш сёзнинъ ифаделемесине коре чешити (исим, фииль, зарф);
 - в) багъ усулы (уйгъунлыкъ, идаре, сыра).

II. Адий джумле

1. Джумленинъ грамматик негизини къайд этип, адий джумле олгъаныны изаламакъ:
2. Джумле азаларыны талиль этмек:
 - а) баш азаларыны къайд этип, чешитлерини ве ифаделенюини изаламакъ;
 - б) экиндже дередже азаларыны сечип, чешитлерини ве насыл сёз чешитинен ифаделенгенини косътермек.
3. Джумленинъ тизим хусусиетлерини бельгилемек:
 - а) бир теркипли, я да эки теркиплими; эгер бир теркипли олса, чешитини (белли шахыслы, бельгисиз шахыслы, умумийлештириджи шахыслы, шахыссыз).
 - б) экиндже дередже азаларынынъ иштирагине коре чешити (кениш я да кениш олмагъян).
4. Адий джумленинъ теркибинде олгъан, сойдаш азалар, айырылма азаларны къайд этмек.
5. Джумленинъ макъсадына коре чешитини бельгилемек (икяле, суаль, эмир).
6. Нида я да нидаланмагъан чешитини къайд этмек.
7. Токътав ишаретлерининъ къоюловыны анълатмакъ.

III. Муреккеп джумле

1. Джумленинъ грамматик негизлерини къайд этип, бу джумле муреккеп олгъаныны косътермек.
2. Муреккеп джумленинъ чешитини бельгилемек (тизме я да табили) ве ашагъыдаки тертипте талиль этмек:
 - а) тизме муреккеп джумленинъ къач къысымдан ибарет олгъаныны, бу къысымлар озъара насыл багъ васталарынен багълангъаныны бельгилемек (багълайыджылы, багълайыджысыз); чешити косътериле (тенъештирме, кенишлетме, инкяр...)

б) табили муреккеп джумлелерде баш ве таби джумлелерни къайд этип, олар озъара насыл багъ васталарынен багълангъаныны (багълайыджылы, багълайыджысыз) ве чешитини косътермек (муптеда, хабер, тамамлайыджы, вакъыт, ер...)

3. Макъсадына коре чешитини бельгилемек (икяе, суаль, эмир).

4. Бундан сонъ эр бир къысым адий джумле киби талиль этиле, джумленинъ макъсадына коре чешити бельгилене.

5. Къарышыкъ багълы чокъ къысымлы муреккеп джумлени талиль эткенде, грамматик негизлер къайд этиле, оларнынъ арасындаки багъ усуллар ве васталар бельгилене ве схеманен тасвирлене.

Бундан сонъ эр бир къысым адий джумле киби талиль этиле.

IV. Кочюрильме лафлы джумлелер

1. Кочюрильме лаф ве муэллифнинъ сёзюни къайд этмек.
2. Муэллифнинъ сёзюни бельгилемек.
3. Джумленинъ схемасыны сыйзмакъ.
4. Токътав ишаретлерининъ къоюлувины изаламакъ.
5. Кочюрильме лаф ве муэллифнинъ сёзлери айры джумле оларакъ талиль этиле.

СИНТАКСИСНЕН БАГЪЛЫ ДЖЕДВЕЛЛЕР


«Сёз бирикмеси» мевзузына айт джедвеллер



ИСМИ СЁЗ БИРИКМЕЛЕРИ	
Исим	Сыфат
Алтын Янты Эки Бу Тапылмагъан	Ойле — Пек — Дюльберден Биринджисинден
<i>Баш сёз</i> — исим, <i>таби сёз</i> — исим, сыфат, сайы, замир, сыфатфииль	<i>Баш сёз</i> — сыфат, <i>таби сёз</i> — замир, зарф, исимлешкен сыфат, сайы
Замир	Сайы
Талебелерниң Буларның	Эки кере Къавий Бир къач
<i>Баш сёз</i> — замир, <i>таби сёз</i> — исим, замир	<i>Баш сёз</i> — сайы, <i>таби сёз</i> — сайы, сыфат, замир

ФИИЛЬ СЁЗ БИРИКМЕЛЕРИ

Китап
Мектепте
Бешке
Чокъ
Ифадели
Турып



окъуй

Баш сёз — фииль

*таби сёз — исим, сыфат, сайы, замир, алфииль,
сыфатфииль*

ЗАРФ СЁЗ БИРИКМЕЛЕРИ

Энверден
Пек
Бирден
Ондан
Баргъандан



чокъ

Баш сёз — зарф

таби сёз — исим, зарф, сайы, замир, сыфатфииль

СЁЗ БИРИКМЕЛЕРИНИНЪ БАГЪ УСУЛЛАРЫ

Уйгъунлыкъ
багъы

Идаре багъы



Сыра багъы





ҮЙГҮҮНЛҮКЬ БАГЬ УСУЛЫ	
<i>Меним китабым</i>	<i>Бизим китапларымыз</i>
<i>Сенинъ китабынъ</i>	<i>Сизинъ китапларынъыз</i>
<i>Онынъ китабы</i>	<i>Оларнынъ китаплары</i>
<i>Китапхане китабы</i>	<i>Китапханелер китаплары</i>
<i>Китапханенинъ китабы</i>	<i>Китапханелернинъ китаплары</i>
<i>Сёз бирикмеде баш ве таби сёз шахысча ве сайыджа бири- биринен уйгъунлашалар.</i>	

ИДАРЕ БАГЬ УСУЛЫ	
<i>Макъале оқтуды</i>	<i>Эвден чыкъты</i>
<i>Китапны язды</i>	<i>Ёл бою кете</i>
<i>Мектепке кете</i>	<i>Денъизге таба чапа</i>
<i>Энвернен оқтүй</i>	<i>Оннен берабер оқтүй</i>
<i>Баш сёз таби сёзни идаре эте.</i>	

СЫРА БАГЬ УСУЛЫ	
<i>Гузель къызы</i>	
<i>Секизинджи сыныф</i>	
<i>Тез юре</i>	
<i>Меракъланып оқтүй</i>	
<i>Кельгендже язды</i>	
<i>Баш ве таби сёз бир сырагъя ерлешип келелер. Эгер бу сыра бозулса, сёзлернинъ ери денъишсе, сёз бирикме джумлелеге чевириле.</i>	

АДИЙ ДЖУМЛЕ МЕВЗУСЫНЕН БАГЪЛЫ ДЖЕДВЕЛЛЕР







МУРЕККЕП ДЖУМЛЕ МЕВЗУСЫНЕН БАГЪЛЫ ДЖЕДВЕЛЛЕР



ТИЗМЕ МУРЕККЕП ДЖУМЛЕЛЕР (манасына коре чешитлери)



ЧОКЪ КЪЫСЫМЛЫ МУРЕККЕП ДЖУМЛЕЛЕР



Шартлы къыскъартувлар

А.А.	— Амет Адиль	Р.А.	— Рустем Алиев
А.Д.	— Абдулла Дерменджи	Р.Б.	— Ремзи Бурнаш
А.Г.	— Амди Гирайбай	Р.Т.	— Раим Тынчев
А.И.	— Абляким Ильмий	Р.Х.	— Риза Халид
А.Къ.	— Абдураман Къадри-заде	Р.Ф.	— Риза Фазыл
А.Л.	— Абдулла Лятиф-заде	С.В.	— Субхи Вапиев
А.М.	— Амет Мефаев	С.Н.	— Сафтер Нагаев
А.О.	— Айдер Осман	С.С.	— Сабрие Сеутова
А.Ш.	— Аблляй Шамиль	С.Ш.	— Самедин Шукурджиев
Ат. с.	— Аталар сёзлери	С.Э.	— Сейтумер Эмин
Б.В.	— Бекир Ваап	Т.Х.	— Таир Халилов
Б.М.	— Белял Мамбет	У.И.	— Умер Ипчи
В. Къ.	— Васфие Къылпчакъова	У.Э.	— Урие Эдемова
В.Н.	— Велядие Насырова	Ф.А.	— Фетта Аким
Гъ.Б.	— Гъафар Булгъанакълы	Ф.Ю.	— Фикрет Юртер
Гъ.М.	— Гъани Мурад	Ч.А.	— Черкез Али
Дес.	— Дестан	Дж.А.	— Джевдет Аметов
Д.С.	— Диляра Сейтджелилова	Дж. Д.	— Джынгъыз Дағъдыш
З.Къ.	— Закир Къуртнэзир	Дж. Гъ.	— Джафер Гъафар
З.Дж.	— Зиядин Джавтобели	Дж.С.	— Джафер Сейдамет
И.А.	— Иса Абдураман	Дж. С.	— Джемиль Сейдамет
И.Б.	— Ибраим Бахшыш	Ш.А.	— Шамиль Алядин
И.П.	— Ибраим Паши	Ш.Т.	— Шамиль Тохтаргъазы
И.С.	— Исмаил Салет	Э.А.	— Эмиль Amit
«Йылд.»	— «Йылдыз» меджмуасы	Э.Ал.	— Эннан Алимов
«Л.Б.»	— «Ленин байрагъы» газетасы	Э.И.	— Эшреф Ибраим
М.А.	— Мамбет Алиев	Э.У.	— Эрвин Умеров
М.Аб.	— Мамбет Аблялимов	Э.Ф.	— Эскендер Фазыл
М.С.	— Мемет Севдияр	Э.Ч.	— Эмир Усеин Чалбаш
Мас.	— Масаллар	Э.Ш.-з.	— Эшреф Шемьи-заде
Н.Н.	— Николай Некрасов	Ю.Б.	— Юсуф Болат
Н.О.	— Николай Островский		

МУНДЕРИДЖЕ

1-инджи дерс. Эдебий тиль ве шивелер 4

8-инджи СЫНЫФТА КЕЧИЛЫГЕНЛЕРНИ ТЕКРАРЛАВ

2-нджи дерс.....	6
3-юндже дерс	7
4-юндже дерс	9
5-инджи дерс.....	11
6-нджы дерс. <i>Багълы нутукъ.</i> Китапнен чалышув.....	13

МУРЕККЕП ДЖУМЛЕЛЕР

7-нджи дерс. Муреккеп джумле. Багъ усулларына коре,
муреккеп джумлелернинъ чешитлери..... 15

8-инджи дерс. Муреккеп джумлелернинъ,
багъ васталарына коре, чешитлери 18

9-ындже дерс. *Багълы нутукъ.* «Окъув, бильги»
мевзусында инша язув 20

Тизме муреккеп джумлелер

10-ундже дерс. Тизме муреккеп джумлелернинъ багъ
усуллары ве васталары 22

Къошма тизме муреккеп джумлелер 23

11-инджи дерс. *Багълы нутукъ.* Нутукъ чешитлери 25

12-нджи дерс. Тенъештире тизме муреккеп джумлелер.... 28

13-юндже дерс. *Багълы нутукъ.* Сербест мевзуда
язылгъян беян 30

14-юндже дерс. Къаршылыкъ тизме муреккеп джумлелер ... 31

15-инджи дерс. *Багълы нутукъ.* Ватан мевзусы
узеринде тизильген икяе..... 34

16-нджы дерс. Кенишлетме тизме муреккеп джумлелер.... 36

17-нджи дерс. Айрыджа тизме муреккеп джумлелер 38

18-инджи дерс. *Багълы нутукъ.* Нутукъ ве къонушув.... 40

19-ындже дерс. Инкяр тизме муреккеп джумлелер 42

20-нджи дерс..... 44

21-инджи дерс. Тизме муреккеп джумлелер
(умумийлештирюв ве текрарлав дерси)..... 46

22-нджи дерс. *Багълы нутукъ.* Иншанынъ талили 49

Табили муреккеп джумлелер

23-юндже дерс. Табили муреккеп джумлелер, онынъ
багъ усуллары ве васталары 50

Муптеда табили муреккеп джумлелер 51

24-юнджи дерс. Багълы нутукъ. Адий ве муреккеп план	53
25-инджи дерс. Хабер табили муреккеп джумлелер	55
26-нджы дерс. Тамамлайыджы табили муреккеп джумлелер.....	57
27-нджи дерс. Багълы нутукъ. Маруза.....	60
28-инджи дерс. Айырыдджы табили муреккеп джумлелер ...	62
29-ындджы дерс. Вакъыт табили муреккеп джумлелер	65
30-ындджы дерс. Багълы нутукъ. Инсан къяяфетининъ тарифи	68
31-инджи дерс. Себеп табили муреккеп джумлелер.....	70
32-нджи дерс. Ер табили муреккеп джумлелер.....	74
33-юнджи дерс. Макъсат табили муреккеп джумлелер	76
34-юнджи дерс. Багълы нутукъ. Тарифлейиджи инша.....	79
35-инджи дерс. Шарт табили муреккеп джумлелер.....	81
36-нджы дерс. Керилеме табили муреккеп джумлелер	83
37-нджи дерс. Багълы нутукъ. Мушавере	86
38-инджи дерс. Микъдар-дередже табили муреккеп джумлелер.....	87
39-ындджы дерс. Тарз-арекет табили муреккеп джумлелер ..	89
40-ындджы дерс	92
41- инджи дерс	94
42-нджи дерс. Багълы нутукъ. Нутукъ услюплери. Ильмий услюп.....	96
43-юнджи дерс	98
44-юнджи дерс. Табили муреккеп джумлелер (умумийлештирюв ве текрарлав дерси).....	99
45-инджи дерс. Багълы нутукъ. Ресмий-иш услюби	103
46-нджы дерс. Чокъ къысымлы муреккеп джумлелер.....	105
47-нджи дерс. Чокъ къысымлы табили муреккеп джумлелер.....	109
48-инджи дерс. Багълы нутукъ. Ариза. Терджимейайл ..	112
49-ындджы дерс. Къарышыкъ багълы чокъ къысымлы муреккеп джумлелер	114
50-нджи дерс	117
51-инджи дерс	118
52-нджи дерс	120
53-юнджи дерс. Багълы нутукъ. Ресмий-иш услюби. Протокол.....	122
54-юнджи дерс. Муреккеп джумлелер (умумийлештирюв ве текрарлав дерси).....	124
КОЧЮРИЛЬМЕ ВЕ КЪЯЯ ЛАФЛЫ ДЖУМЛЕЛЕР	
55-инджи дерс.	127

56-нәджы дерс. Кочюрильме лафлы джумлелернинъ тизилови ве язылуви	129
57-нәджи дерс	133
58-инджи дерс	135
59-ындҗы дерс	137
60-ындҗы дерс. <i>Багълы нутукъ.</i> Публицистик услюп	139
61-инджи дерс. Кочюрильме ве къяя лаф (умумийлештирюв ве текрарлав дерси)	141
5—8-инджи СЫНЫФТА КЕЧИЛЬГЕНЛЕРНИ ТЕКРАРЛАВ	
62-нәджи дерс. Фонетика	143
63-юнджи дерс. Имля	145
64-юнджи дерс. <i>Багълы нутукъ.</i> Публицистик услюпте язылгъан метинни икяе этмек	147
65-инджи дерс. Лексикология	149
66-нәджы дерс. Морфология	151
67-нәджи дерс	153
68-инджи дерс. <i>Багълы нутукъ.</i> Фикир юрютюв иншасы..	155
69-ындҗы дерс	158
70-инджи дерс	160
71-инджи дерс. <i>Багълы нутукъ.</i> Тильшинаслыкънен багълы беян. «Морфология»	161
72-нәджи дерс. Синтаксис	163
73-юнджи дерс	165
74-юнджи дерс	167
75-инджи дерс	168
9-ындҗы СЫНЫФТА КЕЧИЛЬГЕНЛЕРНИ ТЕКРАРЛАВ	
76-нәджы дерс	171
77-нәджи дерс. <i>Багълы нутукъ.</i> Тильшинаслыкънен багълы беян.....	173
78-инджи дерс	175
79-ындҗы дерс. <i>Багълы нутукъ.</i> Сербест мевзуда фикир юрютюв иншасы.....	177
80-инджи дерс	178
Багълы нутукъны инкишаф этмек ичюн метинлер	181
Багълы нутукъкъа аит хатырлатмалар	188
Синтактик талильнинъ тертиби	195
Синтаксиснен багълы джедвеллер	197
Шартлы къыскъартувлар	204

Навчальне видання

**Меметов Айдер,
Акмаллаєв Енвер,
Алієва Леніс**

КРИМСЬКОТАТАРСЬКА МОВА

*Підручник для 9 класу загальноосвітніх
навчальних закладів з навчанням
кримськотатарською мовою*

У підручнику використано матеріали з вільних інтернет-джерел

Відповідальний за випуск I. Б. Чегертма

Формат 60x90/16. Ум. друк. арк. 13,00. Обл.-вид. арк. 12,00.
Наклад 300 прим. Зам. №1200.

Видавець і виготовлювач видавничий дім «Букрек»,
вул. Радищева, 10, м. Чернівці. 58000.

Свідоцтво про внесення до Державного реєстру суб'єкта
видавничої справи ЧЦ № 1 від 10.07.2000 р.